






DE MORBO  
SCORBUTO

1658










21928/A

EUGALENUS (Severinus)





So

Cu

St

L

T

DE MORBO 42530

# SCORBUTO


## LIBER

Cum Observationibus quibusdam, brevique & succincta  
cujusque curationis indicatione.

Authore

SEVERINO EUGALENO  
DOCCV MANO.

*Editio ultima recognita & emendata.*



HAGÆ-COMITIS

TYPIS ADRIANI VLACQ.  
ANNO M. DC. LVIII.





# LECTORI CANDIDO. S.

**N**On ut in mustaceo laureolam  
quærerem, Lector optime, aut ex alieni  
operis editione gloriolæ vel famæ aliquid  
aucuparer, sed publicæ duntaxat Utilitatis gratia,  
annum jam Unum & alterum hoc saxum volvi, ut  
Viri clarissimi & optimi SEVERINI EU-  
GALENI, Medici peritissimi juxtà ac fidelissi-  
mi de Scorbuto liber, distractis jam exemplaribus  
omnibus, denuo prodiret in lucem. Cum enim mcr-  
bus ille, qui ad imitationem nominis Germanici  
vulgo Scorbutus; Plinio Stomacace & Sceletyrbe  
dicitur, ab annis jam aliquot non se amplius intra  
fines & Pomœria sua, siue in iis regionibus, quarum  
proprius & indigena habebatur, continere, sed  
longè lateq; grassari, adeoq; nostris quoque homi-  
nibus frequens & familiaris esse cœperit: sæpè au-  
tor fui Medicinæ candidatis, ut librum hunc sibi  
compararent, attenteq; legerent, eò quod ea om-  
nia, quæ ad facilem, expeditam, certam & accura-  
tam ejus morbi dignotionem viam munire discen-  
tib. possunt, diligentissimè omnium, maximeq; per-  
spicue exposuerit. Cæterū cum aliquandiu frustra  
tentatis omnibus, tandem tamen obtinuisssem, ut  
liber ille ederetur, dedi operam, ut editio hæc dis-  
centium usibus esset accommodatior. Et quia autor  
post explicatam paucis morbi essentiam, mox siue

## ADLECTOREM.

symptomatum, siue specierum hujus enumerationē instituit benelongam (quanquam plura etiam addi his posse non dubito) in qua tacitè sæpe & sine accurato ordine tum regulas tradidit de signis quibus & morbus ipse universè & speciatim singula ipsius symptomata cognosci queāt, tū obiter & quasi aliud agēs prognostica adjecit de futuris eventibus: tum deniq; indicationes & medendi rationem generatim speciatimq; monstravit: ego ut cōspectiora essent omnia, præter notas marginales, capita ipsa numeris distinxī: regulas diagnosticas, prognostica ab hypothesi nonnunquam ad thesin translata, & Canones therapeuticos seorsim excerptos velut in tabella exposui: catalogum affectuum, quorum in observationibus autor meminit, & rerum indicem mutavi non nihil ex ipso contextu, & accessione quadam locupletavi: errata etiam typographica, quibus magna ex parte paginarum in exemplis veteris & recentis hujus editionis diversitas occasionem præbuit, quoad potui emendavi: & ad extremum alios quosdam utilissimos de eodē morbo tractatus adjeci. Hæc igitur omnia, Lector candide, æquo animo accipe, & Deo conatus tuos adjuvante, ad usum feliciter adhibe. Bene Vale.  
Jenæ Cal. Septembris 1623.

*Zacharas Brendel Senior Med. Doct.  
& Professor ibidem publicus.*

ILIUS-

# ILLUSTRI AC GENEROSO

COMITI AC DOMINO :

DOMINO LUDOVICO GVIL-  
HELMO, Comiti Nassavio, Catimeliboci,  
Viandotum & Deciorum, Domino in Beil-  
sthem : Frisæ occidentæ gubernatori, Domino  
suo Clementi, nec non nobilissimis & am-  
plissimis viris DD. ORDINIBUS,  
Frisæ occidentæ &c. Dominis  
suis observandis S.

**O** Stendunt Illustris ac Gener.  
Comes, virique nobilissimi & amplissimi  
DD. ordines, tot præclarissima multorum  
monumenta, omnibus propemodum seculis exti-  
tisse, qui ingenii judicijq; dexteritate præstantes,  
artes utiles, & hominū vitæ necessarias, tractarunt,  
& ad sui non solum seculi, sed omnis posteritatis  
usum eas accommodarunt: Quod non ignorarent,  
absque hac mutua donorum & ingeniorum omnis  
temporis communicatione, nemini posse, quan-  
tumvis divitiis aut potentia florenti, vitam hanc  
utilem ac suavem esse. Quapropter ut quisque  
semper

## EPISTOLA

semper ex majoribus nostris vir melior, aut ingenio major fuit, hoc magis laborasse videtur, ut utili aliquo transmissio ad posteritatem opere, suum posteris studium propensamq; suam juvandi res humanas voluntatem testaretur.

Hunc morem, quia omnis laudata posteritas omni tempore approbavit, existimavi mei quoque officii fore, quæ in medica mea vocatione, & diligenti ægrotantium visitatione, animadversa mihi hætenus rara sunt, à nemine ante hæc satis (quod sciam) pertractata, literis prodere, & in publicum, publicæ utilitatis ergò proferre. Ideo quòd compertum multorum annorum observatione habeam, in hujus, quem proponimus, morbi cognitione, sæpe etiam (quòd tamen citra arrogantiam, & pace omnium dictum velim) ab exercitatissimis medicinæ artificibus aberrari: eò quòd aliorum morborum mores mentiri, & sub iis se suumque virus occultare, huic nostro scorbuto, quantum gallico, proprium sit & peculiare. Unde consecutū hætenus magna mortalium calamitate est, & multo artis medicæ apud vulgus nostrum contemptu, ut aliis vitam hic morbus præter medicorum spem & expectationem, aliquando subita suffocatione, aliquando verò post longiores cruciatus doloresque eriperet. Quam nonnullos nunquam pristinæ sanitati restitutos, non rarò sub perpetuo languore, veluti morbo, finire cogit.

Nec verò abs re, præstantissimorum medicorum suffragiis



## DEDICATORIA.

suffragiis primas in medicina partes semper illa meruit, quæ morborum signa & notas, & hinc profluentes prædictiones prænotionesque continet ac docet: Ab Hippocrate primùm literis prodita, & nobis singulari DE I beneficio quasi per manus reservata, atque à Galeno doctissimo ejus interprete, aliisq; eum secutis modernis medicis, pluribus locis locupletata & adaucta: Quod ad artis perfectionem & hominum salutem potissimùm hanc artis partem facere, longiore multorum usu, & ingenii exercitatione compertum ac comprobatum sit.

Cum enim in corporum ac remediorum scientia medici cognitio consistat & versetur, Corpora autem aut ægra sint, aut sana, aut neutra: apparet quātam & quāam utilem medicinæ partem hæc complectatur: Atque quam latus hujus sit campus, dum nostris peccatis, peccandiq; licentia, iram DE I provocare in nos, & sic novos nostra culpa, justaq; DE I vindicta, nobis attrahere morbos, non desinimus. Quibus quāam graviter DEUS optimus maximus irascatur, ostendit (ut alias calamitates hujus vitæ taceam) multiplex hodie morborum varietas, quibus alio atq; alio tempore humanū genus DEUS affligit: Quemadmodum id experta superior ætas in morbo Gallico est, qui ante Lusitanorum in novas insulas navigationem, quot hominū myriades & quāam miserè sustulerit, nemo medicorum est qui ignorat. Expertæ idem posterior ætas in Anglico (ut vocant) sudore est.

## EPISTOLA

Et nos ipsi anno octuagesimo experti sumus in communiferè toti Christiano orbi morbo, à viso in aëre chasmate primùm accenso, & paucis diebus jam dictum nostrum orbem circumeunte, atq; vix ulli parcente, cum catarrhis & labentibus ad fauces ac pectus destillationibus, primùm diaria febre spiritus, & ab his sanguinis massam continua ac putrida, accendente, quibus intra triduum diaria non cessabat. Quæ etsi nihil pestiferæ luis haberet, non paucos tamen asthmaticos, seu pectore alioqui infirmos, & plethoricos, in illa omnium consternatione, consiliorumq; diversitate, suffocavit & oppressit, sicut propter recentem rei memoriam plus satis notum est. Ne quid de peste dicam, pluribus ab hinc annis passim ferè grassante, & divina quasi voce hominibus, nisi resipiscant, cōminante, quòd ejus semina aëre veluti suspensa, huc illuc spargantur, & à nobis visceribusq; nostris, alio atq; alio tempore, admirando DEI consilio, seu judicio verius, attrahantur, attractaq; transmittantur. Vt ab his palàm esse cuilibet possit, nunquam compleri satis hanc artis partem posse, quam diu novos nostra culpa morbos nobis attrahere nostris peccatis non cessamus.

Conqueritur in historia Asiaticæ fœminæ, & quoq; alibi Galenus, propter sui temporis incontiam fieri, quòd novi ac peregrini extarent sui seculi morbi, Hippocrati incogniti, quòd prisca ætas honestis laboribus exercita, otio & voluptatibus minus

## DEDICATORIA.

nus indulgeret. Sed justior nostri seculi querela est, in quo sopitistw̃ ἡγεμονικῶ καὶ θυμικῶ τὸ ἐπιθυμητικὸν passim regnant, adeoque quoque inter ipsos (quod dolendum) Christianos invaluit, cæco, ne dicam stulto hominum judicio, primas ferè his tribuant, qui maximos calices maximo haustu, & ut Græci dicunt ἀμυσί exiccare queunt. Qua de re longa subtexi hîc querela posset si nostri instituti aut vocationis esset, prolixiùs eam persequi; qui hæc attingere, & supremo quasi digito indicare volumus, ut ostenderemus nostra culpa fieri, quòd hujus, quæ morborum differentias docet, medicinæ partis, nulla perfectæ & absoluta dari doctrina possit, dū innata peccandi libidine, justo D E I judicio, quotidie morborum numerum cumulamur. Quorum multiplicationi sufficerent præsentis temporum calamitates, ne quid his adjicere nostra culpa & vitio necesse esset.

Quas ideo prædicere in Evangelio Christum voluisse præter cæteras causas Theologis cognitæ, arbitror, ut hac pia Servatoris sui admonitione pii muniti, fortiore animo temporum incommoda perferrent, & magis quieto ac securo, quæ inde corpori adveniunt damna, declinarent, futuri scilicet, & mox sequuturi gaudii meditatione. Quandoquidem si Hippocrati credimus, non possunt abesse diu ab eo corpore melancholia morbiq; melancholici, ubi diutius timor & mœstitia perseverant: quòd hæc perpetua hujus humoris sint fomenta. Cujus quoq; sequax comes, etiam ex aliorum sententia, est stomachace. Unde dubium non est, hinc fieri, quòd so-

## EPISTOLA

lito frequentior hodie, & pluribus gravioribusq; symptomatibus & signis, mortales divexare, latiusq; suæ ditionis pœmœria extendere scorbutus comperiatur. Non enim uliginosis locis & planis amplius, ut olim includitur, sed & campæstria & montosa transcendit, & ad procul à nobis dissitos Germanos, Anglos, & Gallos, eos potissimum qui ad maris littus habitant, cōmigrat, vires eundo acquirens, & eò gravius mortales divexans, quò longius alas ac virus suum (ut olim gallicus) expandit & diffundit.

Quapropter celare non potui, & apud me occultare, quæ circa hunc morbum mihi ostendere, meq; longiore usu & observatione cognoscere DEUS voluit, ut hac tenuis hujus libelli fortassis præmatura editione, occasionem viris meliore sydere natis & in omni medicinæ parte exercitatis darem altius hujus morbi naturam & causas scrutandi, quò tandem collatis multorum operis (sicut factum in morbo gallico videmus) absolutū quid de hoc morbo constitui ac definiri possit. Quod in hoc morbo eò magis, quàm in gallico necessarium est, quò magis nos attingit, pluribusque communis, atque huic nostro climati, quàm Gallicus, plus est familiaris. Siquidem nullus ferè morbus nobis in his regionibus occurrit sceletyrbe frequentior, quique fallaci sua specie, qua alios morbos mentitur, nostri temporis medicis imponit. Dubio propemodum argumento medicos ludificare, an ægrotum divexare, magis consultò, & quadam quasi destinatione laboret



## DEDICATORIA.

laboret. Ut propterea admiratione digni videatur, qui morbum morbum, scorbutum scorbutum dicunt: Signa verò *τεχνεία*, ex quibus cognoscitur, sicut ex unguibus leo, contemunt & aspernantur.

Hi si omnia legisse & ruminati esse videri velint, scire debebant, quæ de gallico morbo scripta ab aliis sunt: hodie vix dū satis suis differentibus symptomatibus & signis (quæ aliqui supra trecenta, ni fallor, recensent) omnibus ubique medicis cognito atque perspecto. Quo cum paribus ferè passibus certare stomachace videtur, ut symptomatum varietate, & multiplici eorundem differentia, ita quoque multa eorundem similitudine, qua ægrè, nec nisi à probè exercitato circa utrunque medico distinguantur. Neque id præter rationem, quatenus una eademque utriusque generationis ratio est. Nam ab iisdem causis, sed qualitate tantum differentibus, à quibus nobis scorbutus hic adnascitur, gallicum nobis dictum morbum fieri compertum est iis, qui novas & nuper inventas insulas, sub antarctico polo sitas inhabitant, adeò, ut sub diametrali cœli linea, & polorum quibus sibi invicem opponuntur, distantia, mutua communicatione aliquando colludere & virus suum transfundere videri possint. Ita ad amussim quibusdam symptomatibus sibi invicem respondent: Cujusmodi sunt, exempli gratia, dolores sub noctem gravius infestantes, nervorum contractiones, & variis corporis partibus expullulantes tumores duri atque scirrhusi. Quò magis ergo laudandum studium eorum est, qui eandem diligenti-

## EPISTOLA

am, quam in Gallico enarrando morbo prædecessores nostri posuerunt, huic tribuendam esse propter jam dictas causas contendunt, in quantum publicæ utilitati studia nostra inservire debere, omnibus bonis citra controversiam receptum est.

Attamen ut contra istiusmodi sciolos tutus, & honesto quasi præsidio munitus, in hominum manus hic noster libellus veniret, communem scribentium nostri temporis morem secutus, T. Illustri Generositati, Comes & Domine Clementissime, vobisque D.D. Ordinibus, Dominis meis observantiss. eum inscribere volui, ut patriæ meæ, cui omnes obstricti sumus, hoc vocationis meæ officio, pro ingenii mei tenuitate adstitisse, & quicquid in me studii atque laboris est devovisse, Vobis Dominis gubernatoribus testatum facerē. Maximè enim convenire putavi, ut quæ primùm in cunis me vagientem, & flebilem meum in hunc mundum introitum, vitæ nostræ misérias contestantem, exaudivit & excepit terra, hoc meo qualicunque; studio & labore, functionisque munere frueretur, & miseriarum, quibus premitur, ex parte sublevaretur, ac recrearetur: indeq; quicquid boni hic liber habet, ad vicinas & finitimas ei terras propagaretur. Quatenus primam laboris nostri partem subi vendicat patriæ, proximam vicinitatis jure, proximè contemina terra. Quibus omnibus magis quam velim & optem, hic morbus familiaris est, cum propter frigidam & crassam aëris (quod puto) constitutionē,

tum

## DEDICATORIA.

tum etiam & potissimum propter aquas patrias crudas, sublimes & subsalsas, quibus plæræq; hæ regiones ferè abundant.

Accipite igitur Domini gubernatores hilari fronte, hujus mei opusculi partocinium, vestra inscriptione ornati, & communis patriæ nostræ saluti imprimis dicati. Quod etsi mole parvum & eruditione non instructum est, tamen rei quæ hîc tractatur necessitate ac utilitate (absit arrogantia dicto) non omnio contemnendum, neq; quorundam de praxi medica conscriptis hodie libellis, (quoad nostrum, sicut rei usu comprobavit, clima) post habendum. Quod si non displicuisse T. Illust. G. Comes & Domine Clemensissime, Tuæque. Illust. G. assessoribus amplissimis, D. D. Ordinibus. Dominis meis observandis hunc meum librum intellexero, dabo operam, quemadmodum nunc scorbuti, sic raras quasdam nostras observationes apud diversos collectas, olim in lucem edamus. Perscriptum Embdæ Mense Februario.

*Severinus Eugalenus  
Frisius.*

LECTO.

## LECTORI BENEVOLOS.

**Æ**terna laude dignos esse, qui vel ipsi qua ad utilitatem in vita communi spectant, invenire: vel inventis feliciter ornatum, augmentum perfectione nq; adjecerunt, apud omnes in confesso est. Hinc superstitiosa vetustas, gratitudinis ergo etiam divinos honores Palladi, Iovi, Æsculapio, teste Morneo & Lactantio, assignavit: pietas vero religiosa, à summo bono, cuncta, qua generi humano usui sunt, concessa esse constanter asserit, ad ejusque solius gloriam, referenda decrevit. Quapropter non nisi divinitus excitati sunt: qui artem medicam rudem etiamnum & impolitam colligerent, elaborarent, & inutiles sectarum opiniones: tanquam lascivientis animi ramos ablaqueantes, cultiorem, perfectioremque redderent. Omnesque Asclepiadæi, omniumque temporum ad augustum & sacrosanctum hoc sanitatis & Panacee monumentum, amplificandum, ornandum & perficiendum pro virili, quantum ipsis divinitus concessum fuerat, graviter suos labores contulere, & adhuc conferunt. Sicutque omnibus seculis & temporibus, ita nostro hoc erudito, ingens facta est accessio, non tam subjecti nobilissimi accuratiore indagatiōe, quam materia medica locupletatione. Inter que ornamenta instar gemma radiantis est

Chy-



## LECTORI.

*Chymia*, Pharmaceutices pars nobilissima, quæ comitatum herilem conspectiorem reddit. Res, si ab-usum demas, nunquam satis laudata. Sedenim hîc quosdam reperiās. qui dum Domina ipsa potiri obruditatē non possunt. ancillas sectantur, & earundem favore aliquo delibuti, in dominam protervi & ferocientes asini invehuntur. Qualis est impostor & sycophanta Erfordiensis Gramman, qui corraso uno vel altero medicamento Chymico, totum medicina corpus labefactare & tanquam Herosthratus incendio calumniarum & mendaciorum absumere conatur. Sed vani hominis vana gloria abit in fumum: & mendacia auctori & patronis istius turpitudinis, dedecori sunt & pœna.

Meliore genio & ingenio fruuntur, qui suos labores iudicio eruditorum subicientes, sibi cognita & perspecta, in communem utilitatem proximi. & Iehova gloriam, proferunt.

Talis certe fuit nostris annis Vir Clarissimus & pientissimus SEVERINUS EUGALENUS FRISIUS, qui peregrinationibus, laboribus & sudoribus sibi observata in multis sæculis nondum cogniti morbi curatione, fideliter conscripsit. Nec Medicus est ex commentario, nec affectati styli pompa, conspicuus. Cujus observationes, utinam notiores essent plarisque, quàm sæpe in opere artis deprehenditur. Eas itaque cum propter exemplarium defectum, quæ in undis periisse relatum est, & obitum auctoris de Republica medica optimè meriti, vix notæ essent,



## LECTORI.

*in lucem revocare visum est, nec dubito multis bonis, qui  
diu has expetivere, gratas futuras.*

*Nihil proinde ex hoc qualicunque labore vel auri vel  
auræ capto. Grates potius, quibus hæc grata erunt, habe-  
bunt, authori ipsi, deinde CL. D. BALTHASARO  
BRUNNERO medico celeberrimo, qui sua liberali-  
tate exemplar commnnicavit, eumque enixè rogabunt,  
ut quæ de morbis Mesenterii præ manibus habet, non de-  
ponere, sed gnaviter elaborando, ad felicem colophonem  
perducere velit. Tu vale & frueri.*

E Salin. Sax.

Josephus Stubendorff. Dr.

Quod



Uod corporum humanorum forma ac temperaturæ pro cœli, aquarum, alimentorumque diversitate varient, primus Hippocrates dixit, libro de aëre, aqua, & locis. Et post ipsum, gravissimus medicinæ testis & author, Galenus Pergamenus. Quibus experientia subscribit, rerum magistra, quæ non minus evidenter id ipsum demonstrat, quàm ratio. Nam qui apud diversas nationes & gentes medicinam fecerunt, intelligunt, pro regionum, sub cœli positu diverso, situ, alias, aliis in locis, corporum constitutiones ac temperaturas esse, & ab his diversam quoque rationem curandi.

Hi etiam ab his causis fieri non ignorant, quòd aliis morbis, aliæ regiones obnoxia subditæque sint. Quos quia uni genti ac cœli tractui magis proprii sunt & peculiare, Latini indigenas, proprios, & vernaculos morbos,

*Formas ac temperamenta humanorum corporum pro cœli aquarum & alimentorum diversitate variare.*

*Morbi regionum quarundam proprii.*

bos appellarunt. Græci vero *ἰσχυρία νοσήματα*.

*Nomina scorbuti.*

*Historia laborantium ventris lancinationibus.*

Talis morbus Gallicus iis est, qui novas & nuper inventas, insulas Portugalix subjectas, inhabitant: Talis Neapolitanis Podagra: Hispaniæ finitimis gulæ bocium est: Alexandrinis elephas Galeni autoritate: Nobis vero sub frigida cœli Zona, ad septentrionalis maris littus habitantibus, sceletyrbe & Stomacace Plinio dictus morbus. Qui aliis faucius & ulcerosus venter appellatur. Belgica & vernacula nostra lingua *Schoorbuyck*: A quo suum scorbutum formasse Latini recentiores videntur: Idque nomen inditum ei esse ab effectu puto, siquidem frequenter variis lancinationibus corpus & ventrem, veluti affecto ex cruditate ventriculo, dissecat & discindit. Quemadmodum hunc ejus effectum nuper admodum in tribus observayimus: uno proxeneta Anglo, & duabus præterea puerperis: ab his ventris distensionibus, lancinationibusque gravissimè divexatis, adeo ut uni ruptum ab iis peritoneum fuerit. De quibus etiam latius fortè inter observationes dicetur.

De

DE CAUSIS SCOR- *Causa scorbuti*  
BUTI.

**O** Rigo hujus mali esse putatur, cum ab aëre crasso, frigido & humido : tum vel maximè ab aquis frigidis, crudis, & subsalsis, quibus toto hoc maritimo tractu ferè utimur omnes. Quibus si crassa & nautica victus ratio accedat, & cum hac tristitia diuturnior, vel consuetæ evacuationis, mensium scilicet, hæmorrhoidum, aut alvi quoque suppressio vehementior, plurimum ad hujus morbi generationem momenti habere, usus docet.

Nam quos cum crassiore victus ratione diuturnior mæstitia exercuit, de his ægrotantibus constanter semper prædicere ausus fui, eos à scorbuto morbo vel solo, vel aliis permixto teneri. Neque ab his deceptum me fuisse scio, quin conjecturam ac *συχασμόν* meum compræbarit fœlix curationis eventus. Quod quoque ita esse experientur, qui post me animum ad hanc rem adjicere volent.

*Regula Diagnostica generalis prima.*

Cæterum ex hoc loco mihi incidit, quod hic rectè moneri puto, scilicet in morborum *συμβολῇ* & concursu, cum

*Canon therapeuticas generalis primus.*



quibus scorbutus noster miscetur, nulum integrè curari, nisi hunc una cures, aut medicamentis juncto morbo præscriptis, unum vel plura misceas, quæ hunc morbum respicere, & peculiarem erga eum vim & proprietatem habere, credantur: Quemadmodum haud dubiè notum iis est, qui in hujus morbi curatione leviter saltem sunt exercitati.

*Interna scorbuti causa: & generatio scorbuti.*

Interna hujus morbi causa, melancholici humoris exuberantia censetur, ex jam dicta vitæ victusque ratione acquisita: qui circa Lienem & Epar, vel in intermediis inter hæc & ventriculum spaciis, vel in ipsis etiam venis, quod puto; coacervatus, propriam, & huic morbo familiarem corruptionis formam subit, qua adjacentia, vicinaque viscera, sua vel substantia & contactu, vel qualitate & fumis depravat, naturalem eorum temperiem corrumpendo, donec in contagii communionem consentiant, & ad receptam semel infectionis labem, alimenta superingesta commutent violentique similem corruptionis formam iis imprimendo.

*At infra paginam 17. 26. & § 5. scorbutum ex varia humorum miscella*

Nam quemadmodum à tenuibus & aqueis

## DE SCORBUTO. 5

aqueis humoribus corrumpi alimenta in hydropē, atque à specifica & propria cuique corruptionis forma in Elephantiasi, lepra, morbo Gallico, & malo mortuo videmus: Ita etiam in hoc nostro fieri verisimile est, & rationi consentaneum. Unde fit ut alimenta pluribus suis partibus ad nutriendum indisposita, paucis incrementis ad morbosæ causæ materiam accedant, donec tandem ab hac prægravatis naturæ viribus, ea affectione corpus afficiatur, ad quam sua sponte magis pronum est & proclive. Nam ut aliis morbis alia corpora magis obnoxia sunt: ita in aliis aliæ partes imbecilliores sunt, atque ad recipiendam causam noxiam paratiores. Unde ab una eademque causa sæpe variæ morborum differentiæ existunt, tantùm propter corporum diversitatem, ac diversam eorum dispositionem variantes.

*fieri censet.  
Vide infra  
pag. 80.*

*Ab una eademque causa sæpe variæ morborum differentiæ existunt propter corporum diversitatem.*

## B 3 SIGNA

*Signa seu  
symptomata  
scorbuti.*

# SIGNA SEU SYM- PTOMATA SCOR- BUTI.

## I. GINGIVARUM PUTREFACTIO.

*1. Gingiva-  
rum putrefa-  
ctio.*

**Q**Uibus natura robustior morbo-  
sæ causæ prævalet, in iis insita vi  
& virtute quàm longissimè ma-  
lum à se natura protrudit, partim in pe-  
des, partim in gingivas morbi causam  
deponens. Nam quod tenue & calidum  
est, tenuibus halitibus permixtum sur-  
sum ad gingivas fertur: quæ conce-  
pta hac putredine intumescunt, molle-  
scunt, exulcerantur & fœtent, quibus-  
dam fœtidis suis partibus à dentibus  
abscedentes.

## II. MACULÆ SUB- NIGRÆ, PURPU- RÆ ET SUBLIVIDÆ.

*2. macula  
subnigra, pur-  
purea & subli-  
vida.*

**Q**Uod autem crassum, terreum &  
grave est, ad crura decumbit, cu-  
tem horū primū subnigris ma-  
culis parvis, mox vero majoribus, purpu-  
reis,

reis, & sublividis, ad violæ purpureæ  
florem efflorescentibus, descædans.  
Quæ, si malum pejus fiat, sæpe into-  
tas tibias unica macula nigra diffundi-  
tur, tetra & aspectu horrenda, cum tu-  
more ad elephantiasim accedente. Si-  
cut evenisse cœcæ, & præpingui sæmi-  
næ, ad porticum Hamburgensem me-  
minimus.

### III. ULCERA MA- LIGNA.

3. *Ulcera  
maligna.*

**A** Liquando etiam sed rarius, ex  
melancholici humoris superassa-  
tione, carcinomatis seu crustosi  
ulceris instar, nigra macula cum vel  
sine pustula se offert. Quæ erosa cute &  
carne, in ulcus foetidum degenerat,  
ægrè cicatricem ducens, malignum ac  
gangrænosum: adeo ut sensu abolito,  
quorundam sic laborantium crura, fer-  
rum immissum non sentiant. Quam  
affectionem primùm in viro nobili Du-  
cis Ottonis Domini mei clementissi-  
mi hospitii magistro, vidi. Quando  
non satis adhuc perspecta mihi tum hu-  
jus curatio, tum quoque morbi species  
erat. Et postea in altero sene, in altera  
B 4                      maxilla

*Historia labo-  
rantium Ulce-  
ribus crurum.*



maxilla, ab hoc malo correpto : sicut  
latius de his inter observationes dice-  
mus.

*Prognost. I.*

Grave hoc malum est, & calamita-  
tis plenum, nisi rectè curetur, mihi  
nnnc sexies si rectè memini, visum : In  
duobus senibus, itemque nauta, uno  
puello, & duabus puellis.

*Regula Diag-  
nostica genera-  
lis secunda.*

Cæterum quia dictis signis, quæ in  
gingivis ac cruribus efflorescunt, lippis  
& tonsoribus hodie hic morbus notus  
est, nolo diutius his immorari.

*Dentium va-  
cillationem ac-  
cidens scorbuti  
non esse.*

Errant tamen qui dentium ex al-  
veolorum laxitate vacillationem, (gin-  
givis ab acribus & falsis destillationi-  
bus erosis consumptisque) hujus mor-  
bi accidens esse putant. Cum in laxi-  
tate, quæ ex scorbuto est, gingivæ non  
consumptæ, neque erosæ, sed tumidæ ;  
non strictæ, sed molles & laxæ conspi-  
ciantur, plærunque ut dixi, foetidæ,  
& quibusdam foetidis partibus à den-  
tibus abscedentes : Nam quemadmo-  
dum fermentum panem, sic hi vapores  
putridi in teneram gingivarum car-  
nem recepti admissique, eas, ut acetum  
in terram effusum, elevant & artol-  
lunt.

*Signa scor-*

Verùm quia hæc oculis subjiciun-  
tur,

## DE SCORBUTO. 9

tur, & in sensus incurrunt, præterea  
 cuilibet ex vulgo ab eventu curationis,  
 & multo experimento notissima sunt  
 & perspecta, nihil necesse est, longiore  
 orationis contextu legentis animum  
 hic remorari. Quamobrem ad alia, &  
 minus nota hujus morbi signa, non  
 minus tamen atque prædicta apodicti-  
 ca, transibimus. Fit enim non raro, ut  
 prius hic morbus occidat, quàm dictis  
 illis in gingivis ac cruribus efflorescen-  
 tibus signis, se prodatur & ostendat: Ideò  
 alia considerare signa ac notas oportet,  
 ex quibus affectio, nùm adsit, co-  
 gnoscatur.

*buti minus nota, sed non minus apodictica.*

*Non raro prius occidit scorbutus, quam tumore gingivarum & maculis se prodatur.*

### IV. DIFFICILIS. RESPIRATIO.

**I**Nter quæ primum & præcipuum locum, respirationis difficultas tenet, de qua primo loco hic dicemus, cum frequens sit hujus morbi symptoma & grave, quo infiniti, propter morbi ignorantiam, sæpè præter medicorum spem & expectationem deliquio ac syncope pereunt.

*4. Difficilis respiratio.*

*Prognosticum secundum.*

Sed quia omnibus thoracis affectionibus, hoc accidens commune est, diligentia distinctione opus est, quò respiratio-

*Regula Diagnostica specialis prima, seu*

*nota scorbuti-  
cam respiratio-  
nis difficulta-  
tem à communi  
discernentes.*

*s. à loco as-  
fecto.*

nis difficultatem, scorbuti comitem, ab ea, quæ thoracis morbos sequitur, discernamus. Atqui cum ea quæ à locis affectis sumitur indicatio, cæteris fir-  
mior ac certior sit, primùm quomodo hujus, id est loci affecti ratione, à thora-  
cis morbis scorbutum, & hunc comi-  
tantem respirationis difficultatem di-  
stinguere oporteat, ostendemus. Quod  
difficile non erit. Ideo quod à scorbu-  
to difficulter spirantes, nihil circa tho-  
racem conquerantur; sed locum affe-  
ctum ubi gravamen sentiunt, & cujus  
causa cum difficultate respirare cogun-  
tur, sub diaphragmate ad ventriculi re-  
gionem monstrent, ubi ejus orificium  
situm esse Anatomici, & præter hos  
ocularis inspectio demonstrat.

*Prognost. ter-  
tium.*

Vnde non raro etiam in hoc morbo  
(sicut in reliquis fieri ventriculi crudi-  
tatibus solet) flatus in utrunque latus,  
nec non anteriorem ac posteriorem  
corporis regionem diffunduntur, ven-  
triculi affectionem mentientes. Ibi er-  
go premi se & coangustari testantur,  
quo minus liberè spirent. Quod si gra-  
vius malum fiat, adeo videmus pre-  
mi diaphragma (quod puto) & conse-  
quens affici cor, ut inter decumben-  
dum,

dum, eorum aliqui nonnunquam lipothymiam minentur, quandoque etiam subito extinguantur.

Vidi quibus à vaporibus sursum ab inferioribus ascendentibus, oculi per intervalla obscurarentur & caligarent, ne quem præsentium agnoscerent, cum tanta respirationis angustia, ut animam agere omnibus adstantibus viderentur, quando merito pulsus videri parvus potuit & inæqualis. Id quod præter alios, stateræ tributarii filix evenisse, nobiscum alii viderunt.

Secunda differentia, qua à thoracis morbis distinguitur, ab ægrotantis sumitur sensu. Nam qui hac difficultate respirationis laborant, magis de angustia, quam nostrate lingua Banghe dicimus, quàm respirationis molestia, conqueruntur, Quod semper cum hac spirandi difficultate, angustia ad præcordia jungatur, quæ plus ægrum gravat, quàm respirationis difficultas; ut pote cujus sequax comes hæc est, ab eadem (ut videtur) dependens. Quare ægrotantes à sensu mali sui magnitudinem metientes, de tollenda angustia magis, quàm respirationis mitigatione, apud medicum instant, obnixé eum

*Historia laborantis per intervalla caligine oculorum & aliis symptomatis scorbuticis.*

*2. differentia ab ægri sensu.*

*Regula diagnostica generalis tertia. Vide in sup pag. 42.*



xè eum rogantes, ut in ea removenda tollendaque intendere omnes suas cogitationes velit. Quippe qui gravamen suum melius ipsi percipiunt, & malum qua parte urget, rectius sentiunt, & intelligunt, quàm adstantium quispiam.

3. differentia  
à difficileis re-  
spirationis in-  
termissione  
seu remissione.

Tertia differentia sumi à respirationis intermissione, seu ejus remissione potest. Quamdiu enim natura robustior morbo reluctatur, neque eadem vehementia, neque semper jam dicta angustia infestat, sed quibusdam quasi vicibus res geritur; ut cessante, vel de suo vigore potiùs priore angustia remittente, morbus exiguas inducias naturæ concedere videatur, quàm paulò post (natura interim se recolligente, & quasi ad pugnam rursus se instaurante) alia excipit priori similis, in qua frequenter mirè brevis fieri respiratio solet, sicut sub prima differentia, de tributarii filia ostendimus. Quæ quibusdam subinde adeò gravis recurrat, ut animam reddituri statim esse tales videantur. Id quod etiam sub debili natura, & robustiore morbo non rarò fit.

Quòd si robustior natura fuerit, iterum

rum reluctatur, easdem, quas prius, inducias paciscens pro vehementia ac sævitia morbi, aut renitentis naturæ robore & debilitate, modò longiores, modò breviores. Atque hoc signo non difficile est respirationis difficultatem scorbutum comitantem, ab ea distinguere, quæ ad thoracis morbos sequitur.

Cum enim proprium thoracis hoc opus sit, debet eo affecto, actio non intercidi, sed continuari: quatenus unanimi medicorum consensu receptum sit, affectus, qui primariò actionem laxant (Græci ἰδιοπνεῦν vocant) necessariò partem affectam, unde actio procedit, ad morbi solutionem uno eodemque modo semper afficere. Crescente tamen sub debili natura morbo, nihil à ratione alienum est, à forti & robusta causa, naturam debilem eodem modo & continuò affici posse. Quo in casu, quin de compressione sub diaphragmate, ejusque anxietate conquesturi tales sint, nulli dubium esse debet. Siquidem cum morbi augmento ac decremento, neque locum affectum, neque morbi speciem mutari, vel ex hac Dialecticorum regula con-

*Cur respiratio  
difficilis à tho-  
racis morbo or-  
ta continua  
sit.*

*Cur quando-  
que etiam scor-  
buticæ respira-  
tionis difficul-  
tas continuasit.  
Regula di-  
agnostica spe-  
cialis secundæ  
quo modo  
scorbuticare-*

*Spirationis  
difficultas,  
etiam con-  
tinua à  
Vulgari  
dignosci  
queat.*

14 SEV. EUGALENUS

constat, qua specie distare negantur, quæ gradibus inter se distant. Notum enim illud Aristotelicum est: τὰ τῷ μείζον τε καὶ ἡττον διαφέροντα ἀλλήλων εἰδὼ καὶ μετὰ ἀλλήλων, id est, quæ ipso majus ac minus inter se differunt, speciem non mutare.

*Quarta  
differentia  
à conse-  
quentibus.*

Quarta differentia & ultima qua dignoscuntur, fuerit, quod cum hac, quæ scorbutum comitatur, respirationis difficultate, nihil eorum propriè sequatur, quæ consequi ad thoracis morbos necessario solent. Cujusmodi sunt, exempli gratia, tussis, sibilus, stertor, dolor pungens, orthopnoea & his similia alia thoracis affectionibus propria. Vt ab his vel primo triduo, vel potius primo, si mavis, die, à thoracis morbis dignosci hæc respirationis difficultas possit & debeat.

*Respiratio-  
nis diffi-  
cultas scor-  
butica  
morbo sæ-  
vientem a-  
gior; mitiore  
remissior.*

Atque hæc dicta nobis hæcenus de illa respirationis angustia ac difficultate sint, quæ decumbentibus sæviente morbo fit: Sed quod à mitiore morbo, tanquam ab imbecilliore causa, minùs sævos minisque vehementes affectus edi oporteat, ut naturæ, sic rationi consentaneum est.

Quan-

Quando etiam sæpè longior mora  
damnosa juxta illud Ovidii, fuit :

*Vidi ego, quod fuerat primo sanabile vul-*  
*nus,*

*Dilatam, longa damna tulisse mora.*

Quamobrem in his etiam tempesti-  
vius hunc morbum agnovisse prode-  
rit, quo prius curetur, quàm ingravescat,  
& naturæ vires demoliatur. Quod  
etiam sæpè, & inprimis nobis respira-  
tionis alteratio præstabit, & in nonnul-  
lis quoque lividus faciei color, in iis  
potissimum, qui crasso & melancholico  
abundant sanguine, aut tempera-  
mento magis sanguineo gaudent. In  
his si morbus hic sublit, post levem  
motum (extra manifestam viscerum  
obstructionem) eum demonstrabunt,  
cum difficilior respiratio, tum labra  
genæque subfusco ac lurido colore præ-  
ter consuetudinem, citraque ambientis  
aeris frigus conspicuæ.

In quibus si major accedat ad hos  
humores putrefactio, etiam quiescen-  
tibus, hæc lividitas in facie conspicitur,  
quemadmodum in Marscalco, vidua,  
aliisque nonnullis id observavimus. In  
quibus citra alia indicia nobis hunc  
morbum lividitas hæc mani-  
festa

*Quid proste*  
*naturæ hunc*  
*morbum agno-*  
*visse.*

*Alia quadam*  
*signa respira-*  
*tionem diffi-*  
*cilem scorbuti-*  
*cæ discernen-*  
*tia à thoracica.*

1. lividus fa-  
ciei color in me-  
lancholicis aut  
sanguineis,  
aut color cine-  
reus vel pallor  
insuetus in  
cholericis.



*Historia faciem lividam habentium.*

*Regula diagnost. generalis quarta.*

2. pulsus huic morbo proprius.

*Regula Diagnostica generalis quinta. Vide infra 41. 60.*

74. 76. 87.

3. Continuus languor seu gravitas crurum aut torpor, aut dolor partium quarundam acutus.

*Regula Diagnost. generalis sexta. Vide infra. 24.*

festabat. Etsi certiore nota eum pulsus proderet, huic morbo familiaris, & ut plurimum parvus & inæqualis. Et paulò post tacitis incrementis assurgente & moram diutius trahente morbo, continuus ægrotantium languor, seu crurum gravitas, aut torpidus eorundem sensus, vel dolor partium quarundam acutus.

Sin cholicum ægrotantis temperamentum fuerit, incertum indicium esse solet, quod à faciei colore sumitur, nisi quod cineritius ejus color, & insuetus pallor, circa hunc morbum diutius exercitatis, eum leviori argumento declaraverit. Attamen quia fallax hoc indicium est & incertum, atque huic morbo cum aliis aliquando commune, utile quoque hic fuerit respirationis qualitatem considerare, & diligenter super thoracis morbis inquirere, circa quem si respirandi difficultate laborans, nihil incommodi sentire confiteatur, & locum gravaminis sub diaphragmate, ad ventriculi regionem monstret ubi ejus orificium situm est, non alienum à ratione fuerit, ad hunc morbum cogitationes suas dirigere.

De

De quo, ut certiores reddamur, ante actæ vitæ & victusque rationem considerare, & circa animi affectus, quomodo se habuerit, interrogare oportet. Quæ si huic morbo consentiant, porro pulsus & urinam examinabimus, talesne sint, quales huic morbo familiares esse postea dicemus. Cum quibus, si præterea crurum debilitas aut sutæ crurum dolor, & duries, vel molestæ plantæ pedum punctiones, & sine manifesto morbo languor, concurrant, notiora habes, quibus tutò acquiescere possis.

4. Vita ante-  
acta victusque  
ratio & affe-  
ctus animi.

5. Urina.

6. Symptomata  
ab usu cathar-  
ticos.

Aliquod etiam hujus morbi argumentum habet, si assumpto cathartico (sicut plerumque fit) æger difficilins spiraret, & reddita postridie urinæ, diversarum partium ac dispares apparuerint: Si quidem, quia crassa ferè, & visceribus infarcta hujus morbi materia est, ex Hippocratis consilio necesse prius est eandem ante subductionem attenuari: alioqui cathartico mota & conturbata hæc materia cruda & non concocta, varias anxietates physica ratione pariet, quæ non unius neque ejusdem substantiæ cum sit, sed ex variis humoribus permixta, quasdam suas partes medicaminis facultate commo-

Canon Thera-  
penticus gene-  
ralis secundus.  
Vide pag. III

tas agitataeque & serosi humoris deductione ad renes & vesicam delatas, tales ostendet, quales humores sunt, à quibus refecantur, eorundem colorem & speciem, & cum hac, morbi naturam repræsentantes.

Et quamvis cum viscerum inflammationibus hoc ipsi commune sit, attamen præter alia signa, morbi vehementia facile ab iis distinguitur, ut nulla nostra admonitione ea res indigeat. Hi etiam, si à medicamentis huic morbo accommodatis melius habeant, nihil est quod præterea dubitandum quis censeat.

Convenit autem in hac respirationis difficultate, ut in omni scorbuto, imprimis nostra qualicunque observatione, cochleariæ succus.

7. jurantia  
medicamenta  
scorbutica.

Vide & infra  
pag. 36.

Canon therapeuticus specialis in respirationis difficultate scorbutica primus.

Canon therapeuticus specialis in difficili respiratione scorbutica secundus.

Et quia plerunque cum hac febris & obstructions subinde graves concurrunt, iis quæ ad hunc morbum usus invenit, miscere oportet, quæ febrem contemperant, & obstructions referant & tollunt. Cujusmodi huic casui servientia sunt cuscutha, ceterach, carduus benedictus, absinthium romanum, fumaria, betonica, & his similia alia.

Qui-

Quibus si non satis curatio procedat (ut fieri in iis solet, qui cū graviore respirandi difficultate, & frequentibus hisce angustis, diutius urinas absque manifesta vel multa siti crassas & rubras reddunt, crasso, rubro, & furfuraceo excremento & vario subsidentibus) prædictis, felici nostro experimento, aliquid de Plirisarchontici speciebus, aut similibus addimus. Quibus statim hunc morbum obedire novimus, subsidentiis rubris, prostridie in album colorem commutatis.

*Febrim con-  
temperantia in  
scorbuto & de  
obstruentia.  
Canon thera-  
penticus speci-  
alis in respira-  
tionis difficul-  
tate scorbuti-  
cus tertius.  
Plirisarchonti-  
ci specierum  
vis.*

Qua ratione nisi curentur, plurimi horum ab hac respirationis difficultate tandem suffocantur: vel si natura fortior diutius morbi violentiæ reluctetur & resistat, plærunque in hydropem tales incidere solent, à quo nihilo magis ab hac respirationis difficultate allevantur, etsi quiescente materia, & superata atque devicta magis natura, mitiores paroxysmi fiant. Alioqui fieri vix posset, ut aliquandiu vitam tales protraherent producerentque.

*Prognosticum  
quartum.*

Multos quoque suffocatos ab hac respirationis difficultate hoc hydrope vidi, eosque potissimum, qui catharticiis sæpius ac fortius moverentur.

*Prognosticum  
quintum.*



*Canon therapeu-  
ticus specia-  
lis in respira-  
tione difficili  
scorbutica  
quartus.*

Quod si cum his urinis infestans sitis & calor adfuerit, ex medendi methodo notum est, prædictis ea miscenda esse, quæ cum levi incidendi attenuandique facultate febrem mitigant & sitim extinguunt; habita semper cum aëris in quo vivitur, tum cibi & victus ratione, quo per vitæ cursum ægro-  
tantes usi sunt.

*Canon therapeu-  
ticus gene-  
ralis tertius.*

Nam quod in frigido, crasso & humido aëre attenuantibus magisque incidentibus medicamentis uti conveniat, etiam ab universali medendi methodo, & rerum magistro usû erudimur. Quod etiam nostra qualicunq; experientia contestari possumus, ut pote qui hisce præteritis annis in iisdem morbis experti sumus, aliam Hamburgi, aliam Leoverdiæ in Frisia, aliam Embdæ curandi rationem esse. Sicut haud dubiè alius in Zelandia, & Enchusano oppido curationis modus est, aliis in montosis & campestribus locis.

Quod propterea admonere hic volui, ut qui post nos medicinam iis in locis sunt facturi, sciant quomodo ab his curatio sit varianda, ne si non satis ab uno atque altero simplici, huic mor-

morbo accommodato, hunc curationis eventum experiantur, ilico curationem hanc damnent, sed eam intendendam, juxta hanc regulam & normam esse sciant, donec ad optatum finem demum perveniant.

Sed quia hæc cognitio à methodica doctrina (ut dixi) dependet, eaque omnibus suis partibus non satis explicari hic potest, partim quoque ab usu & experientia addiscenda est, nobis satis fuit, viam quandam aliis præmonstrasse, quam tutò sequi possint, qui post nos in medicinam hisce in locis sunt facturi. Nam cum omnibus locis & corporibus, exactè accommodari hæc quantitas nequeat, necesse est, cujusque judicio eam relinqui, quo duce non difficile est ab hac via invenire, quemadmodum pro varia humorum mixtura & temperamentorum ac cœli diversitate ea cuique sit administranda. Atque hæc dicta nobis hæcenus de respirati-

*Canon therapeuticus generalis quartus.*

# V. VOMITUS EJUS- QUE CONATUS IN ANIS.

*Prognosticum  
sexium.*

**F**It autem, idq; non rarò, quòd cum hac respirationis angustia, & quoque absque ea, varii vomitus, ejusdemq; conatus non nullos infestent; & quandoque graves sursum & deorsum eruptiones, (sicut in cholera morbo) contingant, quibus nihil æger allevetur, sed quæ potius pluribus ventris intestinorumq; lancinationibus ægrotum, post longioris temporis intervallum conficiunt, utcunq; stomachicis, & ventriculum confortantibus medicamentis ita affectus adjuvetur.

*Regula diag-  
nostica specia-  
lis tertia h. e.  
signa seu nota  
distinguentes  
vomitum scor-  
buticum à vul-  
gari.*

*Prima nota.*

*Secunda.*

Quamobrem diligenti distinctione opus est, qua vomitum scorbuto propriū, ab eo qui ventriculi vitio, vel aliàs fit, distinguamus. Quod fiet primū, si communibus medicamentis, ventriculo, & huic symptomati à veteribus præscriptis nihil nos proficere, sed contra, ægrum in pejus delabi, quotidie conspiciamus. Præterea, si subito subinde & præter rationē vomitum hunc intermittere, atq; rursus de improvviso eum recurrere animadvertimus; vel illū cor-  
ripi,

ripi absque ulla cognita veteribus affectione cernamus, qui prius de sensibili ventriculi gravitate dolorève, vel ulla ejus intèperie morbove, ad quem sequi hic vomitus solet, nihil est conquestus; & si inanis magis adsit vomenti conatus quàm quòd quippià eò dignum educatur.

Tertia.

Quarta.

In his verisimilius est à scorbuto, quàm propria ventriculi affectione, hunc vomendi conatum excitari.

Nam si in his regionibus, præter rationem subito atq; de improvviso quempiam, ab hoc vomitu corripitur contingat qui de ventriculo nihil prius conquestus sit, & quemlibet cibum durissimum facile concoxerit, eamq; avidius comederit, absque ulla manifesto ventriculi, & adjacentium viscerum morbo, unde sequi physica ratione debebat, in his semper suspectum hunc morbum habere oportet; maximè si nauticis cibis semper usus fuerit, vel quæ consueta corporis evacuatio, videlicet in mulieribus menses, in viris hæmorrhoides, vel similis substituerit: aut quis obtusus crurum dolor & gravitas, quam facile explicare æger non possit, sentiatur.

Regula diagnostica generalis septima.

Quinta.

Sexta.

Septima.

Quibus si auctarii loco, urina crassa & rubra accedat, quæ crassa sedimento

Ostava.



rubro, aut subfusco & furfuraceo in matulæ fundum subsidat suaque substantia superiore supra sedimenta emimente, crassa nihilominus visitur, & conturbata, certum habes & indubitatum hujus morbi argumentum, in quo tutò acquiescere possis: Si quidem plerisque omnibus ab hoc symptomate ægrotantibus, cum his urinis, quantum memoria mecum repetere possum, morbum hunc advenisse memini. Talis enim urina pharmacopœi Hamburgensis fuit. Talis mercatoris Augustani Embdæ decumbentis. Talis rustici, & aliorum quos ab hac affectione correptos fuisse scio, paucis exceptis, in quibus morbi species, & pulsus parvus & inæqualis, absque alterius morbi, ad quem sequitur, significatione, obvio indicio sceletyrben hujus symptomatis causam facilè prodiderunt.

*Historia scorbuticorum vomitu laborantium.*

*Nona.*

*Decima.*

Neque infidum signum est, quod procedente morbo, eoq; diutius moram trahente, à languore sumitur, eo quòd in morbi mora, & diuturniore ejus progressu, omnes hac affectione laborantes, magis languere, quàm ægrotate appareant, lento morbo quodammodo tabescentes.

Po-

Postremò non contemnendum huius morbi indicium & ab oblatis sumitur : Quod à sceletyrbe vomentes, à lacte & lacticiis ( à quibus in ventriculi & viscerum affectionibus manifestè læduntur ) sæpe melius habeant, quàm ab omnibus corroborantibus medicamentis, prolixè ventriculo ab artis authoribus præscriptis : Ideò quòd adstrictionis facultate, qua plærunque prædita hæc sunt, materiam circa præcordia constringendo, altiusque imprimendo, magis sic affectos illa lædant, quam juvent : Quæ quia crassa & frigida est, dilui postulat & incidi.

Cujus causa ab experientia prodesse inventa sunt, quæ cum attenuatoria, & incisoria facultate succulenta sunt. & modicè calefacientia. Qualia exempli gratia becabunga, cochlearia, trifolium aquaticum, & nasturtium utrunq; sunt. Quibus in febribus ardentioribus, magisq; infesta siti, jungi acetosa, ejusq; succus potest. Atq; in viscerum obstructionibus cum hoc malo concurrentibus, fumaria, cuscuta, ceterach, vel si fortioribus opus fuerit, cardus benedictus, absinthium romanum, chamæmelum, betonica &

*Undecima*

*Canon therap.  
penticus spe-  
cialis in vomē  
tu scorbutico.*

*Cur vulgaris  
Ventriculum  
roborantia in  
scorbuto noxia.*

*Canon therap.  
generalis quin-  
tus. Medica-  
menta scorbu-  
tica qualia.  
Canon therap.  
specialis in  
scorbuto cum  
febribus, siti,  
& obstructio-  
nibus visce-  
rum.*

his similia alia: vel si pituitosi humoris plusculum, temperamenti ac victus ratione abundare animadverto; enulæ campanæ radicum, & hyssopi summittatum aliquid, jam dictis admiscere consuevi, semper curationem humorum mixtorum, junctorumque morborum dirigendo, ut ea potissimum eligantur, & junctis morbis, & humoribus peccantibus, præscribantur, quæ propriam quandam & peculiarem erga hunc morbum vim & proprietatem habent.

*Canon therap.  
generalis sex-  
tus.*

A purgantibus vero tam diu abstinere oportet, donec concocti subactique humores, ac mitigata febris fuerit: Quando lenioribus id attentare expediat, quod validas purgationes, & largam sanguinis missionem, ægrè hic morbus ferat.

*Canon therap.  
generalis septi-  
mus.*

Sub frigido cælo, & aëris constitutione frigida & humida, pillulis rectius quàm potionibus alvus movetur, ex quibus, reliquis in hoc casu præstant, pillulæ hieræ simplicis, de hiera cum agarico, alephanginæ, de fumaria, eaq; vel simplices vel mixtæ pro varia corporum constitutione, & divers. humorum purgandorum mixtura.

*Canon therap.  
generalis octa-  
vus.*

Si

Si calidius cœlum, aërque in quo æger  
decumbit ficcior & subtilior fuerit, licet  
& potiones, & electuaria convenientia,  
pituitam ac melancholiam trahentia,  
propinare, vel pro ut hunc vel illum  
humorem magis abundare, peritus me-  
dicus dijudicabit, de quibus quia uni-  
versali methodo docemur, nihil necesse  
est, diutius hic immorari, quæ apud alios  
rectius ac melius leguntur.

*Canon therap.  
generalis no-  
nus.*



VI. ALVI FLUOR ET  
CONSTIPATIO.

*Regula diag-  
nost. spec. seu  
nota discernen-  
tes profluvium  
alvi scorbuti  
cum à lienteria  
& Diarrhœa.*

**P**ostulat nunc ordinis ratio, quædam etiam de defectionibus dicamus, hunc morbum comitantibus, quas à diarrhœa & lienteria sequentibus hisce notis non difficulter din-  
xerit.

Quòd in lienteria cibus fere cru-  
dus, & qualis ingestus est, aut ut pri-  
mum ingestus est, descendat, quale  
nihil in scorbuto apparet, ut prop-  
erea facilis ejus ab hac defectione  
lienterica sit distinctio. In diarrhœa  
sæpe a cerebro, sæpe à vicinis remo-  
risque ventriculi locis, ad eum humo-  
res confluunt liquidi, copiosi, & varii  
coloris.

Contrà, quæ scorbuti ratione ex-  
cretiones, contingunt, frequentius  
compactæ sunt, sed copiam ingestum ci-  
bum excedentes, coloris varii, ali-  
quando herbacei, nonnunquam cine-  
riti coloris: Aut si victus ægrotantis  
errore, aut propter humidiores cor-  
poris constitutionem, liquidiores  
quandoque hæ excretiones occurrant,  
plurimum tamen ab his differre, tum  
quan-

quantitate, tùm excretionis modo deprehenduntur, quæ in diarrhœa descendant, neque pari quantitate, neq; æquè confertim, atque in hac exeuntes: ne quid de nocturnis atque diurnis excretionibus dicam, nullum manifestum discrimen in hisce nostris profluvio constituentibus, cùm in diarrhœa frequentiora illa interdiu esse solent, ut in viscerum obstructionibus sub vespere & noctu.

Causam frequentioris hujus dejectionis fortè referendam quis, in impeditam Epatis transumptionem censeat, ut parcioris humidi in affluxus parsimonia. Cum enim viscerum facultates hic morbus labefacter, credibile est à debilita attractricis Epatis facultate, suctionem illius, venarumq; præpediri, & per consequens alimenti transumptionem ac digestionem, sicuti argumento corporis extenuatio est. Ut hujus rei causa fortè frequentiores alvi dejectiones sint, magis vero compactæ, propter aliqualem viscerum actionem: nisi aliunde humores propter aliorum morborum concurrentium ad intestina confluant, & vel diarrhœa, vel similis morbus huic misce-

*Causa frequentioris dejectionis in profluvio scorbutico, & magis compactæ etiam excretionum.*

sceatur, qui propriis suis signis discerni debet. Si quidem etiam extra hunc morbum, plures misceri contingit, qui singuli suis pathognomonicis signis distinguuntur.

## VII. MENDAX DYSENTERIA.

*Canon therap.  
specialis in dysenteria mendaci primus.  
Canon therap.  
specialis in alvi profluvio secundus.*

**Q**Uibus sanguis crassus & feculentus in venis abundat, iis venæ in intestinis desinentes, sæpe numero sanguinis aliquid cum his dejectionibus effundunt, excrementis non permixtum, sed ab his separatum, atque absque omni lancinatione descendens, manifesta à dysenteria differentia. His in initio sanguinis quid mittere conducit, maximè si menses aut hæmorrhoides substiterint. Alvi profluvium adstringentibus medicamentis curari non debet, sed iis, quæ erga hunc morbum proprietatem habent, atque per consequens mali causam præcidunt. Qua curationis via nos nuper quatuor ab hoc profluvio curavimus: unum rusticum annos sex plus minùs ab hoc profluvio infestatum, & alterum Anglum, tertium infantem,

tem, quartum nautæ conjugem, penè Empirici cujusdam consilio, ad orci fauces deductam.

*Historia præ-  
fluv. laboran-  
tium.*

*Prognosticum  
septimum.*

Nam prior curatio veteribus in alvi profluviiis usitato adeò hac affectione laborantibus inconveniens est, ut summas angustias sic affecti (certissimo hujus morbi argumento) & aliquando extremam respirationis difficultatem incurrant, præsentis deliquii ac suffocationis periculo. Ideò, quod materiam circa præcordia constringendo, & venas constipando, putrefactionem illa adaugeat, & fortius materiam in viscere impingat, quæ crassa cum sit, dilui (ut dixi) & incidi postulat.

Itaque aucta putrefactione ab hac constipatione, necesse est vapores fumosque ab ea collectos cumulari, qui sursum petentes, cor & præcordia vehementius infestant, jam dicta symptomata inducentes, vel his pejora, si cerebrum petant. Quare tutissima curationis via est, quam demonstravimus, quæ pro morbi diuturnitate, & varia corporum constitutione, variè mutari debet, sicut ab universali medendi methodo docemur. Neque enim eadem cura-



curatio omnibus convenit, non magis  
atq; omnibus pedibus unus calceus.

## DIGRESSIO.

**M**agnam quoque, ad monst-  
randam in his dejectionibus mor-  
bum scorbutum præminentiam, pul-  
sus & urina habent. De quibus pauca  
quædam hoc loco tractationis conse-  
quentia invitati dicemus, quantum ad  
hoc institutum sufficere putabimus, &  
præsentī operi necessarium: Quando  
quidem citra alia indicia, non semel ad  
morbi cognitionem nos sola urina de-  
duxit, sicut etiam fatebuntur, qui me-  
cum animum ad harum rerum conside-  
rationem adjicere volent.

*Note alia pro-  
fluvium scor-  
buticum, adeoq;  
scorbutum om-  
nem demon-  
strantes.*

*i. ex urinis  
quæ variæ.*

Sunt autem urina eorum, qui ab hoc  
morbo ægrotant, variæ, pro tempera-  
mentorum ægrotantium, diversitate, &  
varia humorum putrescentium, morbi-  
que naturæ.

*Urina in scor-  
buti initio qua-  
litas.*

Nam si levior putredo & morbi  
initium sit, urinæ quandoque citrinæ  
& tenues, quandoque crassæ & albæ  
visuntur, quales reddi in omni crudi-  
tate solent. Et quibus nihil certi de  
hoc morbo constitui potest: crescente  
verò

vero putrefactione & morbo, nonnunquam tenues & rubræ intensæ rubedinis, sed ad fuscum declinantis apparerent, similes iis (nisi quod obscure livescant) quæ in ardentibus febribus redduntur.

*Præ in scorbuti progressu quales.*

Cum quibus si nulla aut nullius momenti sitis, putrefactionis, quas urina habet notis non correspondens, conjuncta fuerit, certissimum hujus morbi, sicut non semel experti sumus, indicium habet; maxime si obambulantibus, & omnia vitæ munia sine offensione administrantibus, tales reddantur.

*Regula diagnostica generallis octava. Vide infra p. 39.*

Novi qui curationem illius negligentes, ac differentes, post aliquot menses in dimidii lateris resolutionem inciderint.

*Prognosticum octavum.*

Frequenter crassæ urinæ apparent & rubræ, manifesta lividitate insignes, & nonnunquam saturatæ rubedinis, sed crassæ, quæ aut tales permanent, aut crasso, rubro, & gravi sedimento in matulæ fundum, furfurum ceu arenularum instar subsident. In quarum plerisque præter dicta sedimenta, multa cruda & pituitosa excrementa, superiori & eminenti supra residencias substantiæ appensa adhærent, eidem neque permixta, neque integre ta-

*Regula diagnostica generalis nona ex urinis crassæ & rubræ, certo scorbuti signo, si adsint conditiones sequentes.*

men separata, sed appendentia potius, vel ad eandem quasi suspensa, totam urinæ massam superiorem turbidam & crassam reddentia. Quibus si ferventis aquæ vel ignis calore, priorem quam redditæ habebant, formam restituas, videbis semper colorem eas monstrare, ex fusco rubescentem. Qui magis minusque rubescens erit, pro sedimentorum rubescentium copia ac paucitate.

Tales quoq; certum, apodicticum, ac indubitatum hujus morbi signum habent, si pro putrefactionis notis, quas urina ostendit, sitis modica aut nulla (quemadmodum fieri plærung; solet) ægrotum offendat: Si nullius febris typum morbus ostendat, si totius corporis languor, aut lenta febris ægrotum detineat, atq; is paulatim citra causam veteribus proditam contabescat, sicut fieri perseverante morbo solet.

*Regula diagn.  
nost. generalis  
decima ex u-  
rinis crassis,  
albis & tur-  
bidis &c.  
Vide infra pag.  
45.*

Aliquibus urina in hoc morbo crassa, alba, & turbida est, quæ statim postquam reddita est, conturbatur, pluribus sæpe corporibus rotundis & albis, arenularum instar subsidens, à quibus nihilo clarior illa fit, sed turbida perse-

ve-

verat, superiori sua substantia crassa & pingui, matulæ parietibus sæpe adhærens.

Talis etiam non infidum hujus morbi indicium habet, quod curationis experimēto magis postea cognoscitur; si à catharticis non clarescat sed turbidior fiat, vel æquè turbida perseveret, si nullis concoquentibus, & incidentibus pituitosos humores medicamentis illa obediat, ut vel quicquam ab iis clarescat & immutetur, aut ab iisdem æger allevetur.

*Conditiones  
seu notæ uri-  
narum ta- I  
lium con- 2  
firmantes.*

Præterea si tales absque ullo manifesti seu veteribus cogniti morbi indicio fiant & reddantur, atq; æger languere magis, quam ægrotare videatur, & pulsus huic morbo familiaris occurrat, parvus & inæqualis.

Memini quoque cum his urinis, omnibus ferè oris siccitatem molestam fuisse, super lenta febre contestantem: & perseverante diutius, ægri negligentia, aut curantis inscitia, morbo, tandem omnibus obtusum crurum aliarumq; partium dolorem subortum fuisse, non infido hujus morbi signo, sicut latius de eo, suo loco dicemus.

*Prognost. nota  
num.*



*Regala diag-  
nost. generalis  
undecima ex  
urinæ crassis,  
nigris & tur-  
bidis: itemque  
ex nigris cum  
obscura albe-  
dine.*

Aliorum urinæ intemperantius vi-  
tiantium, crassæ visæ sunt, nigræ, &  
turbidæ, quæ vel sic permanebant, vel  
turbido & nigro sedimento in fun-  
dum subsidebant. Quæ aliis nigræ red-  
ditæ sunt, cum obscurata albedine ex  
crudo nigroq; humore quasi contem-  
peratæ, ac si multo nigro, albi partem  
admiscueris, ut ex obscuro palle scat.  
Familiaris hæc urina iis est, qui negli-  
gentius vivunt, & curis anguntur,  
quantum nostra qualicunq; observa-  
tione animadvertere hætenus potui-  
mus. Id quod non obscure urinæ  
substantia testatur, ex melancholici,  
pituitosique humoris permixtione,  
colorata, peccantis humoris qualita-  
tem, manifesto indicio vitæ rationi re-  
spondentem, demonstrans.

*Nota his uri-  
nis adjuncta:  
sitis gravior,  
calor major, a-  
riditas linguæ,  
pulsus parvus  
& inæqualis.*

His plærunq, sitis gravior adest, cum  
multo & molesto caloris sensu, atque  
infesta linguæ ariditate; n si quod ad-  
natam, & huic morbo peculiarem in-  
æqualitatem, parvitatemque pulsus  
ostendat.

Ex quo primum in animum mihi in-  
ducere ausus fui, cum scorbuto quoq;  
hoc malum communicare, vel poti-  
us ab eo (si mavis) excitari, quando-  
quidem

quidem, cum ejus curatione reliqua symptomata concidunt, & collabuntur, sicut non semel mihi curatio monstravit, & pluribus a nobis infra inter observationes dicetur.

Uſu tamen, præmonſtrante ratione, *Canon therap. generalis decimvs.* deprehendi, propter crudorum humorum permixtionem, & gravem eorundem putredionem, quem caloris ſenſus æſtuſque commonſtrant, iis quæ proprie ad hunc morbum faciunt, miſcendum aliquid eſſe, crudos humores quod concoquat, calorem contemperet, humoremq; melancholicum digerat, extenuet, & incidat. A vehementius calefacientibus vero tandiu abſtinere neceſſe eſt, donec febris ſublata, aut ſaltē mitigata fuerit. Quibus ſi non ſatis curatio procedat, ſemper à mitiorib. paulatim ad fortiora aſſurgere oportet, donec ad eum medicaminis gradum perveniamus, qui morbum ejuſq; cauſam demoliri ſit potens.

Sunt autem ex ſcorbuticis medicamentis, quæ hui caſui ſerviunt, in primis acetofa & Becabunga, quibus per- *Medicamenta ſcorbutica frigida, temperate calida &* miſceri temperate calida, & humorem melancholicum incidentia ac digeren-

humorum  
melancheli-  
cum incidenti-  
a: crudos hu-  
mores conco-  
quentia, fe-  
brim mitigan-  
tia.

tia possunt, cuscuta scilicet, caterach,  
trichomanes, polypodii quercuum ra-  
dices, capillus Veneris, buglossa: Et pro  
crudorum humorum concoctione ac  
incisione hyssopus & betonica, ut pro  
delenda mitigandaq; febre, febrili que  
calore, cichorium, Endivia & id genus  
alia, aliquali semper incidendi atten-  
nuandi; facultate adornata.

Quibus si non satis morbus obedi-  
at, devenire ad carduum benedictum,  
absinthium, & fumariam oportet, eo-  
rum quantitatem eousq; intendendo,  
donec optatum in his finem & affe-  
ctum consequaris.

Canon therap.  
spec. in febre  
scorbuto jun-  
cta. Cerevisia  
in scorbuto  
convenientes.  
Einbecensis  
cerevisie  
commendatio.  
Andernaci  
aus.

Quod autem cibus refrigerans his  
conveniat, & dari oporteat, atq; à vino  
& fortiori cerevisia eos arceri necesse  
sit, ex veterum & recentiorum medi-  
corum scriptis placitisq; magis notum  
est, quam ut hoc loco illud admoneri  
debeat. Conveniunt autem sic affectis  
ex cerevisiis nobis usitatis, Bremen-  
tenuis, Luneburgensis, Brunsvicensis,  
Anglicana tenuis, & Einbecensis, quæ  
æstate non infimas inter has laudes me-  
retur, eo quod cæteris tenuior, plus  
sitim sedet, & plerisq; ægris magis grata  
sit, ab Andernaco doctissimo ac cele-  
ber-

berrimo nostri temporis medico, et-  
jam pestis ardoribus commendata, di-  
alogis suis, quos de peste tres-elegan-  
tissimos simul & doctissimos edidit.

Cum his urinis plerisque; omnibus si-  
tis, & oris labiorumque; siccitas molesta  
est, quæ tamen aliis mitior est, aliis in-  
tensior, iis vero ut plurimum infestissi-  
ma, qui nigras & turbidas reddunt, sed  
quæ modica liquidi assumptione sem-  
per facile placatur, etsi non ita multo  
post eadem, ob oris labiorumque; siccita-  
tem, humectandi os & labia necessitas  
recurrat.

*Sitis notis pu-  
tredinis non  
respondens,  
sup. pag. 23.*

Raro tamen putrefactionis notis,  
quas urina demonstrat, potus quanti-  
tas ac desiderium respondet, sæpe et-  
jam horum nonnulli, qui has urinas  
reddunt, largiore potu offenduntur.  
Unde etiam non contemnendum ca-  
pi hujus morbi indicium potest.

In quorum enim urinis majora pu-  
trefactionis indicia insunt, quam  
foris ex calore & siti apparet, mor-  
bo lento existente, & ad nullius  
veteribus cognitæ febris typum  
accedente, de his certo tecum sta-

*Regula di-  
agnost. gene-  
ralis octa-  
va repetita  
cum aucta-  
rio.*



tuere potes ac debes, à scorbuto tales detineri.

*Regula diag-  
nost. generalis  
duodecima ex  
observatione  
successus in  
curatione  
vide sup. 18.  
& infra 46.  
49. 213. &c.*

Id quod curatio monstrabit, si convenientibus, & huic morbo accommodatis medicamentis, eam tentare non pigebit. Videbis enim hac curationis ratione brevi & in paucis diebus (nisi inveteratus sit morbus) tales sanari, & ad pristinam valetudinem reduci, quos nulla medicina prius potuit sublevare, cadentib indies magis magisque ægrotantis viribus.

*Ratio cur ali-  
quando notis  
putredinis in  
urina satis in  
scorbuto non  
respondeat.*

Ratio forte hujus urinæ, parciorisque sitis fuerit, quod humor melancholicus, materialis hujus morbi causa judicatus. putrefactus & accensus, suæ quidem putrefactionis notas in urina edat sæpè ardentibus febribus pares, aut non multum dissimiles, sed quia crassus, idemque frigidus & terreus est, neque facile (ut viridia ligna) accenditur, neque accensus, perinde atque cæteri humores, urit. Cujus causa, etsi labiorum orisque siccitatem facere potens sit, non tamen idem semper adferre bibendi desiderium, aut similem inquietudinem solet, atque febris continua & ardens: ut pote quæ fumosis suis vaporibus, magis, quam igneo calore cor ferit.

Quo



Quo fit ut quamvis crebrum, parvum tamen ut plurimum, & inæqualem pulsum faciat, non dissimilem illi, qui in febrium accessionibus sentitur.

*Nota expul-  
su.*

Quo nomine aliquando etiam doctissimis in medicina viris hic pulsus imposuit, ob hujus parvitatem febrem magno curationis errore, & ægrotantis periculo contemnentibus, vel non agnoscentibus, sicut maximi medici exemplo ostendere possem, nisi aliorum famæ & existimationi nos consulere, Christiana charitas juberet. Et quotus quisq; est, qui non aliquando dormitet & hallucinetur?

*Admonitio,  
ne ob pulsus  
parvitatem  
febrim con-  
temnamus  
aut non agno-  
scamus.*

Putavi tamen veritatis studio id hîc admonendum esse, ut hac admonitione ad curationem instructiores, iis medicamentis, quæ crassam hujus morbi, in qua residet, causam materialem attenuant & incidunt, quædam miscenda esse sciremus, quæ cum eadem facultate, leviter refrigerant.

*Canon therap.  
generalis un-  
decimus.*

#### VIII. FEBRES INORDINATÆ.

Sunt autem febres, quæ cū his urinis nobis offeruntur, aut lentæ & continuæ, aut interpolatæ & intermitentes, sed quæ nullo sæpe signo veterū febribus assimulatur, nisi quod falso quotidianæ, tertianæ, ac quartanæ febris

*8. Febres in-  
ordinatæ Fe-  
brim scorbu-  
ticarum vari-  
etas multi-  
plex.*

typo

poludant, easq; dierum imitatione potius quam signorū proprietate exprimant & referant. Frequenter etiā nullo ordine invadunt, & quandoq; quotidie bis, aliquando ter quaterve, etiam post tertium saepe, quartum, quintum & sextum diem, variis horripilationibus & inordinatis ægrotum infestant, nullo aut nullius momēti calore saepe comitatis. Quin etiam æstuantem calorem subsecutum has horripilationes fuisse observavi, sed cum multa ad præcordia anxietate conjunctum non infido hujus morbi, ut antea dixi signo. His circa febris vigorem pulsus aliquando esse magnus ac durus solet, qui circa declinationem rursus suo se indicio prodit, nativam & huic morbo propriam parvitatem inæqualitatemque retinens & ostentans.

*Sup. pag. 16.*

Sed & sex, ac septem horas, ab his horripilationibus, & frigoris sensu detineri quosdam vidi, priusquam febrilis calor accenderetur, vel ad exteriora illorum spiritus & sanguis diffunderentur, qui suo reditu, ab interiorib. multo & molesto æstu corporis extrema afficiebāt, cum multa siti, & molesta linguæ labiorumq; ariditate. Quibusdā

sen-

sensus fit, atq; si frigida intus ad spinalem medullâ ipsis affunderetur. Unû novi retro ad dorsum calido sensu, & in anteriore corporis parte, frigido affectum fuisse. Sed & hunc etiam, aliis quotidie semel ac sæpius, aliis post secundum & tertium diem reversum fuisse, memini, nullo aut perquam exiguo comitatum calore.

Paucos cum his utinis vehementiore corripî rigore vidi, & ab hoc alios gravissimo calore, alios levi, & nonnullos nullo pené infestari.

Quos autem calor & sitis magis excruciarunt, his omnibus cum anxietate per intervalla recurrente, id advenisse, nostra qualicunq; observatione animadversum est.

In quibus præter hanc anxietatem, si non initio, & morbi vigore, febrem hanc pulsus ostenderit, saltem in paroxysmi declinatione manifesto indicio sua parvitate ac inæqualitate eam judicabit. Sicut latius postea de hoc pulsu dicemus, ubi ad eum locum oratio nostra pervenerit. Plurimum n. momenti in his diligens pulsuum observatio habet. Quod reliquorum symptomatum propter varias & diversas corporum constitutiones ac tēperaturas, facilis sit per-

permutatio, quæ tamen si diligenter attendas, fere unius pulsus notioni subjacent, quatenus ab una eademq; causa, ea proficiuntur & emanant.

In his omnibus, cum propter multiplicem symptomatum varietatē raritatēque, causam subdesse raram, & veteribus incognitam, confidam rarem: post varias habitas mecum deliberationes & diligentē pulsuum urinarūq; examinationē, tandem scorbutō adscribendam invenī, conjecturā meam ac *συγχωρὸν* de his, comprobāte felici curationis eventū. Quem similem deprehendant, qui post me animum adhæc adjicete & idē mecum explorare non recusabunt.

Adhuc levissimas putrefactionis notas, cū hujus morbi significatione habent urinæ tenues & citrinæ sub obscura fuscedine lividitateq; conspicuæ. Atq; hæc dicta nobis de iis urinis sint, quæ cū scorbuti morbi demonstratione putrefactionis notas, & per consequēs febrilis caloris indicia ostēdūt, ideoq; cū iis quæ hunc morbum curant, quandoq; admixtionem eorum medicaminū postulant & requirunt, quæ calorem contemperant & febrem extinguunt, pro febris modo ac magnitudine, majore minoreve quantitate; sic tamen

ut



ut quantum fieri potest, aliquali aperiendi ac incidendi facultate ea prædita & adornata sint.

Postulat vero nunc ordinis ratio, de iis urinis dicamus, quæ circa febris ac putrefactionis humorum indicia hunc morbum ostendunt. Cujusmodi in primis <sup>urinae citra febris & putredinis notas scorbutum ostendentes.</sup> urina alba, crassa, & turbida est, in cuius fundum plura paucioraq; corpora subsidunt, alba, rotunda, cineritia, crassa & graviora, arenulis majoribus, ac fractæ polentæ non dissimilia, quæ nisi fortiore matulæ motu, urinæ substantiæ rursus non permiscantur, nec à matulæ fundo eleuantur, quasi semi mortua, & instar puris, caloris nativi spirituumque vacua.

Hæc etiam indubitatum huius morbi <sup>vide suprap. 35</sup> argumentum habent: ut semper (absit <sup>Prognosticum decimum.</sup> arrogantia dicto) hunc morbum ex his pronunciare ausus fuerim. Memini plærorumque qui has urinas edderent, crura ab hoc morbo resoluta fuisse. De qua re an certum quid hæ urines attestentur, non satis confirmare aulim.

At certo scorbutum eas demonstrare, plurimis experimētis mihi constat. Quod sic esse deprehendant, quibus bis terve hæ vise, & probata super his curatio



*Historia scor-  
buticornum  
cum urinis al-  
bis, crassis, &  
turbidis.*

ratio fuerit, quæ re ipsa comprobatur, quod ratio invenit. Talis fuit urina bulci, nautæ, mercatoris Dresdenfis, sicut latius de his inter observationes dicemus. Quibus crura simul ab hoc morbo resoluta fuere, curatique ab his medicamentis, quidam eorum in quinque ac sex diebus sunt, alii etiam in paucioribus, & nonnulli in duabus plus minus hebdomadis.

*Urina tenuis  
& spicea.*

Quorundam hoc morbo laborantium urina tenuis & spicea visitur, & sæpe feri instar pallefcens, qualis reddi in viscerum obstructionibus, ac ventriculi cruditate solet. Ex quibus nullum certum capi potest hujus morbi argumentum, quantum mea qualicunq; observatione animadvertere hætenus quivi.

*Historia de  
urina tenui  
& spicea cum  
vomitu post  
urinam cras-  
sam & rubram.*

Tres novi, quibus cum hac urina continuus vomitus molestus erat, in quibus crassæ & rubræ præcesserant, sicut ab amicis & domesticis edoctus sum. Quod fieri maxime solet, quando diuturniore morbi mora expultrix facultas afflicta, languet, ut altiores morbus egerit radices, vel quoties natura debilis morbi materiam non aggreditur. Cognoscitur autem curationis experimento. Nam exhibitis quæ huic morbo serviunt medicamentis, observabis postridie, vel saltem post biduum, ab his, ex tenuibus crassas fractas eas esse, cum similibus sedimentis rubris & crassis, manifesto hujus morbi, sicut jam dixi argumento.

*Regula diag-  
nostica i gene-  
ralissima.*

Proinde cum his urinis semper inquirere debemus, quales in morbi principio urinæ vel ejus apparuerint progressu, si notiora certioraque

que de hoc morbo cognoscere cupiamus. Ex quib. si nulla certa notitia haberi potest, amplius considerabimus, num quis morbus, cujus ratione sequi eum veteres dixerunt, sub sit. Item num quem post modum vel alias, sub præcordiis sentiat respirationis angustiam, at quem obtusum crurum dolorem. Vel num quãdoq; scorbuto laboraverit, ex quo non satis fuerit restitutus, vel quovis alio symptomate huic morbo proprio, exempli gratia, arthriticis dolorib. varie locum affectum, & præter ratione commutantibus, aut simili.

Quorum si quid æger consteatur, habes evidens hujus morbi signum. Si neget, majoris certitudinis ergo amplius ægrotum percunctor (licet n. nobis eadem sæpius rogare, quandoquidem ut recte celeberrimus nostri temporis medicus Guilielmus Rondeletius monet, mercatores non piget, pecuniæ calculum ter (materve repetere) quo victu sit usus, & quibus potissimū delectatus sit cibus, num adversa tulerit & quo animo, num prius boni habitus fuerit, nunc vero præter rationem & sine manifesto morbo contabuerit.

Si nec illud, nū quid in corpore subfiterit, quod purgari solet. Quibus

*h. est. Methodus interrogandi & tradendi ægrotum ad scorbui investigationem.*

4.

5

6

7

8

9

10

in

11  
12

in locis commoretur, campestribus, an-  
uliginosis & planis. Quis situs loci i-  
stius ad mare septentrionale. Quæ ra-  
tio ibidem aquarum.

13

Ex quibus si levibus tantum conje-  
cturis sententiam meam de scorbuto  
confirmari animadvertam: Atq; æger  
interea nullo morbo manifesto veteri-  
bus cognito laborare videatur; con-  
venienti huic morbo medicamento se-  
mel, atq; iterum eum exploro.

A quo si ex tenuibus & spæcis urinis,  
commutari eas in crassas & subrubas  
ac turbidas conspicias, crasso, rubro ac  
gravi sedimento subsidentes, habes cu-  
rationis bene institutæ indicium non  
leve. Quod urina hæc latentem prius,  
quiescentemq; morbi causam, medica-  
mentum hoc commovisse, & naturæ  
directione aggressum esse common-  
strat, indicans quâ cœpinus via, per-  
gendum esse, donec à natura morbi  
causa medicaminis interventione, con-  
cocta ac separata, expulsionioni obediat  
obtemperetque.

*Historia com-  
mutacionis u-  
rinarum in  
scorbuto.*

Hanc urinarum ab his medicamen-  
tis permutationem, intrâ biduum sub-  
secutam fuisse in duob. Stadenſis urbis  
senatorib. observavi, qui diu ante cum  
hoc

hoc morbo fuerant conficiati, aliis atque aliis symptomatibus subinde infestati.

Eandem quoq; nuper Embdæ consideravi, in uno caupone, & altero nauta. Quorum alter, caupo scilicet, supra sex menses domi claudus ab hoc morbo defederat, præter unius cruris paralyfin, summis quoq; crurum doloribus divexatus. Pro quibus varias chirurgorum unctiones expertus frustra fuerat, indies in deterius proficiens.

Sed & ægri sensus si melius habeat, Canon therapeuticus generalis duodecimus. Vide pag. 18. monere nos debet, incœpta semel curatione pergendum esse. Siquidem 46. certissimum est, quod ab eo sumitur indicium, & dignum, quod in omni curatione adhiadvertatur. Unde & Hippocratem argumentari aphorismorum sectione secunda non piguit. Aph. 17. Nihil enim tam est perniciosum ac malum, quam ab uno, ad aliud medicaminis genus, facile, & sine causa transire. Aut leviter ab ijs recedere, à quibus melius se sentire æger testatur.

Quamobrem fugiendum vel maximum illud medicorum genus est, quod Fugendi Medici qui quotidie nova E quo-



*ua medica-  
menta præscri-  
bunt.*

quotidie, quoties ægros invisit, novas ac diversas medicaminum compositiones ægris præscribit.

Sed de his, quia præter nostrum institutum sunt, hæc sufficiant. Itaque unde oratio digressa est, revertentes, porro ostendemus, æque ab his urinis, sicut & à pulsu, morbiq; natura & moribus, quasdam nostras febres intermittentes, tertianæ, quotidianæ, ac quartanæ febris typo ludentes, à veterum febribus discerni & distingui, atque prædictas, quæ nullo ordine ægrotantes, ut dixi, infestant.

## IX. FEBRES INTERMITTENTES.

*9. Febres intermittentes scorbutica.* Contingit enim non raro apud nos quibusdam febribus intermittentibus, & quotidie, tertio, ac quarto die recurrentibus vulgus nostrum corripì, præter diei accessionem nihil cum veterum febribus communicantibus, vel saltem paucissimis notis iisdem respondentibus.

Quas etiam si curationis modo veteribus descripto, curare fueris aggressus, adeo nihil proficies, ut cum artis  
virtu-



vituperio, & tuo ipsius quoque tædio, curationem sis tentaturus, ut propterea recte dictum à Galeno sit, febres non dierum numero, sed signorum proprietate distinguendas atq; dijudicandas esse. Et recte scriptum à Peucero viro doctissimo in præfatione libri de divinationum generibus sit, medicationem omnem everti ab eo, qui signorum considerationem tollit.

Quam multas enim (ne quid de reliquis dicam) quartanas paucis ab hinc annis vidimus & curavimus, quæ nullum cum veterum quartanis, præter diei accessionem, signum commune, neq; in pulsu, neq; in urinis, aliiſve ejus symptomatibus habebant?

Nam ut cæteros taceam (etsi etiam maximi nominis & autoritatis viros ac fœminas testes hîc adducere quæ-  
am) unius infantis & bimuli testimonio adhuc lætentis, contentus ero, viri in Republ. Embdana celebris, & bonarum artium ac juris studiosi, nostrique amantis, filioli tunc temporis unici, qui cum nutricis lacte sibi hoc malum suxerat. In quo primum febris hæc cum levi extremorum frigiditate incepit, quæ ad horam unâ plus

*Historia memorabilis infantis febris quartanæ scorbuticalaborantis.*

minus durabat. Hanc calor subsequen-  
batur mitis, aliquando horis octo,  
quandoque novem cum infestans.  
Quando sæpius sed parum bibit, vix  
singulis vicibus cochlearia duo. To-  
to autem paroxysmi tempore libram  
dimidiam & nonnunquam ne qui-  
dem libræ quadrantem. Et si interea  
puer langueret, omnibus ejus viribus  
graviter afflictis. Cui demum (perse-  
verante diutius morbo) oculi intum-  
escere, & prætumido tumore facies  
attolli cœpit. Unde de cachexia ac  
gra viore morbo sollicitus, quibusdam  
propinatis nutriti medicamentis, æ-  
grotantem DEI beneficio curavi. Pul-  
lus etiam in ipso febris vigore parvus  
erat & inæqualis. Et urina in terram  
projecta albida viscebatur & turbida.  
Febris vero quarto quoque die recur-  
rens.

Hæc si ex dierum numero æstiman-  
da febris fuisset, haud dubie ut quarta-  
na curari illa debuisset. Cum qua  
præter accessionis diem, nullo signo  
præterea communicabat, sicut mani-  
festum est, cum quartanæ veterum si-  
gnis, hæc nostra conferendi. Ut tace-  
am infantis temperamentum sangui-  
neum

neum & laudatissimum, à melancholici humoris generatione alienissimum.

Quamobrem suis quæque febres notis ac signis æstimari ac dignosci, non dierum invasione debent. Id quod ubique & in omnibus febribus sibi proponere ac infigere debent, qui medicinam apud nos feliciter exercere cupiunt. Scilicet ut veterum febrium, cum his nostris de quibus sermo est, collatione distinguere norint, quibus signis veterum febribus accedant, & quibus rursus discrepent & dissentiant.

Quod imprimis nobis pulsus monstrabit, si parvus & inæqualis præter febris rationem fuerit, deinde præter pullum urina, eo quo dixi, modo considerata. Ultimo quoque propria cuiusque febris accidentia, quæ in memoria habere eum oportet, qui feliciter has nostras dignoscere velit.

Futurum enim est, ut hac consideratione in morbi noticiam deductus, paucis diebus gravissimas quasque febres sit curaturus, quibus nulla prius veterum profuit curatio: observatis tamen scopis & indicationibus,

E 3 quas

*Regula I.*

*Diagnostica  
specialis quint-  
ta, seu nota di-  
scernentes fe-  
brim scorbuti-  
cam à com-  
muni.*

*Vide infra  
pag. 57. &  
seqq.*

quas nobis medendi methodus præscribit. Quæ, quia à nemine hætenus satis animadversa sunt, quod sciam, hinc factum esse arbitror, quod tantopere vilescere apud nos & in his regionibus medicina cœperit, utpote quæ nullius febris curationem certo promitteret, sed quæ plus sæpe offenderet, quam prodesset, non medicæ artis culpa, sed artificum ignorantia, pro ratione locorum & circumstantiarum, cuiq; feberi commoda medicamina applicare nescientium.

Quo magis necessariam diligentem signorum sceletyrbes traditionem esse putavi, quod ab his ad morbi noticiam, & per consequens rectam curandi rationem quasi manu ducamur.

*Prinarum in  
febris scor-  
buticis exa-  
ctior conside-  
ratio.*

*Urina crasse  
rubra & sub-  
fusca in  
scorbuto quid  
notent.*

*pag. 34.*

Nam si in his regionibus febricitare quispiam, cum crassis, rubris & subfuscis urinis cœperit, plurimis subsidentiis conspicuis, à quibus nihilo clarior supereminens supra hæc urina extat, sed crassa & turbida atq; subalbida, persistat: quod, inquam, cum huius morbi significatione id fiat, supra ostendimus: Siquidem non unius, sed plurimum humorum & diversorum putrefactionem, urina talis demon-



monstrat, & propterea non simplicem, *Vide Hipp. aph. 33. lib. 7*  
 et si prima fronte videatur, sed compositum morbum, ex varia humorum miscella.

Quæ si terrianae febris, ut quandoque & sæpe fit, typum mentiat, ad huc magis manifesta differentia, magisq; perspicua erit, quæ ab his urinis sumitur: Quod in illa frequenter in initio urinae tenues & citrinae conspiciantur, atque ad monstrandam sufficientem humoris peccantis concoctionem, nonnunquam nubecula sufficiat, cum in hac nostra, crassa illa & diversarum partium occurrat. *Urina in tertiana scorbutica quales.*

Ut taceam, in tertiana etiam notha urinis crassescens, & crasso sedimento subsidentibus, febris declinationem expectari, quæ in hac nostra extremam cruditatem, ut plurimum, denotat: Sicut manifestum exemplum quod cum his febris quotidie invalescat & assurgat, vel saltem nullam sui imminutionem ostendat, & certo hujus morbi præsentiæ testimonio, & ejus, à vera vel notha tertiana veteribus cognita, discrepantia. *In tertiana scorbutica urina crassa.*



*Explicat aph.**Hipp. ex 2.**prognost. 27.**quem citat Gal.**4. aph. comm.*

71.

*Prognosticum  
undecimum.*

Hippocrates urinas rubras rubro sedimento in matulae fundum subsidentes, longiores quidem morbos designare, sed tutas & sine periculo esse in aphorismis dixit. Quem si hic & in nostris ægrotis sequamur, non raro nostris prædictionibus, magna artis infamiâ, & nostra non vulgari turpitudine, à scopo aberrabimus. Quandoquidem cum his urinis quam plurimos hodie apud nos interire videmus, ab angustia hac, præter medicorum spem & expectationem extinctos, vel alias morbi magnitudine & diuturnitate pressos. Quemadmodum pluribus exemplis id hîc, si necesse esset, probare possem.

Quapropter Hippocratis aphorismum de ijs sedimentis intelligendum esse opinor, quæ in fundum subsidentia, reliquam & supereminentem urinæ substantiam claram & pellucidam relinquunt, nullis excrementis contaminatam; Ideoque naturæ super peccante materia victoriam, vel aliqualem ejus concoctionem & subtractionem ostendunt. Quæ in nostris urinis extremæ cruditatis signum habere, superiores urinæ partes crudæ, in-

indigestæ, ac turbidæ demonstrant,  
& propter has quotidie tacitis incre-  
mentis assurgens morbus.

Quare qui medicinam facere apud  
nos considerate volunt, diligenter  
animadvertere debent, ne dum Hip-  
pocratem in his se sequi arbitrantur,  
ab his subsidentiis decipiantur, & cum  
sua & artis infamia prius prædictioni-  
bus suis impingant, quam morbus e-  
jusque natura, recte ijs cognita sit &  
perispecta.

Quod fiet, primum si ad diversas u-  
rinarum partes animum attendant.  
Deinde si omnia febris signa & sym-  
ptomata secum diligenter expendant. *Signa veterum*  
& quibus signis ad veterum febres hæ *febris cum*  
nostræ accedant, quibus discrepent. *nostris commu-*  
& dissident, studiose dignoscant. *nia & diversa.*  
*Vide sup. pag.*  
Futurum enim hoc modo est, ut plu-  
rimas agnoscere notas cogantur, qui-  
bus à veterum intermittentibus no-  
stræ discrepent & distinguantur: Sive  
caloris qualitatem, frigorisque sen-  
sum, sive morbi naturam & mores fe-  
brisq; continuationem, & superveni-  
entia aliquando cum his symptomata  
rara, & à veterum foro aliena, consi-  
derent & contemplantur. Nam in  
quar-

*Urina in  
quartanis ve-  
terum & no-  
stris quomodo  
conveniant:  
quomodo dif-  
crepent.*

quartana (exempli causa) etsi urinis sæpe hæ nostræ febres conveniant, atque perinde in his nostris eæ, atque in quartana veterum, crassæ appareant & subfuscæ, rarissime tamen in morbi principio, & prima febris accessione, rubidæ illæ, & crasso ac gravi sedimento subsidere conspiciuntur, vel dispari substantia partim subsidente, partim conturbata apparent.

*Accidentia  
rara in no-  
stris febribus  
contingentia.*

Accedit in veterum quartanis, crassas & subsidentes urinas concoctionis initium designare, quas in nostris extremæ cruditatis initium habere, morbi incrementum ostendit: Ne quid de raris accedentibus dicam, uti cum tertiana & quotidiana nostra febre, sic etiam cum hisce quartanis subinde concurrentibus, motibus scilicet convulsivis, lethargo, tremore, variis & pungentibus corporis doloribus & lincinationibus, vel hujus febris, in alium morbum, præter rationem, transitione: Sicut frequenter & inprimis apud Embdanos contingere vidi, ubi etiam quam Hamburgi pertinacior hic morbus esse so-

*Embda, quam  
Hamburg  
scorbutus per-  
tinacior.*

let,

let, & difficilioris ac operosioris in quibusdam curationis.

Ab his & similibus accidentibus non est difficile, has nostras intermit- tentes febres ab ijs, quas antiquitas agnovit, distinguere, ijs qui exercita- tum in veterum morbis, earumq; dig- notione, ingenium habent.

In quotidianis plærunq; urinæ cras- *Quotidiane*  
sæ & albidæ esse solent, reliquis, quæ *veterum à no-*  
ad pituitæ generationem faciunt, cor- *stris quomodo*  
respondentibus. Quas etiam ad amuf- *differant.*  
sim cum nostris plærisque quotidia- nis collatas, plurimum differre, & ab iis discrepare, facile intelligent, qui ad ea, quæ de quotidiana febre ab an- tiquis scripta sunt, animum attendunt & diligenter animadverunt.

Videbunt enim ut morbi natura & moribus, sic etiam pulsu & urina plu- rimum ab iis has nostras discrepare. Inprimis vero urina, quæ ut sæpe va- ria est, ita nonnunquam in his quoq; occurrit crassa & subfusca. Sed & ac- cessionis modo, & terminatione, & præcedentis victus ratione, plurimum quoq; eas discrepare animadvertent.

Cæterum plus difficultatis hujus *Regula diagn.*  
dignotio ab urinis habet, quoties eæ *Gen. 18. ex*  
*urin.*

va-



*commutatione  
in genere. vide  
pag. 234.  
Prine varia  
quid notent.*

*Galenus locus  
de urinis va-  
riis ex 4. de  
vitiu acut.*

variæ occurrunt, modo tenues & citrinæ, modo crassæ & turbidæ, aliquando rubræ, & rursus paulo post aqueæ, vel tenues, & conturbatæ. De his urinis meminisse præcepti Galenici oportet, quod quarto de victu morborum acutorum libro, in hanc sententiam scriptum reliquit: Scilicet ex varia & facili urinarum permutatione, plures affectiones denotari, quæ ut non eandem curationem, itaneque similem solutionis præfinitionem habent.

Quemobrem si quando in ægrotum incidamus (incidimus autem frequenter) has urinarum mutationes patientem, scire ex hoc præcepto Galeni debemus, non unum neque simplicem, sed compositum morbum, ita affectum pati, atque aliam causam ac morbum subesse, diversum ab eo, qui in oculos ac sensus incurrit, utcumque simplex prima sua specie ac facie morbus videatur. Qui num ad hunc morbum, & specificam hujus putrefactionem referri debeat, cum ab urinis hisce variis, tum à pulsu docemur parvo, debili, & inæquali, vel magno, duro, & serratili, absque ulla membranarum offi-



ossibus adhærentium inflammatione. Unde non contemnendum nobis huius morbi indicium ministratur, quod pro fundamento, super quo porro ædificemus, hic nobis servire queat, utpote à quo aliquando viris in medicina exercitatis, prima manus nostræ ad pulsum applicatione, differentiam, qua ab aliis febribus, quas antiquitas cognovit, hæc nostra cum scelerityrbe conjuncta discernenda sit, ostendi.

Siquidem non raro contingere videmus, quod æstuantibus, & præ calore varie jactantibus sese ægris, propriam & adnatam suam parvitatem inæqualitatemq; pulsus conservet retineatq; & huius morbi indicio, & lentæ putrefactionis significatione, suis fumis & vaporibus magis, quam igneo calore moleste. Quemadmodum proximis hisce annis elapsis, non semel id experti sumus; Et nuper in tribus quartanis, intra decem dies plus minus, feliciter (Dei gratia) nostra opera curatis, qua nonnulli, nulla simili curatione usi, supra annum ægrotarunt.

*Historie de  
quartanis intra  
10. dies curatis.*

Hujus generis, & ab hoc morbo  
de-

*Febres scorbut.  
in initio tertiana  
typum repræ-  
sentantes: po-  
stea quotidie  
invadentes.*

dependentes illæ quoque sunt, quæ cum his urinis crassis & turbidis incipientes, in initio, tertio quodque die, fallaci tertianæ febris typo invadunt, atque postea, nisi intra dies quatuordecim sponte desinant, quotidie infestant, nonnunquam vehementi cum rigore, & aliquando quoque diuturniore cum horrore.

*Prognost. 12.*

Hæ febres ut plurimum in aëre salubriore cum temporis mutatione, & post tres menses, sponte solvuntur, ut quos in initio veris, febris hæc apprehendit, fere sub festum Jacobi, vel circiter, remissionem sentiant, tam qui medicinæ præceptis obediunt, quam qui omnibus artis medicæ legibus soluti vivunt, utpote quæ propter morbi hætenus ignorantiam, nullis medicorum curationibus cessit.

*Lactes & lacti-  
ciniorum  
usus interd.  
prodest in fe-  
bribus scor-  
buticis.*

*Curatio in-  
terd. periculo-  
sa in febribus  
scorbuticis.*

In his etiam sæpe variæ urinæ occurrunt, utcunque nullus circa vitum committatur error. Vidi etiam frequenter cum laudatiore colore à morbo surrexisse, qui lacte & lactici- niis usi fuerant, quam qui ex medicorum vixissent præscripto. Novi etiam quibus periculosa curatio fuerit: Sicut de Anglo uno ostende-

re

re possem, nisi odiosa hujus generis exempla essent.

Puto tamen recte id hic moneri, ut cognoscant medici juniores, quomodo hos scopulos declinare conveniat. Cum enim quotidianis febris invasionibus, ægrotantis vires frangantur & labefactentur, non alienum à ratione est, medicaminum, morbum non curantium, usu & exhibitione, magis id fieri debere. Quod medici industrii animadvertentes, victus ratione, ut tutissimo curationis modo, istiusmodi postea curare tentarunt, ab eventu nimirum edocti: Quo nihil melius ac tutius sub morbi ignorantia est.

*Victus ratio  
in morbis ig-  
notis tutissi-  
mus curandi  
modus.*

Si æstivum tempus fuerit, nihil utilius aeris mutatione est. Procedit autem optime harum febrium curatio, ijs medicamentis, quæ scorbuto ac febre debentur, sicut multiplici nostra experientia hætenus comprobatum fuit. Præmissis (sicut id requirere corporis constitutio videbitur) universalibus, in administratione eorum observata anni temporis, morbi temperamenti, virium, & præcedentis victus ratione, sicut de his universalis medenti methodo erudimur.

*Canon therap.  
spec. in febribus  
scorbut.  
primus.  
Canon therap.  
spec. in feb. scorb.  
scorbuticis se-  
cundus.*

Quod

Quod si cibandi necessitas medica-  
minum exhibitionem, propter intem-  
pestivas febrium accessiones impedi-  
at, & verum tempus fuerit, atque æ-  
grotus in urbe decubuerit, in paten-  
tem aliquem locum extra urbem æger  
transportetur, ibique expectata hu-  
morum concoctione, per intervalla,  
quoties expedire id videbitur, facili ac  
levissimo cathartico eos expurgato.

*Tertius.*

*Quartus.*

Quod si moram hanc recurrentes  
subinde angustiae, & ad præcordia in-  
festantes, propter suffocationis peri-  
culum non admittant, nulla habita  
temporum febris ratione, etiam ali-  
quando in ipso febris vigore, neces-  
sitate id requirente, magno ægrotan-  
tium commodo morbique imminu-  
tione, prædictis medicamentis ad fe-  
brem & scorbutum facientibus insto.  
Nam qui feliciter jam dictas febres  
curare cupit, medicaminum compo-  
sitionem moderabitur, pro ut vete-  
rum naturæ & moribus, vel huic no-  
stræ, plus minusve illas consentire a-  
nimadvertit.

*Quintus.*

Si enim corpus biliosum, & multa  
bili redundans, plures tertianæ febris  
notas nobis repræsentaverit, paucio-  
res



res vero scorbuti, cum iis quæ cholera temperant & extinguunt, ea misceri, sed minore quantitate debent quæ hunc morbum curant, idque quadam humectandi refrigerandique potestate faciant & promittant. Cujusmodi sunt huic usui inservientia becabunga & acetosa. Quorum succus utilior eorundem decocto est.

Sextus.

Quibus si non satis curatio procedat, etiam aliquid de cochleariæ succo ejusque decocto addo, sed moderatione quantitate. Qui prædictis convenientior est, si abique multa siti cum urinis nigris, & rubris, vel crassis & subfuscis febris contingat, in corpore multo & crasso succo melancholico abundante.

Septimus.

Octavus.

Si aer in quo æger decumbit ac degit, tenuis fuerit & subtilis, eademque fuerit vivendi consuetudo, mitioribus minusque incidentibus & attenuantibus medicamentis curatio perficitur. Quæ intendi in aëre crasso & humido debet. Qualis aër Zelandicus, aër Embdanus, & in multis partibus Hollandiæ est, iis in locis potissimum & civitatibus, quæ ad septentrionalis maris littus proxime accedunt.

Nonus.

F In



In quibus, prædictis pro ratione ægrotantis temperamenti, ea miscenda sunt, quæ cum hujus morbi curatione humores attenuant & incidunt. Cujusmodi inter cætera sunt carduus benedictus, absinthium utrumque, enulæ campanæ radices, nasturtia utraq; trifolium aquaticum, id genus alia.

*Decimus.*

Quod si fortioribus opus fuerit, optime faciunt chelidoniæ minoris radicis decoctum, & taphani succus expressus, & jam dictis debita portione permixtus. Quibus rite administratis, paucis diebus curari febres longissimas, sæpe supra annum perdurantes, & non raro in graviores (ut fieri solet) morbos transeuntes, videbis, quibus, citra horum usum, nulla (sicut sæpius observavimus) medicina potuit subvenire.

*Pregnesc. 13.*

Atq; hoc curationis modo paucos novimus supra quatuordecim dies ab his febrib. ægrotasse. Quemadmodum infinitis exemplis si necesse esset, ostendere possem.

*Pregnesc. 14.*

Vidimus etiam præter veterum placita, in aliquibus hisce febribus intermittentibus convulsivos motus, in aliquibus Suberth sive Carū conjungi, qui cum

cum febris accessione singulis paroxysmis recurrerent, iisdemq; remittentibus cessarent.

Alterius exemplum nuper nobis Embdæ præbuit quidem Anglus, cui nomen erat Ritzardus Best, & præter eum puellus, & altera puella annorum plus minus quatuordecim. Ut Cari cū paroxysmo recurrentis, adolescens Flander Boudevinus Bogart, & præter ipsum senex sexagenarius Gandavenfis. Quos à putridis & malignis hujus morbi exhalationibus id pati, ex pulsu & urina, ac febris specie & moribus, cum adverteremus, brevi, huic malo obviam ivimus, nisi quod ab hoc caro senex multas secum mulsitans melancholiæ causas, quibus cum diutius conflixerat, semel atq; iterum revocatus, tandem sit extinctus.

In quorum curatione illud peculiari-  
ter annotari debet, quod peculiari vi  
& facultate in Caro ab hoc morbo excitato, nostra qualicumq; observatione animadversum sit, ante omnia nasturtii aquatici succum valere, illius scilicet, quod in limpidis & fluentibus rivulis provenit. Nam quod in cœnosis & stagnantibus quibusdā aquis apud nos

*Historia febris  
intermittente  
scorbutica laborantium  
cum convulsivis morbus  
& caro.*

*Prognosis. 152*

*Canon therap.  
spec. in febris  
scorbuticis  
undecimus.  
Nasturtii  
quatinus.*

*Nasturtii a-  
quat. electio.*

Embdæ crescit, sicuti saporem ingratum atq; injucundum habet, ita inefficax quoq; illud esse experimur.

*Canon therap.  
specialis in fe-  
bribus scorbuti-  
eis duodecimus.*

Miscetur autem inconvenienter hic succus, iis quæ ad febres, veteres præscripserunt, tum etiam illis ipsis, quæ huic morbo convenire paulo ante diximus.

Quod vero ad soporem hic succus conferat, ante nos Rondelitus celeberrimus nostri temporis medicus, contra Fernelium virum quoq; doctissimum, suo de medendi methodo libro defendit. Cujus sententiæ subscribere nos veritas compellit, qui in hoc nostro Caro à scorbuto excitato, bis terve præsentī remedio eodem usi sumus, sicut suo loco de hac re latius dicitur.

*Canon therap.  
specialis in fe-  
brib. scorbut.  
decimus tertius.*

*Succi cochlea-  
rie vis contra  
motus convulsi-  
vos.*

Convulsivis motibus plurimum cochleariæ succum prodesse, aliquoties etiam nostris experimentis comprobatum est, si iis quæ ad febres (cum quibus ut plurimum concurrunt) faciunt, commisceatur, indicationibus, quas medendi methodus ostendit, ubique observatis, ut scilicet pro ratione humorum peccantium, & victus præ-

præcedentis, curationem intendamus imminuamusque.

Cum quibus si alvus non respondet, *Canon therap. specin febrib. scorbut. quartus decimus.* injiciendi clysteres evulsorii sunt, ex iis quæ humorem attenuant & incidunt, ac simul humorem melancholicum, & huic pro temperamenti ac vitæ occasione mixtum humorem leviter evocant & educunt. Siquidem graves humorum commotiones, maxime in ejus initio, hic morbus non admittit.

Ex quibus autem parari clysteres hi debeant, notius est, quam ut hic mone-ri illud sit necesse. Quos etiam pro rei necessitate variare norunt, qui artis nostræ aliquem usum habent. Nos enim, quod in libri fronte diximus, prima quædam tum morbi hujus, tum curationis ejusdem rudimenta damus, quæ datura aliis occasionem esset, al- tius de hoc morbo inquitendi ut eorum doctis scriptis hæc nostra obscurentur.

## X. FEBRES CONTINUÆ.

**A**Tq; hæc de intermittentium fe- *10. Febres con- tinuæ.* brum genere, cum scorbuto con-  
F 3 jun-



junctarum, earumque à veterum differentia, dicta nobis hætenus sint. Postulat nunc ordinis ratio, quædam etiam de continuis dicamus, quas eadem facultate hic morbus exprimit & mentitur, atq; intermittentes.

*Materiam scorbuti etiam in majoribus vasis putrefcere:*

*Sanguis plumbeus ac viridis vena sectione emissus indicium scorbuti:*

*sive, Regula Diarrost. pec. fibrum scorbuticarum continuarum sexta.*

*Regula Diarrost. pec. febb. continuarum.*

Unde consequitur non in ventriculo & primis venis tantum hujus morbi materiam contineri, sed etiam in majoribus putrefcere vasis. Quod manifesto indicio plumbeus ac viridis quorundam sanguis ostendet, vane sectione emissus. A quo etiam plebs hodie iudicium de hoc morbo ferre præsumit, eos scorbuto laborare affirmans, quorum sanguinem tinctum his coloribus videt. Et ut quod res est fatear, observavi fere in omnibus crassiori cibo indulgentibus, & qui cum hoc morbo diutius sunt cõflictati, sanguinem è venis emissum, his coloribus, quantum memoria mecum repetere possum, infectum fuisse.

Quibus autem signis à putridis febribus veterum & continuis hæ nostræ putidæ & continuæ sint distinguendæ, ostendunt primum febris mores, qui plærunq; in his nostris miriores sunt, & minore cum inquietudine ac siti conjuncti. Aut si auctiora hæc videbuntur, manifesto indicio hunc morbum anxietas

per



per intervalla recurrens, & ad præcordia infestans declarabit, & pulsus comparatione illius qui in putridis veterū sentitur, parvus & inæqualis: Quibus si urinæ accedant crassæ & subrubtæ, crasso & subrubro, vel albo, crasso & subrotundo sedimento, dispari & gravi subsidentes, quibus pro putrefactionis notis quas ostendūt, par potus desiderium, ac quantitas non responder, signū magis evidēs habes, quod tuto ad instituendā recte curationē te deducet.

Hæ febres si purgantibus medicamentis fortioribus in initio, vel patriis cerevisiis ex aquis nostris decoctis, vel medicaminum calidorum usu exasperentur & irritentur, plurimos subito deliquio & suffocatione enecant & occidunt.

*Prognosticum  
decimum sextum.*

A qua periclitantem Marefscalcum, & supra triduum cum ea angusta vivere se posse negantem, intra triduum DEI gratia curavimus, cum eodem, qua ad eum venissem die, pillulas nescio quas hausisset: Sicut hujus curationis testes nobis quidam esse medici possunt, qui partim adhuc Leoverdiæ vivunt.

*Historia curationum à deliquio & suffocationis periculo seu angustia.*

Eodē suffocationis periculo Stateræ

tributarii filiam pene desperatam, & ab aliis adstantibus certæ morti destinatam, intra viginti quatuor horas (DEI beneficio) liberavimus, cum Luneburgo reversi, ad eam à parentibus vocaremur. Quæ convenienti horum medicaminum usu, in octo diebus integræ valetudini porro restituta fuit.

Præter hos alios quam plurimos ab hac suffocatione DEI gratia sanavimus, quos hic referre plane longum ac superfluum esset.

*Canon therap. spec. in febribus scorbuticis continuis primus.* Curantur autem eodem curationis modo, quo intermittentes, in quibus paulatim à mitioribus ad fortiora ascendere debet, qui tutam harum febrim curationem experiri volet. De qua re, quia prius monuimus, nihil opus hic molesta ejus repetitione est.

*Secundus.*

Conducit autem his potus quotidianus refrigerans, ex cerevisiis antea nominatis. Quarum si nulla haberi copia possit, hordeum in aqua pluviali decoquo, ejusq; decocto, Rhenani tenuis & puri partem quartam aut quintam, vel tertium aut etiam dimidiam addo, magno ægrotantium commodo, sicuti multiplici nostra experientia comprobatum est.

NO.

Nostri temporis Chirugi, & Empirici medici, quorum magna apud Embdanos licentia est, propter nigras maculas, atri sanguinis recrementum, quod ad cutem quandoq; natura protrudit, respirationis difficultatem, qua hi ut plurimum laborant, peste sic affectos laborare existimantes, Theriacæ aliorumq; calefacientium medicaminum usu (conservandi magis à peste quam curandi eam gratiâ exco- gitatorum) & exhibitione, curationem harum febrium attentantes, non paucis mortem accelerant, febrem augmentando, & respirationis difficultatem cum suffocationis periculo intendendo.

*Error Empiricorum in febb. continuis scorbuticis theriacam exhibentium perniciem sus.*

## XI. FACILIS LI- POTHYMIA.

Quâ tantam sæpe respirationis angustiam ægrotantes incurrunt, ut subito aliquando & præter spem intra manus eorum deficiant, veluti animi deliquio extincti.

*I. I. Facilis & pothymia Prognost. 17.*

In quibus natura fortior morbi vehementiam evincit, hi, manente morbi radice, nunquam satis confirmati, fre-

*Prognost. 18. Vide infra 209.*

frequenter perpetuo languore quasi contabescunt, aliis atq; aliis symptomatibus subinde infestati, donec vel in hydropem, vel atrophiam, aut aliud malum conjecti, miseram hanc vitam, feliciore tandem commutent.

Quo magis necessaria est diligens signorum hujus morbi observatio, quo tempestive agnosci, & cum ægrotantis salute curari ille possit, priusquam diuturniore sua mora in majus malum ægrotantem devolvat.

Inter quæ quia quoq; plurimum momenti pulsus habet, postulat hic locus levem ejus, quantum huic instituto satis est, enatrationem, ne ubiq; ejus meminisse necesse sit.

*Pulsus in scorbuto exactior consideratio.*  
*Vide pag. 16.*  
 41. 60. 76.  
 87. 90. &c.

Est autem omnium fere hoc morbo laborantium pulsus parvus, debilis, & inæqualis, nisi quando ad magnitudinem eum febris vehementia disponit. Quâdo durus quoq; & major justo, maxime sub intensa febre sentitur. Quod etiam statim crebrior futurus sit, norunt ii, qui artem sphygmicam tenent.

Qui deservescente febris estu, vel citra febrim, at cum lenta & minima, perseverante diutius scorbuto, tandē ex magno & duro, qui vigente febre

occorre-



occurrerebat, pulsu, in parvum, crebrum,  
& inæqualem commutatur, à vermicu-  
lari parum aut nihil sæpe differentem,  
adeo ut vivere hominem cum tali pul-  
su posse, Italus medicus admiraretur.

Ex quo manifestum est, quantopere  
ab hoc sævo malo ejusq, tetrus vaporibus  
cor, vîtalîs facultatis fons, infestetur.  
Atq; hinc fieri puto, quod quidam  
hoc morbo laborantes, ad lipothymiam  
animique deliquium, post levem  
motum adeo faciles sint & prompti.  
Quod etiam certo & pathognominico  
hujus morbi signo fit.

Nam qui in parvo, quantum ad sen-  
sus, morbo ac febre, à quo decumben-  
tes parum aut nihil pati videantur, su-  
bito & præter rationem linqunt, aut  
ad linqendum proni sunt & procli-  
ves, hos sceletyrbe laborare certo per-  
suadere tibi debes. Quod curatio, si ex-  
periri libet, comprobabit.

Unde intelligi facile causa parvi  
ac debilis pulsus potest, cum à vene-  
natis hujus mali vaporibus adeo gra-  
viter infestari cor videamus. Quod  
magis à maligna hujus morbi qualita-  
te, & venenatis ejus fumis, quàm putre-  
scantis materiæ essentia aut quantitate  
cor

*Facilis lipothymia in scorbuto causa.*

*Regula diagnost. genera- 13  
lis à facili lipothymia.*

*Vide 228.  
Pulsus parvi  
ac debilis in  
scorbuto causa.*



cor pati multis evidentibus argumentis, si hujus loci esset, demonstrari posset.

Nisi forte ab orificio ventriculi, & cordis cum eo consensu, syncopen hanc fieri quis arbitretur: Quod mihi certe verisimile non sit. Quandoquidē de eo sic affecti nihil conqueruntur.

Ut ut est, pulsus eorum, qui hoc symptomate laborant, similis plane ei est, qui à ventriculi orificii affectione proficisci solet, absq; eo quod quicquam. (nisi quando ventriculi affectio huic morbo jungitur) de eo conquerantur. Itaq; si quando in prædictum pulsum incidamus, (ventriculi orificio nihil patiente) sub quo æger facile linquat, vel ad linquendum pronus sit, dubitare non debemus, quin cum hujus morbi significatione id contingat, sicut de multiplici nostra experientia certo id fieri confirmare audemus.

Quo cum si urinæ prædictæ, vel aliud ex jam dictis, aut postea dicendis signis, adfuerint, plura habes, quibus concurrentibus tutius, majoreq; confidentia acquiescas.

Et quanquam ad monstrandum hūc morbum, præsens symptoma sufficiat: pii tamen medici est, nihil eorū, quæ  
spe.

speciem morbi declarant negligere, quo primum de morbo certum constituat, quam curationem illius aggrediatur.

## XII. CRURUM DOLOR.

**Q**Uamobrem si à toto corpore ejus-  
ve partibus signum aliquod nobis offeratur, quod ab aliis morbis hunc distinguat, illud quoque considerare expedit. Sicut in hoc morbo, quo sæpe maximum à cruribus indicium sumi solet, scilicet ab obtuso eorum dolore, de quo graviter quidem ab hoc morbo affecti conqueruntur, quem aliter explicare nequeunt, quam quod in eorum profundo circa os, inter eundem, vel alias, alii dolorem tensivum sentiant, alii obtusum, alii mordicantem, alii pungentem & erodentem. Quem nonnulli similem videri ajunt, atque si maleolis crura sibi contunderentur, quem etiam gravem & prementem quidam sentiunt.

Forte prout varie à fonte & mali fonte descendentes vapores, crurum musculis & membranis, eorumve nervis, aliisve partibus immiscetur. Quo fit  
ut

*Regula diagnostice- 14  
rulis ex dolore  
crurum.*

*Vide pag. 35.*

*341.  
12 Dolorevum.*

*Dolor crurum in scorbuticis ut plurimum per intervalla & noctu infestat.*

ut plærunq; non continuus, sed per intervalla infestans hic dolor sit.

Qui aliis sub noctem frequenter (ut in Gallico morbo) in gravescit, adeo ut plurimum eorum sæpe ne horulam, aliquando ne quadrantem quidē horæ in lecto commorari ac quiescere queant. Sicut Embdæ sartori meo, & cuidam meo conterraneo Frisio, item rusticæ, & nautæ conjugī, atq; alteri rustico, aliisq; quam plurimis evenit.

### XIII. DOLOR JUXTA MANUS ET DIGITORUM EXTREMA.

*13. Dolor juxta manus & digitorum extrema.*

**E**T quod de cruribus hic diximus, idem in agro Embdano permultis juxta manus & digitorum extrema advenisse, multoties observavimus: Qui etiam sub noctem, uti crurum dolores, ingravescerent. Et si aliis sub vesperam: aliis vero post mediam noctem id evenisse sciamus, fallaci quoq; morbi Gallici indicio, adeo ut etiam exercitatis circa utrunq; morbum exquisita utriusq; dignotio negotium fecerit, quam in his certissimo indicio pulsus parvus & inæqualis demonstrat.

XIII.

XIII. DOLOR NU-  
CHÆ.

Quosdam etiam gravissimis nuchæ doloribus, iisq; tensivis & præmentibus affectos, ab hoc morbo fuisse, memini.

XV: VARIARUM COR-  
PORIS PARTIUM DOLOR.

Sed & dentium, cum dimidii, & alterius lateris maxillæ doloribus, per intervalla quosdã adeo graviter correptos vidi, ut quo se verterent nescirẽt.

*† Dentium  
dolor cum di-  
midii & alte-  
rius lateris  
maxilla dolo-  
ribus.*

Describendis nominib. eorum, qui ab his dolorib. varie exercitati elapsis hisce annis fuere, vix sufficeret præsens charta.

Longum quoq; esset eos recensere, quos ab hoc gravi malo, horum medicaminum ope, ad hunc morbum facientium, ad sanitatem rursus (Dei beneficio) revocavimus.

Cum enim in confessio sit, commune malum communem causam habere, eamq; in aere vel in aquis consistere, nõ dubitavi ab iis, & aquis potissimum, hoc malũ procreari oportere, subscriptibus conjecturæ & inquisitioni meæ pulsu & urina. A quibus magis con-



1. *Dentium dolor cum dimidiis  
& alterius lateris maxilla  
doloribus.*

confirmatus, eadē curationis via quod hoc malum curare sum aggressus, felici curationis successu, sicut huius rei complures hic adducere testes possum, tum Embdæ, tum etiam Hamburgi à me curatos.

*Dolores scorbutici ut generentur.*

Cū enim toto hoc tractu, aquis, decoquendis cibis & cerevisiis, crudis fere & putridis utamur, necesse est ab his quasdam partes tenues, crudas, & indigestas ventriculo & intestinis vicinisq; partibus & locis cōmunicari, quæ hac putrefactione, ad quam sua sponte procumbunt, infectæ, varias exhalationes sursum emittūt, acres & malignas, quæ in quamcunque partem sese insinuaverint, intolerabiles sua qualitate maligna vel intemperie excitant dolores, ad eundem fere modum, quo in Gallico morbo fieri id ipsum videmus.

*Canon therop.  
spec. in dolore  
dentium.*

Semper autem in curatione iis, quæ hunc morbum curant, medicamentis aliquid miscere soleo, quod ad partem affectā, (sicut ex communi curationis methodo docemur) eorum vim & facultatem deferre queat.

*Dentium dolor scorbuticus alios continuos, alios per intervalla infestat.*

Infestat autem hoc dentium malum quosdam continuo, quosdam vero per intervalla, diem aliquādo unum, duos  
aut



aut plures. Quos autem continuò corripit, subinde plures exercet hebdomadas & menses: Quemadmodum nuper contigit cuidam primario civi Embdano, viro gravi & literato, Ecclesiæ Embdanæ seniori, qui nostra etiam opera ab his medicamentis curatus intra paucos dies fuit, post quam cujusdam Chirurgi & ibi Empirici, lapidicidæ operam aliquandiu frustra tentasset.

*Historia laborantium dolore dentium & lateris dimidi.*

Simili dolore nuper duo laborarunt, ex dimidio etiam latere, dolore adeò intenso & gravi, ut ne momentum quidem temporis, uno in loco commorarentur, sed continuò propter doloris magnitudinem, de loco ad locum sese transferrent.

His sub secundam noctis horam plarumq: dolor incipiebat, qui paucis horis ab his medicamentis nostra quoque opera, DEI gratia, domitus est, ægrotantibus integræ valetudini in decem diebus plus minus restitutis.

Ad huc præter dictarum partium dolorem, quosdam dolore dorsi corripì vidi, adeò gravi & molesto, ut mori magis, quam diutius cum eo vivere optarent. A quo nuper rusticum

*2. dorsi dolor.*

*Historia laborantium dolore dorsi,*

G

quen-

quendam DEI fāvore curavimus, supra sex annos cum hoc dolore luctantem.

Eodem hodiè quædam nostra ægrotata, cum singulis februm accessionibus corripitur, aded gravi & molesto, ut hujus ratione febrem, alioque gravissimam, contemnat & aspernetur.

3. *Retum  
dolor & ar-  
dor.*

Sunt qui inflammationis circa renes sensum, perpetuo ardore molestum percipiunt, à quo nuper in paucis diebus quendam civem Embdanum curavimus, qui cum hoc dolore conflictatus hebdomadas quinq̃ue fuerat, aded quoque molesto, ut mori & dissecari se malle diceret, quàm rursus eum, nisi aliter visum DEO fuisset, subire. Tanti quorundam hoc malo laborantium sunt cruciatus, ut nullo sermone satis explicari illi queant.

## XVI. FALSA PLEURITIS.

4. *Capitis  
dolor.*  
5. *brachio-  
rum dolor.*  
6. *Pleuritis  
falsa.*

PRæter hos, alios capitis dolores, alios brachiorum, & nonnullos intensissimi laterum dolores, ad costas, falsa pleuritidis imagine ac specie exercent. A quibus nuper cujusdam civis Embdani, Bastiani Wabbens, natu maxi-

maximam filiam, adeò graviter molestari vidi, ut præ doloris vehementia exclamans, sæpe supra pedes altitudinem iu altum sese projiceret, magna adspicientium dolore & commiseratione.

*Historia laborantis falsa pleuritide.*

Huic bis secta vena in oppositò latere ab Empirico satis temerariè fuerat, nullo ægrotantis commodo. Existimabat enim pleuritide, seu lateris inflammatione ad costas eam laborare. (Etsi nec huic in opposito latere repetita sectio debeat in corpore frigidò, pituitoso, & nulla sanguinis abundantia laborante.

Sed est magna istorum hominum ea in civitate, Embdana dico, licentia, magistratu nihil ad se hanc curam pertinere arbitrante: cum tamen, si Platoni credimus, summa Reip. felicitas in medico docto, & obstetrice gravi ac fideli consistat. Verùm hec missa faciamus.

*Empiricorum in civitate Embdana licentia.*

Hunc dolorem cum pleuritide nihil communicare, statim prima manus in pulsum injectione animadverti, qui mirè parvus & inæqualis erat. Dolor quoque intermittens per intervalla recurrebat, eratq; nulla, nisi ex intervallo, levis eam infestans tussis, quæ ex catarrho, à capite ad fauces delabente, ipsi adveniebat. Urinæ crassæ &

*Regula diagnostica spec. 9. falsam pleuritidem scorbuti à vera discernens.*

turbidæ, multo crasso excremento arenæ instar, subsidebant. Cum quibus nihil vel parùm molesta sitis erat, & respiratio extra dolorem parùm vel nihil immutata. Unde cum pleuritide nihil hunc morbum communicare facile intelligunt ij, qui veterem medicinam saltem à limine digustarunt.

*Alia Historia laborantis pleuritide scorbutica.*

Eodem hoc dolore subinde per diem recurrente, graviter quoque ante plures annos laborasse, celebris cujusdam viri & patricij Luneburgensis, Domini Duysterhopii filium natu maximum, memini, à quo noctu nihil infestabatur. Quo tempore non satis cognita mihi legitima hujus accidentis curatio fuit, quò factum, ut diuturnior tum illa esset. Qui etsi nostra qualicunque opera, ut plurimum in quatuordecim diebus fuerit recreatus, manserunt tamen morbi dolorumque reliquæ ad plures menses.

*Prognost. 19.*

Quos in prædicta filia, secunda & tertia medicaminis exhibitione (DEI beneficio) sustulimus, integra morbi curatione in septem diebus plus minus absoluta.

*Alia historia.*

Eadem doloris dimidii lateris specie,



cie, à quo graviter quoque divexabatur, Itali uxor laboravit, præter jam dicta medicamina, accommodatis quoque huic dolori facculis, curata,

Ludit frequenter hic dolor falsa pleuritidis specie, ut etiam hoc nomine non indoctis possit imponere medicis, nisi diligenter multa attentione, & ingenii discursu secum utriusq; signa excutiant examinentq;.

Cognoscitur autem discrimen, primum quòd cum hoc dolore neq; tussiant neque expuant, nisi quando calor lentus capitis humores dissolvens, levem quandoq; ex catarrho ad fauces tussim ac sputum commovet. Quod præter tussis speciem à pleuritide facile sputum quod ejicitur, & screatus distinguunt.

Secundò à pleuriticis doloribus hos nostros de quibus sermo est, & pulsus distinguit, qui omnibus parvus, mollis, & inæqualis est, ut contra in pleuritide durus, ferratilis & altus.

Tertiò febris species, quæ in his lenta est, sicut propter affectæ partis nobilitatem, ejusq; cum corde vicinitatem, in pleuritide, maxima.



Quartò recurrens ex intervallo dolor, qui non primariò, sed per consensum partem affici ostendit, sicut de recurrente respirationis difficultate antea diximus, ubi affectus partem primariò afficientes, ad sui solutionem perdurare notavimus. Ut vel ab hoc solo signo, (ne quid de respirationis difficultate, qua pleuritici laborant, & sanguinis sputo dicam) à pleuritide & lateris inflammatione, hi nostri dolores pleuriticos mentientes, dignoscantur & distinguantur.

## XVII. VENTRIS DOLOR QUASI COLICUS.

17. Ventrìs  
dolor.

*Historia laborantium  
d dolore ventris scorbutico.*

AT qui ut jam dictas partes variis doloribus subinde hic morbus exercet, ita ventriculum & intestina variis cruciatibus lancinationibusq; exulcerat & discindit, quæ nulli cutationi methodicæ cedunt, sed quæ post longiores exulcerationes, corpus ægrotantis paulatim extenuant & consumunt. Quæ aded in quibusdam graves sunt, ut duos noverim, ab his distensionibus cruciatibusque in peritonæi rupturam incidisse. Ut non abs re scorbuti nomen apud Belgas nostros, &

mo-

modernos medicos, impositum ipsi esse videatur, idq; ab effectu consecutum hunc morbum fuisse, ut sceletyrbes & stomaeaces appellationem, à crurum & oris vitio, antea quoque in libelli initio ostendimus.

Corripiunt autem hi dolores sic affectos non continuò, sed per interval-  
la. Estq; pulsus plærorumque parvus & inæqualis, certam habens hujus morbi significationem.

Urina verò in quibusdam tenuis & citrina, ex qua nullum hujus morbi signum capi potest: quibusdam absque febre & siti, rubra, crassa & conturbata, evidens hujus mali argumentum continens & demonstrans. Paucis crassa, alba, & turbida. Qualis urina Gene-  
rosæ cujusdam comitissæ puellæ fuit, quæ post haustum cerevisiæ anglicanæ indigenæ, ut vocant, antea ab hac febre debilitata, in tantum ventriculi dolorem incidit, ut instar anguillæ convoluta, quò se verteret nesciret.

*Alia histo-  
ria puellæ  
comitissæ la-  
borantis do-  
lore ventris  
scorbuto.*

Cum ex pulsu morbum deprehende-  
rem, & diætæ seu cerevisiæ prohibiti-  
onem errorē, super eo illam accusavi. Quæ  
etsi aliquandiu adversaretur, instanti  
tamen & urgenti mihi tandem errorem

confessa est, Curata unico medicamini hunc morbum respicientis, hauſtu est, à quo ilico ut incallescere illud cœpit, & in actum à natura deduci, ab hoc dolore, uti prædixeram, convaluit. Erat enim morbi radix jam antea cum febre à nobis eradicata.

*Alia histo-  
ria laboran-  
tium dolore  
Ventris  
Morbutico.*

Iisdem hisce lancinationibus, nuper duæ puerperæ, cum intensiore febre & multa siti laborarunt, & alter proxenera, & præter hunc quidam nobili familia natus, in agro Gronin-gano.

Summà, longum esset omnes referre, quos ab his lancinationibus, hisce præteritis annis, DE I gratia, curavimus. Quare hisce contenti erimus, ne studiosè prolixitatem affectasse videamur. Qui quantum fieri potest, præcidere non necessaria nitimur, ne jejuna oratio nostra fastidium legenti pariat.

Siquidem à multis annis, quibus praxi vacavimus & à scholis abfuimus parùm vel nihil stili exercitio à nobis tributum fuit. Ideoque boni lector consulet, si non ea elegantia, qua oportuit, in lucem & publicum hæc demus. Nos in editione hac non tam  
styli

styli elegantiam, quàm rei necessitatem, spectavimus. Utrunque viris in scholis, & elegantiorum authorum lectione exercitatis, post nos commendamus. A quibus ut jam antea semel atque iterum diximus, hæc nostra obscurari cupimus.

Sed antequam ab hac scorbuti specie, ad aliam ejusdem morbi speciem transeamus, unum atque alterum prius exemplum dabimus, eorum qui diuturniore crurum dolore ab hoc morbo divexati, ab his ipsis medicamentis, à nobis (DE I gratia) sunt restituti.

Inter quæ primum locum meritò sibi vindicat, meus Embdæ Sartor, cui nomen Simoni est. Qui totum triennium plus minus ab hoc morbo, gravissimis crurum doloribus circa tibias fuerat divexatus, adeò gravibus & intensis, ut toto hoc temporis spacio, ne horulam unam continuò in lecto quiesceret, ac nunquam melius haberet, quàm quando flexis, & corpori subjectis cruribus, sartorum more, in mensa ijs insideret.

*Historia laborantium dolore crurum.*

Tentaverat hic (ut fieri in longis doloribus solet) omnem omnium o-



peram, admiserat vesicas, & cutem exulcerantia emplastra, deniq; nihil non, quò hoc dolore liberarerur, at nullo successu, nullaq; doloris mitigatione. Hic à nobis in undecim plus minus, hebdomadis feliciter curatus, firma valetudine, DEI gratia, etiam nunc utitur, cum à curatione ista elapsi anni ferè tres sint.

Iisdem & non multùm dissimilibus doloribus sub genu, & circa talum, Frisius quidam caupo & mercator, Adrianus nomine, tres anni quadrantes divexabatur, Chirurgorum opera eousq; perductus, ut qui antea baculi adminiculo ingrederetur, postea domi claudus desideret. Huc etiam iisdem ferè medicamentis, sed pro complexioni, & anni temporis ratione variatis, curatus in octo, nisi fallor, hebdomadis media hyeme fuit, quando difficiliores esse horum curationes apud nos solent.

*Hyeme difficiliores dolorum scorbuticorum curationes. Regula diagnost. specialis II. in dolore crurum scorbutico.*

In his omnibus morbum hunc ostendit pulsus parvus, debilis, & inæqualis. Cui subinde certiore nota urina subscribit crassa & conturbata, crasso, gravi ac rubro sedimento in matula fundum subsidens.

Quæ trahente moram morbo, ut plu-

plurimum citrina, & nonnihil ad fuscum declinare apparet, & quandoque tenuis & spicea, vel etiam aquea. De quibus si certi quid cognoscere cupias, necesse est pluribus diebus deinceps eas contueri, & num quas mutationes præter rationem patiantur considerare.

Nam si alias atque alias absque causa urinarum permutationes animadvertas, nunc crassas & turbidas, postridie aqueas & tenues, rursus citrinas & aqueas vel subrubeas, hujus morbi indicio id fieri certò tibi persuadebis. Easque, si ab epotis medicamentis scorbutum curantibus postridie, vel post biduum ac triduum, ex tenuibus in crassas commutari cernas, crasso & jam dicto sæpius sedimento subsidentes, habes etiam sic ex his notionem, quantum mea qualicunque experientia hætenus perdiscere quivi.

Accedit crura ab hoc morbo tentata, ad ingressum stationemque longiorem tarda & impotentia esse.

Quibus furæ crurum dolent, ijs plerunque tensæ illæ & duræ, absq; inflammationis nota sentiuntur, etiam certissimo hujus morbi signo, sicut tonsillis ac mulierculis nostris notum est.

*Reg. diagn.  
gen. ex dolore  
furarum  
tensarum  
absque inflammatione 15.*

92 SEV. EVG ALENVS  
XVIII. TUMORES  
DVRI QVASI GAL-  
LICI.

*Tumores  
duri & va-  
ricos.*

**Q**Ui crassa & nautica victus ratio-  
ne utuntur rustici ac nautæ, ali-  
quando in qualibet corporis parte  
tubercula consequuntur dura ac vari-  
cosa, & nonnulli eorum tumores du-  
ros, magnos & profundos, cùm in in-  
guine & glandulosis corporis parti-  
bus, tùm etiam qualibet corporis par-  
te, ac mediis musculorum spaciis, do-  
loris, dum quiescunt, aut crus super  
scamno & pulvinari reponunt, exper-  
tia, quæ tamen (de varicosis tubercu-  
lis loquor) inter eundum, vel aliter  
propendentibus cruribus, graviter  
nonnullos, & sæpe ad animi deliqui-  
um usq; excruciant.

*Historia tu-  
moribus du-  
ris toto cor-  
pore labo-  
ransium.*

Hujusmodi tubercula quibusdam  
quasi monticulis etiam toto corpore  
extuberare vidi. Quemadmodum cõ-  
sulis Leoverdiensis, & cujusdam no-  
stratis nobilis uxoribus, advenisse  
memini.

His tumoribus etiam ad Gallicum  
morbum scorbutus noster quandoq;  
allu-

alludit, ut diligenti animadversione opus sit, ad exquisitam utriusque dignotionem. Quæ hoc indicio ac signo manifestatur: quod in Gallicis tumoribus potentiâ medicamine apertis, materia pinguis inveniatur, larido infumato colore non dissimilis, quale nihil in tumoribus, quos scorbutus facit, apparet.

*Regula diagnōstica specialis § 2. tumores scorbuticos à Gallicis discernens.*

Accedit, scorbuticos tumores vitam comitari tristem & calamitosam, ut contrâ luxuriosam & delitiis disfluentem, præterea laxam & voluptatibus deditam ij solent, quos Gallicus morbus facit.

## XIX. IMPOTENTIA CRURVM AD IN- GRESSUM.

**A**Dhuc præter has affectiones, cruribus ab hoc morbo, citra externum & extrinsecus apparens vitium, languor advenit, & ad ingressum debilitas ac impotentia.

*19. Impotentia crurum ad ingressum.*



94 SEV. EVGALENVS.  
XX. TALI RETRA-  
CTIO VERSUS PO-  
PLITEM.

20. Tali re-  
tractio ver-  
sus poplitem

**Q**Uibusdam talus retrò versùs po-  
plitem trahitur, ne posteriorem  
pedi partem terræ affigere queant, quod  
etiam in nonnullis, ex cujuslibet musculi  
ac nervi vitio fit, prout hunc vel illum  
hic morbus affecerit.

Quæ omnia num ab hoc morbo fi-  
ant, pulsus dijudicat & ostendit. Nam  
ab urina in his sæpe nullum certum indi-  
cium est.

XXI. PLANTÆ PE-  
DUM PUNCTIONES

21. Planta  
pedum pun-  
ctiones.

**M**Emini quoque molestas plantæ  
pedum punctiones subitò quibus-  
dam advenisse, & ab his postridie omni-  
modam crurum resolutionem, quemad-  
modum illi contigit, qui ex Marchia ra-  
tes Hamburgum advehebat.

XXII. CRURUM PA-  
RALYSIS.

22. Crurum  
resolutio.

**S**ed & citra punctiones, quàm plu-  
rimos subitò & de improvviso, tam  
crurum. quàm dimidii lateris resolu-  
tione

tionem, ab hoc morbo corripi vidi, ut circa hunc morbum minus exercitati medici, veterum paralyfin sic affectos pati, constanter omnes uno ore affirmarent: Quod ut in illa, sic in hac nostra crura resoluta, & inutilia usibus, quibus destinata sunt reddantur ac afficiantur.

Differunt tamen, cum signorum quorundam proprietate, tum etiam curatione. Signorum proprietate hoc modo: Primum quod etsi perinde hic, ut in veterum paralyfi, pedum translatio, figendique robur & firmitas pereat, in plerisque tamen aliquis decumbentibus motus maneat, quo resoluta membra movere, & ad muscutorum capita leviter ea attrahere conspiciantur, contra naturam & morem veteris paralyseos, quæ ex nervorum obstructione fit.

*Regula diagnostica specialis in curatione paralyseos scorbutica.*

Hanc motus differentiam observavi in Consulis Hamburgensis genero, nauta, duobus adolescentibus, causarum procuratore, tabellario, puella, sene, omnibusque aliis, quos ferè hac affectione teneri vidi.

*Historia laborantium curatione scorbutica.*

Altera differentia quæ à veterum paralyfi differt, quibusdam tantum ad-

ad-

adeſt, non omnibus, neque ſemper, ſed per intervalla, & uno tempore magis quàm altèro. Ea eſt, quòd horum quidam, qui hac affectione laborant, aliquando cruribus ſuis innitantur, & levi alterius adminiculo ſubindè in plano, non incommodè ingrediantur, qui pridie pedem in terram figere, aut ſoli ſtare non poterant.

Cujus variæ vices ſunt, ita ut ruſum poſtridiè id iſtis negari, iterumq; paulò poſt concedi videre liceat: Alia planè & diverſa ratione, atq; in veterum paralyſi obſervatum hætenus fuit.

*Cur Veterum  
paralyſis  
permanens  
ſit uſq; ad  
ſolutionem  
Scorbuticam:  
aut varias  
habens vi-  
ces.*

In qua permanens ad ſui ſolutionem hæc reſolutio eſt, quippe quæ à propria, & primaria nervorum affectione procedit, donec naturæ robore, aut artis præſidio & beneficio illa vincatur, & expugnetur: cum hanc noſtram aliundè nervis advenire, & per ſympathiam ac conſenſum fieri, motuum viciffitudines demonſtrent.

Quin & à veterum paralyſi in quibusdam corporibus hoc indicio differt, quòd illa sæpe ſubito, & poſt fortiorem animi ac corporis motum, plethoricis & otio ac delitiis indulgentibus

bus fiat, uti contra hæc nostra post longas tristitiæ causas, paulatim, vel subito quoque prius subinde partem affectam tentans, quam certo sedem figat, & certam aliquam corporis partem invadat, eadem levitate, qua apprehendit, subinde resiliens, & partem afficiendam relinquens, quemadmodum Hamburgensium Syndico, & alteri in Holsatia rustico, aliisque nonnullis advenit.

Sed & momentaneo stupore, ac levi membrorum post somnum, vel statim à somno resolutione, diu ante quosdam tentatos memini, quam in morbum & hanc paralysem res erumperet. Nam in eo quoque veterum paralysem imitatur, quod aliquando stuporem adventantis morbi nuncium, ac veluti præconem præmittat. Sed hoc signo à veterum stupore differentem, quod momentaneus sit & facile remittens, quemadmodum etiam subito rursus & de improvviso apprehendens, ut plurimum vero cum levi & momentanea affectæ partis resolutione conjunctus.

Unde manifestum est, non propriam nervorum, aut primariam eorum

H

af-

*Cir stupor  
crurum re-  
solutionem*



*scorbuticam  
anteecedens  
momentaneus  
fit & levis.*

affectionem hanc esse, sed magis aliunde malum hoc nervis advenire, magisq; per consensum, quam primario hoc ipsos pati, à maligna scilicet & frigida vaporum, qui ab hac putrefactione resolvuntur, qualitate & natura.

*Paralysis scorbutica non tam paralysis, quam paralytica passio dicenda.*

Quemadmodum faciles harum affectionum mutationes ostendūt, quæ ab humorum affluxu non iisdem mutationibus, neq; æque facile, subjectæ esse possent, ut propterea non paralyticam hanc affectionem, sed potius paralyticam passionem eam dicere oporteat, ad eum modum, quo Fallopius celeberrimus nostri temporis medicus, circa finem sui de capitis vulneribus libri doctissimi convulsiones per sympathiam cerebrum subinde afficientes non convulsionem simpliciter, sed motum convulsivum appellandas esse existimat, utpote quæ ab his vaporibus excitari non aliter videntur, atque à torpedinis piscis halitu venenato, stupor.

5.

*Prognost. 20.*

Id quod etiam curatio demonstrat, imprimis in morbo recenti, & ea resolutione, quæ particularis est, & absq; febre, in quo ab adhibitis & competentibus huic morbo medicamentis, brevi sic affecti sanantur, sæpe intra dies quatuor

quatuor aut quinque; Quemadmodum civi accidit Dresdensi, & alteri cuidam adolescenti, à Gallici morbi curatione.

Ut plurimum vero intra dies quatuordecim aut circiter, sicut pluribus nostris experimentis probatum Hamburgi fuit, cum alioqui proprii nervorum morbi (consentiente omnium medicorum autoritate) longi fere sint & diuturni, nec nisi topicis, post universalem morbi curationem evincantur & expugnentur.

*Historia brevis  
curatorum à  
paralyfi scorbutica.*

Est tamen, quemadmodum nostra *Prognost. 21.* qualicunque observatione compertum est, longior horum curatio & operosior ac difficilior Embdæ. Quod etiam valere in aliis locis puto, proprius ad septentrionalis maris littus sitis.

His auctarii loco ad faciliorem huius à veterum paralyfi distinctionem accedit, sæpe arthriticis doloribus, de quibus postea dicemus, hanc resolutionem supervenire, vel aliis huius morbi signis & symptomatibus hunc morbum conjungi. *Prognost. 22.*

Aliis etiam pedetentim, & cum longiore mora imbecillitas hæc nervorumque impotentia accessit: Diversa ratione, atque fieri in veterum paralyfi, ex subito humorum ad nervos affluxu solet.

Nam quæ ab inflammatione & ab alto lapsu, veluti à procatarctica causa paulatim fit veterum paralyfis, Galeno quarto de locis affectis libro descripta, ut propriis notis, ita quoque ægri confessione cognoscitur. De qua re vide Galenum loco & libro jam ante citato. Ubi etiam causam lector discet, unde fiat, cur manente motu sensus pereat, & contra. Quæ hic studiose omittimus, ne prolixitatem affectasse videamur, & in illud Galeni impingere, studium & laborem eorum reprehendentis, qui in unum omnia locum, quo multiplicis scientiæ laudem aucupentur, congerunt.

*Institutam auctoris in hoc libro.*

Estque etiam consideratio hujus rei præter nostri libelli institutum, qui non symptomatum causas, (et si aliquando quadam rei consequentia eas attingere necesse sit) sed scorbuti morbi dignotiones, ejusdemque curationes, seu potius curationum indicationes, & huc facientes observationes nostras in hujus libelli fronte promittimus.

XXIII. PARALYSIS  
LATERIS UNIUS.

Quare his omisſis, ad ea quæ reſtant, pergemus, dimidii ſcilicet lateris paralyſim, huic jam dictæ reſolutioni affinem. Quam etiam ab hoc morbo excitari, frequenter anno octuageſimo ſecundo vidimus, & poſtea quoque non ſemel. Etſi pluribus familiare eo anno hoc malum fuerit, tam macilentis, quam pinguibus & obeliſ, iſſque quam maxime, qui præter duriorẽ victum, diuturniori triſtitiæ indulgerent.

23. Dimidis  
lateris paraly-  
ſis.

Hiſtoriæ labo-  
rantium para-  
lyſi dimidis la-  
ris.

Erat autem conjunctum aliis hoc vitium cum lingua quoq; reſolutione, plæriſque vero abſque hac.

Omnibus vero cum melancholici humoris putrefactione, & lenta febre id accidiſſe, oſtendit præter pulſum magnum, durum, & inæqualem, urina crassa rubra, & ſubſuſca, cujuſmodi occurrere nobis illa in quartanis ſolet febribus, atque præter hanc, quæ cum hac urina jungebatur ſiris, ac linguæ labiorumque ſiccitas. coindicantibus quoque idipſum animi affectibus

H 3 bus



bus, omnib. quantū memini ad tristitiā semper diu ante morbum dispositis.

Ita enim seni accidit consulis Ham-  
burgenfis affini, diutius extra patriam  
molestam litem persequenti. Ita mer-  
catoris seni, in aliquot talerorum mil-  
lib. à debitoribus suis decepto. Ita  
duobus in agro, propter continuas  
pluvias, segetem colligere prohibitis:  
Et Jurisperito, quem incertæ nugaces-  
que astrologorum prædictiones vexa-  
bant, nescio quem vitæ terminum eo  
ipso anno minantes, sicut confessus  
mihi ipsemet fuit, etsi aliam tristitiæ  
causam alii conjectarent.

*Regula diag-  
nost. specialis I 4  
in paralyse late-  
ris dimidii scor-  
butica.*

Distinguunt autem à veterum *ἡμι-  
πληγία* manifestis indiciis hanc no-  
stram, cum morbi natura & mores, &  
in aliquibus ægrotantis corporis tem-  
peramentum, tum pulsus & urina,  
præterea victus crassus & nauricus, at-  
que ad tristitiam proni proclivesque  
animi affectus.

Natura vero & morbi mos hoc mo-  
do: Primum quod præter veterum pa-  
ralyseos rationem, in hac nostra  
quandoque ante ejus completionem, al-  
liud atque aliud membrum prius tremor  
& levis resolutioprehendat, ea-  
dem

dem facilitate, qua apprehendit, subinde remittens.

Contra, quæ veteribus cognita paralyſis ex nervorum obſtructione eſt, propria eorundem affectio eſt, & propterea quam ſemel occupavit patrem, ad ſui ſolutionem infeſtans.

Atque ſi quis ſtupor (quo etiam ad veterum paralyſim illudit) hanc noſtram *ἡμιπληγίαν* præcedat, obſervabis ſemper cum levi reſolutione, eum quoties apprehendit, conjungi, eademq; qua comprehendit facilitate, cum ſtupore ruruſum reſilire. Quam etiam eadem certitudine præſagire & atteſtari tumores quavis corporis parte erumpentes ſolent, ſi eadem facilitate & promptitudine, qua oriuntur, evaneſcant, & cum ortus ſui principio, partem affectam levi & momentanea paralyſi reſolvant.

Ita enim ante hanc dimidij lateris reſolutionem, ruſtico Hoſſato ſub Caſparo à Bockwolt evenit. Ita legum & juris Doctori Hamburgeni Syndico.

Quin & poſt apprehenſionem à veterum paralyſi hoc ſigno diſcerni poſteſt, quod ſub mediocri & ſpontanea quarundam partium convaleſcentia,

aliæ resolutæ maneant, & indies magis magisque resolvantur, vel quibusdam suis partibus ad convulsionem disponantur.

*Prescript. 24.*

Nam & hoc huic resolutioni peculiare esse solet, ut post aliarum partium curationem, quidam nervi, in quos vaporosa materia ab hoc morbo resoluta decumbit, contrahantur, sua contractione partem in quam inseruntur convellentes.

Atq; hoc modo morum diversitate, à veterum paralyfi, hæc nostra distinguitur.

Cæterum quæ à corporis constitutione & temperie differentia sumitur, majore ingenii exercitatione ac sagacitate eget, quæ cognoscamus, recte præsentis corporis constitutione *ἡμιπληγία* veterum conveniat, nec ne.

Nam si in his regionibus à nulla evidente causa, quam veteres tradiderunt, præter corporis dispositionem, dimidiū lateris resolutione quis corripiatur, qui in laboribus & curis, cum duriore pacioreque victu vitam traduxerit, verisimilius est à scorbuto, quam nervorum obstructione id eum pati.

Quod

Quod ut veterum paralyſis in otio & crapula liberaliore viventibus, obefis & plethoricis, vel ſponte vel poſt gravioſam animi corporiſque motum frequentibus accidere ſolet. Ita contra hæc noſtra quæ ſcorbutum comitatum familiarior iis eſſe conſuevit, qui triſtoribus cogitationibus diutius indulgent, ac longiori mœſtitia & ſolitudine premuntur.

Quibus ſi craſſioris victus conſuetudo, aquarumque ſublimium uſus accedit, majore cerrioreque indicio morbi cauſam manifeſtabunt, quominus longiore dubitatione ſit opus.

Quam pulchre quoque manus dirimet pulſui injecta, quæ celere dignotione diſcrimen quod inter utrumque eſt dijudicabit. Quod ſicut in veterum paralyſi parvus ille, languidus, ac mollis ſit, ſic in hæc noſtra propter febris admiſſionem, quæ in initio cum hoc morbo concurrat, maxima ex parte durus & inæqualis appareat. Cui urinæ, majore certitudine ſubſcribunt craſſæ, & ſubfulcæ, ſimiles iis per omnia urinis, quæ in quartana febre redcuntur.

Quas



Quas in veterum paralyfi constat albas, tenues, & spiceas, vel albas & crassas esse, nisi alterius morbi admissione colorentur, qui propriis suis notis & signis discerni debet.

Quamobrem in morborum dignotione exercitatum esse eum oportet, qui hæc nostra recte cognoscere cupit, atque omnium morborum signa memoria prius complecti & tenere, quo promptius symptomata quisque dignoscat, quibus à veterum morbis scorbutus differt.

De quibus quia prolixè & doctè suis de morborum curationibus libris mediciantes nos scripserunt, inde eorum signa diagnostica peti possunt ac debent. Quæ cum his, quæ circa hunc morbum adveniunt collata & diligenter examinata, facilem postea distinctionem præstabunt. Nobis sufficit propria scorbuti signa, quibus ab aliis distinguitur, ostendisse.

Inter quæ cum non postremum locum hic urina teneat, præter morbum etiam humorem peccantem quandoque coindicans, paucis inter cætera signa, de ea quoq; hoc loco dicere volumus. Simul ut ostenderemus, & ab  
hoc

hoc loco admonemur, magis à venenatis vapotibus, & melancholici humoris corruptione, specifica hac, & scorbuto competente putrefactione infecti, quam ab humorum in nervos impulsione, malum hoc exoriri.

Quod, juxta Rondeletium summæ authoritatis medicum, melancholicus humor de sua natura ex ratione, magis nervos contrahere dispositus sit, quam resolvere. Atq; hinc fieri credibile est rationique consentaneum, quod in morbi progressu ac diuturniore ejus mora, aliquid de melancholici humoris substantia secum vapores hi deportantes, unum vel plures semper ad convulsionem nervos disponant, prout in hunc vel illum nervum ille insinuatus delatusq; fuerit.

Ita n. in fine morbi evenit Syndico Hamburgensi juris Doctori, & alteri ejusdem civitatis civi, item patritio Kedenfi, juveni Embdano, cauponi, & omnibus fere aliis, quos sponte, vel à non sufficiente curatione aliquo modo restitutos ab hoc morbo fuisse novi.

Hoc malum in initio recte tractatum, curationem minus difficilem habet, utpote quæ in febris & scorbuti

*Causæ paralytici scorbutici.*

*Cur scorbutica paralytic in convulsionem abeat.*

*Historia eorum quibus paralytic scorbutica in convulsionem desit.*

*Canon therapeuticus spec-*

*cura-*

*cialis in para-  
lysi scorbuti-  
ca.*

curatione consistit; ita tamen ut scorbuti, & attenuantia ac incidentia medicamenta, propter causam morbi crassam & frigidam, numero, gradu, ac dignitate ea, quæ calorem con-temperant, superent & excellant. Eoque curationis modo factum vidi, ut si prae caput, brachium & manus intra octiduum tollerent & elearent, qui ne digiti quidem articulum prius dimoverent.

*Historia eorum  
qui à dimidiis  
lateris paralyfi  
sunt curati.*

Atque hac curationis ratione, ante paucos annos civem Hamburgensem virum annos natum suptuaginta tres, intra hebdomadas quinque, à dimidii hac lateris paralyfi (DEI beneficio) curavi. Et intra tres vel quatuor hebdomadas, alterum tabellarium, Hamburgi ad Divi Petri templum habitantem, qui jam antea plures menses ab hoc morbo decubuerat.

*Pronost. 25.*

Ubi semel radices agere hic morbus cœperit, & diutius ac per plures annos commorari, difficulter postea eradicatur. Itaque pluribus tum & majoribus remediis opus erit, necnon balneis & sudoriferis, omnibusq; attenuantibus, & incidentibus, ac cale-

fa-

*Canon therap.  
generalis 139.*

facientibus tam foris, quam intus adhibitis, applicatisq;.

Si contractio advenerit, illa quoq; Canon therapeuticus spec. in contractione primus. calefacientibus unguentis, & ad hunc usum commendatis à veteribus & modernis medicamentis, tolli debet, cujusmodi unum descriptum apud Valeriolam suo de observationibus libro erudito & docto habemus, quod Unguentum fidum Valeriolæ. unguentum fidum author ipse appellat.

Sed & hujus ac paralyseos initiis, Electuarium Empiricum cujusdam ad contractionem alioquin non admodum gravibus, hoc sequens prodesse vidi. quod cujusdam Groningani medici Empirici est, pluribus experimentis divitis.

Constat autem ex aquæ libris octo & manipulis quatuor Betonicæ, quibus ad tertiæ partis consumptionem decoctis, adiciuntur granorum juniperi contusorum libræ duæ, cum quibus ad pultis consistentiam decoquuntur, a decoctione & expressione forti, iterum cum Sacchari libris duabus ad syrupi consistentiam conquuntur, quando ab igne remotis sequentes pulveres admiscuntur, gingiberis scilicet uncia duæ, macis, calami aromatici, cubearum, singulorum uncia di-



dimidia, foliorum senæ uncia dimidia. Indeque formatur electuarium molle, cuius ante & post cibum, cochleare unum quotidie semel aut bis sumitur, non infelici successu, sicut in uno atque altero comperi.

*Decoctum ab-  
synthij in con-  
tradictione uti-  
le.*

Ego plurimum auxilii positum in synthij decocto esse sic affectis, nostris experimentis hisce præteritis annis non semel, sed multoties comprobavi. Nam huius decocto solo & unico curatus nauta & alii fuere, quibus citra vehementem febrem hæc passio advenit. Ab eo quoque melius rusticus sensit, & qui in agro habitabat textor.

*Canon thera-  
pent. spec. in  
contradictione  
secundus.*

Quod si gravior morbus plura ac majora remedia postulat, propter concurrentes plerumque cum hoc morbo viscerum obstructions, quæ in quibusdam ob morbi causam crassam & frigidam, graves & pertinaces sunt, ac difficilis expugnationis, non sufficiunt quæ jam dixi medicamenta, sed his admiscere alia oportet, quæ quadam erga hunc morbum proprietate, viscera reserare, crassa incidere & attenuare queant.

*Medicamen-  
ta antiscer-*

Cujusmodi sunt huic casui servientia, Enulæ campanæ radices, carduus  
be.

benedictus, fumaria, cochlearia, tri-  
folium aquaticum, nasturtia utraque,  
hyemale & aquaticum, si haberi illud ex  
limpidis & puris aquis possit.

*barica deob-  
struentia,  
incidentia, &  
attenuantia.*

Nam quod apud nos ex lutosis &  
cœnosis, ac stagnantibus aquis colli-  
gitur, ut mali saporis, ita inutile est, &  
minus efficax. Item hyssopus, betoni-  
ca, cuscuta, ceterach, & id genus alia  
crassos & melancholicos humores at-  
tenuantia, & quadam proprietate hunc  
morbum curantia. Quæ etiam tum va-  
lere debent, si febris ac sitis signa, cum  
urinis rubris, adfuerint, idque ratione  
causæ materialis, cui hic morbus inse-  
dit. Id quod nostro pudore, & ægro-  
tantis incommodo didicimus.

Atq; ab hac causa fit, quod etiam  
largiorem sanguinis missionem hic  
morbus respuat. Sicut etiam ante nos  
recte annotavit doctissimus & cele-  
berrimus nostri temporis medicus D.  
Joannes Veierus.

*Sanguinis  
missionem  
largiorem cur  
respuat scor-  
butus.*

Purgationes quoq; prius instituen-  
das non esse, quam humores concocti  
ac digesti fuerint, & specifica hu-  
jus putrefactio superata atque evicta  
sit, ab Hippocrate non uno in lo-  
co docemur. Perficitur autem cu-  
ratio internis medicamentis, magis  
quam

*Purgationes  
in scorbuto  
quando habe-  
ant locum.  
Curatio scor-  
buti internis  
potius, quam  
externis per-  
ficitur.  
Canther. Gen.  
14.*

quam externis, etsi nec illa suo loco adhibita obesse solent.

## XXIV. TOTIUS NERVOSI GENERIS DEBILITAS.

24. Totius nervosi generis debilitas.

Cæterum quod nunc de dimidii lateris resolutione diximus, illud etiam paulatim & in pluribus annis omnibus nervis corporis advenisse, in Consule Stadenſi, viro optimo & erudito, nec non Senatoris Hamburgensis conjuge, & paucis alijs animadvertimus.

Historia nervorum omnium debilitate laborantium.

In iis duo qui curationem in initio negligerent, vel medici ignorantia rectam non adhiberent: Hi facti tandem ad omnem rem adeo inepti ac impotentes sunt, ut cibum ipsis alii in os inferere cogerentur.

In his semper pulsum parvum, debilem, & inæqualem deprehendi, per omnia vermiculanti similem.

Regula diagnostica specialis 15. in nervorum omnium debilitate.

Qui nulla molestia & obvio indicio, exercitatis in hujus pulsus dignotione, morbum hunc prodit, iis dico, qui exercitatum in dignoscendis pulsibus ingenium habent, eaq; in veterum

rum placitis ac scriptis omiffa norunt: Ideoq; peculiarem & veteribus incognitam causam hæc habere sciunt, aut ex similibus similia adstruere dedicerunt.

Si enim Plinio credimus, ex paucorum dierum depravatarum aquarum usu, crurum resolutionem Cæsaris militibus advenisse, scribenti: quod miramur, continuo earundem apud nos usu, & ex tot concurrentium causarum congerie, idem nos pati, vel pro diversa corporum constitutione, aliis atq; aliis symptomatibus & morbis nos subjici & affligi.

Duos novi post currentes arthritidis dolores (medicis morbi causam igno-<sup>Historia eorum qui post dolores arthritics aut alios in paralyfin aut atrophiam inciderunt.</sup> rantibus, & frequentibus purgationibus in initio eum aggravantibus) tandem in continuam crurum brachiorumq; resolutionem incidisse. Ex qua alter post sex menses obiit, alter adhuc domi claudus desidet, nullam morbi sui curationem, quam infelicem priorum medicorum opera expertus est, admittens.

Præter illos alium novi, post diurnas ventris lincinationes, & frequentes vomitus, quos initio morbi

sui experiebatur, ex intervallo recurrentes, & ab hoc morbo quoque (uti pulsus & urina evidenter monstrabant) excitatos, tandem in levissimam etiam brachiorum resolutionem ac totius corporis atrophiam incidisse, medicis quibus commendata curatio fuit, morbum ignorantibus, & communi curationis modo nullo effectu procedentibus.

## XXV. COLICA IN PARALYSIN DESI- NENS.

*Ægineta de passione colica in epilepsiam aut aut paralysem desinente locus.*

**L**Egimus apud Paulum Æginetam libro tertio capite de colica affectione, suo tempore quandam colicam passionem invaluisse, quæ post diuturniores lincinationes, coliq; & ventris dolores gravissimos, plærisque ad Comitalem morbum, aliis ad artuum resolutionem transierit: Idq; malum primum ab Italiæ regionibus initium sumpsisse, ideque latius dispersum fuisse.

*Historia laborantis colica desinente in paralysem.*

Idipsum nunc etiam in multis Rhæni partibus viget. Estq; mihi semel quoq; in Anglia in Magistro postarum  
vi-



visum, cujus qualia fuerint præcedentia symptomata, qualisque urina & pulsus, non satis ad memoriam nunc revocare possum. Neque erat tunc satis mihi hujus morbi natura perspecta. Sunt enim ab eo tempore anni elapsi octodecim vel novendecim.

Hoc scio, nulla methodica curatione à colicis doloribus liberari eum potuisse, cum alioquin medicis uteretur doctissimis, & in veteri medicina exercitatissimis, Doctore Hectore Nonio. D. Lupo. D. Adriano Junio, viris literis medicinæ peritissimis. Quos propter veterem nostram consuetudinem & noticiam, honoris causam nominare hic volui. A quibus nihil sublevari (ut dixi) totius semestris spacio potuit.

Neque prius hi dolores cessarunt, quam in brachiorum resolutionem, velut in judicatione causâ translata, desissent.

Quare quia simile quid Hamburgenſi apothecario, post diuturnas ventris ab hoc morbo lincinationes, advenit, aliis post me meditandum relinquo, nunquid cum hoc morbo malum illud colludat, & eodem,

quo jam dictæ passionēs modo, curandum sit.

*Historia scæ-  
minæ per in-  
servallā para-  
lysi unius cru-  
ris correpta.*

Sed antequam ab hoc scorbuti symptomate, ad aliud digrediar, unius adhuc scæminæ Holsatæ historiam proponam, quæ ex intervallo momentanea unius cruris paralyfi correpta fuit.

Cujus meminisse propterea hic volui, ut ostendam quam varie medicinæ artifices hic morbus ludat. Simul ut ex hoc loco cognosceremus, magis à vaporibus (quos putridi humores intus latentes, & specifica hac & scorbuto propria putrefactionis qualitate affecti emittunt) hanc paralyfim excitari, quam ab humorum putrescentium contactu, eorumq; ad locum affectum descensu. De muliere autem illa sic se res habet.

Diutius hoc morbo laboraverat, à quo, sicut ex ipsa intellexi, ante triennium graviter decubuerat. Cujus forte hæ reliquiæ erant, priore curatione forte suppressæ, & intermedio tempore tacitis incrementis rursus adauctæ. Hæ non nisi ex intervallo eam afficiebant, cum accessione alterum crus resolvebatur, ut in terram procideret, neque

neque sponte rursus in pedes se erigere posset. Qua remittente iterum baculi adminiculo, quo volebat, ibat, idq; subinde in uno die vigesies & amplius patiebatur. Curata nostrâ operâ, DEI gratia, ab hoc malo brevi fuit, eo curationis modo, quem sæpius nunc monstravi. Atque hæc de paralyâ dicta nobis hætenus sint.

XXVI. CONVULSIO 26. Convulsi

## PAULATIM FI-

## ENS.

CONsequens nunc est, quemadmodum Convulsi  
scorbuto ma-  
gis consenta-  
nea. nervi ab hoc morbo convellantur, corporisq; membra in se trahantur, demonstramus; quod huic morbo de sua natura magis consentaneum id esse, supra ex Rondeletii sententia ostendimus.

Quemadmodum etiam manifestum Exemplum  
convulsionis  
in nautis. aliquando ex nautis est, ex longa & molesta peregrinatione domum ad nos redeuntibus: quorum plærosque adeo contractos ab hoc morbo videre licet, ut in gyrum circumvoluti, nullum fere membrum habeant, quod extendant, aut extendere queant.

*Convulsio paulatim fiens continua & sero sine febre:*

In his modicis incrementis paulatim incipiens morbus continuus est, donec vel sponte, vel medicaminum ope resolvatur cureturq;. Suntq; fere ij sine febre.

*Cum febre interpolata.*

Nam quos cum febre convulsio hæc apprehendit, ij quibusdam accessionibus interpolatis & recurrentibus id patiuntur, à vaporum, qui à latentibus intus humoribus putridis resolvuntur, ad cerebrum & caput elevatione. Ex quo manifestum est, non propriâ capitis affectione malum hoc excitari, sed aliunde ad cerebrum vapores elevari.

Qui validiore corporis nisu & concussionem discussi, tandem inducias ægrotanti concedunt, donec alii in perditorum locum restituti, & ad caput emissi, eandem, quam prius, affectionem inducant.

*Historia convulsione scorbutica laborantiū.*

Atque hac convulsionis specie correptum cum febre tertiana Anglum fuisse, & cum continua Notarii domesticum, & præter hos nobilem ditionis Bremensis, etiam postea inter observationes dicemus, ubi horum historiam enarrabimus. Idem etiam ab hoc

hoc morbo Concionatoris filio & quibusdâ aliis evenit.

Estque pueris & infantibus Embdæ hoc malum familiarissimum, iis inprimis, qui à parentibus hoc morbo infectis, nascuntur, vel obstetricis lac hoc morbo infectum sugunt.

*Embda convulsio pueris & infantibus familiaris.*

Ita evenisse cujusdam mei conterranei viri nobilis filioli memini, cum matris lacte hoc malum sugenti, quam hoc morbo infestari pulsus parvus evidenter monstrabat. Huic infanti cū nulla medicamina satis prodesse, iussi nutricem quæri sanam & nullo morbo contaminatam. Quo facto, intra triduum hi motus convulsivi cessarunt, & meæ prædictioni fidem fecerunt. Fuit autem Patris filioli nomen Philippus Meckema.

*Historia infantis convulsio & permutatio nutricis sanati.*

## XXVII. EPILEPSIS.

Sed utrum ab hoc morbo convulsio procedat, ex tribus potissimum cognoscitur, morbi scilicet proprietate, præterea à pulsu, & urina.

*27. Epileptica convulsio.*

A morbi proprietate hoc modo: Primum quod semper cum febre hi motus convulsivi incidant, Deinde



*Regula  
Diagnost. speciei  
16. epilep-  
siae scorbutica.*

quod eadem facilitate qua apprehendunt, remittant, iterumq; præter spem recurrant. Tercio quod absque causa veteribus determinata corripiant.

*Prognost. 23.*

*Historia epilep-  
siae scorbutica  
laborantium.*

Quibus accedit, ante hos motus alios totius corporis concussionem comprehendere, alios totius tremorem, in aliis levem præire paralyfim, aliis brachia & manus prius subinde momentaneo rigore obrigescere. Qui etiam hac nota à veterum convulsione distinguitur, quod aliquando subito & præter rationem in alium morbum, cataphoram scilicet & paralyfim vel abscessum transeat, sponte subinde evanescentem, & rursum præter expectationem redeuntem, uti Angli filia Embdæ accidit: Prout ad hanc vel illam affectionem natura ægrotantis magis prona est.

Sed majore certitudine à veterum convulsione hanc urinæ discernunt huic morbo familiares, crassæ, scilicet, & conturbatæ, ac rubræ, crasso, & gravi sedimento subsidentes.

Talis fuit urina Angli de quo antea diximus, cum tertianæ febris accessione, multoties hac convulsione correpti. Talis domestici notarii gravissimis

mis convulsionibus subinde in gyrum circumvoluti, magna omnium consternatione, & certo ejus ex hac vita migrationis metu. Talis nautæ filioli & aliorum omnium quos hac affectione laborasse vidi.

Quæ etsi quandoque tenuis, ut in Concionatoris filio, occurrat, eam tamen crassam præcessisse intelliges, si diligentius super iis, quæ in initio morbi apparuerunt, inquiras: Hic puer, utcumque urinas tunc temporis tenues redderet & citrinas, attamen ne tum quidem absq; siti & febre fuit, ut propterea non contemnendum signum sit, quod ab his sumitur.

Quocirca si quæ nobis cum his urinis eppilepsia occurrat, faciles in initio mutationes accessionumq; intermissiones subiens & admittens, non alienum à ratione erit, à vaporibus ab hac putrefactione elevatis, corruptis & malignis, eam proficisci cogitare ac constituere: Quatenus eidem rationi consentaneum est, pro varia vaporum halantium deductione, & in cerebrum irreptione alia atq; alia symptomata procreari.

Quæ etsi sæpe ab una eademq; causa

*Cause cure-  
pilepsi scorbutica alias in  
alios affectus  
transcat.*

sa

sa fiant & excitentur, variari tamen illa pro diversa subiecti dispositione, & varia partium humani corporis temperatura, quotidiana experientia confirmat. Ita si multa humida evaporatione irrigatum humectatumq; ab his vaporibus cerebrum fuerit, sic effectus morbum patietur, quem Carum Græci, Arabes Subeth appellant, profundo altoq; somno ut plurimum ægrotantem opprimentem.

Quemadmodum hisce præteritis annis quam pluribus advenisse quibusdam exemplis, si necesse esset, hic demonstrare possemus. Eadem hæc si tristi sensu nervos afficiat & subintret, si humida fuerit & frigida qualitate prædita, eos laxabit; si sicca, conveller.

## XXVIII. APOPLEXIA.

28. *Apoplexia.*

**A**D eundem modum si cerebri ventriculos, & arterias plexum retiformem constituentes ingressa ea fuerit, quod apoplexiam effectura sit, nemini dubium esse potest.

*Apoplexia*

Quæ etsi mihi visa nunquam ab hoc mor-

morbo fuit, tamen ex symptomatibus <sup>scorbutica</sup> & signis, quæ diligenti percunctatione <sup>nunquam visa auri.</sup> ab amicis cognovi, & præcedentis morbi, quo laboraverat, natura & moribus, denique ægrotantis vita & victu melancholico, unam viduam ab hoc morbo, hujusq; putridæ materiæ exhalationibus sic affectam fuisse, non vanis conjecturis & argumentis mihi persuadeo.

Cujus historiam, sicut de hac ab amicis & propinquis edoctus sum, hic <sup>Historia viduæ apoplexia scorbutica correpta.</sup> propterea subjungam, ut aliorum judicio quoque hæc res exponatur & subjiciatur.

Incepit primum, quemadmodum ab amicis accepi, cum urinis crassis & rubris, crasso & furfuraceo sedimento subsidentibus, lenta febre hæc ægrotare, absque multa siti, aut ullo magnopere bibendi desiderio, Cujus curationem diutius negligens, post plurimum hebdomadarum decubitum, ex uno symptomate (ut fieri solet) in aliud incidit, & tandem in apoplexiam, quibusdam interpolatis accessionibus eam corripientem. Unde aliquoties ad mentis usum reversa, convenien-

nienter de rebus omnibus, horis intermissionis, disposuit. Sed frequentiore & plurimum dierum accessione, morbiq; magnitudine tandem devicta succubuit, mortem cum vita commutans.

Hanc historiam paucis hic adscribere volui, ut si quandoq; in similem apoplexiam cum his signis & moribus incidamus, celeriore inventione hac admonitione commonefacti, de singulis dispiceremus, ac morbum ejusq; causam inveniremus & cognosceremus, ne circa inquisitionem oberrantibus nobis ægrotantis salus prius nobis elabatur, quam morbus cognitus sit atq; perspectus.

Quod acutus hic morbus cum sit, exactam quoq; & promptam curationem ille postulet & requirat, juxta illud Hippocratis, extremis morbis extrema, seu ut alii rectius transtulerunt, exquisitissima remedia deberi dicentis.

*Canen therapien-  
pensiens speci-  
alis in apopl.  
scribit.*

Quæ hic futura illa sunt, quæ quadam proprietate ega sceletyrben valent, cum admistione eorum si febris vehementior adfuerit, quæ cum attenuandi facultate eam extinguunt, & crassam materiam incidunt. Quibus recte



recte meo iudicio misceri aliquod simplex posset, caput respiciens, & medica nini vim ac facultatem isthuc deducens.

Et si in causæ præcisione præcipua curationis vis consistat, quemadmodum haud dubie norunt, qui saltem à primo limine medicinæ sacra salutant, & aliquam vel minimam in præxi medica exercitationem habent. Sed de his quia pleni practantium libri sunt, nihil necesse est cum fastidio legentis prolixius ea hic referre. Quandoquidem viris morborum dignotione, & medicaminum compositione exercitatis scribimus, qui, quæ componendorum medicaminum ratio sit sponte absq; nostra admonitione cognoscunt: Eamq; pro temperaturarum differentia ac varia morbi ejusq; causæ diversitate mutare ac variare norunt.

Quæ etiam ex proprietate sceletyrbæ convenient tam simplicia quam composita medicamenta, eleganter in suo de scorbuto libello prosequutus D. Johannes Vejerus est, celeberrimus Ducis Juliæensis medicus. Unde peti possunt quæ hic desiderantur, & ad hunc locum pertinent.

De

De varia febrium curatione, ejusq; pro subjecta materia differentia, etiam apud probatos authores legimus, in quorum lectione prius exercitatum illum esse oportet, qui cum fructu, & ægrotantium commodo ac bono, hujus morbi curationem tractare cupit: Ne quod dicitur & in proverbio est, uni calopodio calcem ubique accommodet. Multa quoque ministrat usus, artium & disciplinarum Magister, cujus ductu semper opus est. Neq; possunt particularia omnia scribi. Accedit longiorem de his doctrinâ esse, quâ ut hoc nostro libello absolvi ea possit.

*Canon therap.  
generalis decimus  
quintus.*

Qui vero tutam curationis viam amplecti volent, à mitioribus incipiendo paulatim ad fortiora assurgere debent, si non satis priori curationi morbus obediat, aut cum laudabilibus urinis præter rationem ingravescat. Signum enim id certum est, mitiora ea medicamenta esse, quam morbi causæ, ejusq; magnitudini conveniat: Ideoq; fortioribus opus esse, magisque attenuantibus, & ex proprietate sceletyrben curantibus.

Quæ præterea ob incidentes circumstantias hic observanda notandaq;

daque sunt, medendi methodus docebit. Eaque sponte cognoscunt, qui aliquem artis nostræ usum, & veteris medicinæ cognitionem habent. A quibus (ut antea dixi) hæc nostræ obscurari cupio. Qui hæc in lucem & publicum dedi, eorum calamum & venam ut excitarem, præterea occasione iis hoc nostro scripto præberem, pressius post nos hac de re, ad divini numinis gloriam, & proximi salutem, cogitandi.

Quandoquidem non minima DE I beneficentia est, inter cætera ejus beneficia, quibus genus humanum ornat, supplantium quotidie morborum causas & curationem, tam benigne nobis, pro ineffabili sua misericordia ac bonitate, detegere & aperire. Quod unius & solius DE I opus ac munus esse nemo Christianus ignorat, quatenus à nobis ipsis nihil recte cogitare aut facere queamus. Etsi quid hujus in nobis reliquum à prima curatione esset, turbaret id ipsum haud dubie Satanas, infestissimus humani generis hostis, qui hoc unum agit & satagit, ut quam plurimis calamitatibus nos implicet & involvat.

*Magna Dei beneficentia est quod supplantium quotidie morborum causas & curationes deteguntur.*

Cæterum quia hæc alterius loci sunt, & ab instituto nostro aliena, ab his recedentes, ad ea quæ restant properabimus.

29. Convulsio  
particularis.

## XXIX. PARTICULARIS CONVULSIO.

Convulsio totius  
& partis  
ut generetur.

**N**Am ut hi motus convulsivi cerebrum, id est, principium motus ac sensus apprehendentes, totum corpus convellunt, & in gyrum circumagunt: Ita ejusdem putrefactionis valor, in particularem aliquem musciculum, vel motus opificem nervum delatus, illius, in quod inseritur, membrum & particulam contrahet, sua seu frigiditate & crassitie, qua nervum adimplet, seu maligna & venenata qualitate, quæ ut torpedo piscis, sua proprietate nervos offendit, & ad hanc affectionem inducit & disponit. Quam frigidam esse curatio demonstrat.

Causa convulsio-  
nis potius  
est vapor, quàm  
humor.

Quod autem vaporosa magis quam humoralis, efficiens hujus convulsio-  
nis causa sit, affectio ostendit, nullo  
tumore aut duritie comitata. Fit vero  
aliquando paulatim convulsio hæc,  
absq;



absq; febris aut alterius alicujus ma-  
 li implicatione & admistione, ali-  
 quando cum manifestis febris indiciiis,  
 & nonnunquam post gravissimos ab  
 hoc morbo excitatos dolores.

*Convulsio parti-  
 cularis ali-  
 quando absq;  
 aliquando  
 cum febris acci-  
 dit.*

Cum convulsivi motus universales,  
 de quibus diximus, semper, quantum  
 memoria mecum repetere possum,  
 cū manifestis febris indiciiis fiant, iisq;  
 vigentibus quàm maximè infestent.

Quæ autem paulatim, & citra alteri-  
 us morbi admistionem fit convulsio,

*Causa convul-  
 sionis externa.*

plærunq; ex crassa & nautica victus ra-  
 tione oritur, aquisq; putridis & de-  
 pravatis, nautis nostris, quos à conti-  
 nenti diutius tempestates & molestæ  
 æquoris jactationes, arcent & aver-  
 tunt, familiarissima. Quos sæpe à mo-  
 lesta hac peregrinatione adeo contra-  
 ctos ad nos domum redire videmus,  
 ut nullum fere corporis articulum ha-  
 beant, quem dimovere ac extendere  
 queant.

Atque hac convulsionis specie circa  
 calcaneum infestam Secretarii Fla-  
 burgensis sororem memini ex crasso  
 quoq; victu, & post molestum mariti  
 sui morbum.

*Historia con-  
 vulsione parti-  
 culari laboran-  
 tium.*

Sed quæ post diuturnos hujus morbi

K de-



dolores, & cum vel post febrem sequitur convulsio, frequentior nostris tam rusticis quam urbanis est. Qua ante paucos menses duo correpti extra novam portam Embdanam fuerunt. Et in phaleris Embdanis ut vocant nauta, atq; præter hos mercator Antuerpianus, rusticus, adolescens Colonienſis, juvenis Embdanus & alii infiniti, Spasmo canino correpti ab hoc morbo apothecarii Embdani soror fuit, item mercator senex & sexagenarius, nautæ conjux & cujusdam ex Frisia occidua oriundi foemina.

*Regula diagnostica decima septima convulsioni.*

De quibus omnibus si sine febre sint, certius ex pulsu, quam ab urinis indicium est, utpote quæ ut plurimum tenues & citrinæ, nullam hujus morbi significationem habent, per omnia fere, nisi quod tenuiores justo sint, sanorum lotiis similes. In quibus tamen pulsus parvus, debilis & inæqualis, manifesto indicio morbum hunc iis prodit & ostendit, qui exercitatum circa pulsum dignotionem ingenium habent.

Quod si febris indicia urina habeat, eiq; conjuncta sitis & oris siccitas fuerit, præter pulsum, morbum hunc arguerit urina tenuis & rubra, aut crassa & rubra, sed subobscura lividine fuscedineve tincta.

In

In quarum plerisque; multa subsidunt excrementa gravia & crassa, à quibus nihil clarius, supereminens, supra hæc, urina substantia conspicitur, sed tota sua essentia superiore turbida & conturbata visitur; certo, sicut antea diximus, & indubitato hujus morbi argumento.

Quibus si prædicti dolores per intervalla infestantes conjungantur, adhuc magis super scorbuto confirmaberis. Eo quod latentis intus malignæ putrefactionis, à qua materia hæc vaporosa, sua vel essentia, vel qualitate continuum discindens, dissolvitur, manifestum indicium habeant infestantes hi per intervalla dolores.

Quæ extra alterius manifesti, graviorisq; morbi significationem, quomodo ad hunc morbum referenda sit, supra etiam ostendimus, ne quid molesta ejus repetitione hic sit opus.

Restat nunc paucis hujus symptomatis curationem, quam in hoc casu felicem aliquoties experti sumus, ostendamus, quæ si sine febre & obstructionibus æger fuerit, paucissimis absolvitur, sæpe solius absinthii decocto, quod in hoc casu, sic affecto, vel ex aqua & vino, vel convenienti cerevisia,

*Canon therap.  
spec. in on  
vulsionem pri-  
mus.*

Anglicana scilicet, aut Hamburgensi tenui, felici nostro experimento non semel exhibuimus.

Estq; hoc solo decocto curatus nauta, & extra novam portam pauper rusticus, & præter hos Secretarii Hamburgensis foror.

*Secundus.*

Sin cum febre & siti, atque cum obstructionibus manifestis conjunctum hoc accidens fuerit, neq; in his ab hujus usu abhorreo. Nisi quod prædicto, quædam febrem mitigantia, quæ fortius obstructiones expediunt, atque hunc morbum quadam proprietate curant, miscere consueverim.

*Medicamenta  
antiscorbutica  
de obstruentia.*

Quæ autem febrem hanc curent, alio loco diximus. Quibus pro tollendis obstructionib. cuscutam, ceterach, scolopendrium, hyssopum, & betonicam addimus; & pro pleniore hujus morbi curatione, si febris pariat, cardium benedictum, raphani & enulæ campanæ radices, nec non in duris & agrestibus corporibus, iisque humidis & frigidis, raphani radice succum.

Et præter hæc cocleariam, nasturtium utrunque, trifolium aquaticum, & chelidoniæ minores radices. Quæva-  
ric;

rie, pro varia corporum constitutione  
& peccantium humorum conditione  
permisceo.

A quibus si non satis, uti jure debe-  
bat, curatio procedat, neq; tamen sitis  
aut febris sub his invalescat, (admini-  
stratis prius ubiq; universalibus) pau-  
latim ad fortiora transeo, donec aptum  
morbo ejusque causæ remedium adin-  
venero; quam hîc crassam & rebellem  
esse morbi magnitudo ejusq; mores re-  
fractarii ostendunt.

*Canon therap.  
spec. in con-  
vulsione terti-  
us.*

Sæpe enim ab urinis rubris & tinctis,  
ac molestiore siti deceptus in his sum,  
quo minus ad fortiora transirem, aut  
transire propter febris indicia aude-  
rem, magno ægrotantis incommodo,  
& nullo curationis successu.

Quod in his, utcunq; urinæ tinctæ  
videantur, morbi causa crassa & frigi-  
da, ea medicamina postulet & requi-  
rat, quæ cum levi calefaciendi faculta-  
te, attenuandi incidendiq; vim & pote-  
statem, cum quadam ad hunc morbum  
proprietate, habent.

Ideoq; si non satis à mitioribus uri-  
næ immutentur, vel iis ad melius im-  
mutatis, & ad naturalem colorem re-

K ; de-

deuntibus, morbus nihilominus ingravescat, diligenter ad agri temperamentum, & præcedentis vitæ victus-que rationem attendere oportet, & omnibus discussis examinare, satisne secundum hæc, intensa medicamenta sint, nec ne.

*Urina laudabilis cum morbi incremento & perseverantia certo notat, Medicamenta esse mitiora quam pro morbi causa.*

Siquidem certum signum, urina laudabilis cum morbi incremento ac perseverantia habet, mitiora medicamina esse, quàm pro morbi causa conveniat, & idcirco juxta dictam normam intendi augerique ea debere, donec causæ morbi contrario gradu adæquantur.



## XXX. ARTHRITIS.

**A**Tque hæc de paralyfi & convul-  
sione dicta nobis hætenus sint. *30. arthritis  
scorbatica.*  
Sequitur nunc, quemadmodum hæc  
facere morbum hunc ostendimus: ita  
particulares & quarumlibet partium  
dolores ab eo commoveri, porro  
monstramus.

De quibus quia partim antea dixi-  
mus, hoc loco de iis saltem dicemus,  
qui in articulis tantum excitantur, &  
falsa arthritidis imagine medicos de-  
cipiunt ludificantque.

Qui, si in morbi principio catharticiis *Prognost. 26.*  
medicamentis fortius curentur, ab iis  
adeo non mitigantur, ut etiam gravius  
exasperantur, & sæpe in paralyfin, ali-  
umq; ea deteriore morbum, atro-  
phiam scilicet vel similem degenerent.  
Qua propter diligentem animadver-  
sionem, & exactam a veterum arthritide  
distinctionem, hæc res exigit & mere-  
tur, ne curando prius impingamus,  
quam morbus ejusq; causa nobis co-  
gnita & perspecta.

Dignoscuntur autem primum ex eo,  
quod diu uno in loco, maximè in

*Regula Diag-  
nost. spec. deci-  
ma octava in  
arthritide scor-  
batica.*

*Causa arthri-  
tidis scorbuti-  
ca.*

morbi initio, hi dolores quos scorbutus facit, non subsistant, sed errabundi ad alium atq; alium ejusdem, vel oppositi lateris articulum transeant: Indubitato argumento, à vaporibus magis, tenuibus humoribus permixtis, quam humorum defluxu malum hoc procreari, utpote ad mutandum locum stationemque suam minus promptorum. Quemadmodum à veterum arthritide docemur, etiam illa, quæ à tenuissimis & subtilissimis humoribus accidit.

Atque hoc indicio hos dolores scorbuto proprios, ab iis, quos veteres cognoverunt distinguimus. Quod hi ad sui solutionem usque infestent, neque cum alterius membri apprehensione, statim prius relinquunt, sicut in hisce nostris scorbuticis, maxime illorum initiis videre licet.

Qui in quibusdam aliquando adeo vagantes sunt & discurrentes, ut quos omni dolore solutos existimas, subito alio dolore præter spem & expectationem, cum & sine tumore, apprehendi cernas, qui æque atq; prior ægrotum membrum discruciet.

Eum si topicis curare aggrediaris, vide-

debis membro eo derelicto postride,  
& sæpè eodem die & hora ad aliud  
ejusdem, vel oppositi lateris membrum  
& articulum transiisse.

In quo illud etiam præter veterem  
arthritidem occurrit, huic morbo pro-  
prium & peculiare, quod semper cum  
levi resolutione dolor hic conjunctus  
sit, adeo ut hoc malo infestati, raro  
membrum affectum dimovere, & ad  
aliud locum transferre spontè que-  
ant, nisi ab alio & sano membro ad-  
juventur. Quæ etiam cum dolore re-  
mittit, eodem quo dolor commigrans.

*Dolor arthriti-  
dis scorbuticæ  
semper cum levi  
resolutione con-  
junctus.*

Atqui hoc malum illud esse puto,  
quod doctissimus & celeberrimus no-  
stri temporis medicus D. Joannes Ve-  
jerus vernacula & Belgica nostra lin-  
gua *varen* appellat.

*de Varen Pieri.*

Nam quod Belgis *varen* dicitur, la-  
tinis translatio ac commigratio est, cæ-  
terum est proprium hoc & pathogno-  
micum sceletyrbes signum. Quemad-  
modum curatio id ipsum ostensura iis  
est, qui post nos eam explorare volent.

*Regula Diag-  
nost. gener. d. vi-  
ma sexta ex ar-  
thritici scorbu-  
tica vagu.*

Exhibitis enim quæ stomachicæ con-  
ducunt medicamentis, ab iis hæc sym-  
ptomata discuti & evanescere videbunt,  
ut ab excisa arboris radice, ejus folia &  
frui-

fructus. Cum alioqui in vera & veteribus cognita arthritide. physica ratione officii ab his pejus debebant.

*Canon therap.  
generalis deci-  
mus sextus.  
Decimus septi-  
mus.*

Bibuntur in hoc casu, ut in reliquis omnibus, herbarum huic morbo conducentium succi, feliciore successu, quam earum decoctum. Estq; in una quadam Senatoris Hamburgensis conjugis probatus mihi ad hunc casum cochleariæ succus destillatus. Quem debilioribus ventriculis libentius distillatum, evitandæ noxæ causa propino, quod in destillatione succus hic cruditatem, qua debiliores offendere ventriculos solet, dimittat.

*Decimus octa-  
vus.*

Quod si crudis humoribus immixtum esse hoc malum videatur, conveniunt medicamenta, quæ citra multam commotionem ac digestionem, eos concoquunt & incidunt. Qualia huic ului servientia sunt Betonica, origanum, enulæ campanæ radices, cum iis quæ proprie stomacem curant.

*Prognost. 27.*

Ab his & similibus ab occulta qualitate & partim à manifesta convenientibus medicamentis, & usu cognitis atq; probatis, hi dolores evanescent & dissipantur, ut ab oriente Sole matutino, altivo tempore nubes.

In

In quibus vero diutius medicorum ignorantia aut ægri inobedientia, vel quovis alio dolore, morbus hic perseverat, qui initio discurrentes intermittentesq; dolores fuerunt, postea stabiles, & eodem loco cum accelsio-  
Reg. diagnost. spec.  
 ve subsistentes, in debilitato longiore mora membro sunt. Quando cum pulsu urinæ morbum nihilominus manifestant.

Quæ quantum memoria mea repetere mecum possum, aut crassæ, sublividæ & rubræ, vel albæ, subsidentes, & turbidæ, apparuerunt, cum, & sine sedimentis. Cujusmodi quoque visæ urinæ illius scæminæ sunt, cujus venter, crura, & abdominis muscoli, mirifice ab hujus putrefactionis halitibus discindebantur. Ex cujus felici curatione primum in hujus mali noticiam deductus sum, inquisitionem meam confirmante curatione, quæ cum aliis methodica ratione adhibitis medicamenti obedire nollet, ab his sequuta statim est.

Aliquorum urina crassa apparuit & subnigra, cum crassis & furfuraceis excrementis, sublividis & nigris. Qualis urina scæminæ Holsatæ fuit.

Hæc

*Urina in arthriticis doloribus quales. Hæstoria scæminæ ventris, crurum & musculorum ab dominis dolore laborantibus.*



*Historia fami-  
na Helsingae do-  
loribus arthri-  
ticis per inter-  
valla correpta.*

Hæc per intervalla ab his doloribus correpta, statim in terram cōcidit, levi resolutione cum iisdem attētata. Quibus remittentibus, ilico, quo volebat baculi adminiculo ibat. In hac præter morbi speciem raram etiam sceletyrben mihi patefecit cum pulsu parvo, urina varia & crassa, dispari substantia conspicua.

*Canon therap.  
spec. in dol.  
arthriticis pri-  
mus.*

Ipsa quoque hujus symptomatis ignara, confessa mihi fuit, ante trienni-um graviter se scorbuto ægrotasse. Curata iisdem medicamentis est, quæ ad hunc morbum valere usus monstravit. Quibus subinde cathartica validiora admiscuimus, crudum & melancholicum humorem evocantia. Quod hoc hominum genus rusticum, ut celerem, sic validam curationem amet & amplectatur.

*Prognost. 29.*

Fit etiam aliquando hujus morbi indicio, in hac arthritidis specie, post longiorem hujus morbi morem (deficiente forte facultate expultrice) loca, ante juncturas infestari solitas, eadem difficultate ab his doloribus premi, qua prius ipsæ juncturæ affici solitæ sunt.

Quemadmodum post diuturnam  
&

& molestum hujus mali sensum Notario Embdano, & paucis aliis accidit.

*Historia Notarii Embdani.  
Continuus dolor  
coxendicis in  
scorbuto.  
Historia Ischiade scorbuticæ laborantis  
& curati.*

Nonnullos novi continuo coxendicis dolore ab hoc morbo divexari. A quo ante paucos annos supra tres menses lecto affixus fuit Sartor meus Hamburgi. Quem variis inunctionibus aliquandiu quidam non incelebris aliqui chirurgus, sed frustra curabat, cujus mali causam, ego ex urina crassa, rubra & subfusca, & ejusdem coloris in matulæ fundum descendentibus subsidentiis crassis & furfuraceis cognovi, absque siti sic, aut ullo molesto caloris sensu exeretis.

Quapropter media bruma ex vino rubro cochleariæ succum ei propinavi, quo intra quatuor aut quinque ad summum dies, ab his doloribus liber evasit, etsi plurimum dierum & hebdomadam integra morbi curatio postea fuit, propter cruris, qua laborarat, contractionem.

Ab his ipsis doloribus plures præterita hyeme curavi, & nonnullos qui supra tres anni quadrantes claudi fere domi defecerant, & non nisi summa cum difficultate loco dimoverentur. Sicut præter hos alios, quos vapores

*Historia aliorum  
curatorum à  
doloribus arthriticis scorbuticis.*

musculorum membranas subeuntes;  
brachia, crura, aliasve corporis partes  
discindebant.

De his omnibus certum à pulsu &  
urina, vel ab horum alterutro indici-  
um est menimeq; fallax. Adeo ut circa  
hæc exercitati, magnam imo maximā  
aliis de se admirationem sint præbituri.

*Canon therap.  
specialis in do-  
loribus arthri-  
ticis alter &  
tertius.*

Nunc, ut quæ curationem hanc con-  
cernant persequar, celare non possum,  
nostra qualicunq; observatione com-  
pertum esse, nonnullos in prima mor-  
bi invasione, solo absinthio in vino seu  
cerevisia suspenso feliciter in quotidia-  
no potu usos fuisse, per semestris unius  
spacium usum ejus continuantes. Qui-  
bus autem inveteratum malum est,  
pluribus fortioribusq; egent, & præter  
ea quæ assumuntur, etiam topicis.

Ex quibus non postremum in diu-  
turniote morbo locum sibi vendicat,  
oleum per destillationē factum, quod  
suo de medicis consultationibus libel-  
lo, Joannes Fernelius celeberrimus no-  
stri temporis medicus describit, con-  
sultatione sua decima tertia.

Atque hæc de arthriticis doloribus  
scorbutū comitāribus, vel ab eo, si ma-  
vis, excitatis, dicta nobis hæcenus sint.

XXXI. HYDROPS  
SCOBUTICUS.

**R**estat nunc de iis dicamus, in quibus morbus hic diutius perseverans, & sub robusta natura paulatim increfcens (adjuvante huc quoq; corporis temperatura & dispositione) crura inflat, & in hydropicum ac renitentem tumorem attollit, & cum his moram trahente morbo, ventrem. Ita ut veterum hydrope tales laborare, dotis etiam medicis videri possint.

33. *hydrops  
scorbuticus.*

Circumscribuntur autem horum plerisque in inveterato morbo, sæpe manifesto tumore, ex crasso & melancholico succo Epar & Lien. Siquidem non solum venæ horum viscerum, sed & ipsissima eorum substantia sepe numero hoc tumore crasso & melancholico sic infarcitur, ut manifesto tumore intuentium oculis foris viscera sese offerant.

*Tumore patis  
& lienis manifestus.*

Quemadmodum accidisse Senatori Hamburgensi, & alteri cuidam nobili arcium trium præfecto vidimus, & uni ex plebe Embdæ. In Senatore & præfecto præter alia signa, de quib. postea dicemus

*Historia tum.  
ep. & lienis.*

mus



mus, morbum sceletyrben non obscuro indicio, labra genæque sublurido colore suffusæ, demonstrabant.

*Hydropis scorburi generatio.*

Qui sic afficiuntur, his à dicto humore crasso & melancholico credibile est primum viscera affici & debilitari, ab ejusdem vel substantia, vel fumo & evaporatione, seu specifica (quod verisimilius est) putrefactionis quam conceperunt, qualitate, aut ab his omnibus simul.

Atq; ab hac semel intra se recepta qualitate rationi consentaneum est, facultates eorum lædi, & ad similem impressionem, qua affecti sunt, alimentis imprimendam disponi; reciproca vice adventantibus ad se alimentis reddentia, quod ab humoribus receperunt. Quæ hac qualitate infecta ac contaminata verisimile est aliquibus aut pluribus suis partibus ineptitudinem quandam concipere, nutritioni corporis incongruam.

Quibus paucis & tacitis incrementis coacervatis cōgestisq; cum amplius ab innato calore occultari & dirigi non queant, primum à fortiore naturæ nisu, ad remotiores corporis partes crura scilicet, devolvuntur, quibus super-



superfluum amplius non recipientibus, quod residuum est, intra viscera hæret, & tandem à robusta natura ad abdomen & peritonæum ejicitura prædure ac tenso tumore illud attollens, & falsa hydropum veterum specie medicis imponens.

Qui ignari differentiarum, in curatione communi methodo, maximo ægrotantium incommodo, procedunt: *Prognost. 30.*  
Quod communia hydropis remedia, vulgaremque curationis modum hydropi competentem, adeo hæc malum respuat & contemnat, ut non raro ab eadem intra medicorum manus præter expectationem ita affecti expirarent.

Quo magis utile erit differentias quibus discrepant, prius observasse, ne in curatione prius impingamus, & salus ægrotantis nobis elabatur, quam morbus cognitus fuerit.

Deprehendi autem discrimen potest, cum ex eo, quod à purgantibus difficulter spirent, & quotidie in deterius prolabantur, tum extra purgationis experimenta, ex vehementiore respirationis difficultate, cum angustia sub diaphragmate conjuncta. Que

*Regula diagnostica specialis 12. in hydre scorbutica continens notam hujus primam.*

L etiam

etiam in morbi initio, nondum premente valde tumore, gravior his est, quam in veteri hydrope, aut hydropis ratione esse consuevit.

Nam quod maxime in hujus initio conqueruntur, illud præcipuum est, quod plerique horum præcludi sibi aerent, & ad orificii ventriculi regionem coangustari se contestentur. Ad eo ut quidam ipsorum erecti spiritum trahant: instar eorum, qui orthopnoea laborant: A crassis flatibus vaporibusque diaphragmate (quod puto) compresso atq; distento.

Quo fit ut iis discussis, hæc difficultas remittat, redeatq; iis regeneratis, & rursum, ut prius, ad diaphragma elevatis. Siquidem in plerisq; quibusdam quasi vicibus res geritur, in initio potissimum, quando non semper neque continuo infestari eos ab hac angustia videre licet, nisi quum causa mali fortis & instans est.

Si corporibus plethoricis & multo sanguine refertis malum hoc advenit, statim etiam sublurido colore tincta labra genæq; apparent, cum peccantis humoris qualitate morbi speciem ostendentes.

Quam

Quam à communi quoque hydrope tumoris qualitas, (nam à leucophlegmatia etiam alia signa distinguunt) dirimit & discernit: Quod in hoc nostro hydrope tumor durior sit & tensor, ut mollis est & laxus in veterum ascite & hydrope.

Ideoq; neque æquaè altam, neque æque facilem digiti impressionem, atque veterum hydrops admittit: Haud dubie propter humoris melancholici, à quo fit, admixtionem. Quem ut alibi sæpe, sic libro de curatione per sanguinis missionem, Galenus tumorem duriores scirrhioremq; efficere docet, uti laxum pituita facere solet.

Hunc tamen pro temperaturarum, atque redundantium ab his humorum diversitate rationi consentaneum est, aliis duriores, aliis laxiores fore, quatenus alia corpora pituitæ, alia alterius humoris feraciora, de sua natura sunt. Qui dum morbosa causæ miscetur, in tantum tensionem molliemque variabit, in quantum huic tumori hic vel ille humor permiscetur. Qui tamen nunquam, aut perquam raro, nec nisi in mollissimis laxissimisque corporibus,

adeam mollitiem, quæ veterum hydropi familiaris est, accedit, idque ob crassioris, & melancholici humoris, à quo fit, admixtionem.

Quamobrem impressus his digitus in aliquibus nullum post se uestigium relinquit, in aliquibus exiguum, paucis altius descendit: Cum in communi & veterum hydrope notum sit, quas post se foveas ille relinquat. Hanc differentiam à multis ab hinc annis observavi.

*Historia hydropis scorbentico laborantis.*

Ex qua in nobili Batavo, præ cæteris meæ patriæ medicis, hunc morbum cognovi, non sine artis encomio, & ægrotantis, quod maximum est, salute: Frustra alioqui doctissimis, & non vulgaris eruditionis medicis, curationem hanc ex authorum præscripto perfectentibus; qua (quod eorum pace, ad multorum salutem mihi dicere liceat) pene ad orci fauces æger perductus erat. Quod ægerrime sic affectos, (ut obiter particularem hujus curationem attingam) purgationes sustinere, maxime in morbi principio, usus demonstrat.

*Prognost. 31.  
Canon therap.  
penticus spec. in  
hydrop. scorb.  
primus.  
Secundus.*

Cæterum medicamentis, incidendi attenuandique facultate præditis, mi-

sceri



fceri debent, quæ erga hunc morbum scorbutum peculiariter valere, aliquoties antea ostendimus.

Quo curationis modo citra purgantium opem, plurimos sanatos novi. Siquidem sublatis obstructionibus, venisque referatis, unaq; curato scorbuto, sæpe præter opinionem tumor hic evanescit. *Tertius.* Quod si non satis succedat, ubi curata ex parte vel de toto scelerybe videbitur, tum deum catharticiis superflua deturbare convenit, iis potissimum & inprimis quæ proprietate sua humorem melancholicum educunt.

Cujus generis Electuarium Indi utriusque est, confectiois hamech, diacatholiconis. & his similia alia sunt, passim authoribus decantata.

Verum nec illos purgari in initio *Quartus.* debere, quibus ex venarum obstructione, & humorum in visceribus coactione. Epar & Lien intumescunt, nisi prius convenientibus unguentis & emplastris, tumor & obstructio sublata sint, ex communi curationis methodo magis notum est, quam ut hic moneri illud oporteat.

Semper vero quoties cum his scor- *Quintus.*

L 3      butus



butus occurrit, dictæ qualitatis medicamentis ea miscenda sunt, quæ specificam erga hunc morbum vim & proprietatem habent. Eo sublato communem tunc in eradicandis quæ supersunt vitiis, viam sequi licebit.

*Sextus.*

Si calor & sitis, atq; febrilis caloris signa majora adfuerint, ea convenientibus medicamentis quoque contemperanda esse, sponte notum est. Quæ tamen ejusmodi esse debent, quæ aliquali incidendi facultate prædita & adornata sunt.

*Septimus.*

Quibus crassior in venis sanguis redundat, vel quæ consueta sanguinis evacuationo substitit, iis vena aperiri, & reduci consuetudo intermissa debet, atque tantum sanguinis mitti, quantum morbi & virium ægrotantis ratione commodum erit.

Observatis scopis & indicationibus, de quibus eleganter Galenus, ut reliquis omnibus, libro de curatione per sanguinis missionem, scribit.

*Octavus.*

*Historia ab  
hydropocor-  
bntico liberata  
fluxu hamor-  
choidam.*

Profuit in aliquibus sic affectis hæmorrhoidum quod memini, apertio, sponte nigri atrique sanguinis redundantiam effundentium. Quo naturæ beneficio præter alios, conservata à

gra-

gravissimo suo morbo, rustica Keden-  
sis fuit.

Si non satis officium suum naturæ *Natus.*  
fecerit, & venæ ani turgent, applicari  
iis sanguisugæ poterunt. Quod si nec  
sic satisfactum naturæ fuerit, vena a-  
periri sub poplite debet, quod melius  
est, aut in sinistro brachio è regione  
lienis. Et si ita casus ac necessitas po-  
stulaverit, modicis vicibus sanguis ex-  
trahatur, nisi admodum plethoricum  
esse, & crasso copiosoq; sanguine ab-  
undare, ægrotantis corpus videatur.

Alioqui nostra qualicumq; ut & Do-  
ctoris Vejeri celeberrimi Ducis Cli-  
vensis medici, observatione anintad-  
versum fuit, in genere largam sangui-  
nis missionem ægrè hunc morbum  
perferre.

Quod imprimis notari in locis fri-  
gidis & humidis debet, ubi simul fre-  
quens crudarum sublimiumq; aqua-  
rum est usus. Qualia sunt apud nos  
Frisia utraq; tam occidua, quàm ori-  
entalis, & plæraque Hollandiæ loca,  
proprius ad septentrionalis maris lit-  
tus sita, in quæ venti humidi & frigidi  
perpetua ferè nubila inducunt crassa  
& humida.

*Sanguinis mis-  
sio larga cur in  
scorbuto non  
conveniat.*

A quibus ad frigiditatem humiditatemq; disposito aere, corpora nostra ut & ab aquis frigidis & crudis, plus satis refrigerantur, ut propterea largiorem sanguinis missionem, in Gallia, Italia, & pluribus Germaniæ locis usitatam, respuere videantur. Rationi enim consentaneum est, ab his aquis (ne quid de aere dicam) multos tenues crudosque humores, cum in prima, tum secunda & tertia corporis regione coacervari, quibus sanguis spiritusq; contaminati, haud dubie refrigerantur & obtunduntur, ad sui concoctionem longiore tempore, fortioreque calore indigentes.

Quæ omnia largiore sanguinis missione conturbari, cui dubium esse potest? Ut non abs re dictum ab Hippocrate sit, medicum cujusque loci, ad quem accedit, victum, aerem, & aquas considerare debere, & his curationem attemperare.

## XXXII. HYDROPS VESICALIS.

Id obiter admonere hic volui, cum peculiarem hujus morbi curationem  
ut

ut ostenderem, tum etiam ad harum regionum clima eam accommodare, quam sic affectis prodesse, ratio monstrat, usus confirmat. Præter hanc hydropis speciem, etiam alia <sup>32 Hydropis vesicalis.</sup> occurrit, nostris regionibus quoq; familiaris, quam à velicarum toto corpore & qualibet ejus parte extuberantium forma, Belgica lingua nostrates *Bougwater* appellant.

Hanc communis vulgi opinio incurabilem tenet, ideo quod paucis ab ea convalescere, etiam vulgi observatione constet. Siquidem ante hæc tempora nulli medicorum, quod sciam, illius causa & curatio satis cognita fuerit. Unde non mirari infelicem ejus curationem oportet: Quandoquidem quæ veteribus in suis hydropum speciebus descripta curatio est, adeo huic nostræ adversatur, ut etiam fortissimos apta sit, paucis diebus & hebdomadis prosternere & debellare.

*Prognost. 32.*

Sicut testem hic (nisi aliorum famæ parceremus) facere virum juvenem ac nobilem possemus, non ita pridem, eum, hac curationis via, finem adeptū, quem mox prædiximus, simul ac me-

di-

dicamina præscripta ei in officina videremus. Nam cum ægroto prius semel atque iterum fueram locutus.

*Errores & suos & alienos in curatione commissos cui delegat autor.*

Quod tamen non obtrectandi causa, sed veritatis studio à me scribi, omnibus persuasum velim. Nam mea forte contentus nulli invideo. Et debet procul hoc vitium à Christiano pectore abesse. Cujus unicum studium esse debet, ut collata sibi à DEO dona in publicum ad communem omnium utilitatem adferat. Sicut de hac re à Divo Paulo Corinthiorum prima epistola, capite 12. admonemur. Sed & homicidii à quodam accusantur, qui collata sibi à DEO dona dissimulant.

Atque hæc præcipua mihi scribendi hujus libelli causa fuit. In cujus contextu, si veritatis confirmandæ gratia, quandoque quorundam errata attingere contingat, velim hic mihi viri docti ignoscant, sibi que certo persuadeant, non à malitia sed simplici veritatis studio ea proficisci, in quo etiam neque nostra dissimulare constituimus.

Sed ut ad institutum nostrum, unde digressa oratio est, revertar, paucis in  
ha c



hac hydropis specie, sicut attentatum nobis in reliquis hujus morbi differentiis fuit, signa notasq; ostendam, quibus à veterum hydrope distingui hic noster queat. Necum nostro ipsius & artis turpitudine prius quam morbus cognitus fuerit, curando impingamus. Quoniam periculi, & calamitatis plenum est, morbum curare omnibus suis partibus non satis prius examinatum & discussum.

Cognoscitur autem ex tribus potissimum, morbi scilicet qualitate ejusque natura, & moribus, præterea à pulsu & urina. A morbi vero natura & proprietate hoc modo: Primum quod prius quam certas sedes figat, aliquando aliam atque aliam corporis partem momentaneo tumore & inflatione hic morbus attollat & distendat.

Quod iis tamen accidit magis, qui ex subtiliore aëre ad crassiorem sese transferunt, aut humoribus præditi sunt tenuioribus, & multis flatibus refertis, præterea victus ratione usi sunt minus melancholica & crassa. Nam quibus humores crassiores sunt,

*Regula diagnostica specialis vicesima in hydrope vesicali.*

mi-

minusq; vaporosi, in his minus conspicuæ hæ tumorum mutationes sunt; sed his pedes primum, postea totum quoque corpus, duro & inæquali tumore paulatim assurgit, variis tuberculis, sua subinde quasi cute circumscriptis, extra reliquum tumorem extantibus propendentibusque.

Quæ etsi inguini & scroto familiariora sunt, tamen pedibus quoque & brachiis, scapulis, dorso, reliquisque corporis partibus ea adnasci videre est.

Suntq; hæc ut plurimum dura, semper vero doloris expertia, præter morbum, humoris quoque qualitatem indicantia. Quibus, majore scorbuti morbi confirmatione, pulsus accedit parvus, & inæqualis. Quem sæpius huic morbo proprium ac familiarem esse, jam antea diximus. Subscribentibus his omnibus urinis in initio crassis, rubris, & sublividis, aut variis, modo rubris & instar Gallici vini rubri claris, modo rubris & crassis, ac conturbatis, modo crassis albis & turbidis, & nonnunquam albis & aqueis.

Quæ

uæ tamen procedente morbo, non agg<sup>r</sup>ediente amplius morbi causam natura, ut plurimum crudæ & tenues, sicut in reliquis hydropum speciebus conspiciuntur.

Sed & hac nota aliquando cognoscitur, si de præcedentibus signis altius inquiras. quod ante ejus generationem, alia atq; alia symptomata ægrotantem infestant, huic morbo familiaria, & nulli curationi methodicæ, cui physica ratione debebant, parentia, veluti exempli gratia frequens vomendi conatus, vel variæ & inconfuetæ alvi dejectiones, vel sine morbo manifesto diutius continuans languor, aut cum pulsu parvo, crebro & inæquali, oris siccitas, vel perpetua, vel à somno tantum matutino infestans, & diutius absq; sensibili morbo perseverans.

A quibus diutius commorantibus, facilis ad hunc hydropem transitus est, & hujus rursus à veterum hydrope distinctio.

Curatur autem eodem curationis modo, quem supra in priore hydropis specie ostendimus. Quo discuti tumor universalis, & cum hoc extantia  
hæc

*Secundus.*

hæc tubera solent, nisi morbus nimium sit inveteratus. Quando etiam post interiorum curationem, particulari tumoris tuberumq; curatione opus est, ex iis quæ discutiendi dissolvendique facultatem habere prædecessores nostri medici prodidere.

*Medicamenta  
discentientia.*

Inter quæ non postremum locum in hoc casu habent absinthium, ruta, arthemisia, & chamæmelum, & his similia alia. Convenit & ex lupinorum, absinthii, & chamæmeli farina cum oxymelite in puliculæ formam redacta, & cruribus calida obvoluta pulicula duplicatis aut triplicatis linteis densioribus.

*Histeria mulieris ab hydropse vesicali curata.*

Hac curationis via nuper admodum extra novamportam Embdanam, cujusdam acicularii conjugem, quæ menses tres plus minus decubuerat, intra septem dies DEI beneficio sic curavi, ut rursus consueta domum obiret, & cibum cum appetitu assumeret, paucis medicamentis porro integra curatione peracta.

# XXXIII. ATROPHIA SCORBUTICA.

**R**Estat nunc aliud sævum hujus <sup>33. atrophie</sup> morbi accidens, quod Latini nutritionis defectum, Græci commodiore vocabulo atrophiam appellant. Quandoquidem ab hoc sævo malo intra corpus latente, non semel omnem succulentiam carneniq; corporis ita absumi vidi, ut sceleti verius, quam hominis formam, sic affecti referre viderentur.

*scorbutica.*

Quod à levissima & latente intus *Atrophie scorbuticæ causæ* putrefactione, cum hoc morbo concurrente, & specificam hanc humorum corruptionem redolente, iis advenire solet, non nisi specificis, & huic morbo accommodatis medicamentis, depellenda.

Cæterum cum hoc symptoma plurimum morborum sequax comes sit, multa distinctione opus est, quæ atrophiam scorbutum comitantem, ab aliis atrophie speciebus, veteribus medicis cognitis, distinguamus ac dignoscamus.

Quod minus difficile erit, si causas



*Regula diagn-  
nostica spec. 21  
in atrophia  
scorbatica, seu  
nota eam dis-  
cernentes ab  
aliis, quæ vete-  
ribus sunt  
nota.*

& morbos omnes, à quibus fit, memo-  
ria teneamus, & his discussis celeri  
mentis cogitatione dispiciamus, num  
quæ veteribus cognita causa, à quæse-  
quî ratione physica solet, subfit.

Quod si his examinatis, nulla causa  
à qua sequi eam veteres dixerunt, sub-  
fit, promptior futura inventio causæ  
fit, quam hic scrutamur.

Nam si ex nulla veterum causa æ-  
ger citra rationem lente contrahescat,  
quod in hoc rara esse debeat causa, ne-  
mini non notum esse potest. Quæ an  
scorbuto adscribenda sit, cum propria  
cujusq; morbi & pathognomonica  
signa, tum pulsus & urina monstra-  
bunt.

Nam quæ à puris in thorace colle-  
ctione, sanguinisque sputo neglecto,  
suppurataq; pleuritide, nec non acri  
ad thoracem defluxione, & serosorum  
biliosorumq; humorum in eo putre-  
factione, atrophia fit, partim suis sig-  
nis, partim ab ægrotantis relatione  
cognoscitur.

Sed nec illa virum in medicina ex-  
ercitatum latere potest, quæ à visce-  
rum ex inflammatione aut erysipela-  
te putrefactione & abscessu, aut ven-  
tri-

ariculi vitio fit, humorumq; depravatorum in eo collectione, quod de his præter alios, doctissime suo de medendi methodo tractatu Galenus scribat.

Quæ etiam diarias febres, & continentes malè curatas, sequitur atrophia & hæctica febris, facilè quoque dignoscunt, qui memoria tenent, quæ de his Galenus medendi methodo, de febrium differentiis, & crisi bus libris, ac a libi prodidit.

Quæ partim, si de morbi principiis altius medicus inquirat, etiam ab adstantibus, & ægrotante ipso cognoscuntur. Ideo quod raro diariæ febres absq; procatarectica causa fiant, & continentes vehementiores sint, quam ut latere aliquem queant.

Sicut nec illa facile ignorari potest, quam nobilioris partis inflammatione facit, quam in Epatis inflammatione color citrinus ostendit & ictericus. In Lienis inflammatione color subfuscus & niger, in testibus acutus dolor. Quemadmodum de uno nuper nobis

*Historia atrophie ex inflammatione testis consuetudinaria*

compertum est, ex unius testis inflammatione, & latente intra scrotum morbo post plures menses, ex gravissi-

M

mis

mis morbi doloribus, in atrophiam & corporis consumptionem incidente, ex qua post annum medicorum errore, morbum ignorantium, extinctus est.

De tabe dorsali primus Hippocrates scripsit, & post ipsum luculenter insignis nostri temporis medicus, & in morborum dignotione excellenter doctus, Doctor Jodocus Lomnius, suo de observationibus medicinalibus libro secundo.

*D. Jodocus  
Lomnius.*

A quo facile hujus atrophix notas lector discere potest, ne quid molesta signorum repetitione hic opus sit, quæ multo rectius apud ipsum authorem leguntur loco & libro citato.

Hæ quidem atrophix species cum propriis signis, passim à medicis descriptis, non difficulter dignoscantur, quædam etiam causam manifestam habeant, in sensus & oculos incurrentem, non difficilem distinctionem habent apud eos, qui in veterum recentiorumq; authorum lectione sunt exercitati.

Quarum si nulla subsit, atq; æger nihilominus citra manifestum morbum veteribus cognitum, lente contabescat,

scat, primum tentandus pulsus est. Qui si parvus, debilis & inæqualis fuerit, hæctico dissimilis, habes ni fallor aliquod stratum tibi ad morbi inventionem fundamentum, à quo ad reliquorum superstructionem, nullo negotio deduci possis.

Cui si urina crassa & sublivida, vel citrina & subfusca responderit, propius sic ad morbi cognitionem accedes. Eoq; plus, si cum his anxietates ad præcordia per intervalla infestantes, aut in toto corpore & cruribus efflorescentes maculæ nigræ & citrinæ apparuerint. Quod his notis & signis, etiam lippis & tonsoribus hodie hic morbus cognitus sit.

Accedit hac atrophia laborantibus sæpenumero totum corpus languere, ipsiq; ægrotantibus videri magis languere se, quam certo aliquo morbo detineri, utpote qui de nulla re magis quam corporis languore conquerantur, multo animi dolore, membra tabefacta monstrantes, certæ mortis & sepulturæ præsagium, tacite, quod sciunt, continentia.

Hujus curatio, quia paucis quoque ad hæc usque tempora innotuit, & à



plærisq; medicis ob corporis consumptionem in oculos incurrentem, magno errore & ægrotantium periculo, humectantibus refrigerantibusque attentata fuit, visum propterea nobis fuit, operæ precium nos facturos esse, si, quæ ad curationem hujus symptomatis pertinent, prolixius persequamur. Quod grave malum hoc sit, & pluribus apud nos, hoc tristi rerum statu, familiare.

*Historia de  
duobus atrophiam  
scorbuticam  
extin-*  
*ctis.*

A quo cum hæc scriberem, intra tri-duum duo è medio sublati fuere. Et plures in agro graviter periclitati sunt. Inter hos fuit unus præclaris ingenii dotibus ornatus, Dominus Hector ab Oldorsum, nobili genere, & honesta stirpe prognatus, qui propter excellentia dona ejusq; in Republica illa auctoritatem, longiore vita dignissimus fuerat.

Quod hic propterea admonere, & hoc loco inferere volui, ut ab his exemplis, quam necessaria hujus rei consideratio sit, eo plus admoneremur, & ad curationis investigationem excitemur.

Quæ ut in reliquis morbis, ita hic quoque à causæ mali cognitione ac  
re-



remotione dependet, quæ diversa in hac atrophiae specie est, ab ea iisve, quæ cognitæ veteribus fuerunt.

Nam in omnibus fere veterum atrophiae speciebus, malum illud miseris mortalibus ab æstuante calore advenire solet, cordi infixio, vel aliunde ad cor accedente.

Quod in hoc nostro nutritionis defectu, potissimum à fumis vaporibusque fit, à putrescente intus, & in prima corporis regione materia melancholica, crassa, & frigida, vel aquea, & cruda, sed hac specifica putrefactione scorbutica infecta, multa copia elevatis. Quorum continua evaporatione & copiosa, (sicut de taliis hujus morbi symptomatibus demonstrari posset) cordis calor modicis incrementis adauctus, assurgit, & præternaturæ modum accenditur, sed adeo lento & gliscente propter causam morbi frigidam calore, ut vix nisi longiore temporis mora, ab affectu percipi possit.

Qui arteriis, & per consequens toti corpori communicatus, sæpe post plures menses & annos, hunc (quem dixi) affectum producit, citius aliquando, aliquando etiam tardius, prout

*Atrophia scorbutica generatio.*

maiore minoreve copia, administratæ sic affectis causæ adjuvantes, & morbum ejusque causam adaugentes fuerint. Qui de sua ipsius natura, propter morbi causam frigidam & crassam, partim ab aquis crudis, partim ab ære frigido & crasso, victuq; melancholico & crasso, collectam, tardus est & lentus, nisi ab extrinsecis, ut dixi, adjuvetur.

*Canon therap.  
spec. in atroph-  
phia scorbuti-  
ca primus.*

Ex quo, quæ sit in his curandi ratio facile intelligit, qui saltem aliquem medicinæ usum habet. Quæ in legitima sex rerum non naturalium administratione consistit, adhæc convenienti potionum ac medicaminum usu, præter peculiarem hujus morbi curationem, tenues & crudos, vel crassos frigidosq; humores, de sua natura concoquentium, attenuantium, & incidentium: Quatenus crudorum, humorumq; melancholicorum, non multum dissimilis, si veterum placitis credimus, curatio est.

Quæ quomodo pro corporum, ac morbi causæ diversitate varianda sit, à medendi methodo docemur. Cujus exacta quantitas omnibus accommodata, cum infinita sit, à nullo deter-

terminari satis potest, sed cujusq; judicio considerata relinquitur.

Quæ autem sint, quæ cum peculari hujus morbi respectu, crassos crudosque humores incidunt, supra diximus. Sed ne hic repetere ea pigebit. Quandoquidem uti suprâ ex Rondeletio clarissimo nostri temporis medico admonuimus, mercatores non piget circa pecuniam calculum ter quaterve repetere.

Itaque quæ ad hunc casum probata mihi sint, prædictas facultates possidentia, inter cætera numerantur, carduus benedictus, absinthium romanum, cochlearia, trifolium aquaticum, becabunga, nasturtium utrumque, & si humor adsit melancholicus, majorque venarum obstructio, cuscuta, ceterach, scolopendria, epithymus, buglossa, polypodij quercini radices; vel si plures fuerint humores crudi & aquei, enulæ campanæ radices, hyssopus, betonica, c hamomum, macis & alia his similia. Quibus felicissimè DEI gratia curatio procedit.

*Medicamenta  
antiscorbutica  
concoquentia  
& assennantia.*

Sed & victus esse debet calefaciens,

*Canon therap.  
spec. in atro-  
phia scorbut.  
secundus.*

attenuans & incidens. Videntur an-  
gue pejus aquæ patriæ crudæ, falsæ, &  
sublimes, præterea quæcunque cum  
his, vel ex his parantur. Sunt & alia  
huic morbo convenientia remedia, e-  
leganter Doctori Joanni Veiero, suo de  
scorbuto libello, conscripta, unde de-  
promere quisq; poterit, quæ ad hu-  
jus curationem pertinere putabit. E-  
go usitata & probata mihi pono.

*Canon therap.  
spec. in atro-  
phia scorbut.  
tertius.*

Si tussicula (ut aliquando ex destil-  
lantibus ad pectus catarrhis fieri so-  
let) adfuerit, pectus exasperans, præ-  
dictis aliquid hordei mundari, & pau-  
cas jujubas, ac liquiritiæ modicum  
addo, vel pillulas bechicas ægrotanti  
exhibeo, ex tragacantho in vino præ-  
stantissimo dissoluto, & cum amylo  
ac saccharo in massam trochiscorum re-  
dacto.

*Quartus.*

A quibus si non satis mitigata tussis  
videbitur, & somnum illa interturbat,  
fuerintq; ad pectus delabentes humo-  
res tenues, etiam ad cynoglossæ pil-  
lulas, nullo ægrotantis incommodo,  
devenio.

*Quintus.*

Si expectorantibus opus fuerit, sint-  
que humores crassi & viscidī, ijs utor,  
quæ



quæ incidendis educendisq; crassis & viscidis humoribus, authores præscribunt.

Nam cum causa morbi frigida sit, à multum refrigerantibus hic abstinere oportet. Sæpe etiam si morbus sit diurnus & longus, ad duodecimam hebdomadam & ultra curatio extenditur, juxta illud Joannis Manardi, quo longos morbos longam curationem habere scribit. *Prognost. 33.*

Solet tamen prædictis semper, quod sciam, curatio obtemperare, accitius & melius verno & æstivo tempore, quam hyberno. Quando à frigore cave sibi ægrorantes debent, quod illud huic morbo inimicissimum esse, quotidiano usu experimur, maxime si Boreas spiret. *Canon therap. spec. in atrophia scorbut. sextus.*

Vinum Gallicum rubrum quandam erga hunc morbum proprietatem habere putatur, estq; plus Rhenensi natriens. Commendatur & lac caprinum stomachacæ. *Canon therap. spec. in atrophia scorbut. septimus. Octavus.*

Quod meo judicio efficacius, & huic symptomati conducibilius erit, si huic lacti thymus incoquatur, & post concoctionem croci paululum huic misceatur, cum modico melle vel saccharo



*Lactis capri-  
ni in atro-  
phia usus.*

charo, ne in ventriculo coaguletur. Erit-  
q; adhuc meo iudicio huic malo accom-  
modatus, si ijs, quæ ad hunc morbum  
proprietatem habent, herbis & simpli-  
cibus, aliquandiu ante lactis usum ca-  
præ alantur, sicut in œsophagi exulce-  
ratione factum legimus à Galeno, & in  
calculi præscriptionibus usurpari vide-  
mus à modernis, in hædini sanguinis  
præparatione.

*Herbæ capris  
objiciendæ.*

Quæ autem objici ad hunc usum ca-  
pris possunt, hæc sunt: folia acetosæ,  
nasturtii hyemalis & aquatici, trifolii  
aquatici, becabungæ, cochleariæ, num-  
mulariæ, raphani sylvestris, & tenuis  
herbæ secalæ, aliorumque folia & flo-  
res, usu & experientia huic morbo  
probatos.

Atq; hæc de atrophia quam scorbu-  
tus facit, dicta nobis hætenus sint.  
Qui post nos majore ingenii felicita-  
te præditi, manifestiorem hujus, &  
omnibus magis obviam, à veterum at-  
rophix speciebus, distinctionem no-  
bis dederint, ijs gratiam habebimus  
omnes.

Si quid etiam mihi incidat, quod  
certiore signo & magis omnibus no-  
to, ab aliis atrophix speciebus, hanc  
no-

nostram discernat. id quoque in medium adducam. Interea jam dicta lector boni consulat, rogo, & quo à me animo dantur, eodem accipiat peto. Quæ etsi ob styli ruditatem atque inelegantiam luce indigna sunt, magisque indocta, quam quæ doctorum manibus contrectentur, aut contrectari mereantur: Attamen quia usum non vulgarem hoc tristi nostro tempore habent, & ante me nemo extirrit, qui absolutum quid (quod sciam) de hoc morbo pertractarit, & in publicum dederit, malui inscitiam meam prodendo, indocti nomen, quàm utilia celando, invidi crimen subire. Quod hoc malitiam simpliciter habeat, illud etiam si sit ἀνομιον, tamen cum publico bono conjunctum esse, omnes boni mihi attestabuntur.

Malevolorum judicia perversa, & obtreptiones, ut semper, ita hodie quoque contemno & aspernor, fretus conscientia recti. Sed de his forte plura, quàm oportuit, sæpe diximus. Quare his omisis ad institutum revertemur, ad ea quæ restant, pergentes.

# XXXIV. ULCUS ET GANGRÆNA DIGITO- RUM PEDIS.

24. *Ulcus &  
gangræna digi-  
torum pedis.*

**I**Nter quæ reliquum aliud malignum  
lac sævum hujus morbi accidens est.  
Quod etiam doctissimus vir, omnium  
artium & disciplinarum, linguarumq;  
cognitione excellens, Doctor Peuce-  
rus, & clarissimus nostri temporis me-  
dicus Doctor Joannes Veierus, obser-  
vasse videntur. Quod ego primum vi-  
di quale fuerit, paucis hic describam.

*Historia cu-  
jusdam Ulcus  
& gangræ-  
nae digitorum  
pedis scorbu-  
tica correpti.*

Incipiebat autem circa tali pedisq;  
extremum, multis nigris & purpureis  
maculis, scorbuto, sicut antea dixi, fa-  
miliaribus. Quarum una summo pe-  
de non procul à pedis digitis, exulce-  
rari crustoso ulcere, cum pustula ci-  
trina, cœpit, quæ parum supra macu-  
lam illam extabat. Et non ita multo  
post in ulcus gangrænosum, siccum,  
neque pus neque saniem reddens, de-  
generabat, utcunq; turundis ac spleniis  
id chirurgus moliterur.

Quotidie serpebat latius. Et quod  
ante ulcus membrum erat, pes scilicet  
supremus, mortuum cum pedum digi-  
tis

tis apparuit, ita ut ægre & vix immis-  
sum fertum æger sentiret. Reliquæ  
quæ circumstabant, maculæ nigræ,  
absq; exulceratione perstiterunt.

A quibus secundum tibiæ longitu-  
dinem plures lineæ, septem in univer-  
sum vel octo, ni fallor, pellucidæ, & sa-  
turatæ rubedinis ascendebant, non se-  
cus atque si rubrâ cretâ ductæ fuissent,  
tenuem & cholicum sanguinem in-  
tra se contineri, vel ab hoc procreatas  
se esse, demonstrantes.

Erat enim ægrotantis temperamen-  
tum cholicum, & multo sanguine  
cholerico redundans. Eratq; facie  
ruffus æger, præterea clara & nobili  
familia natus, & aliorum perfidia,  
meliore fortuna, ut postea intellexi,  
dejectus. Quæ res haud dubie tacite  
senem cruciavit, maximè in suo con-  
jugio, quod in senili ætate primum in-  
ierat, vel prolium causa, quas senex  
ex conjugē susceperat.

Hic cum primo eum viderem, uri-  
nas reddidit instar vini Gallici, rubras  
& claras, quibus totâ earum superficie  
multa densa & citrina spuma innata-  
bat, sed absque ulla siti aut potus desi-  
derio. Hæ in morbi progressu magis  
livi-



lividæ magisq; subfuscæ, cum eadem spuma, totam urinæ superficiem, ut dixi, tegente, apparuerunt.

Pulsus parvus, debilis & inæqualis vix digitis percipiebatur. Mortuus autem æger duodecima morbi hebdomade propter morbi ignorantiam est. Quod, ut verum fatear, nondum cognitus mihi satis hic morbus ejusq; curatio esset.

Cum ego ei adessem, æger pedis demortui præcisionem rogabat. In quo consentire nolui, quod totum corpus præterea male affectû urinæ monstrarent, & quod septuagesimum ætatis annum æger implevisset, eique actioni omnes ejus cognati adversarentur.

*Historia eorum  
qui gangrana  
vulgari correpti  
sunt.*

Qui extra hunc morbum partium mortificationem senserunt, ijs subito, & cum frigoris sensu illud advenisse memini, & alios post biduum mortuos fuisse, sicut rustico accidit; alios post horam, quemadmodum Superintendentis quondam Hamburgensis Joachimi Westphali conjugii evenit.

Quod etiam de quodam Antuerpiensi eodem tempore Dominus Licentiatuſ



tiatus Carolus Battus, vir integræ fidei nostriq; amantissimus admonuit. Cui adjunctus in hac curatione collega, quasi in ipso mortis articulo fui. Ut propterea hac nota & differentia forte, hæc nostra mortificatio distinguenda ab ea sit, quæ sanguinis virus, vel alias sequitur causas cum membro ægotantem subito perimens & occidens. Cum hæc nostra paulatim, & post longius intervallum id faciat.

Sed de his aliorum esto iudicium. Nos enim hujus causa id proponendum putavimus, ut diligentius huic considerationi doctiores post nos incumberent: Interea certiores esse notas & diagnostica signa judicamus, quæ pulsus & urina monstrant. A quibus nullo negotio distingui & agnosci ab aliis morbis sceleratè poterit. Ab iis dico, qui vel hæc nostra diligenter loquunt & observant, vel alioqui aliquam hujus morbi cognitionem pleniorē habent.

# XXXV. ULCERA VARIARUM CORPORIS PARTIUM.

39. *Ulcera  
scorbutica va-  
riarum corporis  
partium.*

*Historia civis  
Hamburgensis  
Ulcere cancroso  
correpti in facie  
& vicinis locis.*

**H**Uic simile & affine malum est, quod Hamburgi olim in ejus opidi cive conspexi. Quod cum tumore ingenti ad elephantiasim accedente præter dimidiam faciem, & magnam cervicis partem, nasum & labia utraq; occupabat, aspectu horrendum, adeoque tetrum, ut citra horrorem nemo intueri ægrotantem posset. Siquidem præter dictam faciei inflationem, nasus lividus erat, labia prætumida & nigra, oculi prominentes, præterea sublurido & fusco colore palpebræ tinctæ, & variis pustulis variegatæ.

Hæ serpendo quotidie latius, per totam fere faciem dispergebantur, subiectas carnes erodentes, & circa tempora in ulcus nigrum, tetrum, malignum, ac glomerosum, quod carcinoma Græci vocant, desinentes.

*Marcelli Vir-  
gilii locus de  
carcinomate,*

Notum enim cum ex aliis authoribus, tum ex Marcello Virgilio est, doctissimo Dioscoridis interprete, carcinomatis generationem, ex melanco-

lico

lico humore, cùm referbuit, fieri. Cujus de natura hujus verba eleganter secundo commentatoriorum in Dioscoridem libro descripta, huc adferre placuit, quæ sic ad verbum habent:

Grave hoc malum est, quod nec discuti, nec divelli potest, nec corporis purgatione minui. Sed tam malefici ingenii est, ut mitiora remedia negligens asperioribus irritetur, neque ante exulcerationem alia spes est, quam ut differatur exulceratio & incrementum.

Ibidem idem quoque author ad remorandum ejus exulcerationem, quædam Dioscoridis medicamina simplicia examinat libro citato, capite 147.

Hoc malum ægrè curationem admittere, etiam clarissimi quidam nostri temporis medici judicarunt. Itaque quæ felici experimento, & nostra qualicunque observatione & inventionone, probata nobis ad hunc usum medicamina sunt, in medium adferre non gravabimur. Ita tamen ut suum cuique maneat liberum de hac re iudicium.

*Prognost. 35.*

In hoc posteriore, in prædicto ul-

N

cere

*Canon therap.  
spec. in Ulcere  
scorbutico nigro  
& crustoso.*

cere nigro & crustoso, felici successu  
us sequenti medicamento sumus, quod  
constat ex resina, olibano, & oleo ro-  
faceo in unguenti formam redactis sple-  
niis quibus illinebatur, in vino Rhena-  
no prius intinctis.

Quo brevi ad suppurationem sepa-  
rationemq; & puris generationem, ul-  
cus hoc productum fuisse vidi. Sicut  
in altera. dece n annorum puella, se-  
quens profuisse, experti sumus, quod  
domi parentes ipsi nostro iussu ex o-  
leo rosaceo, ovi vitello, tritici farina,  
olibano, & paucissimo melle parabant,  
spleniis illitum, quod crustoso & ni-  
gro ulceri imponebant.

A quo intra dies plus minus quinque;  
vel sex nigrum hoc à sana carne sepa-  
ratum excidit; Reliquam ulceris cu-  
rationem sarcoticis perfecimus. Hanc  
curandi hæc ulcera rationem, etiam  
Hippocrati placuisse, tertio de fractu-  
ris libro legimus. Ubi aperte ostendit,  
nigrefactas partes molliibus medica-  
mentis, non acribus ad suppurationem  
& separationem perducere de-  
bere.

Quapropter nigrefactæ tam carni,  
quam cuti aut nervo, album ceratum  
Hip-



Hippocrates illinit. Quod, ut ipse dicit, curationem ambustis similem talia postulent & petant, sicut latius ac melius loco citato apud ipsum lector cognoscer.

Eandem quoq; curandi hæc ulcera rationem Galeno placuisse 14. medendi methodo legimus, ubi medicamina mordacitatis expertia hisce affectionibus nigris & crustosis commendat, ideoq; ex metallis ea lotis & ustis parari jubet, quod ab acribus hanc exulcerationem irritari, ipse quoque de sua experientia comprobaverit. Quemadmodum latius hæc legi apud ipsum authorem possunt.

Qui in facie hoc malo laborabat, ille neq; delectum ciborum, neque ul-  
*Historia laborantis ulcere scorbutico in facie.*  
 lum in ijs ordinem servaverat, sed promiscue uti sese obtulerant & sine discrimine, duros & infumatos ingererat. Hujus urinae dum adhuc obambulare, visæ sunt nigrae, crassæ, & ex pallido sublivescences, ac turbidae semper.

Pulsus decumbenti durus erat, præterea ferratilis & inæqualis, & propter febris admixtionem justo aliorum

N. 2. Mor-



Morbus vero, quantum ad sensus, mitis. Sitis nulla & perquam exigua putrefactionis notis, quas urina monstrabat, minimè respondens, non felici huius morbi, sicut prius ostendi, argumento.

36. Febres pestilenticiales & earum tumores.

### XXXVI. FEBRES PE- STILENTIALES ET EA- RUNDEM TUMO- RES.

**E**st hoc malum apud Embdianos frequens, quod imperitum chirurgorum ac practificantium ibi, vel medicinam facientium vulgus, pestis indicium esse dum arbitratur, theriacæ aliorumq; calefacientium medicaminum (pro conservatione à peste magis, quàm curatione excogitatorum) usu & exhibitione, curationem magno ægrotantium incommodo, ac certo vitæ periculo molitur, febrem his adaugendo, & super sanguinem adu-  
rendo.

Regula diagn.  
nost. spec. 22. in  
febb. pestilenticia-  
libus & earum  
tumores.

Dum à peste hunc morbum, præter symptomata mitiora, quibus quandoque se prodit, facile pulsus, & aliquando urina discernat.

Quæ

Quæ in aliquibus varia occurrit, modo tenuis, modo crassa, & conturbata, & multo quasi sabulo in fundum subsidens, vario & dispari sedimento conspicua: cum qua pulsus parvus & debilis apparet, contrarius putrefactionis indiciiis sæpe, quæ urina demonstrat.

Et si etiam in aliquibus durus & seratilis subinde ille sentiatur, instar illius, qui in pleuritide, & membranarum inflammationibus percipitur. A quo nos nuper in duabus puellis, primâ manus nostræ ad pulsum applicatione, statim hunc morbum cognovimus, cum peste eas laborare, persuasum omnibus domesticis esset.

*Historia laborantium febribus pestilentialibus cum tumoribus, &c.*

Cœperunt autem eodem tempore in iisdem ædibus ambæ simul ægrota-re, ancilla cum duobus in inguine tumoribus, & filia præter alterius inguinis tumorem, nigra & crustosa macula ac ulcere, mediam fere tibiæ regionem occupante.

Unde de peste opinio adeo fortis parentum animis impressa fuit, ut nullo nostro sermone evelli ipsis eam in initio potuerit. Quam tamen post triduum procedens juxta nostrum pro-

gnosticum curatio remove cœpit, & post septimum diem planè eradicare.

Fuit hæc puella filia cujusdam nostratis Frisii occidui Regneri Cornelii, olim Consulis Bolsuerdiensis, nunc vero Embdæ, propter belli turbas exulantis, cujus & ancilla erat. Quem nominare hic volui, quo magis fidem omnibus facerem, nihil præter comperta, usq; probata, hic me affingere, qui sicut antea dixi, nihil in hoc libello asserere constitui, non multiplici nostra experientia comprobatum.

Similibus tumoribus duris, renitentibus, dolorisq; plenis, cum nausea multa, multisq; ex intervallo recurrentibus anxietatibus, & febre ac siti, urinisq; citrinis in initio & tenuibus, correptæ aliæ duæ sceminæ Embdanæ fuerunt. Quarum una civis primarii filia, altera Groningana scemina erat, aromatarii conjunx, quæ Embdæ ad Delphit plateam, ut vocant habitat.

Qui præter has, jam dictis tumoribus correpti ibidem fuere, in horum plerisq; præter dicta symptomata, à peste hanc febrem distinguebant rara quæ-

quædam signa, scorbuto morbo magis, quam pesti convenientia.

Cujusmodi exempli gratia, nervorum resolutio imprimis est, in quam etiam cum hac febre, atque cum his tumoribus incidisse nonnullos memini. Siquidem adolescentem novi, cum colli ab hoc morbo tumore, ilico quoque linguæ usum amisisse, majore hujus morbi (utpote qui nervis infestissimus est) quam pestis indicio.

*Rara quædam  
accidentia  
scorbuto magis  
quam pesti con-  
venientia.*

Sed & anxietatibus, quas ad præcordia infestare diximus, plerique omnes, quos hac affectione laborare novi, infestati fuere. A quibus nonnulli, etiam præter spem & expectationem ilico suffocari, periere.

Atque hoc symptoma etsi pestilentialibus febribus quoque familiare esse consuevit, est tamen in ijs magis continuum, minusque interruptum, propter diversam morbi sedem, quæ in peste præcipue cor esse putatur, ut in scorbuto inferior venter & lien. Unde varii ad cor & diaphragma vapores exhalant, prædictas anxietates causantes. Atque ab hac causa anxietates hæ, sicut & vomitus cum hac febre incidentes, magis inter-

*Anxietas pestilens ut a scorbutica distinguitur.*



ruptæ sunt, quam in peste eas esse videmus.

Quibus majore hujus morbi certitudine accedit, quod minus grassantes, & paucioribus communes hæ febres, quam vere pestilenciales esse solent, unde *πορὰδες* dicuntur. Hæ quod magis publicæ sunt, magisq; in populum grassantur, epidemiæ vocantur.

Cum hæ nostræ cum scorbuto conjunctæ, vel ab ejus (si mavis) putrefactione specifica excitatæ, sæpe ad unam atque alteram familiam tantum constringantur, in eaq; non omnes, sed propter vitæ victusq; errorem, ad hunc morbum magis dispositos, apprehendat. Quod diligenter considerari hic necesse est, ab eo, qui inter has febres rectè sit distincturus.

*Cur febres pestilenciales scorbuticæ cum verè pestilentibus conveniant.*

Alioqui pluribus, quibus inter se collidunt, signis, facile practificantium oculos & mentem obfuscant. Quandoquidem non solum pædictis tumoribus anxietatibusq; sed & vomendi conatu, & pari, ob materiæ crassitinem, aut obstructionum venarum magnitudinem, urinarum laudabilitate, sicut & siti, nec non molesta linguæ  
la-



labiorumq; ariditate, ut & morbi propagatione, & nigris crustosisq; ulceribus, sibi invicem assimilantur; Ut propterea acuto & sagaci medico opus sit qui inter has febres rite sit distinguendus. Neq; mirari de his hanc symptomatum similitudinem oportet, cum una utrobique utriusq; causa materialis putetur.

Nam si clarissimo nostri temporis medico Guilielmo Rondeletio credimus, videbitur ex crasso & melancholico sanguine putrefacto, pestis generatio esse. Qui sanguinem nostrum incendere, conturbare, inficere, & ad putredinem venenositatemq; disponere creditur, sicut caniculæ tempore vinum ebullire & conturbare facit fex ad superiora excitata.

*Pestis materia  
seu generatio ex  
Rondeletii sententia.*

Ut non abs re humorum pessimus dicta Galeno melancholia, libro de febrium differentiis & alibi sit. Siquidem fex & sordicies sanguinis, à principiiis vitæ quam longissime elongata est, liberalitati inimica, & senio ac mori cognata. Nullus etiam humor plures ac magis varias affectiones inducere solet atque melancholia, cum propter locorum, quæ occupat & in-

*Melancholia  
est humor pessimus  
Galeno.*

se-

sedit, diversitatem, tum propter varias ejus qualitates, & generationis modum. Qui facit ut alia naturalis, alia non naturalis sit, prout per adustionem ab hoc vel illo humore generatur.

Illa igitur cum tam pestis, ex Guillemi Rondeletij sententia, quam scorbuti recentiorum autoritate, materialis utriusque febris causa sit & origo, solâ putrefactionis specie tantum differentium, quid mirum, si pluribus indifferentibusq; signis & symptomatibus, inter se colludant concertentque.

*Curatio pestis  
& scorbuti  
diversa: sicut  
& morbi  
Gallici & le-  
præ.*

Est tamen distinctio necessaria propter curationem, quæ propter specificam utriusque & differentem putrefactionem, alia in peste, alia in scorbuto est. Quemadmodum diversæ curationi subjacet putrefactio morbi Gallici, diversæ & alii, ea quæ Elephantiasis & lepræ est.

Et utcumque pluribus signis cum sceletyrbe Gallicus morbus colligit, doloribus scilicet juncturarum sub noctem ingravescens, tumoribus duris, nervorumque contractione, aliam tamen curationem hæc in sceletyr-

letyrbe, aliam in Gallico morbo requirunt, quatenus non una utrobique causa, aut putrefactionis species est.

Quæ ut in Gallico morbo ligni decocto, ita in scorbuto cochleariæ, & similibus, hunc morbum à proprietate curantium, exhibitione tollitur & removetur.

Atque ad hunc quoque modum feres in hisce febribus habet, utcumque signorum similitudine eandem morbi speciem mentiri ac repræsentare videantur.

Quomodo autem signorum similitudine se invicem repræsentent, paucis exemplis ostendemus, quo dilucidiores fiat, & magis omnium oculis exponatur.

Nuper cum hisce symptomatibus *Historie febribus pestilentialibus scorbuticis laborantibus.* ad pestem colludentibus, correpti duo viri, & una puerpera ab hoc morbo fuerunt. Quorum alter Groninganus nobilis & classium præfectus, alter Antuerpianus fuit, puerpera indigena & Embdæ (quo puto) nata.

Inceperunt autem cum citrinis & tenuibus urinis multo æstu, & æstuantem intus calore, omnes hi febricitare, cum multa siti, & majore labiorum

rum linguæq; ariditate, adeo ut classium præfecto, si vel minimum à potu sibi temperaret, maximis, & ad minimi digiti latitudinem, fissuris, labia linguæq; dissecarentur & dissilirent, quæ rursus (quod admiratione dignum) à largioris potus assumptione, illico coaluerunt.

Interea exterioribus frigebant, & anxietatibus omnes laborabant gravissimis, ita ut ab his sæpè supra dimidiam horam puerpera, gravissimis animi deliquiis correpta, quasi semimortua jaceret. Quod etiam in morbi initio, post levissimum motum Antuerpiano advenit.

Attamen utrique in his deliquiis pulsus arteriarum fortior videbatur, quam alioqui extra deliquia in morbo ipso. Præfecto classium ad cætera signa quoque delirium accedebat. Eratque cum his signis pulsus omnibus parvus & inæqualis. Quæ omnia malignæ & pestilentialis febris signa esse, quis ignorat?

*Alia historia  
febris pestilentialis  
scorbuticæ.*

Qualia & illa quoq; fuerunt, quæ cum hac febre concionatori Embdano, viro perhumano & docto adven-  
runt, ad pestis symptomata, prædictis  
pro-



proprius adhuc accedentia. Qui etiam febricitare cum gravissimis ventris torminibus coepit, & ijsdem ad præcordia anxietatibus, nec non æstuante interiorum calore, exteriorum frigore, præterea & inexplibili siti, ac infesta linguæ labiorumq; ariditate: Sudabat multum, sed è corpore exiens sudor, adeo foetebat, ut intolerabilis odor ad lectum adstantibus esset.

Circa faciem & pectus variæ subinde efflorescebant maculæ purpureæ & subnigræ, vel potius sublividæ, eadem facilitate, qua erumpebant, evanescentes.

Quæ omnio pessimo indicio delirium adaugebat, per intervalla tamen magis, quàm continuo eum infestans. Hanc febrem pluribus signis cum pestilentialibus & malignis febribus communicare, nemo medicorum ignorat.

A quibus hanc tamen post quintum, ni fallor, diem, febris intermissio distinguebat. Quam salutarem in Aphorismorum libris Hippocrates dixit, *Lib. 4. aph. 43.* quocunq; modo fiat.

Curati autem omnes DEI gratia ijs medicamentis sunt, quæ, cum scorbutu

*Canon therap.  
spec. in feb. pesti-  
lentialib. scor-  
but. primus &  
secundus.*

ti morbi eradicatione, obstructions tollunt, humoresque crassos & melancholicos concoquunt & incidunt.

De quibus quia dictum nobis alio loco est, nihil necesse est, eadem hic cum legentis tædio repetere.

Cum similibus symptomatibus ab his febribus correptæ, Groningana, & Embdani filia, fuerunt, quibus post quintum vel sextum, si recte memini diem, ad femora tumores duri & rubri, doloris pleni, eruperunt. Quæ etiam his ipsis medicamentis curatæ intus sunt, tumoribus localibus discussis sublatisque. Qui in Embdani filia, chirurgi opera sublati curatiq; post plures hebdomadas.

*Experimentum  
ad tumores pe-  
stilentes scorbu-  
ticos.*

In Groningana aromatarii conjugæ, Embdæ ad Delpht plateam habitante, sequenti experimento, hiæc tumoribus accommodatissimo, quod in duobus ac tribus diebus, omnem hunc tumorem & duritiem discutit ac tollit.

Capit autem absinthij communis pulveris quantitatem sufficientem, quæ ovis recentibus eodem die exclusis, cum albumine, vitello, & ovi testis conquassatis, & minutissimè con-

contusis, ad pultis consistentiam permiscetur, frigidaque tumoribus præfenti ut dixi remedio, applicatur, cujus affectum in his & similibus, utcunque vile & facile parabile medicamentum videatur, admireris.

Illud autem in hac curatione animadversione dignum est, scilicet minuta curationis indicio fieri, quoties cum medicaminum ad hunc morbum pertinentium exhibitione, urinæ tenues cum morbi manent incremento. Vel cum crassis & subsidentibus, nihil morbus remittit.

Ideoq; fortiora, & fortius incidentia ac attenuantia, quæ hunc morbum concernant, medicamenta desiderari, quibus morbi radix præcidatur.

*Canonthérap.  
spec. in febb. p.  
stil. scorbut.  
tertius.*

### XXXVII. MORTIFICATIO CUM ET SINE ULCERE CRUSTOSO ET NIGRO.

Atque hæc dicta nobis quadam orationis consequentia de his febribus sunt. Quæ proposita à nobis propterea sunt, ut aliis nobis doctioribus cogitandi diligentius

*37. Mortificatio cum et sine ulcere crustoso & nigro.*

occa-

occasionem præberemus. Nunc quæ de horum curatione relicta nobis sunt paucis persequemur.

*Canon therap.  
spec. in mortifi-  
catione primus.  
Mortificatio  
paulatim facta.*

Inter quæ primum mortificatio est, quam cum, & sine crustoso ac nigro ulcere incidere, & cum eo advenisse præclarissimi Ducis Ottonis Domini mei clementissimi hospitii Magistro, antea diximus, quoq; feliciter tolli & curari postea in similibus fimo vacino vidimus, si quotidie bis renovatū, affectæ parri accommodetur.

*Canon therap.  
spec. in mortifi-  
catione secun-  
dus.*

Fit quoq; paulatim aliquando hæc mortificatio, advenitque vel uni vel pluribus corporis partibus, sicut in utroque crure civi Embdano accidit, & in brachio altero tributarii Embdensis ancillæ. Quæ eidem quoq; curationi subjacet & paret, cui prior, nisi quod utrobique ob morbi, & causæ morbi frigiditatem, absinthij pulveris, nec non piperis, ac seminis sinapis partem, rectè adhiberi posse putem.

### XXXVIII. E R Y S I P E - L A S.

§ 8. *Erysipelas.* **F**It præterea hujus morbi indicio (sicut nostra qualicunq; observatio-



tionem animadversum sæpenumero fuit, & multiplici nostra experientia comprobatur) phlegmones seu inflammationis specie efflorescentia rubea, quamlibet corporis partem prout hanc vel illam magis imbecillam sic affecti habent, apprehendens, Quam quod rubeo roseoq; colore cutem plerunq; suffundat, vulgus nostras communi & vernacula nostra lingua, de *Roofs* appellat.

Estq; hoc malum quoque nostris *Causa erysipelatis.* hisce regionibus frigidis, propter pravas aquas corruptam qualitatem sanguini nostro inducentes, pluribus, quam velim & optem, familiare. Quod nonnullos aliquando ferè perpetuo, nonnullos post singulas hebdomadas & menses, aliquando post trimestria spacia plus minusve infestat, pro causæ, & concurrentium atq; adjuvantium extrinsecus causarum magnitudine, ac majore minoreve congerie.

Cæterum hanc affectionem ab hac *Regula diagnostica specialis 23. in erysipela scorbutico.* sanguinis putrefactione, quæ scorbuto competit, procedere, præter pullum & urinam morbi mores, humorumq;

O

qui

qui eâ corripuntur, temperamentum & constitutio denotat & demonstrat.

Quandoquidem non semper plethoricis & sanguineis (ut veterum phlegmone) aut alioqui sanguinis copia laborantibus, hæc efflorescentia contingit, sed etiam ab hac constitutione quam longissimè remotis. Certissimo argumento, magis à depravata sanguinis qualitate, quàm ejusdem copia & plethora, malum hoc provenire & originem suam ducere.

Quæ an cum specifica hujus morbi putrefactione consentiat, ejusdemque cum ea qualitatis sit, porro ab urina & pulsu, ac morbi moribus discernimus: Sint ne talia hæc, cujusmodi ea huic morbo competere, pluribus antea demonstravimus. Nam si pulsus occurrat parvus & inæqualis: & dispari substantia, vel varia in initio urina, seu crassa & conturbata, aut tenuis, & quibusdam rotundis corporibus cineritijs aut rubris, in fundum subsidentibus, vel cum his turbida etiam urina & conturbata, habes ex his evidentiâ hujus morbi signa, quæ de hoc morbo te confirmare possunt.

Sed & facilis ejus in quibusdam, præ-

præsertim junioribus de loco ad locum commigratio, certo tibi persuadere debet ac potest, cum hoc morbo malum hoc communicare, utpote quod magis ab halitibus vaporibusq; ab hoc morbo & putrefactione resolutis, quam simplici humorum ad partem affluxu hæc fieri, certa ratione convincat: quibus, sicut pluribus ostendi & probari posset, hæc materia ut plurimum abundat, eaque ratio est facilis erysipelatis hujus permutationis, aliorumque qui subito ab hac putrefactione eveniunt affectuum. Atque ab hac facili & momentanea, de loco ad locum hujus affectionis commigratione, nos primum cogitare aucti fuimus, ab hoc quoque morbo hoc symptoma provenire. Quod postea curatio confirmat, quam millies ferè hic, si ita dicere licet, sumus experti.

Quam in hac specie, ut reliquis hujus morbi differentiis, plurimum pro ratione aquarum, victus, & aeris, in quo sic affecti vivunt, variari cuperimus.

In quibusdam (ut hoc obiter addam) etiam plurimum dierum ante ejus

eruptionem, horrores, etiam à veterum phlegmone, hanc efflorescentiam distinguunt, Et si sufficiant ad denotandam mali causam, quæ ab urina & pulsu indicia sumuntur.

*Canon therap.  
spec. in erysipelate scorbutico primus*

Quibus si reliqua consentiant, pluribus ad instituendam rectè curationem confirmaberis. Quæ hic eadem est, quæ in reliquis hujus morbi speciebus, habita humorum concurrentium, temperamenti, aeris, victusque præcedentis ratione. De quibus alio loco & ab aliis docemur.

Nos ne eorundem repetitione, prolixitatem affectasse videamur, non necessaria, quantum possumus, ressecamus. Quare ad alia hujus morbi accidentia transibimus, delirium scilicet & memoriæ læsionem. De quibus parcius dicemus, quod rariora sint atque nullum admodum apodicticum hujus morbi signum contineant.

*39. Delirium  
scorbuticum  
& læsio memoriæ.*

### XXXIX. DELIRIUM ET LÆSIO MEMORIÆ.

*Canon therap.  
spec. in scorbut.  
delirio & læsione memoriæ.*

**Q**Uod, ut fieri in aliis morbis solet, sic in scorbutica putrefactione,



ne, ex materiæ ad caput elevatione, ista consequantur: nullam (quemadmodum & in aliis affectionibus symptomatonicis) peculiarem sui curationem postulant, præteream, quæ morbi radicem præcidit & evellit.

Quæ quia diversa ab ijs morbis hic est, qui veteribus cogniti fuerunt, exactæ ejus cognitione opus est, quo ab aliis & veteribus cognitis morbis & causis delirium sua natura efficientibus, ea distinguatur, quæ hoc nostrum delirium, ac mentis memoriæq; læsionem operatur.

Quandoquidem ad curationem inprimis hæc distinctio conducit: Quatenus rei ipsius cognitio, inprimis vero morbi ejusq; causæ noticia, primum in inquisitione sibi vindicat gradum, à quo ad finis consecutionem, mentisque nostræ intentionem, tutâ porrò ducimur viâ, illud efficiens, ut propria & debita cuiq; morbo curatio, radicem morbi præciciens, adhibeatur.

Quæ in hac mentis nostræ alienatione, primum ex facili ac inopinata ejusdem commotione, ejusque præter rationem intermissione cognoscitur.

*Regula diag.  
nost. spec. 24. in  
scorbut. delirio  
& læsione me-  
morie.*

Deinde ex miti & lento morbo, nullo sæpe æstu aut siti molestiore, vel inquieta jactatione infestante, & sua qualitate magis venenata, quàm caloris copia, spiritus cerebri turbante: cum veterum deliria non nisi acutos & peracutos sequi morbos consueverint.

Atque hoc solo indicio, ne quid de reliquis dicam, facile à veterum symptomatiko delirio hoc nostrum distinguitur. Nam quod ex propria capitis affectione excitatur delirium, ut pathognomonicis morbi signis, & morbi vehementia, sic affectionis assiduitate dignoscitur, ut propterea eas res nulla nostra admonitione indigeat.

Magnum quoq; ad monstrandam utriusq; differentiam, vim & potestatem urina habet. Quæ in hoc delirio sæpe crassa & rubra absque multa siti visitur.

Cui & pulsus subscribit aut durus & serratilis, similis illius, qui in pleuritide occurrit, absque tamen ulla membranarum inflammatione, aut parvus & inæqualis, nihil ferè differens ab eo, qui in orificiis ventriculi obstructionibus

bus sentitur, absque ulla quoque huius affectione.

Sed & victus ratio crassa & nautica, & in locis planis ac palustribus habitatio, multum etiam momenti ad confirmandum de his iudicium habent, si cum prædictis concurrant & conferantur.

Atqui quæ circa delitium hoc observanda sunt, eadem quoque circa memorie læsionem considerantur.

Nam & hæc interpolata magis, quam continua, in hoc morbo esse solet, per intervalla, sicut delirium, ex nulla manifesta causa, & quasi præter rationem, sic affectum, infestans. In his ut plurimum variæ urinæ conspiciuntur tam in colore, quam earundem substantia, & subsidentiis.

## XL. CARUS ET SOPOR PROFUNDUS.

**D**iversos quoque vidi alto sopore  
 ac caro ab hoc morbo correptos *50. Carnis & sopor profundus.*  
 fuisse, ex vaporum & flatuum (quibus  
 aliquando mirum in modum hæc materia abundat) conferto in cerebrum *Cari causa.*  
 impetu.

*Historia caro  
scorbutico labo-  
rantium.*

A quo ante annum, cum tertianæ febris accessione, & recurrentibus paroxysmis, singulis vicibus opprimi adolescentem, cum hujus morbi significatione vidi, adeo alto somno, ut nullis nostris clamoribus vellicationibusque excitari aliquando potuerit.

Et post ipsum, virum sexagenarium, olim Zelandiæ præfectum, qui ante nostrum ad ipsum adventum quatuor integros dies ab hoc morbo dormiverat, unde nullis domesticorum clamoribus expergeferi, & è somno excitari quivit. A quo, ut prior, nostra opera & curatione, DEI gratia, ad sanitatem sic revocatus ijs medicamentis est, quæ hunc morbum curare potestea ostendam.

Duos novi post diuturnum cum hoc morbo conflictum, & varia hujus, quæ passi fuerunt, symptomata, somno aliquandiu plus satis indulgisse, propter corporis, ut fieri solet, pigritiem, & spontaneam, qua laborabant, lassitudinem, ad motum minus expeditos.

A quo, diuturniore irrigatione cerebri lethargo oppressus alter fuit postridie, quàm ad eum veni. Al-



Alter quoque diu ad ingressum impotens & tardus, insolitam, ab anno uno atque altero solitudinem amplexus fuerat, otio & somno plus justo indulgens, quantumvis juvenis & robustus. Hic etiam cum rubris, crassis & turbidis urinis ægrotare cœpit, sed quod à medico ejus viro doctissimo intellexi, absque infesta siti, aut momentaneo & molesto caloris sensu.

Cui nulla methodica curatio profuit, etsi medicum haberet doctissimum, & in veteri medicina exercitissimum: Utpote quæ internam hanc putrefactionem, ut specificam, ita peculiari curationi subjectam, non coerceret.

Quo circa exhalantes ab hac vapores, tandem hunc quoque profundo somno, præter medici spem & expectationem substulerunt. In quo post mortem, sed post festum, ut proverbium habet, sceletyrben morbum, variæ maculæ nigræ & purpureæ, toto corpore erumpentes monstrarunt. Quem ante morbum & mortem, crurum languor, & præter hunc urinæ, absque siti, & vehementiore calore rubescentes, non fallaci indicio indicabant: ut  
in

in priore recurrens subinde paraly-  
sis.

Usitatum nostris hominibus est, ut  
scorbuto eos laborare dicant, qui so-  
mno præter consuetudinem indul-  
gent. Quod etiam vulgi observatio-  
ne, sed consequentia inversa, somnus  
huic morbo familiaris esse credatur,  
existimantis eum hujus morbi non  
effectum sed efficientem causam esse,  
cum potius ejus in quibusdam sequax  
comes sit, ut lassitudo febris ac intem-  
periei est. Plures Embdæ (ubi vehe-  
mentior hic morbus propter aerem  
humidum & crassum, aquasq; salvas  
& putridas est) ab hoc caro extinctos  
scio.

*Vulgi opinio  
sommum existi-  
mantis esse cau-  
sam scorbuti.*

*Embda plures  
pereunt.*

*Carus ut pluri-  
mum cum febre  
conjunctus.*

Concurrit autem plærunque cum  
lenta, nonnunquam etiam cum in-  
termittente febre hoc malum, quod  
ijsdem quoque, quibus febris ipsa, si-  
gnis ab hoc morbo esse dignoscitur,  
cujus hic somnus, ut antea dixi, sym-  
ptoma & accidens est. Curatur etiam  
ijsdem, quibus febris medicamentis,  
juxta illud, quo, sublata causa, tolli  
quoq; affectum, dicitur.

*Canon therap.  
spec. in caroscorl.*

Nostra tamen qualicunque expe-  
rientia constat, inter cætera, quæ huic  
mor-

morbo præscribi possunt, primum locum sibi nasturtium aquaticum, ejusque succum vendicare. Quod tamen de eo hic intelligi velim, quod in claris & limpidis provenit aquis, minimè vero quod in putridis & lutosus nascitur stagnis.

Nam illud præter quam quod inefficax, etiam ingrato sapore est.

Atque hac in re rursum subscribere Guilielmo Rondeletio, doctissimo nostri temporis medico cogor, contra Fernelium acutissimi alioqui judicij & maximi ingenij virum, alto sopori nasturtium hoc facere defendenti.

Siquidem præsentì remedio ad hunc soporem illud conferre, de nostra qualicunque experientia attestari possumus.

Cujus, ad hunc carum, adeo efficacem facultatem experti sumus, adeoque evidentem, ut DEI manu quasi adjuvari viderentur, qui illud assumerent, uno aut altero tantum excepto, in quibus nimios progressus hic morbus fecerat.

Nam cum ante annum, unico, divini verbi ministri apud Embdanos filio, quem ab hoc caro nulli clamores  
aut

*Histeria pueri  
subito à caro  
u. s. succi na-  
sturti aq. ualici  
liberati.*

aut vellicationes excitabant, refracto per vim ore, succum hunc infundere-  
mus, ilico in ipso temporis articulo  
ad se redire, & nos apertis oculis aspi-  
cere cœpit.

Idem etiam in prædicto præfecto &  
adolescente, de quibus paulo antè di-  
ximus, experti sumus. Sed de hac re,  
quia etiam prius mentio incidit, nihil  
opus prolixiore ejus enarratione est.  
Ideoq; ad alia hujus morbi accidentia  
transibimus, quæ ab hoc morbo varia,  
propter variam corporum dispositio-  
nem, sunt.

*41. Sputi deflu-  
tio continua.*

## XLI. SPUTI DE- FLUXIO CONTI- NUA.

Ic molesta & longa humidi sputive  
Sapore rejectione ab hoc morbo,  
(sicut etiam fieri aliquando in Galli-  
co morbo solet, ut etiam hoc signo &  
symptomate cum venerea lue quan-  
doque colludat) quosdam divexari  
novi, qua totum corpus paulatim ex-  
tenuaretur.

*Sputi continui  
generatio.*

Quam putridi & circa viscera col-  
lecti humores excitabant, spirituum  
va



vaporumque, quibus abundabant, vi & potestate fursum ad os elevati, & continua hac sputatione rejecti.

Cui rei perpetuum quasi fomentum alimenta assumpta præstabant, maxima sui parte in eandem substantiam conversa, & continuo veluti æstu, per membranam intus os, œsophagum ventriculumq; vestientem, spirituum vi & evaporatione, eversa atque educta.

In una quadam, alioqui forma præstanti scæmina, retenti divitius menses, huic malo occasionem dederant. Et in altera tristitia & adversa multa, quæ perpessa fuerat. Ut inordinata victus ratio, & crassorum ciborum ingestio, in hunc casum perduxerat, nobilitatis stemmate clarum, castri præfectum.

*Historia laborantis sputatione continua.*

Cui menses substituerant, medico usque doctissimo est, sed circa hunc morbum minus exercitato. Cujus rei causa, nihil commodi ex methodica ejus curatione percepit. Quo factum, ut relicto eo ad Empiricum & impostorem confugeret, qui acribus medicamentis rem eo brevi perduxit, ut rupta vena, post aliquot sanguinis rejectio-

etiones, subito & præter suam, haud dubiè, opinionem, sanguinis copiâ intra fauces hærente, suffocaretur.

Ad quam, post sanguinis eruptionem, vocati etiam nos fuimus. Qui tunc morbum hunc mali causam, cum ex urinis & crurum affectione, tum à pulsu, & cæteris, quæ præcesserant, symptomatibus, cognovimus.

Qui nostra curatione usi fuerunt, mixta curatione, partim febri & tenuibus catarrhis, partim scorbuto competente, feliciter, paucos intra dies sunt restituti. Præter unam, in qua diuturnior, propter alia accidentia, curatio fuit.

In hac curatione haberi ratio fluxus debet, ne ab acribus & calidis irritetur, & nimia evaporatione vaporum fumorumq; & in cerebrum delatione, ac eorundem ibidem concretionem, atque ad pectus postea defluxione, gravior, sicut nunc dixi, morbus excitetur.

Qui hac sputi rejectione, & ab ore defluxione laborarunt, eos à scorbutica putrefactione idipsum pati urinæ crassæ & subfuscæ, aut crassæ & rubræ ostenderunt, quas absque siti, aut

*Canon therap.  
spec. in sputati-  
one continua.  
Prognost. 37.*

*Cur in sputati-  
one scorbutica  
etiam catarrhe-  
rum habenda  
ratio.*

*Regula diagno-  
stica spec. 25. in  
sputatione conti-  
nua.*

molesto caloris sensu, sic affecti red-  
diderunt. Quibus, hujus morbi signi-  
ficatione, pulsus subscribit parvus, de-  
bilis & inæqualis. Cujusmodi sentiri  
in omnibus ventriculi affectionibus  
frigidis & crudis solet, absq; eo quod  
quicquam de hoc sic affecti conque-  
rantur.

Sed & morbi species plurimum  
quoque ad monstrandum morbum  
momenti habet. Quo nullo manife-  
sto morbo veteribus cognito tales in-  
festati, languere magis, quàm ægro-  
tare videantur. Et quod absque siti &  
calore ij vivant, utcunque rubræ uri-  
næ, aut crassæ & subfuscæ, vel citrinæ  
& subfuscæ conspiciantur.

Adhuc præter jam dicta, aliud ma-  
lum nobis occurrit, his regionibus  
quoque non infrequens, quod cum hoc  
morbo scorbuto communicare, præ-  
ter peculiaria hujus morbi signa, ali-  
quoties etiam nobis curatio monstra-  
vit. Quam pro hoc morbo instituere,  
post longam deliberationem ausus  
fui, primum quod ad nullum vete-  
rum morbum, affectionem hanc ac-  
cedere viderem, præterea quod post  
neglectam diutius hujus curationem,  
qui-

quibusdam maculis scorbuticis tandem se prodere hoc malum in quibusdam observavi.

A quibus de specifica hujus putrefactione magis confirmatus, majore confidentia postmodum curationem hujus sum aggressus.

Quale autem hoc malum sit, paucis describam. Nam in initio adeo lentum est & parvum, ut nihil à sanis, aut quam minimum differre ita affectos, etiam acutis videri medicis possit. Quod tamen neglectum, diuturniore temporis mora ita invalescit, ut nonnullos plures sæpe hebdomadas & menses lecto affigat. Et nonnunquam (sicut fieri in diuturnis morbis solet) in graviora incommoda nonnullos conjiciat. nec non præsens vitæ discrimen.

Quemadmodum quibusdam exemplis id, si necesse esset, hic probare possim, nisi inter observationes etiam quædam de his dicturi essemus, & ad eū locum hæc reservaremus. Nunc quàm possum brevissime rem hic depingam, & ob oculos ponam, quo magis omnibus conspicua fiat.



# XLII. LANGUOR

## SINE CAUSA.

**C**ontingit autem sic affectos in i- <sup>42. *Languor*</sup>  
 nicio ut plurimum languere, ci- <sup>*si accensu.*</sup>  
 tra evidentis morbi significationem,  
 nulla tamen siti, quam levissima oris sic-  
 citate subindè infestatos. De qua ra-  
 rò, nisi interrogati, conquerantur. Et,  
 si aliquando molestior ea nonnullis  
 fuerit, semper tamen modica humidi  
 rejectione ea placatur, cujus largiore  
 assumptione ut plurimum offendun-  
 tur. Et si non ita multò post rursum  
 æquè labia linguaque ipsæ exiccantur.

Pulsus his varius est, semper autem  
 inæqualis, etiam in uno sæpe ictu. U-  
 rinæ ut plurimum albæ, crassæ & con-  
 turbatæ, pingui sua superficie matulæ  
 parietibus adhærentes. In quibus quæ  
 subsidunt, urinam non claram, sed  
 turbidam relinquunt.

Quòd si diutius moram morbus <sup>*Prognost. 38.*</sup>  
 traxerit, tandem hos obtusus crurum  
 dolor vel languor, aut facilis appre-  
 hendit lipothymia, maximè quoties  
 sese erigere in rectum statum, aut de  
 lecto surgere volunt.

*Prognost. 39.*

Eo ulterius perseverante, quidam horum in atrophiam, aliasque difficultates incidunt, quæ vitam hanc cum morte commutare eos cogunt.

*Canon the-  
cap. spec. in  
languore  
scorbutico  
primus.*

Postulat autem hoc malum, (ut obiter curationem ejus attingam) cum ijs, quæ crudos humores concoquunt & incidunt, medicamentorum admissionem, quæ scorbutico valere usus monstravit.

*Secundus.*

Inter quæ in tenuiore aëre primum locum cochlearia ac becabunga tenent, eorumque succus. Quæ in crassiore aëre qualis hîc Embdanus est, & Enchusianus, aliisque ad maris septentrionalis littora sitis locis humidis & frigidis; magis fortia, magisque attenuantia & incidentia sint oportet.

*Prognost. 40.*

Quibus paucis diebus (si recens & non admodum inveteratum malum est) sic affecti restituantur, qui alio-  
bui plures hebdomadas & menses  
graviter sæpè cum hoc  
malo luctari so-  
lent.

# XLIII. AFFECTUS LANGUORISIMILIS.

**H**Uic simile est, quod in neutra va- <sup>43. affectus</sup>  
letudine aliqui patiuntur, dum <sup>languorif-</sup>  
adhuc domi forisque omnia vitæ mu- <sup>mitis</sup>  
nia obire solent. Quorum aliqui sub-  
inde languorem sentiunt inusitatum,  
aliqui calorem momentaneum, faci-  
em momentaneo calore inflaman-  
tem, & subinde ac inopinatò recur-  
rentem. Sub quo & pulsus sæpe subest  
durus & inæqualis, & alvus aliis præ-  
ter consuetudinem stricta, aliis iusto  
laxior.

Mulieribus hoc malum patientibus,  
nonnunquam menses fluunt copiosi-  
us. Quas ab hoc morbo id pati languor  
demonstrat, & præter hunc pulsus par-  
vus & inæqualis. Quarum plærâsq; vi- <sup>Prognost. 41.</sup>  
rium excipit debilitas, & quandoq; ner-  
vorum resolutio, aut aliud incommodum  
sæpe citra appetitus imminutionem.

Nam nonnullos hac affectione cor-  
reptos, sæpe avidius comedere vidi,  
unde nihilo magis corroborarentur.  
Quod si diutius malum perseveraverit

(nam in initio sæpe adeò lentum est, ut harum plærque pluribus annis præter languorem nihil incommodi sentiant) symptomata omnia tacitis incrementis assurgunt, donec tandem in manifestum aliquem morbum erumpant, ut plurimum verò, quantum mea qualicunque observatione animadvertere hæcenus quivi, in atrophiam seu nervorum resolutionem & debilitatem, aut utrumq;

#### XLIV. SUDOR COPIOSUS ATROPHIÆ PRODROMUS.

45. Sudor  
copiosus a-  
trophie pro-  
dromus.  
Historia co-  
piosi sudoris  
atrophiam  
precedentis.

**A**Trophiam plærunque præcedit copiosus sudor, qui aliquibus etiam media hyeme, sub levissimis tegumentis erumpit. Sicut consuli accidit Stadenfi, & duobus apud nos Anglis. Vnde physica ratione magis indies corpus consumitur & perit.

Prognost. 42.

His sanguis à lenta febre & copiosiore sudore, instar glutinis, spissatur. A quo in quibusdam sanguinis (quod puto) spissitudine & pravitate, adeo subinde nervi contrahuntur, ut ci-  
bum



bum ū affectis alii in os inferere cogantur.

His pulsus valdè parvus & inæqualis, ac subdurus esse consuevit, non infido indicio morbum hunc demonstrans. Quem certiore indicio felix curationis successus demonstrat. Pulsus in melius commutans, non contemnendo curationis rectè institutæ argumento.

*Regula diagnostica special. 27. in sudore copioso.*

Quæ etiam hîc, ut in reliquis hujus morbi speciebus, variari pro temperamentorum diversitate, & humorum putrescentium varia mixtura debet, quò simul ij quoque, quibus hic morbus insedit, humores concoquantur ac digerantur, nec non expulsiioni adornentur, eradicata interea, specificis & ad scorbutum facientibus medicamentis, sceletyrbes radice.

*Canon therap. spec. in sudore copioso primus*

Hac curationis ratione præstitum vidi, ut è languore suo liberatis his, propriam & nativam magnitudinem rursus pulsus consequeretur.

Quòd si tristitia (ut plærunque fieri solet) occasionem huic malo dederit, ea postposita, revocari ægre ad læticiam debet, & à tristibus arceri.

*Secundus.*

# XLV. LANCINATIO PARTIUM INITIO ACCES- sionum febrilium.

45. Lanci-  
natio par-  
tium initio  
accessionum  
febrilium.

**I**N febrilium enarratione supra dixi ,  
frequentè sub tertianæ febris typo  
hunc morbum occultari, ejusque cura-  
tionem, nisi hic morbus unà curetur,  
plerumq; impediri.

Hæ autem adeò frequentes anno  
octuagesimo secundo fuerunt, ut nu-  
mero comprehendere faciliè non sit ab  
hac febre tunc infestatos.

Incipit autem in horum plærisque  
cum tanta membranarum, crurum, a-  
liarumque partium vellicatione, &  
lancinatione, ut divelli ac dilacerari  
sibi carnes conquererentur, & plæris-  
que lancinatio hæc, quàm febris in-  
fensior esset, atque hujus ratione fe-  
brem aliqui contemnerent. Quemad-  
modum fecisse memini quandam D.  
Theologiæ conjugem, Gallum patri-  
tium agri Kedenfis, mercatoris uxo-  
rem, aliosq; permultos.

Quod hic admonere obiter volui,  
cum quòd prætermissum supra id sci-  
am, tum quoque quòd hujus morbi  
præ-

Historia  
lancinatio-  
nis partium  
initio acces-  
sionum fe-  
brilium.

presentiâ & pathognomonico signo id fiat, propter vaporum acrimoniam, qua præditi ij sunt, qui ab hac corruptione sceletyrbes dissolvuntur,

*Reg. diagn.  
gen. 17. ex  
lancinatione  
ne partium.*

Quem præterea, præter has lancinationes, etiam pulsus ostendit, in ipso febris vigore parvus & inæqualis.

## XLVI. JACTATIO MEMBRORUM.

DE tristi, & plena commiseratione nis membrorum omnium jactatione, cum levi eorundem resolutione conjuncta, in duobus tantum nobis hætenus visa, plenius infra inter observationes dicemus, quando historiam unius, à nobis curatæ, puellæ enarrabimus.

*46. Iactatio  
membrorum.*

Siquidem nec hoc malum communi curationis methodo subjacet, eandem, quam paralyfis scorburica, curationem postulans, Quam etiam ab hoc morbo esse, pulsus & urina ac morbi mores facile indicabant, in ijs, quos ego hac affectione tentatos vidi.

*Obs. 50. pag.  
356. quan-  
quam nulla  
ibi jactatio-  
nis mentio-  
Canon the-  
rap. spec. in  
jactatione  
membrorum  
primus.  
Regula dia-  
gnostica spec.  
28. in jacta-  
tione mem-  
brorum.*

Quandoquidem admodum varia

prioris puellæ urina erat, aliquando tincta, aliquando tenuis & citrina, mox alba, turbida & crassa, rursus paulò post clara, vel rubescens; manente nihilominus eadem semper morbi facie, quotidie ingravescentis, etsi medico uteretur doctissimo, & in veteri medicina exercitatissimo, Doctore Joanne Bentzio, olim Electoris Saxoniz, nunc vero Daniæ Regis medico dignissimo, & nostri amantissimo.

Quem honoris causa nominare hîc volui, & ut veritatis studio ostenderem, communem curationis methodum hunc morbum respuere, nisi specificis & ad scorbutum facientibus medicamentis, simul curetur.

Nam cùm hac curationis ratione minus feliciter res procederet, vocatus prædicto Doctori Bentzio collega à parentibus fui. Qui ad primum conspectum symptomatum raritatem admiratus, ad quem veterum morbum hunc potissimum referrem, diu mecum dubitavi: Quòd neque ad paralyin referri, neque ad convulsionem, neque ad palpitationem aut tremorem posset,

set, sed mixta potius ex paralyfi & convulsione affectio videretur.

Quare de his dum cum collega meo conferrem, diligenter tum pulsum, tum urinam observavi; quæ ad amussim huic morbo, sicut jam sæpius dixi, responderunt. A quibus concepta primum mihi de scorbutico opinio fuit. Quam postea non minore argumento crurum suræ dolor confirmavit.

Nam cum quodam die in pedes meo jussu eam mater erigeret, atque mira celeritate invicem eos puella sursum attraheret, requisita à me fuit, quidnam ad hanc attractionem eam commoveret. Ad quæ magno spiritu & afflatu, (nam lingua quoque resoluta ei erat, ut nisi multo conatu vix verbum unum proferret) id à crurum suræ dolore sibi provenire respondit, à quo in terram pedes figere, eosque extendere prohiberetur.

Ex quibus etsi satis de hoc morbo confirmatus fuerim, attamen quia nondum cum collega meo viro aliquin egregiè docto, & in veteri medicina exercitato, de sceletyrbe satis mihi conveniebat, in ejus curationem



per dies ferè quatuordecim consensi , ea conditione , si non satis methodica hac curatione ea procederet , totidem curationis dies nihil concederet.

Quæ in sequentibus diebus quatuordecim absoluta nobis , DEI gratia, cum puellæ commodo ac sanitate fuit , ijs medicamentis , quæ scorbutum curant , & cum hoc immixtos ei humores crudos & pituitosos concoquant , concoctosque expurgant & expellunt.

Ubique enim in hac curatione observari debet , ut curatio pro incidentium morborum differentia , & varia humorum permissione limitetur.

Exempli gratia , si calor & intemperies calida adfuerint , ea refrigerantibus contemperetur , & inter scorbutica medicamenta frigidiora exhibeantur , nisi causa morbi , & victus ratio quæ præcessit crassa & nautica , aut aët crassus & frigidus obstiterint.

Quod si partis dolor adfuerit , unum aut alterum simplex reliquis miscatur , quòd ad partem affectam vim medicaminis deferat & deducat. Ita si crudus & pituitosus humor admixtus

*Canon the-  
vap. spec. in  
curatione  
membrorum  
secundus.*

*Canon the-  
vap. gen. 19.*

tus fuerit, vel crassus & lentus, is quoque simul attenuari, concoqui, & incidi debet.

Atque sic de cæteris statuere debemus, quemadmodum de his medendi methodo docemur. Siquidem eadem eorum hîc, atque in aliis & veteribus cognitis morbis ratio est. Ideoque ijs imitanda, qui feliciter, & cum iudicio ac ratione medicinam exercere volent.

## XLVII. TREMOR MEMBRORUM

**P**Ræter hanc lamentabilem membrorum concussionem jactationemque & ex paralyfi ac convulsivo motu mixtam (ut videtur) affectionem, quàm plurimis ab aquis crudis & pravis familiaris in agro Embdano tremor est. Quem etiam ab hoc morbo fieri pulsus ostendit.

47. Tremor  
membrorum.

Nam urina in horum plerisque, nullum hujus morbi indicium habet, nisi quod plerunque citrina sit & tenuis.

Ostendimus antea ex Plinij sententia, & Græcorum medicorum, medicinam in castris Cæsaris facientium, autho-

*Aqua cruda  
nervis  
nocent.*

*Tremoris  
membrorum  
generatio.*

*Canon the-  
vap. spec. in  
gremore.*

authoritate, quam quotidiana experientia apud nos confirmat approbatque plurimum, aquas nostras crudas & corruptas nervis infensas esse, sua vel qualitate frigida vel substantia crassa, vel specifica, quæ ex his oritur, putrefactione ac corruptione.

Nam cum cumulata ab his cruditas amplius naturæ beneficio digeri ac separari non possit, necesse est alieno concepto calore, eam corrumpi & putrescere; putrefactione pro ratione subjectæ materiæ sæpe lenta, & sensibus vix perspicua.

Unde elevati vapores frigidi & crassi, si ad nervos delati fuerint, ea afficiunt, quæ dixi. Atque ab hac causa communi, non alienum à ratione est, morbum & affectionem produci, multis communem, Quatenus etiam ex Hippocraris & Galeni, omniumque probatissimorum medicorum sententia, communes morbos communem causam habere constet.

Curatio hujus non multum variat ab ea, quæ paralyti, & prædictæ concussioni debetur.

XLVIII. PENIS EX-  
ULCERATIO.

**A**dhuc aliud hujus morbi accidens 48. Penis ex-  
ulceratio.  
est, quod etiam cum Gallico mor-  
bo colludit, eodem modo, quo in lue  
venerea fieri solet, à specifica & mali-  
gna hujus putridæ materiæ qualitate  
erodente & exulcerante excitatum,  
dum per penem cum serosa sanguinis Penis exul-  
ceratio ubi  
fiat.  
substantia & excremento illa defer-  
tur, inter transeundum sua qualitate  
maligna teneram penis carnem exul-  
cerans erodensq;.

Est hoc quoque grave malum, quod Prognost. 43.  
propter latentem suam causam, & te-  
nellum penis sensum, hætenus gravi-  
ter & duriter sæpe per plures annos, &  
nonnunquam ad vitæ finem usque non-  
nullos magna omnium commiserati-  
one afflixit.

A quo Amsterdami graviter per Historia la-  
borantium  
penis exul-  
cerationes  
plures annos excruciatu Sartor fuit,  
unde postea in cacochymiam & alia  
mala, ac penis juxta scrotum exulce-  
rationem incidit, qua post longas mi-  
serias ab hoc incommodo liberatus est,  
morbi causa aliò & ad ulcus derivata.

Ita hac ipsa carnificina supra sex annos quidam in mea patria vexatur. Et meus olim hospes, ob literarum & bonarum artium contemptum, nullam sui curationem admittens,

Est enim quoddam hominum genus, quod nihil rectè fieri putat, nisi quod à se profectum sit, aut suo iudicio approbetur.

Est autem hujus exulcerationis eadem ratio, quæ in alijs corporis partibus, in quibus ab hac materia maligna & virulenta, perforari corporis partes, aliquando sicca exulceratione videmus, non secus, atq; si majoris aciculæ capite vi carnes perforares, neq; pus neque saniem ichoremve à se dimittente.

## XLIX. ULCERA SICCA.

CUjusmodi ulceris specie ante paucas septimanas quidam meus domesticus, & nuper quidam textor laborarunt, qui Wesalia habitationem suam huc non procul ab Embdanna urbe in Wolthusen pagum ante paucas hebdomadas transtulit. In

Cu-

*Ulcus sic-  
corum gene-  
ratio.*

*49. Ulcera  
sicca.  
Historia la-  
borantium  
ulceribus  
siccis.*



cujus genu uno duo profunda ulcera erant, juxta se invicem posita & perforata, sicca, neque pus neque saniem ullam à se dimittentia, non secus, atque si majoris aciculæ capite in eam partem impressa fuissent,

Totum crus ab his contractum, pretereà debile & languidum erat, ut baculi adminiculo ad ingressum uteretur, & sic difficulter procederet, ac vix dimidia hora unius plateæ iter conficeret, idque multo cum dolore & molestia.

Differunt autem hæ exulcerationes ab ijs, quæ à Gallico morbo procedunt, excrementorum, quæ exulcerationi immuscentur, & circa illam apparent, figura & colore, quæ in Gallico morbo larido substantia ac calore assimilantur, hîc vero nullo certo colore, sicca. & citra pus se offerunt vel pauca puris substantia, eaque varia, cruda, ac nullius certi coloris.

*Regula diagn.  
gnost. spec.  
discernens  
ulcera sicca  
scorbutica à  
Gallicis.*

Ego in his & alijs ex pulsu, & ulcerum malignitate, de morbo adinotus, intra octo dies hunc textorem (DEI gratia) sequentibus medicamentis feliciter curavi, absinthii scilicet decocto ad intra, & unguenii aurei applicatione ad extra.

Po-

*Canon the-  
vap. spec. in  
Ulceribus  
siccis.*

Postulat enim hoc ulceris genus  
medicamenta mitiora, quibus citius  
ac prius quàm fortioribus ad suppura-  
tionem perducere illud videmus, diver-  
sa curationis ratione, quam in Gallico  
morbo observamus. Et si utrique pro-  
prium ac peculiare sit; sua qualitate  
maligna ac venenata, curem & carnes  
subjectas exulcerare & erodere. Ut  
propterea non abs re symptomatum  
similitudine sub recta polorum linea  
inter se communicare videri possint,  
utrumque curationis modo propter dif-  
ferentem putrefactionis speciem, inter  
se differant, quæ alia hîc est, alia in Galli-  
co morbo.

*Divina pro-  
videntiæ o-  
pus admi-  
randum.*

Estque hoc admiratione dignum  
divinæ providentiæ opus, eâdem co-  
pia apud Indos, quibus Gallicus mor-  
bus æquè atque scorbutus nobis, fa-  
miliaris est, & ut sic dicam, topicus ac  
regionalis, arbores Guaiaci longas  
& proceras, quarum fructu ibi homi-  
nes ab hoc morbo sanantur, proveni-  
re, quæ apud nos cochlearia, nasturti-  
um, becabunga, & id genus alia huic  
morbo probata remedia.

Quo facto divinus rerum opifex,  
etiam in prima mundi creatione, sta-  
tim

tim de remedijs cujusq; regionis mor-  
bis accommodatis, admiranda sua  
providentia prospexisse videtur, ut vel  
hoc ipso suam in creandis & conser-  
vandis creaturis, rebusq; à se creatis,  
providentiam & propensam ac beni-  
gnam erga ipsas voluntatem, testatam  
contra eos faceret, qui atomorum con-  
cursu, & fortuito casu, cum quibus-  
dam de grege porcorum Epicuris mun-  
dum hunc extitisse, etiam hodie inter  
Christianos arbitrantur, si quidem  
hac appellatione cohonestare eos con-  
veniat.

Quorum falsam persuasionem, (ne  
quid de consentiente Prophetarum,  
Patrum, Martyrum, Apostolorum, &  
ipsum Christi, multis miraculis doctri-  
nae suae veritatem confirmantis, testi-  
monio dicam) sapientissima naturae  
dispositio & conversatio, atque ad om-  
nem usum accommodata creatio,  
convincit, ut nullum habituri tales ex-  
cusationem sint, qua coram Christi  
tribunali in judicio subsistant & suam  
contumaciam defendant.

Sed his sibi relictis ad scopum no-  
strum revertemur. Nam de ijs judici-  
um gravius erit, quàm nunc ipsi cogi-  
tare.

tare, aut sibi persuadere queant,  
 Quemadmodum liquidum iis fiet, si  
 Christi in cruce pendentis dolores, &  
 psalmistæ typum Christi gerentis ca-  
 lamitates, quas Psalmo 116. expressit,  
 secum examinent & expendant. Ubi  
 dolores infernales se circumdedisse  
 ostendit, quos si ita perpassi ad horæ  
 unius quadrandem fuissent, & postea  
 liberati, haud dubiè aliud dicerent &  
 sentirent, majoreq; studio & diligen-  
 tia in divinæ voluntatis inquisitione  
 & observantia advigilarent. Solent  
 enim, juxta proverbium, quæ nocent,  
 docere.

*Conclusio tra-  
 ctatus hujus.*

Sed hæc quia alterius loci sunt, for-  
 tè malè huc translata quibusdam vi-  
 deri possunt. Quæ obiter pro conclu-  
 sione, quadam orationis consequen-  
 tia paucis hic annotare volui, ut divi-  
 ni numinis prædicatione, ejusq; lau-  
 datissimæ providentiæ celebratione,  
 hunc nostrum de scorbuti morbi sym-  
 ptomatibus libellum clauderemus.  
 Siquidem hæc ferè hujus morbi sym-  
 ptomata omnia sunt, quod sciam.  
 Quod si quid præterea emergat hic  
 prætermisum, id faciliè ab his colligi  
 ac dignosci poterit. Volui autem in

pu-



publicum hæc adferre: Primum, ut *Causæ & dederit hunc tractatum autor.*  
 gravissimorum virorum, editionem  
 hanc flagitantium, iudicio ac volun-  
 tati satisfaciam.

Deinde præclarissimorum medico-  
 rum studium & industriam excitem,  
 ad dandum meliora, aut de suis obser-  
 vationibus & inventis, quod deest, ad-  
 jiciendum. Quam enim necessaria  
 hujus morbi noticia sit, & diligens  
 symptomatum horum omnium ob-  
 servatio, ostendit multitudo eorum,  
 qui quotidie hoc morbo corripiun-  
 tur.

Videtur enim hodie à temporum  
 angustia & calamitate hic morbus in-  
 crementum capere. Ut propterea, *Vide scilicet curationis 85. cent. 7.*  
 quam Amatus Lusitanus, excellens  
 nostri temporis practicus medicus, de  
 vermibus opinionem habuit, de hoc  
 morbo concipere debeant, qui hoc  
 nostro, ad septentrionalis maris  
 littora, tractu, medicinam sunt fa-  
 cturi.

Sed & humanæ fragilitatis nos ad-  
 moneri ab hoc morbo decet, ab uno  
 eodemq; morbo & causa, tot tantisq;  
 miseris calamitatibusque impetitos,  
 Quidam hunc quo



quo vel hujus recordatione mutuis odiis, rixis, invektivis & condemnationibus minus inter nos sæviamus, qui ignari mali, mortem ejusq; causam sæpe nobiscum, & intra viscera nostra circumferimus.

Sed hæc querelam longam habent, si quis ingredi eam volet, medicinam vero nullam præter eam, qua DEO vindictam dare jubemur, fratri vero reconciliationis locum. Et sunt hæc præter nostrum institutum.

*Transitio ad  
partem sequen-  
tem.*

Quare ab his receptui canentes, ad ea quæ in libri fronte promittimus revertamur. Ubi post universalem hujus morbi enarrationem, particulares nostras observationes promittimus, quantum huic loco & instituto sufficere, ad pleniorum hujus declarationem judicavimus.

*Utilitas exem-  
plorum & obser-  
vationum.  
Gal. lib. 9.  
meth. med.  
cap. 6.*

Nam si Galeno gravissimo medicinæ testi credimus, non sufficiunt ad exactam cognitionem universalia, nisi in exemplis & particularibus unà exercitemur. Quod in ijs, ut Galeni verbis utar, methodus; in his exercitatio consistat.

Nam quemadmodum iter aliquod ingressuri, celeriter illud conficiunt, qui

qui utroq; invicem crure, & alterno pede incedunt: tardius vero, qui altero pede claudicant: Ita qui doctrinam alicujus artis ac disciplinæ absolutam consequi & addiscere volunt, duobus his (ex Galeni ejusdem auctoritate) instrumentis uti debent, in universalibus methodo, in particularibus exercitatione, quod hisce duobus quasi adminiculis, optimè cujusque rei cognitio, quam nobis parate studemus, procedat.

Sunt autem ad docendum exempla illa pro potioribus habenda, quibus ipsi interfuimus, quæq; nostris oculis vidimus, quod de his notiora ac veriora scribere queamus. Quod nos sedulo studentes, paucula quædam nostra exempla proponemus, quantulacumq; huic nostro instituto pro eorum, quæ dicta nobis sunt, declaratione, sufficere putabimus. In quibus brevitatæ causa historias tantum annotabimus, quo citius & melius ad hujus morbi cognitionem lector pervenire queat. Quandoquidem cognito morbo facilis ejus curatio est.

Quæ in morbi initio sæpe paucissimis & simplicissimis perficitur medi-

camentis, de quibus prolixè & doctè, in suo de scorbuto libello, D. Joannes Weierus scribit, apud quem varios curationum modos lector cognoscit.

Noster scopus præcipuus est, morbum hunc suis signis depingere, quo magis obvius omnibus esse, & à quolibet cognosci possit. Quod primus ad sanitatem gradus sit morbum cognovisse.

Ad cujus curationem prius nemo medicus pius properare debet, quam eum perspectum, & ab omnibus suis partibus bene cognitum habeat. *Ἀλλὰ ταῦτα ὥσπερ προλογίζοντες ἐπιπομεν*, ut instituri nostri rationem redderemus, cur post universalem sceletyrbes descriptionem, particulares nostras observationes scripserimus.

Restat nunc promissis satisfaciamus Hippocratem hic sequuti, cui usitatum est, in curationibus suis rationes suas prius confirmare, quàm nos eas docere, ne videamur ea alijs facienda proponere, quæ ipsi nunquam fecimus prius.

*Observatio I.*

**Q**ui habitu melancholico & squa-  
lido, alba morphæa, circa bra-  
chij manumq; extrema laborabat se-  
nex, sub hyemem levi & lenta corre-  
ptus febre, cum respirationis difficul-  
tate, & recurrentibus per intervalla  
anxietatibus, & sub diaphragmate ad  
ventriculi regionem infestantibus fu-  
it, quæ ob respirationis difficultatem,  
de amittenda hac vita anxium eum  
solicitumq; fecerunt, et si alioqui mor-  
bus lentus, parum vires defatigare ac  
prosternere videretur.

Hic urinas habuit crassas, rubras, &  
sublivescentes, cum quibus pulsus di-  
gitis occurrebat inæqualis & subdu-  
rus. *Signa scor-  
buti.*

Horripilationes sensit frequentes,  
sed nullo, aut quàm minimo comita-  
tas calore aut siti. Ad hunc ita affectum  
vocatus sum, cum primum Hambur-  
gum venissem, nondum autem natu-  
ram loci, victum & aquas, quibus ibi  
utuntur, cognitæ satis perspectasque  
haberem.

Cujus causa propinquos rogavi, secundum & exercitatum in illius loci morbis medicum mihi adjungerent. Quod etsi in initio ægre, tandem tamen post longas propinquorum deliberationes obtinui, ut accerferetur D. Franciscus Rodewolt, senex sexagenarius, publico Hamburgensium stipendio medicinam ibi facitans.

Qui nulla habita mecum deliberatione medicamentum ægrotanti præscripsit, in fine secundi, aut initio tertij gradus calefaciens, & obstruendis pulmonum cannis, & infarctis viscidis & crassis ejus humoribus educendis conveniens. Quo in officina pharmacopolæ viso, testatus propinquis fui, de morbo non idem nos sentire. Itaque curationem ipsi permisi, hoc meo prognostico contentus.

Ægrotus vero post sextum aut septimum, ab assumpto primum medicamento, diem, inter graviores horripilationes decessit.

In quo morbum sceleryrben demonstrare debissent urinæ, absq; molesto sitis sensu, rubræ & subfuscæ, ite anxietates ex intervallo ad ventriculi regionem sub diaphragmate infestantes.



tes. Præterea morbus lentus nulli veterum morborum descriptioni respondens. Quibus victus subscribebat crassus & melancholicus, quo per omnem fere vitam tenax Euclio fuerat usus.

### *Observatio II.*

**Q**Uæ annum vicesimum quartum agebat virgo pulchrâ & inculpatae valetudinis, honesta & pia, continuas, maxime vero post prandium, horripilationes sensit, cum intensissimo sinistro hypochondrij per vices infestante dolore.

Sub vespertinum semper omnia visa sunt auctiora.

A cibo sumpto plærunque deterius habuit, præter horripilationes etiam perpetuis ructibus, nauseis, anxietatibusq; divexata.

Quod idem etiam à pharmaco purgante ei advenit: Siquidem difficiles his purgationes esse solent, quantum nostra experientia constat, non prius putrefactionis qualitate superata & devicta, humoribusq; in quibus ea residet, concoctis & digestis.

A fomento ad eum usum nobis parato,

rato, mitigati hypochondrij dolores  
fuere, reliquis in eodem vigore per-  
sistentibus. Quarum curationem cum  
aliquando certam spem nobis urinæ  
facerent, de ea rursum nos post levissi-  
mum cathartici exhibitionem, de-  
turbavit urina, perinde atque antea,  
crassa & conturbata.

*Reg. diag. gen.  
18. ex urinarum  
commutatione  
pag. 60. 91.*

Quæ res & varietas suspicionem  
mihi fecit, ut alterius morbi admisti-  
one fieri hoc, cogitare auderem. *Quam-*  
doquidem ex Galeno, quarto de victu  
acutorum morborum commento do-  
cemur, facilem ac frequentem urina-  
rum permutationem plures affectio-  
nes designare, quæ neque eandem cura-  
tionem, neq; æqualem habent solutio-  
nis præfinitionem.

Itaque inquirenti mihi de omni-  
bus diligentius, confessa ægra est, ante  
paucos dies subnigras maculas sibi in  
cruribus apparuisse, quæ in citrinum  
colorem deliissent. Unde de scorbuto  
confirmatus, præscripta inter cætera  
huic morbo nobis remedia sunt, quibus  
brevis pristinam valetudinem DEI bene-  
ficio hæc est consecuta.

Hujus urina ab initio crassa & sub-  
pallida, cum rubicunda visa corona  
est.

est. Horripilationes sub noctem semper auctiores apparuerunt, ut quotidianæ febris typum repræsentare voluisse hanc febrem videri possit.

Siquidem honesta & modesta virgo domi plærunque desidebat. Nunc valet viro nupta, & corporis temperamento inculpato.

Quoties in his regionibus nostris urinæ à catharticis præter rationem conturbantur deterioresq; fiunt, cum sceleris significacione id conjunctum esse usus convincit, curatione id confirmando.

### *Observatio III.*

**E**odem quo hæc ægrotabat tempore, de qua priore observatione dixi, iisdem ferè symptomatibus ab eodem hoc morbo, totam pene hyemem ægrotaverat quædam annorum quadraginta matrona, chirurgi amici mei vicina, inter cætera quæ patiebatur, incommoda, graviter quoque de obtuso crurum dolore conquiescit.

Quem etiam hujus morbi accidens esse supra in universali morbi hujus enar-

*Signa scorbuti.*

enarratione ostendi. Hunc autem similem esse aiebat, atque si in profundo crurum malleolis ea sibi contunderentur.

Atqui præter hunc dolorem molesta quoque ei ex intervallo cordis palpitatio erat, cum levissima oris siccitate conjuncta, quam haud dubie putridæ materiæ intus latentis evaporation, intra cordis capsulam admissa excitavit, quemadmodum de cordis palpitacionis efficientibus causis, recte annoravit & observavit acutissimus doctissimusque nostri temporis medicus Joannes Fernelius Ambianus.

Cui nos subscribere hic veritas cogit, non solum ob hanc præsentem historiam, sed varia nostra hac de re experimenta, & quod plus est, propter firmissimas rationes, felici curationis nostræ experimento, non in hoc exemplo solum, sed pluribus aliis animadversas & comprobatas.

Urinæ hujus quoque ab initio crassæ, albæ & turbidæ, sicut ab ægrotante edoctus sum, apparuerunt, cujusmodi tum etiam erant, cum primum mihi eam videre contigit, pingui ac viscida

da sua superficie matulæ parietibus  
adhærentes.

Has nulla exhibita, post digestiva, <sup>Regula diag-</sup>  
medicamenta purgantia attenuabant <sup>nost. gen. 19. ex</sup>  
sed magis conturbabant. Quamobrem, <sup>urinarum con-</sup>  
cum varia tum concoquendis, tum di- <sup>turbatione à</sup>  
gerendis humöribus crudis & pituito- <sup>purgantibus,</sup>  
sis medicamenta ei præscripta nihil <sup>Vide 235.</sup>

proficerent, ad ea quæ hunc morbum  
curant devenimus.

A quibus intra paucas hebdomadas  
& dies restituta integræ sanitati fuit. <sup>Signa scorbuti.</sup>  
Quæ ut exhiberem, primum obtusus  
crurum dolor, & cum hoc urinarum à  
catharticis conturbatio suasit; Secun-  
do, quod à nullo manifesto morbo,  
sed perpetuo languore potius, ægro-  
rantem detineri animadverterem. Nam  
experientia doctus, pro scorbutici <sup>Signum scorbuti</sup>  
morbi apodictico signo teneo, si vide- <sup>ti apodicticum.</sup>  
am ab ijs, quæ merito & ex ratione at-  
tenuare urinas debebant, eas præter  
rationem conturbari, morbo lento  
existente, & nulli veterum morbo ac  
descriptioni respondente.

Ob-



*Observatio IV.*

**BY**ssi mercator apud Hamburgenses, vir staturæ brevis & quadratus, de spontanea omnium membrorum lassitudine, cuidam juveni medicinæ studioso, sed in artis nostræ principiis non infeliciter versato, conquestus, purgatus rhabarbari infusione ab eodem, nullo sanitatis commodo, fuit.

Præscripta deinde varia medicamenta ei fuerunt, quæ lassitudinem mitigent, humoremq; crudum digerant & concoquant, ac eodem, quo prius successu. Nam & languor crescebat, & quotidie appetitus magis imminuebatur, carne à corporis substantia magis ac magis flaccesceme & per-eunte.

*Signa scor-  
bui.*

Ideoq; super har re consultus, cum de omnibus quæ ægroto adessent, diligenter inquirerem, inter alia hujus signa, etiam de obtuso crurum dolore eum conqueri intellexi.

A quo de hoc morbo statim admonitus fuit, de quo iudicium ab hoc symptomate sumptum, confirmabat  
pul-

pulsus parvus, debilis & inæqualis: & cum hoc urina crassa, alba, turbida & varia, in qua quæ subsidebant corpora, alba quoque, rotunda, & cineritia apparebant, quibus nihilo clarior superior urinæ substantia facta est, sed æquè turbida perstitit, non infido huius morbi, sicut antea dixi, argumento.

Si scilicet absque graviore morbo cum perpetua lassitudine talis excernatur, si nullum æger morbum ostendat veteribus descriptum, si languere magis, quàm ægrotare ita affectus videatur, idque cum lento & vix sensibili virium decremento fiat.

In hoc ægroto, sicut fieri solet, quando in morbi cognitione abberratur, variae fiebant urinarum ut dixi permutationes. Adeo ut si quæ ex melioribus urinis affulgeret de morbo victoria, & sanitatis spes, eam postridie everterent eadem, perinde ut antea, crassæ & conturbatæ, ut huius morbi apud nos significatione certa & indubitata, ita firmissimo curationis non rectè institutæ argumento.

Occulta enim causa & malum subsit

fit necesse est, medicationem nostram subterfugiens, quod recidivæ occasionem præter spem & expectationem præster.

De quo cum diu multumq; mecum dubitarem ac cogitarem, post longas deliberationes ac retiocinationes, nec non diligentem signorum omnium examinationem, tandem scorbuto morbo causam hanc adscribendam inveni, iudicium meum ac σοφισμὸν hac de re comprobante, felici curationis eventu.

Quem sic experientur, qui post me in similibus casibus attentare eam vellent; velle autem debent omnes, quibus vita & salus hominum curæ est.

Atque hac curationis via à gravissimo suo morbo hic quoq; paucis diebus restitutus est, à quo plures menses, hebdomadas, nisi fallor, sedecim, maxima ex parte decubuerat. Quæ in hoc ægroto sceletyrben ostendant, in historiæ enarratione annotavimus, ut nihil eorum repetitione hic sit opus.

### *Observatio V.*

**N**on dissimilibus symptomatibus

ab hoc morbo hujus vicina, eadem quoque byssi mercatrix, & hujus prædicti ægroti à parte uxoris affinis, ægrotavit. Cui inter cætera accidit, ut quoties sese erigere conaretur, facile linqueret, aut ad linquendum prona & proclivis esset. In hac quoq; præter morbi speciem morbum hunc, prima manus nostra ad pulsum applicatione, mihi manifestavit pulsus parvus, debilis, & inæqualis. Cui urinæ subscreebant crassæ, albæ, & conturbatæ, cum iisdem, de quibus antea dixi, sedimentis, quæ superiorem urinæ substantiam æquè post se crassam & turbidam reliquerunt.

Os maxima ex parte ei siccum fuit, etsi potum parùm appeteret aut ferret. Nam à largiore liquidi haustu statim offendi se sensit. Diu ante morbum eadem quoque molestum crurum surarumque dolorem sensit, qui graviter etiam inter decumbendum eam divexavit.

Ab his de scorbuto confirmatus, iisdem ferè medicamentis, quibus in prioribus, curationem perfecit, nisi quòd ijs quæ ex proprietate quadam ad hunc morbum faciunt, quædam

R

misce-

Exemplum  
Canenis  
therap. gen.  
18.

miscerem crudos & pituitosos humores concoquentia & incidentia, caloremq; temperantia. Quibus DEI beneficio feliciter hæc convaluit, quæ diutius & multas hebdomadas ab hoc morbo decubuerat.

Hoc exemplum hîc subjungere volui, ut promptior esset hujus mali cognitio. A quo sæpe contingit plures hebdomadas, menses & annos, nonnullos lento & vix sensibili morbo lecto affigi, & ab eo quandoque in deteriores & ægrè curabiles morbos, atrophiam scilicet, spasmus, aut paralyfim, devolvi, magna rerum suarum jactura, & totius familiæ ἀναρχία ac confusione.

Quemadmodum eodem, quo hæc scriberem tempore, alteri cuidam viduæ accidit, quæ medicorum ignorantia integrum penè annum domi sededit, & maximam temporis partem in lecto transegit. Quò magis cogitare celebres viros decet, quam necessaria hujus morbi observatio, & legitima ejus distinctio sit ijs, qui medicinam

apud nos, & in his locis maritimis sunt factururi.

Ob-



*Observatio. VI*

**Q**ui in Balwerder habitabat, agro Hamburgensibus subiecto, olim Præfecti in Tritou amanuenssis & scriba, sub diaphragmate, eo loco ubi officium ventriculi situm est, tantas anxietates sensit, ut erectus spiraret & variè præ angustia corpus de loco in locum transferret, nullo tumore, inflatione, aut inflammatione, thoracem, præcordia, aut ventriculum infestante.

Huic faciei color planè cineritius erat.

De morbo quia cum collega curationis, viro sene & sexagenario, mihi non conveniebat, atque is curationem hanc ante me tractasset, propter ætatem ei cedere & curationem hanc permittere volui, sed cum hac præmonitione, ne quid in assumendis catharticiis facilè suo medico consentiret.

Quòd nou vanis argumentis persuasum mihi haberem, ab ijs non ita multò post, in hydropicum tumorem corpus inflari, & attolli debere.

R 2

Nam

Nam æger cum hoc morbo multis aqueis & tenuibus humoribus, in primis venis & visceribus ipsis abundat, unde futurum suspicabar, ut fortiori cathartico ijs motis & conturbatis, flatus qui in ijs continerentur, dissolverentur, atque subitò sic in tumorem ventrem attollerent.

Prævidi etiam saburram partim visceribus & intestinis adhærentem, partim in venas transumptam, medicationis vi & facultate ad viscera trahendam, & in ea impingendam esse, spontè jam obstructa, & hoc tenui & aqueo humore infarcta, ex quibus sequi, sicut omnes medici rationales norunt, hic tumor solet. Nam crapulæ & ebrietati perpetuo hic indulserat, & in ea totos non solum dies, sed integras quoque noctes, ut fieri inter aulicos solet, transegerat.

Ex quibus non fallaci ratiocinatione colligi potuit, futurum id quod ego prævidebam, atque res ipsa, & rei eventus postea comprobavit. Nam sexto curationis die, qui fuit dies Saturni. revocato mihi & iterum super hac re consulto, tres pillulas majores ostendit, à medico suo sibi præscripras,

ptas, tertia hora pomeridiana eas deglutiret.

Quando paucis sententiam meam dixi, negavique de ijs iudicium mihi competere, additi præterea, cuique facti sui rationem reddendam esse. Itaque per me liberum ei relinqui, quod vellent, faceret. Atque sic medici sui consilium secutus, has pillulas deglutivit.

A quibus postridie qui fuit dies Solis, adeò intumuit, ut factum hoc adstantes & propinqui, imò medicus ipsè admiraretur.

Quo tempore suasi ut Hamburgo in prædium ac domum suam rediret, admonui quoque seriò, beluinam illam, quam egerat, vitam detestaretur & deploraret, atque ut gravissima sua peccata DEO confiteretur, eorumque veram pœnitentiam ageret, quo facto, promissiones in scriptura sancta propositas, & à Filio DEI nobis revelatas, firmiter amplecteretur, atque in unica DEI misericordia, Christi morte & passione nobis confirmata, acquiesceret, propterque eum remissa sibi, quæ seriò detestaretur peccata, certò ac firmiter crederet. Dum his operam meam

solatij ergò ei obtuli, si quain re eam expeteret. Atq; ita ei valedicens abij.

Ille vèrò post quartum à purgatione diem cœlestia loca, quod spero & opto petijt, nostro prognostico fidem faciens. In hoc, morbum hunc demonstrare anxietas gravis debuit, sub diaphragmate ad ventriculi regionem, absque tumoris, inflationis, aut inflammationis significatione, infestans & difficilem respirationem citra thoracis affectionem efficiens. Nam cruditates quiescentes absque manifesto tumore anxietates tantas inducere non potuerunt.

### *Observatio Vll.*

**H**Ac ipsa angustia & respirationis difficultate, correptus ab hoc morbo adolescens in Pumenberch ditione Schounenbergensi fuit, adeò difficili & gravi quoque, ut erectus spirare, & variè angustia corpus jactitare cogeretur. In his plærunque si morbo ejusque causæ vires ægrotantis fortiter resistent, neque prius illæ concidant & succumbant, plærunque hydrops subsequi has angustias solet, nisi

si tempestiva curatione & huic morbo competente ijs occurratur.

Hujus urinæ crassæ & conturbatæ , cum obscura nigredine virescebant , hujus morbi non contemnendo signo, si, uti usus demonstrat, extra hydro- pem & malignæ febris indicia, in lon- gior morbo tales reddantur.

### *Observatio VIII.*

**V**Idua gibbosa , gracilis, pedibusq; hirsuta, corporis temperie, inpri- mis verò epate calidiore, diu à mariti sui morte, vitam egerat sedentariam & tristem. Hæc quoque iisdem corre- pta anxietatibus per intervalla fuit , sub diaphragmate ad ventriculi regi- onem infestantibus.

Cum quibus labia genæque, subluri- do colore præter consuetudinem me- dia ætate tinctæ, cum superioribus o- culorum palpebris, apparuere. Fortè ex mestrurorum , quæ suppressa ali- quando fuerant, ad superiora refluxu. Quæ huic morbo ( haud dubiè ) occa- sionem dederant.

Quibus ciendis, hujus morbi cura- tione neglecta, dum medici instant,

R 4

mi-

*Canon therap.  
gen. 20.*



misera hæc subito & præter spem, ab angustijs his suffocatur & perit.

### Observatio IX.

**V**Iduarustica dives pecorum & agri, per omnem ferè vitam patrijs aquis crudis & sublimibus assuefacta, levi in initio febricula ægrotare cœpit sed absque multa siti, aut molesto caloris in principio sensu, utcunque urinas redderet crassas & cum quadam fuscedine rubescentes; quæ in morbi progressu multis rubris & crassis excrementis, à quibus nihilo clarius superior urinæ substantia eminuit, in matulæ fundum subsiderunt.

*Signa scorbuti.*

Quo, ut variorum humorum confusionem, ita diversorum morborum concurrentiam, denotari supra in morbi enarratione ostendimus. Ubi breviter quoque specificam sceletyribes putrefactionem has urinas continere annotavimus, Eadem anxietates quoque passa graves est, per intervalla recurrentes, & à diaphragmate ad ventriculi regionem infestantes.

Quæ à catharticis semper magis irritari, quàm mitigari, etiam hujus mor-

morbi indicio, visæ sunt. Quod ægrè  
 sic affecti purgationes sustineant, nisi <sup>pag. 26. IIII,</sup>  
 post devictam prius hanc putrefactio- <sup>253.</sup>  
 nem, & ad cencocctionem separatio-  
 nemque crassis & aqueis, qui miscen-  
 tur, humoribus perductis, ea admini-  
 stras.

Estq; alioqui Rhasis sententia, quam  
 experientia & quotidianus compro-  
 bat usus, frequentes super rubris uri-  
 nis purgationes lethales esse. Quod  
 etiam diu ante ipsum Hippocrates a-  
 phorismorum libro primo aph. 22. &  
 lib. 2. aph. 9. ostendit,

Nam qui sublata prius putrefactio-  
 ne qualicunque humores crassos &  
 tenaces extenuat & incidit, meatusque  
 per quos isti transmittuntur, & à me-  
 dicamentis trahuntur, aperit, facilem  
 & ægrotanti salutarem purgationem  
 experietur, quæ absque fastidio ullo,  
 torminibus, vertigine, & id genus ma-  
 lis procedit,

Quod obiter hîc propterea admo-  
 nere volui, quod in eo aberratum in  
 hac curatione à juvene medico fuerit,  
 alioqui non indocto, neque in artis  
 principiis infeliciter instructo. Qui  
 non habita hujus præcepti ratione,

cathartico vehementiore jam dicta  
synptomata omnia exasperavit, cum  
præsenti ægrotantis discrimine, acce-  
dente ad reliqua mala & delirio.

Quod tamen non continuum, sed  
intermittens, & per intervalla recur-  
rens fuit. Tandem hæc quoque pro-  
pter morbi ignorantiam ultimum clausit  
diem.

*Signa scor-  
buti.*

Quem hîc monstrare potuissent,  
cum morbo & febre lenta, urinæ cras-  
sæ, rubræ, & variæ, absq; molesta siti  
calorisve sensu redditæ. Et præter has  
anxietates prædictæ, nec non habita-  
tionis situs ad mare in locis planis &  
palustribus existens, aquarumque ibi-  
dem natura, & cum harum usu, victus  
melancholicus & crassus.

Quibus abundantiore indicio ad-  
numerari delirium sub febre lenta  
potest, & difficilis, si placet, purgan-  
tis medicaminis tolerantia.

Similibus urinis rubris, crassis &  
sublividis absque gravante siti, com-  
plures anno septuagesimo perierunt  
post memorabilem illam agrorum o-  
mnium inundationem, ex aquarum,  
quibus necessario in nostra Frisia oc-  
cidua rustici nostri utuntur, falsedine.

Cum

Cum quibus etiam ab hac febre ille prope Leoverdiam in Virdum pago, ut vocant, rusticus ægrotabat, qui plurimas secum & graves tacitè melancholiæ causas fovebat. Quas plurimùm ad hujus morbi generationem conferre supra ostendimus.

### *Observatio X.*

SENATORIS Hamhurgensis conjugii adhuc obambulanti, & omnia domi fortisque munia citra incommodum obeunti, aliquandiu difficilior respiratio erat, quoties locum aliquem acclivem ascendere conaretur. Quo diutius neglecto, subitò & præter expectationem in articulares dolores incidit, variè locum suum commutantes, & nusquam diu subsistentes.

Cum quibus urinæ visæ albæ, crassæ & turbidæ sunt, superiore sua substantia matulæ parietibus adhærentes; existentibus, quæ in fundum subsident corpora, arenularum instar, crassiss, rotundis & gravibus.

*Signa febribus.*

A pur-



A purgantibus & humores crudos & pituitosos concoquentibus medicamentis, ut nihilo melius habuit, ita nihilo emendatiores visæ urinæ sunt. Unde mihi primum hujus morbi suspicio incidit. Quam pulsus confirmabat parvus, debilis & inæqualis, atque majore certitudine felix curationis eventus, rationis inventum comprobans.

Siquidem prima omnium hæc fuit, in qua hanc affectionem ab hoc morbo procedere observavi & animadverti.

Quæ tridui vel quadridui ad summum curatione, integræ valetudini ab ijs, quæ scorbutum curant, medicamentis restituta, de his & similibus mihi indicium reliquit certum & indubitatum, quod postea pluribus utile fuit, In quibus illud tamen notatu dignum ac necessarium est, ne gliscentem febrem & putrefactionem, cum his doloribus concurrentem, negligamus. Quod fortè ex hujus contemtu futura minus prospera ac diuturnior curatio esset.



## Observatio XI.

**D**istæ Senatoris conjugis ex sore  
re neptis & puerpera, decimo  
quarto à partu die, primùm dentium:  
deinde scapularum, mox genu, ma-  
nuum, & muscutorum laringis, gra-  
ves dolores, cum levi earundem par-  
tium resolutione experta est, Qui lo-  
cum subinde mutabant, & variè quo-  
que discurrebant, modò hunc, modò  
aliu corporis articulu divexantes,  
& eodem etiam resolutionem jam di-  
ctam secum transferentes, ut semper  
quò dolor, eodem quoque resolutio  
hæc commigraret,

Urina hujus, quemadmodum uri-  
na materteræ suæ, etiam crassa & con-  
turbata, cum crassis subsidentiis fuit.

*Signa scor-  
buti.*

A ventriculi orificio ad os usque  
quiddam instar pali figi sibi conquere-  
batur, quod etiam in hoc morbo plu-  
ribus advenisse memini.

*Accidens  
scorbuti pe-  
culiare.*

Si quando de lecto surgere conare-  
tur, statim animo liquit, aut ad lin-  
quendum prona fuit. Quod etiam in  
aliquibus familiare hujus morbi sym-  
ptoma est.

**A**

*Canon therap  
spec. in dolo-  
ribus arthrit.*

*Quartus  
Remedium  
arthritidis  
vaga scor-  
butica,*

*Quintus*

*Historia a-  
lia arthriti-  
de vaga  
scorbutica  
laborantium.*

A catharticiis pejus habuit, visæque urinæ deteriores, magisque crassæ & conturbatæ sunt.

Quocirca medicamina ei à me præscripta sunt, ex herbis & radicibus incidentibus attenuantibusque, & quadam proprietate hunc morbum respicientibus, quibus ad sufficientiam decoctis & colatis, addidi succi cochleariæ uncias duas, suspensis ex filo radicum raphani sylvestris taleolis tribus, & convenientibus syrupis potione condulcorata.

A qua potione quotidie bis hausta, intra triduum sanitati restituta fuit, in biduo dolore tumoreque evanescente. His ipsis doloribus ab hac causa cum similibus urinis Senator Stadenſis, & apothecarii Leoverdiensſis uxor, item civis Nordenſis, & Secretarii Ham-burgensſis L, Tueſterengh ſoror, aliiq, complures laborarunt, his ipsis medicamentis ſanitate rursus reſtituti.

### *Observatio XII.*

**S**UB idem fere tempus, quo ab his articularibus doloribus prædictæ

que

duæ scæminæ correptæ fuere, ab iisdem quoque ab eadem causa, altera quædam scæmina præpinguis, quæ Hamburgi ad porticum, ad quam mercatores conveniunt, habitabat, corripitur. In qua minus discurrentes ac mobiles hi dolores, fortè propter corporis constitutionem frigidiorē, & ad senium vergentem ætatem, aut ob humores crassos & frigidos, erant, utpote quæ multo crasso & melancholico sanguine abundabat, quemadmodum pedum tumor, de quo mox dicemus, abunde postea ostendit.

Hujus urinæ crassæ, rubræ, & subfusæ fuerunt, quibus nec calor nec sitis adfuit molesta, non infida hujus morbi significatione. Nam quorum in urinis majora putrefactionis signa sunt, quam foris, sitis & æstus ostendunt, morbo lento existente, & nulli veterum morbo suis signis & symptomatibus accedente, magnum, inò certissimum hujus morbi argumentum habere, usus monstrat. Redundantibus circa primas venas humoribus crudis & crassis subinde totas implevit pelves. Quod etiam huic morbo adesse in pluribus. Embdè observavimus, quos

*Signa scor-  
bui.*

quos nihil his extretionibus adjutos fuisse constat.

Ut â me de sceletyrbe hæc admonita fuit, bibit aliorum ad hunc morbum probata remedia, quibus ita defœdâta crura ejus fuerunt, ut citra horrorem ea nemo aspicere posset.

*Anxietas  
scorbutica  
diversa ab  
anxietate à  
pituita gra-  
vante.*

Anxietates, quas ad præcordia infestare diximus, adeò quoque graves hæc experta est, ut sæpe præsens suffocationis periculum non abs re adstantes metuerent : Sed quæ cum pituitosa excretionem nihil communicabant, ne quis inde profectas eas esse existimet.

Quandoquidem magna differentia inter anxietates scorbutum comitantes, & illas est, quæ à pituita gravante, vel aliis de causis fit. Et si hæc distinctio exercitationem, & diligentem observationem animadversionemque requirat.

### *Observatio XIII.*

**S**artor qui operam suam facienda vestibus locare solebat, distolutæ vitæ & poculis ebrietatique addictus homo, sub autumnum de gravissimo

COXER-



coxendicis dolore conqueri cœpit. Qui cum variis celebris cujusdam chirurgi inunctionibus, nihil dolor cederet, illius magnitudine & morbi molestia ac diuturnitate victus, urinam ad me deferri per uxorem curavit.

Quæ rubra & crassa fuit, atq; multo crasso & furfuraceo sedimento, à quo nihilo clarior supereminens urinæ substantia visa est, subsidit: nulla interea siti, aut caloris molestia, ægrotum infestante. Eratq; pulsus parvus & inæqualis: Atque ex longiore morbo & dolore ad spithami longitudinem crus retractum. *Signa scorbuti.*

Ego ex urina statim morbi causam cognovi. Quare media hyeme ex vino rubro cochleariæ succum ei propinavi, ad singulas vini libras succi unicas quatuor admiscendo. A quo medicamento intra quatrimum à dolore liberatus est.

Duravit autem curatio tota hebdomadas plus minus decem, in quibus integræ sanitati rursus hic restitutus est, ut, quemadmodum antea, ad comotationem pedibus uteretur celerioribus, quàm Christianum virum deceret,



ceret, qui omnium opinione alioqui incurabilis videbatur,

*Observatio XIV.*

**C**onsulis Hamburgensis uxor, iisdem hisce coxendicis doloribus, ad talum usque sese extendentibus, divexata pluribus hebdomadis fuit. Qui paulatim ita creverunt, ut ne momentum temporis præ doloris magnitudine uno in loco quiescere posset, & propterea medicorum operam implorare coacta sit.

Purgata ab urbis Physico medico sene septuagenario deterius habuit, lachrymis per genas destillantibus morbi dolorisq; magnitudinem testata. Cû nihil proficerent ad coxendicis dolores à veteribus præscripta medicamenta, tandem ego quoq; vocatus fui. Qui prima manus meæ ad pulsum applicatione morbum agnovi.

Eratq; tunc urina tenuis & citrina, parum à sani hominis urina differens, quæ postridie ab assumpto medicamento nostro visa crassa & conturbata est, pluribusq; excrementis crassis & furfuraceis in matulæ fundû subsidere.

Cu-

Cujusmodi quoque ab his medica-  
 mentis visæ urinæ conjugis Senatoris  
 & Licentiati Juris sunt, quæ eodem  
 ferè tempore cum iisdem urinis, gra-  
 vissimis brachii lincinationibus, cum  
 levi ejusdem resolutione conjunctis cor-  
 repta fuit.

*Historia lanci-  
 nationibus bra-  
 chij cum levi re-  
 solutione conjun-  
 ctis laborantis.*

Quæ etiam ab his doloribus, & non  
 multum dissimilibus medicamentis  
 curata est. Nam utraque statim post  
 biduum doloris mitigationem sensit,  
 paucis diebus integre ab iisdem libe-  
 rata. Cum in Consulis uxore suprasex  
 hebdomadas dolor hic perseverasset,  
 & aliquantum ex dolore contractus  
 nervus esset, qui etiam convenienti-  
 bus medicamentis postea restitutus est,  
 & pristinam extensionem recepit.

### Observatio XV.

**E**odem hoc dolore post tristem li-  
 tem correptus Hamburgensis ci-  
 vis fuit byssi mercator. vir gravis ho-  
 nestatis amans, absque ulla pulsus &  
 urinæ permutatione. Siquidem semper  
 ferè etiam in bona valetudine pulsus  
 huic parvus, debilis & inæqualis fuit.

*Signa scorb-  
 uti.*

S 2

Quæ

Quapropter morbum hic ex suis moribus cognoscere oportuit.

De quo opinionem meam confirmavit, præcedens vita trilllis, & molestalis, graviter animum ejus excrucians, eoq; magis, quod præter meritum isthuc se pertrahi arbitraretur, & quorundam amicorum officia & judicia non satis æqua sibi, in sua causa, quam justissimam putabat, experiretur.

Itaque ab hac animi illius ægritudine, dolorisque proprietate de hoc morbo admonitus & edoctus, paucissimis medicamentis & huic morbo accommodatis, brevi hominem sanavi. Hujus frater, cum iisdem penesymptomatibus ante paucos annos corripereetur, & medicos nactus fuisset hujus morbi ignaros, adhuc hodie domi claudus desidet, nullam sui morbi quam priorum medicorum opera expertus est infelicem, curationem admittens.

*Alia historia  
ischia de scorbutica laborantis.*

### *Observatio XVI.*

**T**ALO retracto versus poplitem retro, ut eum terræ affigere non posset, ab hoc morbo Secretarij Hambur-

burgenſis ſoror, poſt diuturnum ac moleſtum mariti ſui morbum, laboravit, cum pulſu parvo & inæquali, uriniſq; craſſis, albis, & conturbatis, quæ ſuperiori ſua ſuperficie viſcida & craſſa, matulæ parietibus adhærerent. Unde mihi ſymptomatis cauſa revelata eſt.

*Signa ſcorbuti.*

Uſa hæc ante nos variis muliercularum inunctionibus & balneis (ut fieri ſolet) fuerat, at nullo curationis ſucceſſu. Ideoq; cum nihil his proficeret, tandem rem mihi ſignificavit. Quî cognito morbo ejusq; cauſa, paucis medicamentis, & uno, ſi memini, ſimplici, ad præſtinum ſtatum, talum, DE I beneficio, reduxi.

Eadem hæc paulo ante etiam omnium articulorum dolore & reſolutione laboraverat, ut ab aliis de loco in locum transferri eam neceſſe fuerit, noſtra quoque opera in quinque diebus plus minus ſanitati DEI gratia ſic reſtituta, ut ſponte quo vellet, iret, quam prius à pluribus transferri multatam moleſtia, de uno lecto in alium oportuit.

*Hiſtoria laborantis omnium articulorum dolore & reſolutione.*



*Observatio XVII.*

**G**enu dolorem, & momentaneam cum hoc ac per intervalla recurrentem resolutionem, experta ab hoc morbo rustica est, quæ ex Vilstria non procul ab oppido Kremphen ad me venit. Quæ ad doloris hujus adventum hac resolutione simul attentata, nec stare neque ingredi potuit, sed protinus nisi ab alijs sustentaretur, in terram prona concidit. Quo remittente rursus baculi exigui adminiculo, quo volebat, ibat.

*Signa scorbuti.*

Urinas reddit hæc crassas, & subnigras & conturbatas, quæ multo crasso & nigro sedimento in matulæ fundum subsiderent.

Ipsa ægra hujus symptomatis causæ ignara, confessa mihi est, ante triennium graviter se à scorbutico agrotasse, meum de hoc malo iudicium confirmans.

A quibus de sceletyrbe edoctus, iisdem, quibus priores, medicamentis, hanc quoque DEI beneficio sanavi, nisi quod iisdem validiora cathartica subinde admiscerem.

Ho-



Hodie cursus velocitate hæc etiam cum cervis decertare posse dicitur, alioqui vetula & quæ tunc baculi ad-<sup>signa scor-</sup>miniculo ad ingressum uteretur. In<sup>buti.</sup> hac historia sceletyrben morbum, præter recurrentem genu dolorem, resolutio ostendit subito præter rationem eveniens, & momentanea paralyfi crus afficiens, cum dolore eadem facilitate, qua apprehendebat, deficiens & remittens. *Idem 28.*

Quod urina confirmabat varia, nec non abundantiore indicio habitationis situs, & aquarum, quibus ibi utuntur, natura & qualitas. Quæ iudicium à prioribus conceptum magis confirmabant, si Plinio credimus, & experientiæ rerum magistræ.

### *Observatio XVIII.*

**Q**ui Senatorii ordinis dignitatem apud Hamburgenses tenebat, vir liberaliter doctus, & annos natus plus minus sexaginta, diutius & per plures annos, dum adhuc Reipubl. munia obiret, cum hoc morbo conflictatus est. Nam & faciei colorem habebat livescentem, & crura duro

ac tenso hoc tumore inflata. Cum quibus & anxietates inter eundem ad præcordia experiebatur, graves & molestas.

Quæ propter corporis constitutionem firmiorem, qua ab ipsa nativitate gaudebat, longiore tempore absq; manifesto morbo ac valetudinis impedimento sustinuit, etsi indies ab otiosa & sedentaria vita, nec non victus ratione crassa & melancholica, tacitis incrementis hæc assurgerent, ut demum in manifestum aliquem morbum ea erumpere fuerit necesse.

Nam dum diutius hæc negligit, & præcedenti ut dixi victui indulget, tandem manifesto tumore, præter crura, circumscribi ipsi, etiam utraque viscera cœpere, quæ hac saburra prægravata tandem in abdomen gravantem copiam effuderunt, illud quoque duro ac renitente tumore attollentem.

Quando urinas reddit crassas, rubras, & quasi sanguineo colore tinctas, in quibus multa subsidebant corpora crassa, rubra, & furfuracea: cum tanta visceris utriusq; tensione, ut manifesta circumscriptione extrinsecus. se conspicienda illa offerrent.

Ita

Ita affectus usus est opera cujusdam, nescio quas suas experientias jactitantis, erroneis miserrimi, cui nemo sanamente prædictus, lubens suum commisisset canem curandum. Qui in hisce viscerum obstructionibus, frequentibus suis purgationibus, brevi rem eo deduxit, ut neque erectus sedere, neque in lecto dimovere se posset, nisi à duobus adjutus.

Quando mortem instare, & præforibus esse animadverteret, me vocavit, meam opem & operam implorans: diebus, quod memini, canicularibus.

A quibus ego curationem excusabam ac detrectabam, quod scirem servandis diætæ præceptis ingenium ejus minimè natum esse. Quod ille animadvertens, me nodum, quod ajunt, in scirpo quærere, cœpit animo commoveri.

Quare annui, ne afflicto afflictionem adderem, etiam propter conscientiam, qua omnibus nostro officio præsto esse jubemur: Sed non absque admonitione, quod eo loco & dignitate in Repub. constitutus, & non vulgari literarum scientia instructus, atque quibus

quibus mediis ac modis literæ parentur, disciplinarumq; cognitiones, non ignarus, fenestram impostoribus ad nequitiam aperuisset, & suo exemplo ad imitandum hæc alios invitasset, qui leges punire tales, & à Repub. arcere sciebat, qui temere & per hominum mortes (ut Plinij verbis utar) pericula faciunt.

*Exemplum Canonis therap.  
spec. in hydrop.  
scorbuto pag.  
149, 150.*

In hoc autem misero ejus statu, quædam medicamina ei præscripsi, cum morbo hoc obstructions eradicantia, & crudos, crassos, ac frigidos humores concoquentia & incidentia: foris visceribus tumefactis adhibitis fomentis, emplastris, & unguentis, quæ cum discutiendi, emolliendique vi ac facultate corroborandi ea potestatem habent, per intervalla quoties id necessitas postularet, Ele&uario Indi, pharmaco ei usitato hominem expurgans.

Quorum efficacia (constituta prius victus ratione convenienti) res eo DEI gratia brevi rursus deducta est, ut omnia rursus domi, tam publica quam domestica negotia expediret, & intra privatos parietes, quo vellet obambulare, etiam musæum, quod editiore loco



loco habebat, atque contignationem sine offensa ascenderet.

Potuisset hic integre restitutus fuisse, si victus rationem debitam observare voluisset. Sed hoc illi persuadere difficile erat, quantumvis literato & docto, quippe qui ad istas leges nunquam assueverat, eratque nulla res ei difficilior, quam è consuetis cibis abstinere.

Factum curationis hujus initium diebus, ut dixi, canicularibus est. Sequente Martio cum diutius negotiorum meorum causa in patria mea abessem, relaxatis iterum omnibus (non admodum alioqui intensis) circa victum habenis, ad ingenium redijt, antiquum obtinens, & quibuslibet cibis sine delectu indulgens.

Unde, nondum satis ex priore morbo confirmatus ac restitutus, rursus in recidivam sui morbi incidit. Quando ad invisendum iterum illum, ab amicis & propinquis invitatus, recusavi.

Quod talibus neq; Apollo neq; Æsculapius satisfecerint. Sed sub vitæ finem ab amicis & ipso rursus requisitus, ut solatij ergo saltem eum visitarem, obtemperavi.

Ho-



Homo hic erat egergiè doctus, pius, & non inutilis Reipub. civis & senator, nemini malus, nisi quod sibi in victu non parceret, aut minus indulgeret. Ut rectè dictum sit, neminem sine vitiis vivere, optimum vero illum esse, qui minimis urgetur.

Hunc spero cum omnibus piis ac Christi fidelibus, cœlesti nunc gaudio frui. Quod nobis quoque, peracto hoc vitæ curriculo, concedat misericors, nostriq; amans Deus, cœli & terræ Dominus.

Quæ hic specificam hanc sceletyres putrefactionem ostendant, ex prædictis constat: Inter cætera vero hujus signa primum locum tumor durus sibi vendicat, nullam digiti sui impressionem admittens. Cui subscribere labiorum genarumq; livor potest, nisi ex melancholici humoris coacervatione eum extitisse quis contendat. Sed & conspicua urinarum, absque siti & febrili calore, rubedo, non infidum hujus argumentum continebat. Quibus adstipulabatur victus melancholicus & crassus.

Ab hac ipsa hydropis specie renitente & dura, curatus hisce ferè medica-

*Signa sce-*  
*leti.*

dicamentis quidam à nobis chirurgus Embdanus est, postquam octo & viginti hebdomadas suam, & cujusdam ibi medicinam facientis pharmacopœi operam, nullo curationis successu expertus esset, indies morbo tumoreque crescente, ita ut sponte vix de lecto descenderet.

Itaque à medico suo, & ipso ad consilii communicationem requisitus, consensi, cum medico suo ad visitandum eum, ægroti domum accedens. Qui eodem tempore quo ad eum veni, nescio quod pharmacum purgans sumpserat, à quo plus gravaminis senserat, quam levaminis.

Quocirca ea curationis ratione improbata, utraque latera unguento *Unguentum in* emolliente, confortante, ac digerente *tumore hypochondriarum.* aggressus sum, quod hæc etiam tensa, & in his viscere circumscripta suo tumore essent.

In his autem exhibui, quæ quadam caloris temperie, cum iis quæ scorbutum curant, obstructions tollunt referantq; . Nam validiore siti hic infestabatur.

Atque hinc DEI gratia effectum fuit, ut post paucarum hebdomadarum

cu-

curationem, extra urbem hic expatiaretur, qui paulo ante vix solus se dimovisset.

*Embdanorum  
chirurgorum ar-  
rogantia.*

Et si pro hoc beneficio parum gratum verbis se ille ostenderat, fortè ne hac ratione de sua authoritate quid imminutum apud populum videretur. Nam adeo plerumque ISTEIUS hominum conditionis pars, in ea civitate, arrogans & superba est, etsi imperita sæpe quam maxime, ut viros in literis educatos & ratione ac judicio ex veterum præscripto curantes, præ se contemnere, & suis experimentis posthabere non erubescant.

Cum tamen frequenter ne quidem simplicem ossis fracturam, ejusque vel minimam, absque vitio & distortionem ab ijs reponi posse observarim, sicut prohi dolor pluribus quam velim exemplis, hic id, si necesse esset, demonstrare possem. Qui aliquando à me de meliore curatione ex Galeno & Hippocrate admoniti, adeo contemnitam admonitionem acceperunt, præ fastu & φιλαυτία, qua quidam ex ipsis laborant, ut prædictorum placitis & scriptis nunquam ab ipsis cognitis, suam

suam experientiam paucis utilem, anteponerent.

Genus hominum, ut videtur, quod recta consilia cum dare non possit, bene monentibus obtemperare nolit. Interea tamen multa confidentia etiam internos morbos curat, hac parte quoque omnes præ se contemnens. Idque magistratus negligentia & incuria, vel non intelligentis, vel ad se nihil hanc curam pertinere arbitrantis. Cum tamen (si Platoni credimus) Reipub. felicitas in bono medico, & obstetrice proba & industria consistat.

*Embdani magistratus negligentia in coercendis Empiricis.*

Sed hæc quia præter nostrum institutum, atq; alterius considerationis sunt, ijs considerata relinquimus, quibus à Deo optimo max. hoc munus injunctum est & commendatum.

### Observatio XIX.

**M**arescalcus casti Leoverdienfis, generis nobilitate clarus, præterea sumptuosus & splendidus, nimio splendore res imminuisse, deterioresq; fecisse credebatur. Unde in hunc morbum eum incidisse verisimile est.

Nam



Nam alioqui temperamento erat inculculpato, & vivebat quoque splendide.

Ad hunc cum de via vocatus venirem, præ angustiae sensu, quem sub diaphragmate monstrabat, ægre eum respirare vidi, adeo ut ipse cum ea respiratione supra biduum se superesse non posse affirmaret. Quod partim morbi ratione, partim medicaminis assumpti, ei evenisse judicavi. Siquidem antepaucas horas pillulas, nescio quas, à medicis suis, viris in medicina exercitatissimis, sibi exhibitas, deglutiverat.

A quibus morbi ratione facta angustia adeo adaucta fuit, ut ex hac vita sibi migrandum esse æger putaret.

Accedebant ad has anxietates huius morbi indicio, venter & crura hydropico, duro, & retinente tumore inflata. Et labra genæq; sublurido colore media æstate conspicuæ.

Denique urina crassa & rubra, in qua multâ subsidebant corpora crassa, rubra & fursuracea, non contemnendo huius morbi sicut antea diximus iudicio.

Dixit Rases cum rubris urinis hydropem incurabilem esse, propter Epatis

*Signa scorbuti.*

*Rhesis prognost. in hydropel lib. 9*



Epatis temperiem calidam, à qua fit, & cont. cap. 69.  
lib. I. di-  
visionum  
cap. 65. diversas propterea curationum indica-  
tiones, quibus occurrì ex æquo non fa-  
cile possit.

Quæ si apud nos, & cum his urinis  
rubris & crassis militaret ratio, neces-  
se ex hac Rasis prædictione esset, sic  
affectos prognostico relinquere, ma-  
gno, ut ex hac curatione apparet, er-  
rore, & ægrotantium perniciæ & inte-  
ritu.

Differentia autem ex causæ diver-  
sitate emergit, quæ ut in veterum hy-  
drope calida est, ita hic frigida & cras-  
sa est, hac sua rubedine non tam in-  
temperiem, quam morbi qualitatem,  
& specificam scorbuti putrefactionem,  
urina exprimente, quæ acribus & ca-  
lidis, minime vero frigidis medica-  
mentis tollitur & expugnatur, & pro-  
pterea in easdem cum hydropico tu-  
more indicationes incidit, quæ in vete-  
rum hydrope pugnantes cum sint, mor-  
bi difficultatem adaugendo, curatio-  
nem incertam, vel nullam & deplora-  
tam faciunt.

Atque ita salva manet Rasis viri do-  
ctissimi prædictio, & confirmatur no-  
strum de specifica hac scorbuti putre-

factione, ex curationis eventu ac veritate, iudicium. Sed ad historiam revertamur.

Sitiebat hic plusculum, nam & corporis temperatura calidiore gaudebat, eratque alioqui anni tempus æstivum & calidum.

Ego cum ab angustia, tum à duro & renitente pedum tumore, præterea ab urinis rubris & crassis, & sublivescantibus genis, præ cæteris patriæ meæ medicis, de hoc morbo admonitus, magno artis nostræ encomio, & ægrotantis, quod præcipuum est, salute, intra paucos dies DEI beneficio ad pristinam valetudinem hominem, non absque quorundam medicorum, inprimis vero Serapii Hanya viri optimi & piissimi, uxoris meæ consobrini, quem honoris causa hic nominare volui, admiratione, reduxi.

*Curatio angustia  
& hydropis  
scorbut.*

Miscui autem calorem contemptantibus, obstructionesq; referantibus medicamentis, ea quæ ad hunc morbum usus adinvenit. Quibus, uti prædixeram, postridie respirationis angustia remittere, & æger liberius respirare cæpit, certa curationis sequuturæ spe & persuasione. Quæ in

tribus n̄ fallor hebdomadis absoluta est.

Est hæc hydropis species, ut illa, de qua postea dicemus, pluribus apud nos, & his nostris regionibus, familiaris, quæ à veterum hydrope facile prædictis signis dignoscitur, ut pluribus exemplis nihil hic opus sit.

Nam omnes hoc loco recensere longum esset, præterea supervacuum & inutile, quod ex similibus similia colligere quilibet per se possit.

### Observatio XX.

**A** Cicularij extra novam portam Embdanam habitantis uxor variis toto corpore maxime circa crura, præter ventris crurumque tumorem, duris, & pendulis, atque propria quasi cute circumscriptis tuberibus, supra reliquum tumorem extantibus laboravit, hydropis scilicet specie, quam vulgus nostras vernacula nostra lingua à vesicarum prominentium forma, *bonkwater* appellat. Nam à tuberibus his extra cutem prominentib. & cum totius corporis, maxime ventris & crurum hydropica inflatione,

concurrentibus tumoribus, vesicarum modo propendentibus, appellationem hanc malum hoc consequutum esse videtur.

Sed & præter hæc tubera variis anxietatibus subinde & per intervalla recurrentibus, hæc divexata fuit, animique deliquio, quoties sese elevare, aut alias è lecto surgere conabatur. Cum quibus pulsus parvus & inæqualis, ac urina crassa, alba & conturbata fuit.

Ego ex tumore renitente, & pulsu parvo & inæquali, atque prominentibus vesicis, de scorbuto admonitus, ut & ab animi præter rationem deliquio, ijs quæ ventriculum calefacerent, obstructions tollerent, & hunc morbum quadam proprietate curarent, ita intra octo dies Dei gratia eam curavi, ut domi sine molestia omnia consueta officia ac munia obiret, pedum tumore deinde, quibusdam ad pedes fomentationibus curato & discusso.

Hac hydropis specie plures apud nos corripiuntur, estq; nostris familiarissimum pauperibus, imprimis vero qui mala victus ratione utuntur, aquisque nostris putridis, crudis, & corruptis, vel cerevisijs nostris ab ijs deco-

ctis.



ctis. Quo fit ut etiam ditiores sæpe ab hoc malo non sint immunes, quibus ad hunc morbum natura magis prona ac proclivis est.

Quemadmodum nuper evenisse cuidam nobili Groningano, præclara & nobili familia nato memini, & præter hunc alteri cuidam fœminæ plebeie, cujusdam molitoris, & ex femine lini ac raparum oleum experimentis conjugii, cum iisdem fere, quibus hæc laboravit, symptomatibus, nisi quod nobili prominentes tumores etiam in dorso ipsius assurgerent, quem ante hunc morbum frequentes quoq; vomituum conatus infestabant, cum pulsu parvo, crebro & inæquali, & facili tumorum de loco ed locum permutatione.

Curatus hic ab alio medico est, veteris medicinæ alioqui non ignaro, communi curationis methodo, sed nullo curationis successu. Utpote qua brevi succubuit, manuum robore etiam tunc, cum curandum se medico daret, fortissimus.

Quapropter diligenter medicum ad singula animadvertere oportet & decet, omniaq; providere, & discernere

nere prius, quam ad curationem accedat, ne prius impingat & curatione aberrer, quam morbus recte cognitus fuerit.

Cæterum symptomatis similitudine hic adscribere invitor, quod, in morbi enarratione prætermisum, hic non incommodè inferi posse putavi.

*Nonnunquam  
extra hydrosem  
varia tubercula  
in corpore erum-  
pere.*

Scilicet nonnunquam extra hydrosem contingere, ut totum corpus, nec non quælibet corporis partes, ab hoc crasso & melancholico succo, variis tuberibus cum & sine exulceratione, quadam naturæ crisi, & hujus crassi ac melancholici succi ad exteriora & corporis circumferentiam depositione, extuberent.

*Historiæ tuber-  
culis extra hy-  
dropem in scor-  
buto laboranti.*

Quemadmodum advenisse ab hoc morbo & crassa hujus materia Confulis Leoverdiensis, & cujusdem Frisæ occiduae nobilis conjugibus memini. Quæ in posteriore variis exulcerationibus siccis, neq; pus neq; saniem reddentibus exulcerari, perforariq; & exedi videbantur, crescentibus in exulceratorum locis, aliis postea & novis tumoribus, qui variis excrescētis mamillarem carnem flaccidam & glandulosam cuti quodammodo adæquabant.

Simile

Simile etiam tinctoris filia in altero crure ab inflammatione alba & huic morbo peculiari (sicut antea diximus) efflorescentia advenit, non intellecta, neque legitime (ut oportuit) curata, ad hunc casum miseriamque deducta.

In hac tumor tumori adnascebatur, ac si quibusdam quasi natibus sibi invicem impressi tumores fuissent, vel quibusdam quasi monticulis, alii super alios assurgerent.

Hi quoque profundis exulcerationibus, & mediis inter monticulos vallibus, exulcerabantur, excedebanturque magnum de se foetorem reddentes, è quibus alii rursus & novi tumores enascerentur tristi aspectu, ita ut sine horrore nemo crus illud aspicere posset.

Huic malo affine fuit sed minus tetrum, quod cum resolutione & crurum paralyfi, adolescens Embdanus passus est, qui etiam hæc tubera in utroque crure, sed absque exulceratione ostendit.

Hoc malum ab hoc quoque morbo, & latente hujus putrefactione procedere, gliscenteq; ab hac febre, amplius crassos humores, hujus morbi causam

*Tuberculorum  
scorbuticorum  
causa & signa.*

tenuium exiccatione inspissante & adurente, præter pulsum parvum & inæqualem, atque huic morbo peculiarem, urina crassa, variis & diversis excrementis, partim subsidentibus, partim urinam conturbantibus, insignita, vel in substantia varia, demonstrabat.

Quibus majore certitudine tumoris qualitas, morbiq; novitas & coincidentia cum his aliquando hujus morbi symptomata, paralysis, vel atrophia, aut similia huic morbo convenientia accidentia subscribunt & attestantur, omnem dubitandi ansam præcidentia,

*Curatio tumoris scorbutici.*

Quomodo autem & quibus remediis topicis tumores hi curandi sint, ac num, ut in Gallico morbo, ad quem etiam in tumoribus alludit, potenciali medicamento ij aperiendi sint, vel intrinsecus medicamentis ad hunc morbum facientibus, depellendi, non satis adhuc exploratum habeo.

*Gesneri experimentum in natis Mediolanensibus.*

Laudat Gesnerus, & certo experimento, doctissima sua de aquatilibus historia, carnis tuberibus, natis à Mediolanensibus appellatis, commendat Rubetam, vel nigrum bufonem terrestrem,



strem, qui sub *Salviæ* radicibus sæpe-  
numero invenitur, his tuberibus su-  
perligatum, quod sua carne & sub-  
stantiæ proprietate tubera hæc eum  
abolere & liquefacere putet, sicut la-  
tius Corollario tertio, libro de aqua-  
tilibus quarto, historia de ranis, qui-  
libet apud authorem ipsum legere po-  
test.

Sed an nostris hisce tumoribus re-  
cte ille superligari possit, non satis af-  
firmare ausim: Attamen illud testari  
possum, viridis graminis, quod semen  
ranarum quidam esse arbitrantur,  
quodq; in vere & prima æstate, multa  
copia super aquis nostris invenitur,  
decocto, ac destillato liquore, magno  
commodo & utilitate hæc tubera ab-  
luta fuisse, illa imprimis, que exulcera-  
tionem patiebantur.

Meo iudicio molli medicamento re-  
cte hæc ulcera tractari, & vino vel solo,  
vel aliis in vino ad hunc usum decoctis  
ablui puto. Exhibitis intus quæ hanc  
putrefactionem arceant, humoresq;  
crassos & frigidos attenuent, incidant  
& diluant, donec rursus ad temperiem  
reducti humores sint.

*Canon therap. 1.  
spec. in tuberi-  
bus scorbuticis.*

Quo curationis modo in tinctoris filia mediocres inceperam facere progressus, nisi ordinem hunc, & diætæ ac victus rationem inturbasset avunculi mors, necessaria ad curationem suppeditantis.

Nam ab ejus morte vitæ necessarijs destituta, cum paupercula esset, necesse fuit curationis cursum nos intermittere.

*Liquor per-  
larum.*

Sunt qui prædictis accidentibus perlarum liquorem commendant, quo in similibus casibus non infelicitè quendam operatum fuisse, veritatis studio nos confiteri decet. Plura quæ de his scribam non habeo. Si quid præterea quod ad hanc curationem pertinet cognovero, libens communicabo, Si quid etiam lectori inciderit, vel monstratum, & à DEO optimo Maximo concessum fuerit, ut idem faciat rogo, ne quod humanis usibus fervire queat secretum occultetur: interea præsentia lector boni consulat oro.

### *Observatio XXI.*

Qui discendi mercatus causa ex Marchia Hamburgum venerat ad-

adolescens, cum gravissimis & nocturnis capitis doloribus, nec non faucium exulcerationibus ex lue venerea laborarat, curatus à me decocto ligni est. In qua curatione alioqui non admodum pinguis, ita extenuatus est, ut inter curandum jacula ei & coctas carnes exhibere fuerim coactus.

*Historia adolescentis doloribus capitis & faucium exulcerationibus ex lue venerea laborantis.*

Huic sub curationis finem, cum fortè è lecto surgere vellet, ecce subito, & præter omnem expectationem, dolere pes cœpit, & paulo post resolvi, ut non magis atque nuper natus infans ei inniteretur. Visæque tum urinae crassæ & conturbatæ sunt, in quibus multa crassa & furfuracea corpora subsidebant.

*Signa scorbuti.*

Cum quibus occurrebat in brachio pulsus parvus, debilis & inæqualis. Unde de morbi specie admonitus, brevi medicamentis accommodatis huic malo obviamivi, ut rursus DEI beneficio pedibus ad libitum uteretur. Hic de utriusque parentis obitu, uno eodemque die triste nuncium acceperat.

Quamobrem num ei suavissimorum parentum ex hac vita discessus, vel

con-

*Tristitia causis  
scorbutum faci-  
le misceri.*

*Cur scorbutus  
hodie late grassetur.*

conceptus ex priore morbo pudor & dolor, vel victus præcedens melancholicus, occasionem huic morbo dederit, non facile dixerim. Nisi quod usu & nostra qualicunque observatione constet, tristitiæ causis libenter hunc morbum immisceri.

Quas, quia plures præsens Reipub. status, & justum DEI erga peccata iudicium, suppeditant, hinc fieri arbitror, quod solito frequentior hodie hic morbus occurrat, & latius etiam ad campeltria loca, & peregrinas regiones rationesq; ut olim Gallicus morbus, promœria sua dilatet & extendat.

### *Observatio XVII.*

*Nautæ genus  
hominum miser-  
rimum.*

**N**Auta Hamburgensis ex eo hominum genere, qui ex Marchia rates Hamburgum advehunt, (genus hominum miserrimum, quod cum arido, parco, & parabili victu, perpetuo aeris injuriis expositum, frigora nocturna, caloresq; cogitur perferre diurnos) sub plantis pedum ambabus, primum titillationem sensit molestam, & ab ea postridie utriusque cruris resolutionem, ut nec inniti sis, nec in vicem



vicem transferre ea posset, nisi quod inter decumbendum leviter sursum ad muscutorum capita ea admove-  
ret.

Urina crassa & alba, multa corpora cineritia, seu cineritij coloris graviora & crassa continebat, instar arenæ partim rotunda, quæ à fundo, nisi fortiore matulæ motu, non elevabantur: Hic etiam iisdem fere quibus prior medicamentis restitutus, rursus ad consuetas suas operas rediit, lætus de felici morbi sui curatione.

*Signa scorbuti.*

### *Observatio XVII.*

**M**ercator Breslaviensis, qui Dresdæ sub Electore Augusto habitabat, sub Martini festum febre vehementiore, & gravissimis Epatis ac vificæ fellis obstructionibus (contestantibus id alvi ac vificæ excrementis) corripitur. Ex quibus cum nostra, divina auxiliante gratia, opera mediocriter convalesceret, & paulatim confirmari inciperet, subito & præter spem accidit, ut quodam die, cum de lecto surgere conaretur, alterum crus ei inutile

utile fieret, neque quicquam ei inniti posset, aut de loco id transferre.

Quod tamen, ita ut prior, leviter inter decumbendum ad musculorum principia & exortum admovebat.

Curatus hic quoque in quatuor aut quinque diebus nostra opera DEI gratia est, ut quo vellet prodiret, non parum ob felicem & celerem hanc curationem animo gestiens.

*Scorbutum cum aliis morbis vel in initio, vel medio vel declinatione aut contingere aut primum sese exerere.*

Cæterum ex hoc loco mihi incidit, quod hic rectè moneri posse puto. Scilicet aliquando fieri, quod cum aliis morbis scorbutus indicat & concurrat, & quod hoc vel initio eorum, vel medio, vel eorundem declinatione & fine fiat, aut quod sub his temporibus primum sese exerat, aut suum virus ostendit.

Quod scire utile propter curationem est. Ideo quod sæpe absque hujus noticia infelicitè reliquorum, & coincidentium morborum curatio procedat, sæpe etiam integram aliorum curationem ille remorerur.

Ut propterea verisimile sit huic, & ei qui vigesima prima observatione nobis descriptus æger est, primum sub

sub motbi finem hunc motbum advenisse, vel quod verisimilius est; vires tum suas primum exeruisse. Quod optatum omnibus velim, tam curationis, quam dignotionis ergo. Siquidem præterquam quod sic difficilior ejus agnitio sit, non raro contingit. quod competens huic curatio reliquis & junctis ei morbis adversetur.

Quo in casu utar causam *ἐν τῇ αἰτίᾳ*, *Canon therap. gen. 21.*  
id est sine qua non habeat, diligenter

expendere & considerare medicum decet. Ut indicatione à viribus sumpta, ei primum & potissimum occurramus, unde maximum imminere viribus periculum putamus. Vel unde aliorum morborum causam futuram curationem judicamus, conjunctis morbis interim non neglectis. Sicut latius de his & pulchrè Galenus in collatione morbi & causæ, decimo suo de medendi methodo libro ostendit. *Cap. 1.*

Quem in his similibus sequi eum decet, qui industriam ac prudentem curationem, quam amare omnes debent, amplectitur & amat.

*Observatio XXIV.*

**B**Ubulco à domino suo dimisso, & Balium dominum, ac habitationis sedem quærenti, eamque prope Hamburgum in Embsbittel, ut vocant, pago Hamburgensibus subiecto figenti, subito & de improvviso utrunque crus resolutum fuit.

*Signa scybunt.*

Quas ad me, vicinorum instinctu, deferri urinas curavit, visæ albae, crassæ & conturbatæ sunt, in quibus quæ subsidebant in fundum matulæ excrementa, arenularum crassiorum similia erant, gravia & rotunda. Quas in morbi enarratione certum hujus morbi argumentum habere ostendimus.

Quapropter etiam iisdem fere, quibus priores, medicamentis, ad sanitatem DEI beneficio hic revocatus est, Quo nomine DEO maximo laus & gloria.

*Observatio XXV.*

**A**Dolescens annorum quindecim, Bonarum & liberalium artium  
lin-



linguarumque studiosus, ac corporis constitutione molli & delicata, ab hyberno frigore, hominum quibuscum vivebat importunitate graviter læsus, sub vernum tempus paulatim, & in pluribus diebus, hac cruris utriusque resolutione tentabatur. Quæ supra sex mensium spacium morbi ignorantia, eum lecto tenuit affixum.

A qua postea frequentiore balnei usu, & duorum catharticonum validiorum exhibitione, ab empirico illi administratorum, convalescere cum temporis mutatione, post festum Jacobi cœpit. A quibus parum adfuit quin periisset. Quod pro tenellæ corporis constitutionis ratione, nimis audacter, ne dicam temerè empiricus processerat, nulla habita temperamenti ac teneritudinis ratione. Quandoquidem tenerum corpusculum ac molle esset, literis & studiis magis, quàm laboribus natum.

*Adolescens  
studiosus ab  
Empirico cum  
periculo curatus.*

Et si, ( ut quod verum est fatear ) superata hæc medicamenta plurimùm ei profuerunt, utpote à quibus indies magis magisque vires ac motum æger recuperavit. Hic nunc valet, pedibus

impedimento utens, cujus nomine sit  
Deus omnipotens benedictus.

### Observatio XXVI.

*Signa paraly-  
scos scorbutica.*

**S**enex Consul Hamburgensis gener,  
diu cruribus impotens, tandem omni-  
moda horum resolutione tentabatur.  
Eum medici ante me ad curationem  
asciti, paralyticum veterum paralyfi di-  
cebant. Et si huic quoque, quod prius  
commemoratis, adesset, quod leviter  
crura inter decumbendum ad musculo-  
rum exortum attraheret: Et præterea  
peculiare huic esset, subinde aliorum au-  
xilium & levi adminiculo, commodè in  
plano & cubiculo suo ambulare. Cujus  
variarum vices erant.

Nam qui pridie levi aliorum susten-  
tatione ingressus fuerat, & solus stete-  
rat, postridie neque stare, neque se di-  
movere, aut pedem transferre poterat.  
Idque rursus post paucos dies ei con-  
cedi, iterumque negari, ut alteri cui-  
dam seni, videri licebat. Mira quidem  
vicissitudine, & diversa atque alia, quam  
in veterum paralyfi contingere solet, ra-  
tione.

In

In qua propter primariam nervorum affectionem permanens hic morbus & ad sui solutionem esse solet. Unde etiam illud consequitur, magis à vaporibus frigidis, & maligna eorum qualitate, quàm ab humorum in ipsos decubitu, malum hoc procreari, quòd non æquè facilis humorum, sicque notum omnibus medicinæ candidatis est; sit affluxus & refluxus. Juxta illud Hippocratis, *Plurima verò nonurgent.*

Hunc sceletyrbe laborare, & ab hoc morbo sic pati, cùm propinquis contradicentibus, collegis ætate provectis viris, sed in arte & praxi medica parum exercitatis, persuadere non possem, etsi manifestè præter morbi mores pulsus & urina id testarentur, curationem iis commisi. Qui pro paralytico simpliciter eum curaverunt, at nullo successu.

Siquidem post sextum vel quintum à morbi initio mensem, quotidie in deterius ipsorum curatione delabens, suum clausit diem. Scripsi de hoc symptomate exempla plura, ut de urinis, de quibus supra in morbi enarratione diximus, veritas constaret.

Et hoc ultimum, ut intelligeremus alias subinde, atque in veterum paralyfi, mutationes, in hac resolutione conspici, ex quibus non contemnendum hujus indicium exoriatur. Quod majore certitudine postea urina & pulsus confirmant, si talia qualia huic morbo familiaria ea esse ostendi, occurrent. De quibus quia abunde suo loco dictum est, nihil opus hinc otiosa ac superflua eorum repetitione est.

### *Observatio XXVII.*

Quemadmodum jam dicti crurum resolutione tantum, ita dimidii, & alterius lateris paralyfi, ab hoc morbo anno octuagesimo correpti permulsi fuere. Inter ceteros verò quidam in agro Kedenfi agricola, nobilitatis privilegio gaudens, epatis temperatura humida & calida, & corporis constitutione crassa & quadrata. Hic ob continuas pluvias frumenti collectionem prohibentes, tacite se affligebat.

*Causse secleribus.*

Nam aëris constitutio humida & frigida, omnem spem messis, quæ eorum ibi opes sunt, præcidebat.

Estque



Estque alioqui familiaris ipforum ibi  
 victus crassus, melancholicus & excre-  
 mentitius, ex anatum anserumque car-  
 nibus, quarum magna ibi copia est, ut  
 non meminerim uno in loco, & apud  
 unum agricolam, plures anates me vidis-  
 se anseresque, quàm ibidem.

Quibus accedunt aquæ patriæ crudæ,  
 sublimes & stagnantes, vel crudæ & sal-  
 sæ, quibus tum cibis apparandis, tum  
 decoquendis cerevisiis suis utuntur. Ut  
 non mirum sit hisce & similibus mor-  
 bis, ex tot tantarumque causarum con-  
 gerie eos corripipi & infestari, potissi-  
 mum quando ad hæc tristitiæ causæ ac-  
 cedunt.

Qua, ob causam prædictam, diutius  
 hunc premente, præter omnem exspe-  
 ctationem sub horam secundam noctis,  
 à primo somno, hac dimidii lateris para-  
 lyfi hic corripitur, ut nullum istius la-  
 teris articulum, quem dimovere posset,  
 haberet. Qua octiduum totum plus mi-  
 nus laboraverat, ante meum isthuc ad-  
 ventum. Quando urinæ quas reddidit,  
 visæ crassæ, rubicundæ & subfusæ sunt,  
 similes earum, quæ in febre quartana  
 conspici solent.

*Signa scor-  
 buti.*

Cum quibus pulsus altus, durus &

ferratilis, febrem arguebat, & humorum putridorum incendium; attestante huic & fiti vehementiore, qua æger infestabatur.

Ego ex pulsu & urina fusca, de specifica humorum putrefactione, & ab hac de hoc morbo admonitus, præterea à causis procatarepticis, & invasionis modo ratus æquè atque crurum resolutionem, etiam dimidii lateris, & plurimum membrorum paralyfin, ab hoc morbo excitari posse, curationem iis, quæ febri & huic morbo debentur medicamentis, aggressus sum.

Nam si Plinio credimus, à paucorum dierum vitiosarum aquarum usu similia Cæsaris militibus vitia tum in cruribus, tum in toto corpore advenisse: quid miramur ab iisdem & diuturniore eorundem usu, nobis hæc & his graviora advenire, vel à pluribus concurrentibus & simul adjuvantibus causis, ea cumulari?

Itaque ab hoc Plinii testimonio, & prædictis indiciis & signis, de hoc morbo commonefactus, ex tot differentibus à veterum paralyfi signis, nihil præter mendacem morbi speciem, cum ea commune hunc morbum

bum habere, certis rationibus mihi persuasi.

Eoque magis, quòd eodem isto anno octuagesimo, quàm plurimis communis esset, & tam macilentis, quàm pinguibus & obesis contingeret, iisque potissimum, quos cum crasso & melancholico victu, diuturnior premeret tristitia.

Quamobrem ex ejus frequentia communem causam subesse, oportere, ex Galeno & Hippocrate edoctus sum, quænum cum hoc morbo & specifica hujus putrefactione communicaret, porrò pulsus & urina ostenderunt, aliæque quibus à veterum paralyfi differebat, symptomata.

*Reg. diagn. 20  
ex morbi frequentia.*

Nam si quis nobis in his regionibus morbus occurrat rarus, vel etiam aliquis veteribus cognitus, sub aliis & diversis, atque plurimum ab eorum descriptione discedentibus signis, statim mendacem ejus speciem suspectam habere oportet, & huc atque ad hunc morbum cogitationes dirigere, diligenterque cùm morbi mores, & causas ejus antecedentes, tùm pulsum & urinam explorare, taliane sint quæ huic morbo convenient,

*Regula diagnost. generalissima.*

*Vid. sup. pag. 46. 47.*

eumque quadam sua proprietate exprimant & demonstrent.

Quod si in hujus generationem ea conspirare animadvertas, & talem affectum effectusve edere, quos ei familiares fuisse, ante tot secula Græci medici, qui castra Cæsaris sequuti sunt, prodiderunt, non video quis præterea dubitationi locus esse possit, nisi perpetuò cogitationibus nostris oberrare, & incertum vagari velimus.

*Paralyseos  
scorbutica  
curatio.*

Quamobrem ab his de morbo ejusque causa hîc edoctus, nihil dubitavi curationem huic morbo, scorbutò convenientem instituere: curationis initio, propter ejus redundantiam & febris admixtionem, à sanguinis missione facto.

A qua mixtis porrò febri & scorbuto medicamentis eousque rem DEI beneficio in octo diebus, quibus cum eo fui, perduxî, ut brachium supra caput elevaret & attolleret, tujus ne digitum prius dimoverat, & crus antea rigidum & immobile, quantum sanum, ad se adduceret attraheretque; paulatim magis magisque in mea absentia confirmatus, ~~et~~ propter loci intervallum,

&



& meam absentiam, multa fieret medicaminum intermissio.

### Observatio XXVIII.

**P**raefectus castri Ritzenburgici, etiam simili dimidii lateris paralyfi, à primo somno cum multis & manifestis febris indiciis correptus fuit, febrem indicantibus praeter sitim & oris siccitatem, atque pulsum magnum & crebrum, urina crassa, rubra, & subfusca.

Est hoc castrum non procul à maris septentrionalis littore situm, ubi eadem, quæ in Frisia utraque aquarum ratio est, quibus ad decoquendum cibum, & cerevisias suas, passim ibi agricolaë & incolæ utuntur. Cum quibus & cibus praefectus hic delectabatur crassis & melancholicis, cujusmodi frequens ibi tum usus erat, sicut meis oculis vidi. *Causa paralyfis scorbutica.*

Hic etiam propter frumentum in agro corruptum, & à continuis pluviis extinctum & submersum majore tristitia ac longiore affectu, idem quod prior, à somno repente passus est. Nam prolem domi habebat co-

piofiozem, & præfectura hæc reſtricta ei tantum ad certos annos, ſex ſcilicet vel ſeptem fuit, ex lege & conſuetudine, Hamburgenſibus, hujus caſtri dominis, recepta & ſancita.

Accedebat ætas vergens, quæ ferè ad rem onines attentiores facere ſolet, & eò plus de viatico ſolicitos reddere, quò minus reſtat hujus vitæ viæ & ſpaciî. Cùm baculus panis noſtri DEUS ſit, ſi ex animo hoc ipſi concederemus.

Sed hæc ſtulta hominum ſolicitudo eſt, ut in futurum longius sæpe proſpiciant aut proſpicere cupiant, quàm ſua aut ſuorum vita nonnunquam attingit.

*Paralyſis ſcorbut. curatio.  
Vide p. 150.*

In hoc quoque cum craſſior ſanguis abundaret, à venæ ſectiõne curationis initium factum eſt. Poſtea convenientibus huic morbo & feбри remediis, diebus quatuordecim, quibus cum eo fui, res eò deducta DEI beneficio fuit, ut crus prius immobile, (poſt viginti dierum doctiſſimi alioqui medici curationem, ſed circa hunc morbum minus exercitati) ſpontè in altum elevare & concutere, manumque leviter movere inciperet, manifeſtos quotidie faciens progreſſus.

Qui

Qui post nostrum isthinc discessum nulla habuit incrementa, sicut à filio ipsius cive honesto, & præclaris ingenii dotibus prædito, intellexi. Nam nullis nostris monitis obtemperans æger consueto victui melancholico & crasso indulgit, genio suo serviens. Et si ad septuagesimum annum accedens ætas, suorumque salus & commodum, melius ac rectius eum hac de re admonere debuissent,

### Observatio XXIX.

**E** Andem hanc paralyfin, alius illius civitatis Hamburgensis civis, & celeberrimi olim mercator, post grave damnum, debitorum perfidia acceptum, expertus est. A quo eo gravius vulneratus ipsius animus fuit, quanto elegantior, & honesti rectique amantior fuit. Quos magis etiam adversa fortuna afficere solet. Siquidem talis esse omnium testimonio perhibebatur.

*Causæ paralyfis scorbuticæ.*

Hujus urina, cum eum primum viderem, rubra quoque & subobscura fuit, atque subfusca, & pulsus cum molestia oris siccitate justo crebrior. Curatus etiam iisdem à me medicamentis est,

*Signa scorbuti.  
Paral. scorb.  
curatio. Vides  
p. 298.*

est, quæ cum febris curatione malum hoc profligant, ut intra quinque hebdomadas rursus templa visitaret, etsi annum ætatis suæ ageret septuagesimum tertium.

*Historia paraly-  
tici scorbut.  
laborantium.*

Simili paralyti rusticus Holsatiæ, & senex ille, qui molestam litem extra patriam diutius persequebatur, laborarunt, & præter hos alii quàm plurimi: Siquidem hoc tempus calamitosum & triste, atque hæ annorum constitutiones frigida, & intemperata, hujus morbi ac mali feracissimæ esse videntur. Nam quos hac affectione laborasse novi, omnibus ferè vel post crassum, & melancholicum victum, vel post diuturniores tristitias advenisse eam memin.

Quemadmodum etiam ab hac causa Syndico Hamburgensi accidit, ob nugaces astrologorum prædictiones, sicut ille mihi confessus est, gravius se torquenti, etsi aliam tristitiæ causam alii conjicerent.

*Præservatio à  
scorbut.*

Quod scribo ut hoc tristi tempore & calamitoso Reipub. statu, quomodo erga hunc morbum se tueri oporteat, quilibet cognoscat, cui mediocres facultates & mediocria commoda



da vitæ , cum Christi cognitione DEUS concessit & largitus est , ut his contentus , cum divini numinis prædicatione & laude , iis lætus utatur , & fruatur. Atque hoc cum DEI quoque munus & opus sit , qui tristis est , pro hoc beneficio DEUM invocet , interea si facultates permittant , cibis utatur laudatissimis & boni ac laudabilis succi , ac modico & generoso vino Rhenano vel simili.

### *Observatio XXX.*

**M**atrona honesta , honesti civis & mercatoris Hamburgensis uxor , gravissimis ventris , & membranarum , muscutorum , crurum & abdominis lincinationibus doloribusque laboravit , adeo intensis & vehementibus , ut præ doloris magnitudine maximè sub noctem , quò se verteret , nesciret.

Ejus urinæ crudæ , crassæ & albæ , *Signa scorbuti.* multis crassis & rotundis , ac gravibus corporibus subsidebant , cum quibus tota urinæ substantia crassa & conturbata viscebatur , varia & variis excrementis variegata . Sub vesperum ferè levif-

levissimo. horrore infestabatur, quem nullus sensibilis calor subsequabatur.

Pulsus parvus & inæqualis erat. A cathartico semper urinæ visæ, ut fieri solet, conturbatiores sunt & graviores dolores.

Primis enim curationis diebus, communem curationis methodum sequuti, iis, quæ crudos humores concoquant & incidunt, quæque concoctos expurgant, medicamentis curationem attentavimus, sed nullo curationis successu.

Tandem ex perseverante præter rationem urinarum substantia crassa & conturbata, atque sedimentorum substantia diversa, permanenteque super his urinarum perturbatione & pingui earundem superficie, de sceleris admonitus, iisdem quæ cruditatem concoquant medicamentis, ea admiscui, quæ ad hunc morbum usus monstravit, becabungæ scilicet decoctum cum paucis aliis, ejusque expressum recenter succum.

A quibus intra tres dies curata fuit, absque purgante medicamento, urinis laudati coloris cum probis sedimentis apparentibus. Cæterum dum his medic-

dicamentis uteretur, crura & ventrem lintheis conduplicatis & calefactis involvit. Tantum in his momenti diligens urinarum observatio habet. . Quamobrem medica praxis virum attentum & sobrium postulat.

### Observatio XXXI.

**S**imilibus crurum lancinationibus civis alter quinquagenarius, idem quoque Hamburgensis laboravit, non continuo sed per intervalla infestantibus, & ad sui recursum ægrotantem ad ingressum tardum & impotentem facientibus, ut absque adminiculo in plano & intra cubiculum pedes invicem transferre non posset.

Hujus urinæ tenues & citrinæ, morbum ejusque causam occultabant, quam pulsus prodidit parvus, debilis & inæqualis. In hoc victum crassum & melancholicum huic morbo occasionem dedisse dubium non est. Nam ad rem attentus erat, & corpore crasso ac subrustico.

*Signa scorbuti.*

Curatus tamen iisdem ferè, quibus prior medicamentis in tribus diebus fuit,

fuit, constituta prius convenienti vi-  
ctus ratione, & pro potu communi  
exhibito ei vino Gallico rubro. Diu-  
turnior tamen radice morbi præcisio  
fuit, ut illius quoque quem vehemens  
brachii lincinatio vexabat, etsi in illo  
quoque paucis diebus sublatus dolor fu-  
erit.

*Reg. diagn.  
spec. 30. in  
lancinationibus  
crurum.*

In his & similibus tùm ad pulsus,  
tùm ad urinam attendere oportet. Et  
considerare nùm ex certa aliqua causa  
& ratione ad hæc lincinationes hæ fi-  
ant & consequantur, nec ne. Quod si  
nulla manifesta causa sublit, ex qua se-  
qui debebant, & hujus morbi signifi-  
cationem pulsus & urina habeant, quod  
huc & ad hunc morbum cogitationes  
dirigere oporteat, rationi consentaneum  
est, quatenus ex suis indiciis & signis  
unumquemque morbum dignoscere, &  
ab aliis discernere ac distinguere ne-  
cesse est, quod signorum confusio o-  
mnem medicandi rationem tollat & e-  
vertat.

### *Observatio XXXII.*

**A**ltera matrona honesta & suo  
marito chara, cum vomitu & fre-  
quen-



quentibus alvi defectionibus, intensis ventris ac intestinorum torminibus, ex quibus graviter ægrotabat, ob hoc morbo quoque correpta fuit. Initio continua, ut videbatur, febre laborabat, quæ post quintum diem tertianæ & intermittentis febris typum, at mendacibus tam nocturnæ, quam veræ tertianæ signis ostendit.

Post septimum paroxysmum inter cætera, ægrotæ de vehementi angustia sub diaphragmate ad ventriculi regionem infestante, conquesta admodum est, ut ab ea sibi & vitæ suæ metueret, erectaq; spiraret, & cibum non nisi cum difficultate deglutiret.

Cujus causa quidam ab experientia medicus, marito hujus à pluribus annis notus, cui ascitus curationis collega fui, à pituita sic eum infestari putabat. At ego contra post tot tantasque humorum eruptiones, atque tot febris paroxysmos, & tam multorum dierum inedia ac parsimoniam, adduci non potui ut crederem, de ventriculi dolore & pituitosis ejus excrementis tum magis, quam antea, conqueri eam debere, de qua nihil conquesta prius fuerat.

X

Quam-

*Signa scor-  
buti.*

Quamobrem ex victu melancholico & crasso, quo ūsa ac delectata fuerat, urinisq; nigris & subfulcis, atq; frequēti earum & præter rationem permutatione aliam subesse causam defendebam & convincebam, quam ab angustia proprietate, ut & ab urinis & pulsu, ac febris specie, & raris febris hujus symptomatibus, ac invasionis modo, scorbuto adscribendam esse obtinebam, pluribusq; rationibus ostendebam & demonstrabam.

*Remedium scor-  
buti cum febris.*

Quocirca feri caprini uncias quinque ex aceti affusione parari jussi, & in ijs cochleariæ manipulos duos aliquandiu macerari, ac fortiter exprimi mandavi, & post expressionem, syrupi acetosæ unicas duas ei addi. Idque totum frigidum illi bibendum dedi. Nam præterquam quod æstivum tempus & calidum esset, ac caniculæ, quod puto, tempus, ægrota quoq; plurimo calore æstuabat.

*Historia scorbuti cum febris.*

A quo bidui madore perfusa, ilico liberata ab his angustiiis, ut Consul Embdanus Nicolaus Horn, cum omnium symptomatum remissione, ac manifesta febris declinatione fuit.

Quam-

Quamobrem pergendum porro mihi in mixta febris ac scorbuti curatione putavi. Qua effectum Dei gratia ac beneficio fuit, ut pristinae valetudini restitueretur, quæ omnibus deploratae ac desperatae valetudinis esse videbatur.

In hujus morbi suspicionem primum urinæ me hic adduxerunt, variæ tum calore tum consistentia. Quam postea confirmavit jam dicta angustia.

Cujus curationem sub canicularibus diebus, ac vehementi aeris æstu, tardabat febris vehementia ac magnitudo, debilitantibus quoque illam hinc inde, cum alvi dejectionibus frequentioribus, tum gravissimis ventris intestinorumque lincinationibus.

Cum iisdem & similibus omnino symptomatibus, ab hoc morbo nuper duæ correptæ puerperæ fuere, quæ etiam nostra opera, DEI gratia, his medicamentis, aut similibus, & hunc morbum curantibus, rurtum ad valetudinem ex gravissimis suis morbis redactæ fuerunt.

*Histeria laborantium vomitu, dejectionibus, cum febre & angustia.*

*Observatio XXXIII.*

**Q**Uæ primo partu puerpera annum decimum octavum agebat, nautæ cujusdam in Hispania absentis uxor, diu ante partum tristes & submœsta, atque præter ætatem ac consuetudinem solitudinis cupida ac amans fuit.

Hæc quintâ à partu hebdomada, pungente lateris dolore, cum tussi & sanguinolenta expuitione, notha scilicet pleuritide correpta, paucis nostris medicamentis anodynis & foris inunctis, & sputum facilitantibus concoquentibusq; eclegmatibus & syrupis, intra triduum DEI gratia ab hac liberata fuit, apparentibus tum urinis colore & substantia laudabili.

*Signa scorbuti.*

Quæ rursus post biduum à facta hac curatione conturbatæ, crassæ & subrubicundæ visæ sunt, cum fursurae excrementis, manifeste colliquationis signum habentibus, quas sic absq; siti, aut ullo molestioris caloris sensu reddebat.

Atque tales toto morbi tempore eas fuisse, & ante partum quoque, pa-

ren-



rentes quibus cum domi vivebat affirmabant. Quas manifestum hujus morbi indicium habere, antea dixi, si absque certioris morbi significatione, & citra humoris melancholici expurgationem, tales diutius excernantur.

Appetitus extremè prostratus erat, etiam propter animi forte dolorem, quem credibile est juvenulam & nuper nuptam, puellam teneram & delicatam, ex diuturniore mariti sui absentis desiderio contraxisse, pulsus parvus sentiebatur, debilis & inæqualis, adeo ut vix digitis perciperetur.

Qui etiam meritò talis fuisse censi potest, propter mortis instantiam, ac nativi & innati caloris extinctionem & interitum. Pridie quam moreretur, de genu alterius dolore conquesta, ab exteriori ejus parte, maculas nigras & scorbuticas majores, huic morbo, sicut tonsores nostri noverunt familiares, nobis ostendit.

A quarum eruptione, postridie, diebus quos bachanales ex gentilium appellatione denominant, placidè decessit. Diebus inquam, quibus ignara

DEI plebs populusq; crapula & ebrie-

*Bachana-  
lia.*

tate se contra grave DEI mandatum onerare, & splendide epulari solet, hæc DEI optimi maximi mensis cum pijs omnibus accumbere, epulisq; celestibus suavi conditionis permutatone satiari meruit, præsentis vitæ calamitatibus defuncta.

Siquidem pia & modesta fæmina, in constanti Christi Domini & Servatoris nostri confessione ac fide, à divini verbi ministro proposita, quiere obdormivit. Quod nobis etiam peracto hoc vitæ curticulo concedat misericors Deus & Pater, in Christo filio suo dilecto, Amen.

*Signa scorbuti.*

Hæc ad cutem & ossa consumpta erat, cum hac pleuritide corripereetur, & à me primum visitaretur, ut sceleti verius quam hominis speciem ac formam referret. In qua si tempestivius medicum consuluisset, scorbutum morbum ostendere urinæ prædictæ, absq; siti & molesto caloris sensu excreta potuissent.

Atque præter has pulsus, & citra ullam morbi manifesti significationem ac præsentiam languor continuus: nec non præter causam veteribus proditam adveniens ipsi tabes & marcor.

Qui-

Quibus subscribere debuissent, vitæ, & vitæ ratio melancholica ac tristis.

*Observatio XXIV.*

**P**auper & miser qui Hamburgi extra portam ad Albim decumbebat & annum unum ab hoc morbo ægrotauerat, ad ossa consumptus quoque erat, cum primum ad invisendum eum invitaret. Ita ut desperata tum ejus curatio videretur, ejus dico, cui nulla recuperandæ valetudinis media suppetebant.

Estq; ad conferendum liberaliter eleemosynas populus ibi tardus, cum quod Christiana charitas refrigerata sit, tum quod propter temporum angustiam ac difficultatem, sua cuiq; sit curta suppellex.

Præscripta tamen ei quædam à me medicamenta solatij ergo sunt, quæ anxietates, quibus per intervalla laborabat, nonnihil quidem mitigabant, sed radicitus morbum ejusque causam præcidere non valebant, multo minus exhaustum ejus corpus reficiebant restaurabantq; , utpote quem

ad bene beateq; vivendum media deficiebant.

*Supr. 163.*

Neque erat tunc satis adhuc, ut verum fatear, nota mihi hujus symptomatis curatio, quam propterea eo diligentius in morbi enarratione examinavi & excussi, quo rectius in posterum sic affectis consuli posset.

Itaque cum post plures hebdomadas mortem instare atque adesse ipse sentiret, in futuræ vitæ, & adventantis Christi Domini ac Servatoris sui spem certam manus suas attollens, cum de Jesu bonitate & misericordia, quæ omnibus afflictis præsto est, ei loqueremur, tandem vitam hanc ærumnosam feliciore morte, imo vita beatiore commutavit, nobis quoq; ejusdem auxilium favoremq; precatus.

Quem propter eundem suum filium Dominum & redemptorem nostrum sic ad ultimum vitæ halitum, mihi pro ineffabili sua misericordia Deus conferat & conservet, indiesq; pro immenso suo erga genus humanum amore ac dilectione auctiorem reddat, ad sui nominis gloriam, & animæ meæ salutem.

Hujus urina à sani hominis lotio  
nihil



nihil differebat, ut nullum inde indicium capi potuerit. Sed pulsus parvus & languidus, non obscure morbum detegebat. Quem liquidè quoq; anxietates monstrabant, sub diaphragmate ad ventriculi regionem instantes, ac respirationem coarctantes.

*Signa atrophie  
scorbutica.*

Quibus languor accedebat, & ex nulla manifesta causa veteribus cognita, marcor & atrophia confirmantibus idipsum, quæ sub vitæ finem erumpebant, maculis purpureis & citrinis, per totum corpus disseminatis.

Atque his uberiore indicio subscribebat victus melancholicus & nauticus, quo usus hic semper fuerat. Nam piscator erat, aliis quibus operam suam locabat, certa mercede subserviens.

### *Observatio XXXV.*

**I**N eandem atrophiam ac consumptionem ab hoc morbo incidit apothecarius Hamburgensis. In quo cum febre & saturatæ rubedinis urinis morbus incepit, apparentibus quæ in matulæ

tulæ fundum subsidebant excrementis  
crassis, furfuraceis & subrubris.

*Signa scor-  
buti.*

Pulsus in initio vigente febre occurrebat durus, ferratilis & inæqualis, non dissimilis ei, qui in pleuritide, ossibusque adjacentium membranarum inflammationibus sentitur, absq; eo, quod quicquam de his æger conquereretur. Qui postea trahente morbo moram, & febre deservescente, adeo languidum & parvum se digitis offerebat, ut cum tali pulsu hominem vivere posse, Italus medicus, nostrarum constitutionum ignarus admiraretur.

Nam repere magis quam pulsare videbatur, & cum veterum pulsum aliquo collatus, nulli proprius assimilari quam vermiculari poterat, etsi interea obambulando, omnia domi & intra privatos parietes officia, æger obiret.

*Regula in prognosi observanda.*

Quapropter qui in medicis prædictionibus apud nos aberrare nolit, non unam tantum, sed omnes regentes corpus nostrum facultates simul considerare, & inter se conferre debet: Et si quæ debilior aliquod mali præsagium ostendat, diligenter perpendere

dere

dere & examinare, num illi quoque reliquarum facultatum actiones consentiant.

Sæpe enim ex morbi proprietate quædam nostrę facultates afficiuntur, unde non tam debilitas earum quam morbi proprietas designatur.

Quemadmodum videre in hoc morbo licet, qui quantum dijudicare ex pulsu possumus, vitali cordis facultati extremè adversari videtur, eamq; ex sua proprietate infestare, sed non tam vitę ac mortis præsagio, quam morbi indicio, hoc signo se prodentis & ostentantis.

Quod hic diligenter cogitare medicus debet, qui in prædictionibus suis turpis videri nolit.

Quamobrem si quando in talem pulsum apud nos incidamus, non prius de vita & morte pronunciare debemus, quam reliquę corporis facultates nobis excussę sunt & æstimatę.

Similem pulsum nuper admodum experti in quodam juvene Embdano sumus, continua febre ab hoc morbo correpto, cum pulsu adeo parvo & languido sed crebro, ut vix digitis eum perciperemus. Cujus causa  
ægro-

ægotantem præmonui, ne de lecto temerè se præcipitaret, propter animi deliquium, quod hic pulsus ei surgenti minaretur.

Quemadmodum semel atque iterum expertus est, alvi exonerandæ causa ad surgendum invitatus. Quapropter ad omnia postea (respondente prædictioni nostræ eventu) obsequentiores habuimus non solum ægotantem, sed & domesticos & adstantes.

Fuit hic domesticus cujusdam Notarij Embdani Wiardi à Lengen, viri honesti ac probi. Hanc historiam obiter hic inferere volui, ut ab his de prædictionibus consideratè institutendis admoneremur, ne ab arteriæ pulsu, ac unius facultatis consideratione ijs formatis conceptisque temerè magis quam verè cum artis ignominia deciperemur, & nostrati vulgo ad contemnendas bonas artes proclivi, ullam calumniandi disciplinas honestas ansam & occasionem præberemus. Nunc quæ de priore historia pertractanda restant, porro persequemur.

In qua etiam hujus morbi indicio ac significatione notandi sunt, frequentes



quentes vomitus, quibus laborabat, conatus; absque ulla sensibili, quantum ad sensus & rationem, ventriculi affectione, subinde & per intervalla recurrentes, & sæpe inani magis vomendi conatu infestantes, quam quid dignum quod eo educeretur injicereturque.

Qui si aliquandiu, & per plures dies intermitterent, ut de victoria triumphum duo ejus medici senes, eadem fere curandi dexteritate prædici, canerent, ecce subito rursus & præter causam manifestam veteribus descriptam, iidem vomendi conatus, juxta nostram prædictionem, cum ventris lancinationibus, quibus impliciti erant, revertebantur, idque alternatis & divisis quibusdam vicibus, donec frequentiore eorum recursum, & diuturniore morbi glicentisq; febris ac putrefactionis hujus mora, totum ejus corpus exhaustum, sceleti magis, quam hominis formam referret, & faciei colorem æger citrinum ostenderet, super epatis affectione contestantem.

Diximus supra longiore hujus morbi mora epar vitari, ab eoq; vitiato alimen-

alimentum corrumpi ac depravari, indeque collectas superfluitates aliis in abdomen effundi, hydropico tumore illud attollentes, aliis in ventriculum, vomitu ac dejectione rejiciendas, sicut in hoc præfenti ægroto contigisse videmus.

Sed & cum hac totius corporis macie, à superata vi morbi, eum continuus languor, ac levis omnium membrorum, inprimis vero brachiorum resolutio apprehendit.

Ex quibus vix biennij spacio, post varias peregrinationes aerisq; mutationes, comparatis in eam rem curru & equis, eluctatus est, nihil missum faciens, quod ad corporis animiq; recreationem pertineret, subinde cantionibus musicis & instrumentis sese reficiens & oblectans.

Et si in cibo nullum ne tum quidem delectum servaret, ubiq; appetitui indulgens, nisi quod lacte & lacticiniis uteretur frequenter, & quibuscumque fere cibis diagalangæ pulveris aliquid misceret.

Atque ab hac victus negligentia nunc paulatim rursus eum absumi intelligo, qui hoc triennio toto mihi visus non est.

Hic

Hic si medicum in initio nactus fuisset, hujus morbi peritum, aut nostra qualicumq; opera uti voluisset, curari meo judicio in quatuordecim diebus aut circiter potuisset, sicuti ab eodem morbo curari nostra opera ibi fuerunt.

Sed fiunt hæc (haud dubie) DEI judicio ac providentia, ingenij nostri aciem obfuscantis, quando nos punire, ac paterne ad animi nostri salutem castigare decrevit.

In hoc ægroto in initio multa occurrebant, quæ hunc morbum indicare potuissent.

Imprimis urina crassa & subfusca, cum sedimentis superscriptis, præterea pulsus in morbi principio ob putrefactionis magnitudinem durus & inæqualis, absq; membranæ ullius affectione, & post diuturnam hujus morbi moram parvus & debilis. Tertio vomitus ex nulla manifesta ventriculi affectione incipiens & nullis veterum medicamentis cedens. Ultimo brachiorum paralyfis & languor, & sine manifesta ac veteribus cognita causa, atrophia & contabescencia.

Ob-

*Observatio XXXVI.*

**Q**Uæ ex diuturnis crurum ulceribus laboraverat fœmina, matrona honesta & marito sua chara, etiam ab hoc morbo correpta, cum modica fiti, & omnimoda appetitus dejectione fuit, nec non totius corporis lassitudine, & animi deliquio, quoties se erigere, aut de lecto surgere conaretur.

Qua de causa facili hac ad linquendum inclinatione, maritus percussus medico empirico à multis annis familiariter sibi noto, curationem amplius committere non ausus, sub vespere me accersiri curavit.

*Signa scorbuti.*

Qui prima manus meæ ad pulsum applicatione, ut morbum, sic deliquij causam cognovi, sicut postea tridui curatio comprobavit.

Nam in tribus plus minus diebus, paucis nostris medicamentis restituta integræ sanitati fuit. Hujus urinæ, cum primum eam inviserem, crassæ, albæ & turbidæ fuerunt, multo crudo & crasso excremento conspicuæ.

Pulsus autem parvus ut dixi & debilis,



bilis, similis illius, qui in ventriculi orificii obstructionibus sentitur, absque eo, quod quicquam de hoc ægra conqueretur: Simili deliquio complures ab hoc morbo correpti fuere, alii cum febre, alii citra febrim.

Soletque id certissimum hujus morbi argumentum haberi, sicut suprâ ostendimus, si præter rationem, & in lento morbo, à qua parum vel nihil decumbentes infestantur, illud adveniat. Ita enim duabus accidit puerperis, item adolescenti, & vicini mei sarta mecum tecta inhabitantis, sorori, virgini, civi Hamburgensi, nec non Illustris ac Generosi Comitis Ezardi conjugii Illustrissimæ, ac Dominæ meæ clementissimæ, aliisque quàm pluribus. Sed quia hujus symptomatis eadem ubique ratio est, nolo in recensendis hisce exemplis prolixior esse.

*Historia præli-  
vium ad lipo-  
thymiam in  
morbo lento.*

### Observatio XXXVII.

**D**Ejectiones varias ab hoc morbo experta tributarii filia est, quæ multo crudo frumento ventriculum cor-  
ruperat, quò colorem consequere-  
tur

tur albicantem, sicut stulta quadam persuasione, magno valetudinis incommodo, sibi invicem nunc virgines persuadent. Interea tantas sensit angustias, ut præsens suffocationis periculum, non abs re, omnes abstantes metuerent.

Siquidem præter respirationis difficultatem quam sentiebat, subinde quoque cum angustia densa caligine oculi suffundebantur, ut jam moritura videretur.

Sitis aderat infesta, etsi parum singulis vicibus biberet: Nam & febre laborabat continua, & pulsum habebat crebrum, sed parvum, debilem & inæqualem.

De angustiae sede interrogata, eam ad stomachi regionem sub diaphragmate monstrabat. Hujus curationem cum Luneburgi in curatione cujusdam patritii occuparer, tractabat doctissimus vir Doctor Joannes Bentzius, olim Electoris Saxoniae, nunc verò Daniae Regis medicus dignissimus. Cui, post reditum ad meos, ascitus collega curationis fui.

Ideoque ut primum ad ægrotantem convenimus, consideratis morbi sym-

pto-

ptomatibus, omnibusque excussis, præscriptis prius ab ipso medicamentis succi cochleariæ nonnihil admisuimus.

A quo in copiosum sudorem ilico soluta, postridie à repetito semel atque iterum medicamento, ab anxietatibus respirare coepit, quæ tertio die plurimum imminutæ, & quarto plane evanuisse videbantur, in octo diebus porro integræ sanitati à gravissimo hoc morbo restituta, alvi dejectionibus, quæ hujus morbi syptoma erant, spontè desinentibus, ne qua alia iis sistendis curatione opus esset.

Quæ etsi frequentes fuerunt, minimè tamen copia iis, quæ in diarrhœa fluunt, respondebant.

Sed hæc usu & exercitatione rectius, quàm traditione addiscuntur. Siquidem quantitates exquisitè in medicina determinare difficile, imò impossibile est, si Galeno credimus, primo ad Glauconem libro.

Cap. I.

### Observatio XXXVIII.

Æ Què frequentibus sed magis compactis dejectionibus ab hoc mor-

bo, cum maximis ventris torsionibus, subinde & per intervalla recurrentibus, laboravit quidam subruffus, brevis ac gracilis.

Cujus ruinæ crassæ & subrubræ erant, in quibus multa excrementa crassa & furfuracea subsidebant, à quibus nihilo magis superior urinæ substantia clarescebat. Quas hujus morbi non infidum argumentum habere supra diximus.

His juncta uberiore hujus morbi nota respirationis angustia erat, per intervalla recurrens, & sub diaphragmate ad ventriculi regionem infestans.

Quæ fluente alvo paulò remissior videbatur, eademque stante gravior, magisque respirationem coarctans.

A medicamentis huic morbo conductibus, cum angustia alvi fluxus ac tormina ventris cessarunt; symptomatibus morbi manifestè mitescentibus, quæ à bidui medicaminum horum intermissione, rursus ut prius, intendebantur & crescebant.

Erat enim in assumendis medicamentis æger difficilior ac tardior, neque mihi facultas quotidie eum invisiendi.



Quocirca cùm quodam ad eum die *Signa. scorbuti.*  
venirem, conspexi thoracem ea mo- *Cap. 4.*  
tus specie moveri, quam quarto de lo-  
cis affectis libro Galenus describit, in  
anterioribus scilicet versus jugulum,  
in utroque latere ad summum hume-  
rum, ut scapulas versus in parte poste-  
riore.

Sub qua respiratione pulsus occurre-  
bat parvus, debilis & inæqualis, cùm  
adhuc solus ante duas horas obambula-  
set, & spontè de lecto descendisset, atque  
tunc etiam firmo & valido iudicio omnia  
decerneret.

Itaque tam subitam mutationem ad-  
miratus, cùm ex virium imbecillitate  
eam sequi non posse mihi persuaderem,  
ob causas prædictas, non dubitavi ab  
auctiore respirationis angustia huic mor-  
bo competente, eam excitari ac com-  
moveri.

Quapropter accommodata huic an-  
gustiae ac respirationis difficultati me-  
dicamenta ei præscribo, donec pararen-  
tur in officina pharmacopæi commora-  
tus, & aliquamdiu post, donec à calore  
ad actum perductum medicamentum ef-  
se putarem.

Quando rursus eum inviso, & de va-

letudine percunctor, qui percunctanti mihi, se Dei gratia melius ac rectius habere respondit.

Erat quoque illa respirationis vehementia sedata, spirabatque rursus communi respirationis modo. Quare ubi aliquamdiu ad ægroti lectum confederam, & abitum aliò pararem, ægroto mandavi, ut quietum se in lecto teneret, neque facillè se dimoveret, quòd ea res animi deliquii, ex quo facillè revocari non posset, periculum haberet, adstantibus verò, ut eandem potionem statim post mediam noctem rursus ei exhiberent.

Atque iis abii, ægroto & adstantibus valedicens.

Cæterum ægrotus dicti immemor, cum aliquandiu post meum discessum periculum sese evasisse putaret, in lecto se (contradicientibus amicis) erexit, ut erectus in lecto federet. Sed paulò post deliquio, uti prædixeram, correptus, subito in dorsum relapsus est, unde revocari ob imbecillitatem non potuit.

*Prognost. 47.*

Est hoc ad animi deliquium huic morbo familiare, unde plurimi præter spem subito extinguuntur.

Quemadmodum nuper cuidam etiam puer-

puerperæ, foeminæ Antwerpianæ contigit, de furæ ac pedum dolore hujus quoque morbi symptomate, sicut antea dixi, diutius conquestæ; quæ subito, ut ab alvi dejectione rursus in lecto se collocare voluit, hac lipothymia correpta, extincta fuit. Quæ etiam ab hac angustia nuper altera correpta puerpera, inter loquendum obiit.

*Historia lipothymia subito extinctarum.*

Sed hos rursus suo tempore Deus excitabit, cum præcipientibus tubis, ad iudicium venturus Christus est, & se toti mundo conspiciendum dabit. Quod brevi futurum esse temporis acta commonstrant, si cum Evangelicis prædictionibus, ac vaticiniis Apostolorum conferantur.

Quæ hîc sceletyrben ostendant, in contextu diximus, ut nihil molesta eorum repetitione hîc opus sit.

Ipsemet quoque æger à medicamentis sese allevari, ac melius habere confitebatur, sed morosus & in assumendis illis tardus, quod naturâ ab iis abhorrebat, neque ægrotare antea, neque phar-maca bibere consuevisset, quoties meliusculè se habere percepit, ea neglexit, rursusque ad morbi recursum ea, sed paucis haustibus, repetiit, quantum ad miti-

ganda symptomata satis erat, non autem præcidendum radicitus morbi fontem.

*Ani Venatur-  
gida quid no-  
tent.*

Sed & venæ sectione opus fuisse, ani venæ turgidæ monstrabant. A qua aded abhorrebat, ut nullis nostris persuasionibus adduci isthuc potuerit. Neque erant ad manus sanguisugæ, neque chirurgus dexter, qui eas aperiret, quod alioquin non satis tutum quidam existimant.

### *Observatio XXXIX.*

**Q**ui cœlibem vitam agebat, nobilis dives & luxuriosus, de respirationis difficultate inter eundem mihi aliquando conquestus erat, cujus curationem cum diutius negligeret, accidit, ut variis dejectionibus vomitibusque per intervalla recurrentibus, cum fortè ab urbe aliò vocatus abessem, corripereetur, cum urinis rubris, multo rubro & furfuraceo sedimento, in matulæ fundum subsidentibus.

Purgatus à suo medico hujus morbi imperio sæpius est, ed quòd propter vomitus frequentiam, in ventriculo malicamsam residere sibi persuaserit.

Foris



Foris quoque emplastris & fomentis calefacientibus ventriculum , at nullo successu, fovebat. Exhibitis quæ ventriculum calefacerent & corroborarent tam potionibus, quàm electuariis & pulveribus.

Quibus tandem adeò exustus in venis sanguis fuit , ut si quandoque vel minimum brachia ei dependerent , statim ad venas sanguis conflueret crassus, ater, grumofus & glomerofus, non aliter atque si extrinsecus in venas sanguinis grumi affusi essent , qui varicoso & inæquali tumore , venas quibusdam quasi tuberibus attollerent & eleverent.

Dejectiones , quibus laboravit , compactæ quidem fuerunt , sicut fieri in coeliaca passione solet , sed pro ratione assumpti alimenti frequentes, & copiosæ , nec non variæ & diverforum colorum , aliquando cineritiæ & albæ , aliquando lividæ & nigræ , nonnunquam verò cæruleæ & crocæ , ut plurimum autem virides , colore planè herbaceo , sed semper compactæ & copiosæ , ut mirari quis cum stupore merito tantam excrementorum copiam

Y s possset,

posset, sub tenui & parco, quo utebatur, victu.

*Epilepsa occa-  
sione capitis à  
radiis solis ca-  
lesacti.*

Hic cum media ætate, medici sui permissione, sub calidissimis radiis solaribus, in multa hominum frequentia & concursu, ad spectandum de maleficis sumendum supplicium, obequiraret, subitò raptò fursum, versus caput & cerebrum, sanguine hoc crasso & adusto, vel fumorum ab hoc exhalantium copia, pluribus paroxysmis epilepticis corripitur, à quibus ut ad se reversus fuit, in urbem rursum deportatur.

Quando Doctori Joanni Bentzio medico doctissimo, ac mihi curatio commendata fuit. Qui de sanguinis missione dum deliberamus, & hinc inde indicationes capimus, & inter se conferimus, suadentibus eam venis turgidis, ac rursum dehortante eam longâ corporis extenuatione & cadentibus indies viribus.

Ecce subitò fursum denuò ascendens sanguis, pluribus gravissimisque paroxysmis epilepticis & convulsivis, hic morbo quoque sicut supra ostendimus familiaribus, horrenda morte ægrotantem occidit. Utile imò necessarium

rium fuisset, revulsionis ergo huic hæ-  
morrhoides aperire. De quo remedii ge-  
nere non semel inter nos agitatum fuit,  
nisi quodd propter sanguifugarum ino-  
piam isthuc devenire non potuimus.

### Observatio XL.

QUæ extra civitatem Hamburgensem ad portam habitabat fœmina, propter multas melancholiæ, quas secum mussitabat, causas, à biennio ex bono & athletico habitu macilentior facta, decubuit, cùm illam inviserem, de angustia subinde recurrente, & sub diaphragmate ad ventriculi regionem infestante, graviter conquesta.

Pulsus parvus, debilis & inæqualis erat, & urinæ crassæ, albæ, & turbidæ, quibusdam partibus subsidentes, à quibus superior substantia nihilo clarior appareret.

A quibus & respirationis angustia, de  
scele tyrbe admonitus, media hyeme, *Remedium  
scorbuti.*  
duabus vini Gallici libris addidi cochleariæ succi libram dimidiam, ejusque mixturæ uncias quatuor, bis quotidie, ægrotanti propinavi, optimo curationis successu, ita ut post triduum rursùm ad consuetas operas rediret.

Hanc

Hanc cum sub multa aëris serenitate ex deambulatione aliquando post inviserem, conquesta mihi de capitis dolore subinde & per statuta intervalla recurrente est, circa capitis verticem eam infestante, à quo totum ferè antea quoque biennium divexata fuerat.

Sentiebat eodem tempore iis in partibus quid quasi repere. Atque ubi ad diem unum atque alterum sic divexata fuisset, postea ad temporum musculos primum, deinde ad maxillam & dentes, dolorem transire, dentem semper, in quem influeret, relaxantem, qui rursus spontè firmaretur, dolore tumoreque discussis.

Quod hîc admonere volui, ut ostenderem, quàm varia sint hujus morbi accidentia. Nam dentis laxatio, ejusque spontanea confirmatio, suspensionem mihi & non vanum argumentum præbuit, ab hoc quoque morbo malum illud procreari.

Multos etiam toto hoc tractu, & in omnibus hisce regionibus vicinis invenies, variis doloribus infestari, quos alii similes dicunt, atque si digitis ipsis carneæ corporis particulæ evellerentur, alii pungentes affirmant, alii contun-

*Regula diagnostica gen. 21. ex dentis relaxatione & spontanea confirmatione.*

*Dolores scorbutici varii: & vario tempore infestantes.*



tundentes & excedentes, alii ne quidem explicare queunt.

Sed & sub noctem alios gravius, uti in Gallico morbo, alios sub horas matutinas excruciaci, audimus. Tanta enim horum varietas est, ut scriptis omnes has dolorum species comprehendere, non minus facile sit, quàm arenam maris numerare.

Estque omnium agnitio ex pulsu parvo & inæquali. Nam urina sæpe nullam hujus morbi in his significationem habet. In quibusdam etiam facilis doloris de loco in locum translatio, in initio morbi speciem demonstrat. Neque est omnibus ex æquo hæc communis, sed paucis & aliquibus tantum, quamobrem certius indicium hîc est, quod à pulsu sumitur, & doloris quoque, si velis, proprietate.

*Reg. Diagnosi.  
gen. 22. ex fa-  
cili doloris de  
loco in locum  
translatione.  
Vide supra  
195.*

## Observatio XII.

**S** Artoris conjunx, quæ ex vico Frburg agro Kedenfi ad me venit, de ventriculi ad os usque obstructione instar pali totum œsophagi meatum obturante, graviter conquesta est. Quod ventriculi cruditatis signum, si-

signum, omnes medici practici norunt. Cui respondebant urina tenuis & citrina, & pulsus parvus, qualis sentiri in his cruditatibus solet.

Præter hæc & de molesto crurum furæ dolore, quem inter eundum experiretur, corundemque imbecillitate conqueſta, ab hoc de ſcorbuto admonitus fui, ut de ventriculi cruditate à prioribus.

Quare conſtituta prius victus ratione attenuante & incidente, pituitam incidentibus medicamentis, ea admiscui, quæ huic morbo convenire dixi.

Subinde levi cathartico primas venas non tranſeunte, concoctos præparatosq; prius humores ſubducens. A quibus in tribus hebdomadis melius habuit.

Eſt hoc crudum accidens, & hic dolor pluribus apud nos familiaris, sæpe cum manifeſta furæ crurum duritie tenſioneque conjunctus. Quapropter ejus mentionem hîc facere volui, ut de ſimilibus eò facilius lector judicare, ac ſecum ſtatueret poſſet.

Dixi in priore hiſtoria varios dolores eſſe, quos hic morbus commovere ſolet, qui etiam varias & diverſas, ac ferè quilibet corporis partes nonnunquam infeſtat, ut facilè ſcriptis eos comprehendere non liceat.

Ita

Ita nuper exhalantes ab hac putrefactione interna vapores, falsa pleuritidis specie & dolore latera pungebant, dolore adeò infesto & intenso, ut supra pedis altitudinem una filia se in lectum ejiceret, hoc dolore per intervalla infestata.

Quo & quidam meus etiam affectus domesticus fuit. Et ante aliquot annos cum adhuc minus notus mihi omnibus suis symptomatibus hic morbus esset, cujusdam patritii Luneburgensis Domini Duysterhopii filius, qui tum ex nullo medicamine melius habuit quàm theriacæ usu.

In quibus quoque hujus doloris, à veris pleuriticis doloribus, distinctio, à pulsu erat. Qui omnibus his parvus & inæqualis fuit, contrarius illi, qui in pleuritide occurrit.

Sed & doloris intervalla, aliaque superius enumerata indicia, facilè à pleuritide hunc dolorem distingeabant.

Aliis miris punctiōibus digitorum extrema afficiuntur & articularum intervalla, ut quò se vertant sæpe ignorent. Quod à virulentis vaporibus haud dubiè fit, ab hac putrefactione, quæ huic morbo

morbo propria est, ad has partes derivatis, eodem ferè, quò in Gallico morbo, modo, etsi diversa sit cujusque putrefactionis species ac forma.

Quod obiter hîc admonere volui, quòd particularia horum exempla, in hac tanta ipsorum varietate, satis pro omnium qualitate poni ac scribi non possint, & omnia referre longum esset, imò tædiosum quoque, cum ab his de reliquis non difficile judicium sit.

### *Observatio XLII.*

**S**Criniarius ex agro oriundus, & inter rusticas operas manuale suum opificium subinde exercens, de priorum digitorum resolutione & languore, eorundemque ac crurum inter eundum imbecillitate, paulatim vires & incrementum capiente, conquestus, eò studiosius operam meam imploravit, quò magis his membris, parandis acquirendisque vitæ necessariis indigeret.

Hujus pulsus quoque parvus & debilis erat, atque urina in initio tenuis & subrubra. A quibus & levi digitorum resolutione, nec non crurum

lan-



languore & impotentia, de morbi specie edoctus, præscripsi ei medicamenta huic morbo convenientia. Unde post triduum ad me reversus, molliores sibi celerioresq; digitos videri dicebat, Germanicè *glade vnd ischmeidig* Medicamentis bonitatem commendans, à quo tam brevi tempore tam manifestum ac præsens auxilium experiretur.

Itaq; ab iisdem bis terve repetitis, domum ad consuetas operas rediit, verbis animi gratitudinem testatus, quam etiam re ipsa pro ratione facultatum demonstrabat.

### *Observatio XVIII.*

**A**dolescens qui Rigâ Hamburgum discendæ mercaturæ causa missus ab amicis fuit, vomitu molesto & subinde recurrente prius aliquandiu laboraverat, quam ad invisendum eum invitarer, multo conatu parum, & non nisi aqueum quid, per intervalla educens.

Hujus pulsus parvus & inæqualis, obvio testimonio morbum hunc prodebat, Cujus curationem voluntariè

Z . . . . . tum

tum differebam, quod superato paroxysmo melius sibi & domesticis habere videretur; præterea ut fidem domesticis facerem, ab hoc morbo quoque id eum pati, prædicens post biduum vel triduum citius vel serius, novo & simili paroxysmo eum correptum iri debere. Qui non expectato triduo, ante biduum ei advenit.

Quapropter nihil cunctandum ejus herus censens, obnixè me rogavit, ut aliquod huic malo conveniens medicamen ei præscribere vellem, quo restitui miser, & ad pristinam valetudinem redire posset.

*Curatio vomitus scorbutici.*

Julsi itaque ob frigidam cœli constitutionem, in vino convenientia huic morbo medicamenta decoqui, iisque cochleariæ herbæ succi nonnihil misceri. Atque eo solo restitutus fuit, ut nullo alio medicamine fuerit opus, nisi quod huic in fine levis submissa purgatio fuerit.

Urinæ hujus citrinæ & tenues, nullum hujus morbi signum certum habebant.

Sed quando lento morbo, vel potius continuo languore affici aliquem absque manifesto & veteribus descri-

pto

pto morbo cerno, à quo citra causam manifestam paulatim consumatur, & hisce vomitus conatibus, citra manifestam ventriculi affectionem infestetur, nunquam dubitare soleo, huic occultæ causæ, quæ à scorbuto est, eum adscribere, eo quod à malignis & venenatis hujus putrefactionis, juxta splenem ut plurimum residentis, vaporibus & fumis, eum affici & everti, pluribus experimentis cognitum ac probatum habeant, quemadmodum per consensum eum affici in viscerum inflammationibus, & regio ac arquato morbo videmus, & à classicis probatisq; authoribus & rerum magistra experientia docemur.

Quam n. varias & multiplices affectiones melancholici humoris putrefactio efficiat, suprà ostendimus, ut molesta ejus repetitione hic non sit opus.

Neq; scio in his & similibus unquam me aberrasse, quin in curatione semper opratum finem sim assecutus; Quod si morbi speciei pulsus & urina (ut fieri solet) consentiant, majore fiducia ad curationem accedo. Sicut in hoc ægroto pulsus majore certitudine conceptam ex morbi proprietate sententiam confirmabat,

*Observatio XLIV.*

**C**Ui menses aliquandiu steterant & hæmorrhoides, quæ mensium vice subinde functæ fuerant, cibis semper delectata crassis fuerat & nauticis, quos facile & sine difficultate concoquebat. Hæc etiam eodem hoc vomendi conatu correpta, indefinenter fere atque absque intermissione vomebat, magis inani ejus conatu infestata, quam quod dignum quid eo educeret.

Qui si aliquando aliquandiu intermitteret, gravius postea recurrebat, quamvis intermedio tempore nihil de ventriculo conquereretur, vel ullum ejus morbum læsionemque demonstraret.

Hujus curatio vicino medico, viro docto & in veteri medicina exercitatissimo, commendata fuit, nisi quod sub finem vitæ ad invisendum eam invitatus à marito ejus fuero, viro perhumano & docto, & Ecclesiæ Hamburgensis ministro. Sed quia de morbo cum priore medico mihi non conveniebat, sponte ab ea curatione absti-

nui,



nui; propter mariti amicitiam & benevolum ejus in nos animum simplici visitatione contentus, ut quo res vergeret, & quem habitura finem esset, viderem observaremq;.

Fuerunt autem urinæ hujus matronæ sub finem vitæ, tenues plane & aqueæ, quæ in morbi initio, sicut à domesticis intellexi, crassæ fuerant & conturbatæ, crasso ac gravi & subrubro sedimento subsidentes.

*Signa scorbuti.*

Sed & obtusus cruris alterius dolor graviter tum quoque eam divexabat, ut de nulla re magis, quam hac cruris lancinatione tunc temporis, cum eam visitarem, illa conquereretur. A qua adaucta mihi ac confirmata planè de hoc morbo sententia fuit. Quod ex pathognomonicis hujus morbi signis illud quoque æstimari debeat, & summo jure possit, si ut hic, cum pulsu occurrat debili, parvo & inæquali.

Profuerunt huic nulla medicamina stomachia, etsi medico uteretur docto & erudito, qui in veteris medicinæ cognitione nulli cedebat.

Qui cum omnia aspernaretur, vomituque rejiceret, lac & lacticinia nullo valetudinis incommodo retinuit,

ut à nulla re melius, quam ab ijs se habere ipsamet testaretur, & res ipsa quoque loqueretur.

Quod etiam non contemnendo huius morbi signo fieri, supra in morbi enarratione dixi. Quod porro vomitus confirmabat citra causam veteribus descriptam ægrotantem infestans ac nullis veterum medicamentis cedens, atq; ab ijs allevatus, à quibus magis, exasperari secundum rationem debebat.

His ex abundanti accedebat obtusus cruris dolor, & victus melancholicus & crassus, quo per omnem suam fere vitam usa fuerat.

### *Observatio XLV.*

**E**odem hoc vomitu vomendique conatu, ab hoc ipso, quod curatio monstravit, morbo, correptus Embdæ quidam Augustanus fuit, vir juvenis & annos natus plus minus triginta. Qui ante nostram curationem, usus opera cuiusdam chirurgi hebdomadis quinque (ni fallor) fuerat, nullo curationis successu, ut propterea de me accersendo, (rebus ad desperatio

tionem euntibus ) quidam ejus amici deliberarent consulerentq;.

Hic autem ut ad eum primum veni, pulsum habuit majorem, durum <sup>Signa scorbuti.</sup> quoque & inæqualem, non dissimilem illi, qui in membranarum inflammationibus, ac pleuritide occurrit, absq; ulla tamen harum affectione.

Urinas vero reddidit varias, ut plurimum vero rubras & subfuscas, modo turbidas modo subsidentes, modo infractas. Quæ in fundum subsidebant excrementa, rubra, furfuracea & crassa erant. Exhibantq; absque ulla vel fœti, vel molesto caloris sensu.

Hic, utcumque frequenter vomeret, & absque ulla viscerum affectionis, inflammationisq; nota ac significatione nihil tamen ab ejus continuatione, victusq; qua utebatur, parsimonia, adjutus allevatusq; fuit, ut propterea non vulgarem nec omnibus conspicuam, sed latentem hujus vomitus causam cogitare oportuerit.

Quam huic morbo adscribendam esse, urina, nec non morbi species ac pulsus monstrabant & convincebant. A quibus de hoc morbo admonitus, paucis quibusdam ad hunc morbum

pertinentibus remedijs, eum, DEIGRATIA, ad priorem valetudinem reduxi. Qui adhuc eodem in loco vivit & valet, etsi ab Augustano aëre salubritate, aërisq; suavitate multum ille discreper & distet.

### *Observatio XLVI.*

QUI ex agro Hadelensi (ut vocant) ad me venit rusticus, de macie & totius corporis languore indies gravescente conquestus, cum his quoque inter eundem crurum debilitatem, & post graviolem motum etiam respirationis difficultatem, atque ad præcordiæ prementem anxietatem sensit.

*Signa feb-  
brilis.*

De morbi principiis & symptomatibus, quæcum morbo inceperant, à me interrogatus, respondit, totum fere semel tre varijs vomitibus se infestatum fuisse, qui à catharticijs ab empiricis sibi exhibitis, nihil remisierant, sed potius intendebantur, sed qui sponte cum temporis mutatione, ætatisq; inclinatione desinissent.

Urinas vero tum crassas sibi & rubras fuisse, in quibus multa subsederant excrementa crassa, fursuracea & rubra,



rubra, calculi ut putarant recremen-  
ta, à quibus nihilo clarior redderetur  
extans supra hæc urina, sed turbida ac  
crassa perseveraret.

Erat autem æger ipse statura crassa  
& quadrata, corporisq; constitutione  
valida & firma. Qua nisi præditus fu-  
isset, non potuisset illam empirico-  
rum curationem sustinuisse ac super-  
asse, utpote hujus morbi curationi val-  
de adversantem.

A qua etiam non semel ad orci fau-  
ces se deductum fuisse dicebat, ita ut  
sæpius pro mortuo ac derelicto se ha-  
bitum esse testaretur. De meo consilio  
suasi ab aquis patrijs crudis & subli-  
mibus abstinere: Cibisque uteretur *Videtur ratio in*  
recentibus & facilis concoctionis, *scorbuto.*  
præterea ab ijs, qui sanguinem cras-  
sum & crudum gignerent sibi tempe-  
rarer; Et ex carnibus vervecinas ac vi-  
tulinas deligeret, nec non caponum,  
perdicum, & columbarum ac galli-  
narum domesticarum. Pane vero pu-  
ro & tritico uteretur, non nimium in-  
veterato aut novo. Carnes quoque ad  
veru assaret, (erat enim dives, ut facile  
sumptus hos toleraret) vel elixis ex a-  
qua pluviali ac modico vino uteretur.

Atq;

Atque hac victus ratione spontè eum morbi reliquias superare posse putavi. Sed quid ipsi evenerit, non possum scribere, quod ab eo tempore ad me nunquam redierit. Solet etiam id hominum genus sanitate nihil vilius habere, maxime si quid in ejus conservationem ac reparationem sit expendendum.

*Observatio XLVII.*

**V**Idua vicini mei, & sarta mecum recta inhabitantis soror, cum totius corporis lassitudine urinisq; nigris crassis & turbidis, graviter febricitare cœpit, protinus atque erigetur animo linquens. In morbi initio à medico suo viro aliquo docto, & in veteri medicina exercitato, purgata in summas angustias incidit, omnibus symptomatibus prædictis exasperatis, ut deploratam ejus valetudinem omnes arbitrarentur.

Quando ad curationem à vicino invitatus, variis anxietatibus eam infestari vidi, sub quibus pulsus parvus, debilis & inæqualis erat.

Sinebat multum, & perpetuo os & labia

labia sicca erant, bibebat vero parum  
Nam copiosiore potu offendebatur,  
tantum potius, quantum labia & lin-  
guam humectaret, subinde assumens.  
Sub morbi declinatione omnes dentes  
vacillabant, ab hoc morbo laxati.

Vixerat autem negligentius, victu  
usa parco & duro, patriis aquis crudis  
& sublimibus, ut solent viduæ, quibus  
non est maritus domi, & res angusti-  
or. Erat enim splendidior fortuna  
maritus dejectus. Quæ res tacite et-  
iam eam cruciabat. Accedebant & a-  
liæ tristitiæ causæ, quas secum mussi-  
tabat.

In hoc ergo ejus statu, iis quæ fe-  
brem curant, mixta nonnulla simplici-  
a mihi fuere, sceletyrben à proprie-  
tate curantia, à quibus paulatim quan-  
tum febris remitteret, ad fortiora a-  
scendi.

Sed & unguento refrigerante spi-  
nam dorsi, pro febris mitigatione, in-  
ungi curavi, & sub ejusdem declinati-  
one, sanguinis parum subtraxi, quan-  
tum pro virium ac morbi ratione mi-  
hi sufficere videbatur.

Atq; hac curationis via & modo,  
mortis faucibus hæc erepta DEI bene-  
ficio

ficio fuit, quæ alioqui omnium opinionone deplorata, & sæpius fato funesta videbatur.

Sub idem fere tempus, cum iisdem urinis ab hac ipsa febre correpta prætoris soror fuit, quam tum propter valetudinis incommodum, alioqui obnixè à marito rogatus, invisere non potui.

Unde nescio cujus instinctu ad empiricum devolutus, artis nostræ nullam cognitionem habentem, misere conjugis suæ valetudinem prostituit.

Nam medicaminum calefacientium, & validiorum catharticonum exhibitione. brevi eo rem deduxit, ut nulla præterea curatione indigeret.

Quod propterea scribo, ut ostendam, cum his urinis plerumq; febrem validiorem conjungi, quæ ut propter materiam, in qua residet, incidentibus, ita morbi causa refrigerantibus curari postulat, cum iis quæ ad hunc morbum usus monstravit, quod neglecta hujus morbi curatio, febris curationem impediat, causam habens, sine qua curari, & radicitus evelli febris nequeat.

*Prognost. 48.*

Quæ sui mora diuturniore vires atterendo,



terendo, sæpe ægrotum interficit, aut in alium, & graviores morbum con-  
jicit & protrudit.

Multa hic scorbutum monstrant, *Signa scor-*  
inprimis vero præter pulsum & uti-  
nam facilis lipothymia, & præter hanc  
angustia ad præcordia infestans, citra  
tulsim ac thoracis affectionem, respi-  
rationem difficilem reddens.

Ultimo & dentium laxatio. Sed  
quia hæc primum sub morbi finem in-  
cidit, minus ad monstrandum morbum  
hunc ponderis habuit, quod prius æ-  
grotæ ab hoc morbo interfici potuit,  
quam ab hoc signo morbus cognosci.

### *Observatio XLVIII.*

**P**Ræfecti arcis in Nienhusen con-  
jux, ex juncea gracilitate, brevi  
& intra biennium, adeo pinguem &  
carnosum corporis habitum contra-  
xerat, ut cum athletico certare facile  
potuisset. Etsi adhuc juvencula esset,  
& annorum plus minus viginti.

Hæc etiam aliquandiu ægrotave-  
rat, priusquam ad eam evocarer. Itaq;  
de morbi initio, & symptomatibus,  
quæ cum morbo invaserant, inquirenti  
mihî

*Signa scor-  
bunt.*

mihi respondit, primum levissimis horripilationibus se quotidie correptam fuisse, quæ aliquando bis, & quandoq; etiam ter eam infestassent, atque cum his febris horribus simul œdematoso tumore pedes sibi intumuisse, levissimo rubore permixto, sed qui ad albedinem magis inclinasset, atque nullo sensibili dolore aut calore se offendisset, nisi quod ad ingressum tardam se & impotentem reddidisset.

Cæterum nullo in loco diu eum substituisse, sed facili momento de loco ad locum, atque de uno pede ad alium hunc tumorem in initio translatum fuisse, & sæpe ab uno pede ad alium eodem die eum resiliisse, magna sua & suorum admiratione.

Atque ab eo tempore omnes corporis vires magis magisq; indies fractas fuisse, ut eo ipso tempore cum ad eam venirem, neque manibus uti ad tollendum quid, neq; pedibus ad ingressum posset, sed vel decumbere, vel in sede perpetuo desidere cogeretur. Inde q; factum ipsa putabat, quod facies, manus, ac pedes laxo tumore sibi inflata viderentur.

Erant

Erant enim hæ corporis partes tumidæ & inflatæ, atque ægrotantis temperamentum calidum & humidum.

Cum quibus conjuncta, ex mesarai-carum venarum obstructione, lenta febris erat, quæ sub noctem gravius, & cum multis ventris torminibus, & omnium corporis partium doloribus, eam excruciat, os & fauces leviter exiccans.

Urinæ quoque turbidæ & albicantes cum obscura rubedine erant, cujusmodi in lentis & pituitosis febribus se offerre solent. Quibus & pulsus subscribebat parvus, creber & inæqualis. Ex quibus de lenta febre admonitus fui, ut à facili tumoris commigratione, & inusitata membrorum omnium debilitate, de scorbuto morbo.

Quapropter mixtam curationem institui feбри & sceletyrbi convenientem. Qua affectum DEI bonitate fuit, ut rursus omnia domi munia faceret & ex meo consilio currum mecum conscendens, à planis illis locis, ad arenosa & campestria transiret.

Erat eo in loco ubi hæc ægrotabat, pluribus tum communis scorbutus, à quo passim ibi rustici ægrotabant,  
in-

inprimis prædives quidam manibus pedibusque impotens, qui animi deliquio statim corripiebatur, quotiescumque delecto se erigere conabatur. Item prætoris olim minister cum uxore & privigno, nec non alia quædam obesa quinquagenaria, præter alia symptomata, etiam vehementi totius corporis tremore subinde, & per intervalla infestata.

*Reg. diagn. gen.  
23. ex tumore  
facile de parte  
in partem com-  
migrante.*

Hac tumoris ac inflammationis specie, facile de parte ad partem commigrante, complures apud nos tam viri, quam scemina corripiuntur, certa hujus morbi (sicut pluribus nostris observationibus constat) significatione.

Quam languor, & inusitata membrorum omnium impotentia confirmabant, ne quid de laxo faciei & manuum tumore dicam, & sub noctem infestantibus corporis membra doloribus, quos etiam hujus morbi, propter vaporum acrimoniam, vel frigiditatem eorum qualitatem, indicium habere, supra in morbi enarratione dixi.

*Pag. 8c.*

Siquidem hisce etiam doloribus cum Gallico morbi colludit, cuiæque atque scorbuto proprium jus, nocturnos



nos dolores cruciatusque , specifica sua corruptionis qualitate , exercere , quænum frigida vel calida sit , nondum hodie satis inter medicinæ Doctores decisum est. Cæterum quia illa hujus loci disputatio non est , eam hîc ressecabimus , & ad alia loca & tempora reservabimus , vel aliis enucleandam relinquemus.

### *Observatio XLIX.*

**Q**Uædam honesto loco nata matrona , vidua proba & modesta , quotannis sæpius pedum inflammatione , seu ea , de qua in morbi enarratione dixi , efflorescentia correpta , aliquando plurium dierum horripilationes , animique læves quasi defectiones patitur , absque ulla vel siti , vel febre , aut molesto caloris sensu , utpote quæ in his horripilationibus à frigidis offenditur , & calidis juvatur.

Urinæ sub hoc tempus esse variæ solent , aliquando tenues & citrinæ , aliquando albæ & crassæ , & nonnunquam rubro quodam sedimento , furfuraceo , & rotundo subsidentes , quod quidam ejus olim medicus calculi recre-

A a

men-

mentum esse perperam puravit, cū manifestè inter se differant hæc sanguinis recrementa ab arenosis corporibus, si Matthæo de gradibus, celebri olim medico, credimus.

*Arenularum  
& sanguinis  
recrementorum  
in urina discrimen.*

Qui suo de morborum curationibus libro doctissimo, utriusque differentiam ponit. Quam in eo sitam esse dicit, quòd hæc de quibus loquimur sanguinis recrementa, mollia sint & digitis cedentia, sicuti calculi dura & retinentia.

Pulsus autem huic matronæ tum parvus esse solet & inæqualis, per omnia similis illi qui in febrium accessionibus sentitur. Ipsa interea ægra languet, ante mali hujus eruptionem variis anxietatibus infestata, & postremis hisce vicibus, sæpius ad lipothymiam prona.

*Præservatio ab  
erysipelate.*

Hæc de meo consilio victus ratione utitur convenienti, & ad hujus morbi generationem minus accommodata. Præterea vivit pro ratione ætatis hilaris & læta, quòd omnia satis nunc ei ex voto, DE I beneficio, succedant, estque dives & potens, unicum filium habens

habens in literis educatum, & honestè institutum, à quo honestè quoque habetur, quique in omnibus vitæ actionibus honestè etiam se gerit, atque ex variarum urbium & regionum inspectione, & principum ac nobilium viro- rum consuetudine ac conservatione, ad benè & honestè vitam instituendam plurimum profecit, & cæteris naturæ dotibus morum elegantiam adjecit. Ut hac parte etiam nunc beata sit, & facile omnes tristitiæ causas, quas huic malo olim occasionem dedisse ex ipsa intellexi, amputare ac præcidere possit.

Hac ipsa efflorescentia alius Embdæ civis & mercator laborat, item nauta, & infiniti alii. Siquidem commune multis apud nos hoc vitium est, quo etiam olim matrem meam graviter divexatam fuisse memini.

Est autem curatio hujus, & integra causæ morbi præcisio, ab his medicamentis petenda, quæ scorbutum curant, & hanc sanguinis corruptionem sua proprietate tollunt & evincunt, sicut nostra multiplici experientia probatum est, & approbaturi ii sunt, qui

*Historia erysipelate laborantium.  
Erysipelatis curatio.*

in his & similibus curationem hanc post nos explorare volent.

*Canon therap.  
gen. & spec.  
in erysipellate  
secundus Vide  
108.*

In qua illud observari debet, & in aliis hujus morbi speciebus omnibus, ut in longiore hujus morbi mora fortiora & magis incidentia atque attenuantia medicamenta sint, quàm in recenti & nuper nato morbo.

### *Observatio L.*

**Q**Uæ decimum ætatis suæ annum ingressa puella fuerat, aliquamdiu præter rationem tristis vixit, solitudinis cupida & amans, ut semper seorsum secederet, & à consuetudine hominum se ad solitudinem conferret.

Quibus studiis dum parentum ignorantia diutius indulget, tandem in levem membrorum omnium impotentiam & resolutionem, ac mirificam eorundem jactationem incidit, horrendo & tristi parentum & adstantibus omnium aspectu.

Primis hebdomadis commendata curatio hæc viro doctissimo fuit, & in veteri medicina peritissimo, cujus methodica curatione cum nihil proficere-

tur,



tur, vocatus ei tandem curationis collega sum.

Qui ad primum conspectum symptomatum raritatem admiratus, tandem ex resolutione ac convulsione mixtam affectionem esse observavi, ex duobus scilicet contrariis motibus compositam.

Itaque ut causam hujus rei cognoscerem, postquam de vitæ victusque genere edoctus à parentibus essem, ad pulsum & urinam animum intendi, & diligenter observavi, num talia hæc essent, quæ huic morbo consentirent.

Cum itaque pluribus vicibus pulsum experirer, deprehendi eum aliquando parvum, aliquando magnum, quandoque durum, & rursus paulò post mollem, semper verò in uno ac pluribus pulsibus inæqualem esse.

Quo cum variæ etiam occurrebant urinarum permutationes, utpote quæ subinde crassæ, subinde turbidæ, modò tenues & spicæ, modò subfuscæ, & rursus deinde albæ, crassæ & turbidæ viderentur, crassa & viscida sua superficie matulæ lateribus adhærentes.

Cujusmodi diverforum morborum significationem habere, & non ejusdem curationis indicationem, supra ex Galeno ostendimus.

Præterea non infidum quoque scorbuti argumentum continere, si tales citra manifestam veteris morbi significationem sint & occurrant.

Quem etiam in hac certa sceletyrbes nota, crurum suræ dolor prodidit.

Nam cum aliquando meo jussu in pedes eam mater erigeret, magna celeritate alternatim crura ad se attraxit, ut ne momentum quidem temporis ea terræ affigeret, de cujus causa interrogata, respondit multo conatu & labore, à suræ crurum dolore id sibi evenire. Unde nos certum hujus morbi indicium habuimus.

Cujus curationem tum voluntariè distulimus, quòd non satis mihi de morbo cum collega conveniret, qui post dies quatuordecim in Holsatiam negotiorum suorum causâ profectus, curationem nobis commisit, quæ perfecta nobis, DEI beneficio, in tot diebus fuit, etsi tunc tum quidem ab hoc morbo hæc symptomata profecta fuisse, satis collegæ meo persuaderem.

Erant

Erant hujus puellæ parentes omnium testimonio probi & honesti, sed meliore fortuna dejecti, quemadmodum nonnunquam advenire bonis solet, quibus minus propitia fortuna esse consuevit, quò magis ab hac vita ad æternam & immortalem suspirent & adniantur.

Unde consequi porrò solet, ut circa victum tales minus diligentes ac curiosi, ex uno incommodo & malo in aliud incidant, communi dicto fidem facientes, quod unam calamitatem solam diu subsistere negat.

Hac ipsa membrorum omnium jactatione ac concussione, cujusdam Embdani chirurgi infans laboravit, tristi etiam omnium aspectu. Præter hos neminem hac tristi affectione infestatum vidi. Tam varii sunt affectus, quos hic morbus edit, ut minimas omnium differentias numero comprehendere, non magis ferè possibile sit, quàm arenam maris numerare.

*Lactatione  
membrorum  
laborantis  
historia.*

*Observatio LI.*

**T**ertianæ febris typo plures ab hoc morbo hisce præteritis annis laborarunt, quàm ut numero comprehendi ii possint. Quamobrem ex his eos tantùm hic describemus, quos cum hac febre rara quædam & tertianæ febris minus usitata symptomata apprehenderunt, tam tertianæ veræ, quàm nothæ & spuria in-cognita.

*1. Ad Glau-  
comem.*

Galenus libro de crisi-bus, & febrium differentiis, & alibi, tertianas febres tu-tissimas dixit. Quem si in nostris qui-busdam tertianis secuti nos fuerimus, plurimum certè à scopo & prædictionis veritate aberrabimus. Etsi veriùs cen-feri illæ possint speciem veteris tertianæ mentiri & falsò repræsentare, quàm ve-terum tertianam exprimere.

A qua præter alia signa manifestâ di-stinctione eas quoque separant & dis-cernunt, præter pulsum & urinam, fe-bris mores & natura. Sicuti manife-stum hujus rei documentum nuper ha-buimus in nauta, Doctoris conjuge, Anglo, aliisque quàm pluribus. In quibus ne quid de urinis dicam, & varia

ea-



earum permutatione, pulsus etiam in ipso febris vigore ita parvus & inæqualis digitis occurrebat, atque senti-ri in febrium accessionibus solet. Quamvis intus urerentur, & variè corpus propter æstuantem intus æstum jactarent, & urinam eorum quidam cras- sam, turbidam & sublividam, ac nonnulli eorum planè sub nigram redderent.

Quæ etiam varia in nonnullis apparuit, & non ejusdem coloris, aut substantiæ semper, pro morbi, quod puto, aut naturæ victoria.

Quibus majore hujus morbi certitudine accedebat crurum lacinatio, & cum multa tensione dolor, qui Doctoris conjugii ac nautæ, mirum in modum infestus fuit & acerbus, ut hujus ratione febrem hi contemnerent, utpote cujus magnitudine, febris cruciatus & molestiæ obscurarentur, sicut fieri sub concurrentibus duobus malis, doloris magnitudine imparibus solet.

Nauta præter jam dictos dolores & laciniationes, anxietates etiam sub præcordiis infestantes, & per intervalla

recurrentes , expertus molestas est , cui etsi sitis molestior propter oris labiorumque siccitatem adesset , modica tamen humidi assumptione , illa placata sedataque fuit.

Qui tempestivè medicum consuluerunt , & debitè curati sunt , plurimi eorum supra sex aut septem paroxysmos non senserunt : quidam eorum quarto & quinto paroxysmo , alii tertio curati sunt.

*Historia eorum  
qui à febris  
scorbut. brevi  
sunt liberati.*

Quo etiam Doctoris conjux curata fuit , etsi diu antè cum hoc morbo conflictata fuisset , priusquam in manifestum morbum ille erumperet.

Eodem curationis modo , & Generosi Domini Comitissæ Edtsardi filia à me curata , DE I beneficio , in octo diebus fuit , cum summa præcordiorum anxietate , etiam gravissimis hisce crurum lincinationibus , singulis paroxysmis infestata. Et Anglus ille , qui dum adhuc obambulare , & omnia domi ad foris munia obiret , aliquamdiu ante febrem urinas reddidit rubicundas , crassas & subfuscas , quarum emendationem dum negligeret , tandem quoque in febrem tertianam , tertio quoque die recurrentem , incidit , iisdem quoque medica-

men-

mentis propemodum restitutus, quibus priores.

Nonnulli horum, quos pedum lancinatio non vexavit, gravissimos dolores dorsi experti sunt, qui etiam hujus morbi indicio, non raro cum his intermittentibus, & continuis febribus accidere & adesse solent.

Ita ut quos absque gravioribus symptomatibus corripit ab hac febre viderim, à communi tertiana, & veteribus cognita tertiana, eam distinxerint, cum dolor & lancinatio jam dicta, tum gravis angustia & respirationis difficultas, ad ventriculi regionem sub diaphragmate infestans atque divexans.

*Dolores dorsi  
sæpe febres scor-  
buticas comi-  
tantur.*

Quæ hîc prælibare in genere volui, quòd cum his crurum lancinationibus, frequentes nobis hæ febres anno octuagesimo occurrerunt, & postea quoque non raro, nisi quod ab eo tempore æquè communes eas fuisse non meminerim.

Quod sic affectis advenire à vaporibus malignis ac venenatis videtur, qui ab hac putrefactione resolvuntur, & in intermedia musculorum spacia sese insinuant sua vel qualitate & viru-  
len-

*Causa lancina-  
tionis crurum in  
scorbuto.*

lentia, vel continui solutione, hunc dolorem causantes.

Nunc exempli loco Doctoris conjugis historiam breviter hic pertractabimus, ne recessisse à libri scopo videamur, & ea intentione, quam in libri fronte promittimus, cujus historiam eò brevius enarrabimus, quòd quæ in hac, hujus morbi ratione observanda sunt, maxima ex parte nunc annotata & monstrata sint.

*Historia conjugis Doctoris febris tertiana, scorbutica angustia & cruris lancinationibus laborantis.*

Incepit autem hæc primùm gravissimo rigore febricitare, febre tertio quoque die recurrente, cum multa angustia, & gravissimis crurum amborum lancinationibus, quæ in secundo paroxysmo adauctæ magisque intensæ fuerunt, ut præ dolore exclamaret, & quòd se verteret, nesciret, atque mille febres se pati malle diceret, quàm istos cruciatus intolerabiles.

Pulsus etiam in ipso febris vigore parvus & inæqualis erat, similis illi, qui in primis februm accessionibus sentitur.

Urina verò crassa, alba & turbida, & insuper quibusdam sedimentis in matulæ fundum subsidens, superiore sua substantia crassa ac viscida matulæ lateribus adhærens.

Ego



Ego ex pulsu & urina non simplicem hanc tertianam esse, neque notham, solum cognovi. Cujus judicium lancinationes validæ confirmabant, & angustia, ad præcordia infestans, ac spiritum difficilem reddens.

Itaque iis, quæ aperiunt, febremque extinguunt, ea miscui, quæ in sceletyrbe usus probavit, à quibus tertio vel quarto paroxysmo, hæc à sua febre liberata DE I gratia fuit, cujus nomine sit DEUS benedictus, & in æternum laudatus. Alii cum his febribus urinas rubras & subfuscas reddiderunt, alioqui reliquis signis parum vel nihil discrepabant.

Atque hæc dicta de lancinationibus, & variis musculorum doloribus sint, quos hæc febris excitare consuevit. Nunc sequentibus observationibus rara quædam symptomata pertexam, quæ cum his tertianis inciderunt, ex quibus manifestò cognosci possit, plurimum à veterum tertianis has discrepare, si cui fortè ab hisce lancinationibus id persuaderi non possit.

*Observatio LII.*

**A**B hoc ipso morbo scorbuto, vel specifica hujus putrefactione, tertiana febre seu tertio quoque die recurrente febre, ægrotare Embdæ adolescens cœpit, annos natus viginti plus minus quinque. Hic in initio urinas rubras, subfusas & sublividas reddidit, similes illis, quæ reddi in quartana febre solent; nullis alioqui symptomatibus infestatus. Quarto paroxysmo leviter delirabat. Quinto profundo somno, caro scilicet correptus, absque omni sensu ac motu jacuit, ut ne digitum haberet quem dimoveret, & sola respiratione à mortuo differret.

A quo nullis nostris vellicationibus clamoribusque excitari, atque revocari ad se potuit. Etsi quandoque post nostras vellicationes, punctionesque leviter oculorum palpebras attolleret, statim tamen rursum illæ conveniebant, ac concidebant. Idque malum cum singulis febrium accessionibus recurrebat, iisque desinientibus spontè solvebatur, etsi obtusiores tum quoque sensus viderentur, neque planè integri, sed quodam quasi stupore præoccupati.

Pulsus celer, parvus & inæqualis erat, & varii ac diversi coloris urinæ, ut plurimum verò substantiâ crassæ & subfuscæ.

Symptomatis hujus magnitudine ac novitate in initio perculsus, diu mecum dubitare cœpi, & diligenter cogitare, ad quam causam ac morbum potissimum hoc symptoma, & febrem hanc referrem, quòd tertianæ neque veræ neque nothæ accidentia hæc esse, sed potius præter ejus naturam hæc apparere, ex veterum placitis ac scriptis liquidò constaret. Quandoquidem bilis, cujus comes veterum tertiana esse solet, magis de sua natura *αγρυπνίας* excitare nata est, & vigilantiam, quàm carum & cataphoram. Atque huic meæ conjecturæ, præter pulsum, urina subscribebat crassâ & subfusca, utcumque tertianæ typo febris luderet, quod magis ad fallendum medicinæ artifices fiebat, quàm ut ejus naturam repræsentaret exprimeretque.

Itaque diutius hæc examinanti, ac diligentius febris naturam & mores consideranti, animadversum mihi ex pulsu & urina fuit, manifestè super melan-

Iancholici humoris putrefactione attestante, hujus quoque farinæ hanc febrem censerī debere. Cujus putridi vapores, cum virulenta, tūm frigida hujus morbi qualitate affecti, & fursum ad cerebrum & caput delati, torporem hunc, ut torpedo piscis, nervis afferrent, unde solutis omnibus sub capite, & ipsius quoque capitis nervis, omnibus corporis membris motus ac sensus interciperetur auferreturque.

Quemadmodum etiam ab hoc morbo Concionatoris filio advenit, & cuidam Senatori Stadenſi, atque duobus in agro matrimonio copulatis. Item Concionatori quinquagenario & duobus ex Flandria, aliisque quàm plurimis. Qui idem ab hoc morbo passi sunt, ob vaporum ac spirituum frigidorum copiam, qua hæc putrefactio abundat, quemadmodum ex prædictis laucinationibus & variis doloribus, ab hoc morbo excitatis, facile cognosci ac dijudicari potest.

Itaque ab his de morbo & morbi causa, ut dixi, instructus, exquisitissimis, quæ huic morbo convenire potissimum putavi, medicamentis, curationem, hanc agressus sum, quam divina gratia fa-

*Causa cari in  
febris secretis.*



favente eò perduxī, ut à febre & hoc malo liber æger, pristinae sanati & integris rursus sensibus ijs restitueretur.

Quæ autem huic caro potissimum conducant, supra in morbi enarratione ostendi, ut nihil molesta eorum re-

*Pag. 67. c. 203. Vide infra 374.*

petitione hic sit opus. Voluimus autem prolixius hæc hoc loco recensere, ut cognoscamus, quam fallaci morborum specie hic morbus ludat.

Quod ideo permittere Deus videtur, ut hoc modo iram suam adversus peccata ostendat, dum novis & inusitatis morbis & ægritudinibus, nunquam prius cognitis ac visis, mortale genus in ira sua visitat & castigat. Ut etiam vulgus nostras morborum novitate admonitum, intelligat differentes hujus temporis febres ac morbos esse, ab iis, qui ante aliquot annos homines affligerunt. Agamus igitur Deo gratias, quod pro sua infinita misericordia ac clementia tam benigne eos nobis revelare dignatus sit. Cui pro hoc ejus beneficio, atque omnibus erga nos meritis sit laus & gloria in secula seculorum. Amen.

*Quare Deus permittat scorbutum fallaci morborum speciecludere.*

*Observatio LIII.*

Simili tertiana ab hoc morbo correptus Embdæ Anglus est, cui nomen Ritzhardo Best, etiam cum urinis rubris & crassis, in quibus in matulæ fundum multa subsidebant sedimenta crassa & subrubra, à quibus tota & superior urinæ substantia nihilo clarior apparuit, sed æquè turbida perstare visa est. In quibus quandoque variè etiam mutatus substantiæ color est.

Huic idem quoq; evenit quod prior, alio tamen & diverso symptomate, ut à vaporibus ab hac putrefactione ascendentibus, & cerebrum penetrantibus, varijs & frequentibus convulsivis motibus, singulis recurrentibus paroxysmis corripereetur, adeò gravibus, ut in lecto à pluribus adolescentibus eum detineri fuerit necesse. Quod etiam à specifica hujus putrefactionis qualitate, nervos pungente, ei advenisse, dubium esse non debet: quam secum vapores ab hac putrefactione elevati deferunt & attollunt, variè homines, pro varia corporum di-

dispositione, & differente humorum, à quibus eleuantur, qualitate & natura, afficientes: ac certum de sese indicium ac signum præbentes, non à simplici tertiana, aut communi humorum putrefactione malum illud excitari, sed peculiari & specifica ac maligna & venenata qualitate prædita, quæ de sua natura nervis adversa & infesta, hunc nervis vaporem emittat & ablegat, ejusdem, cum sua origine, efficacis ac facultatis.

Nam si ante tot secula aquarum depravatarum usu difficilia & nervis infesta mala Cæsaris militibus ex tantillo tempore, quo circa Rhenum sunt commorati, advenisse Plinio & post ipsum alijs credimus, quid dubitamus nobis eadem, atque alia his majora, ex continuo earum usu, ac aeris aptitudine evenire posse & debere? Itaque ab ijs collectionem faciens, cum similitudinem eadem sit ratio, porro ad pulsum & urinam cogitationes direxi: sintne eadem illa hic, quemadmodum huic morbo ea familiaria esse, jam antea cognoveram: quæ in dijudicando ac discernendo hoc morbo pluri-

num momenti habere, antea sæpe admonui.

Ab his igitur cum confirmari mihi de hoc morbo iudicium viderem, certus ad curationem accessi, quæ certissimo experimento rationis inventum confirmavit ac comprobavit. Siquidem ab hausto semel atque iterum medicamento huic morbo accommodato, statim mitigari sibi hos paroxysmos, & post triduum integrè curari sensit, magno artis medicæ encomio, & præsentis ægrotantis, quod plus est, salute.

### *Observatio LIV.*

**A**B hac ipsa tertiana febre tertio quoque die recurrente, diutius laboraverat. unicus Concionatoris Embdani filiulus, liberali facie & forma puer, antequam gravioribus symptomatibus corriperetur. Cujus causa febrem ejusque curationem tum parentes negligebant.

Accidit autem quodam paroxysmi die, cùm fortè in vicinia essem, ut subito & de improvviso puer hic, cùm nihil minus parentes cogitarent, pluribus



bus motibus convulsivis, magna omnium consternatione & acclamatione corripere: Et ab ijs somno alto & profundo, ex quo nullis nostris clamoribus excitari potuit.

Fuerant & hujus quoque urinæ, quas durante febre, & ante has convulsiones reddiderat, tam colore quam substantia variæ, aliquando citrinæ, tenues & spicæ, aliquando crassæ, rubræ & subfuscæ, multis crassis & subrubris sedimentis in matulæ fundum subsidentes, & nonnunquam glaucæ, & coloris omnino aquei, quales etiam tumerant, cum ad invisendum eum a parentibus invitarer.

Ex quibus non simplicem hanc febrem esse, sed alteri morbo implicitam, etsi diu antè perspexissem, nolui tamen temerè curationem spontè urgere, etsi cum patre propter communes literas, & publicam ejus functionem, alioquin familiariter viverem, quòd in ea urbe plærifq; ferè persuasum sit, puerorum morbos medicinæ præceptis non subjacere. Quò tamen hunc puerum tandem devenire necessitas ac symptomatum magnitudo coegit.

Itaque à patre viro docto, probo & humano requisitus, si quid auxilij huic morbo natum esse cognovissem, id ei communicarem, & filiolo suo unico conferrem, ijs quæ febrem mitigant (nam prius febris conditio & status mihi perspectus erat) & venas modicè aperiunt, ex scorbuticis medicamentis potissimum nasturtij succum admiscui.

*Nasturtii aquat. succus in cario efficax.*

Quod hunc succum ut ad scorbutum, sic ad somnum facere, contra Fernelium Ambianum, summæ authoritatis medicum, non minoris estimationis & eruditionis vir, Guiljelmus Rondeletius defendat. Cujus sententiæ in hoc casu nos accedere studium veritatis cogit. Fuit autem refracto vi pueri ore, hoc medicamentum ei ejectum. A quo statim, ut ad actum deductum medicamentum per naturam fuit, ad se puer redijt, qui prius nullis nostris clamoribus à somno excitari ac expergeri potuit.

### Observatio LV.

**H**Ac ipsa febre tertio die recurren-  
te, & ab hoc morbo, vel specifica  
hujus

hujus morbi putrefactione excitata, correptus anno octuagesimo quinto quidam generis nobilitate clarus fuit. Qui à sanguinis missione, qui planè impurus cum manifestis hujus morbi indicijs fuit, & post ter quaterve haustum tum febris tum stomachaci accommodatum medicamentum, curatus ab hac febre, post secundum vel tertium (si rectè memini) paroxysmum est. Et si urinæ quoque quas in initio febris æger hic reddidit, rubræ, crassæ & subfulcæ apparerent, atque gravissimi morbi indicia continerent, nisi tempestiva impuri sanguinis missione, & conveniēti medicaminum usu & exhibitione, morbo ejusque causæ (DE I gratia) obviam ivissemus.

Delectatur enim cibus his melancholicis, & crassis, quia & ante meum ad eas regiones adventum tam cerevisijs, quam cibus decoquendis usus ille patrijs aquis crudis & sublimibus fuerat. Solet quoque hic æger cum his urinis plerumq; annum suum morbum pati, qui etiam hac curatione tum remoratus, & pro ista instantia impeditus fuit. Quem porrò DEUS

omnipotens ob omni malo protegat  
& defendat, & diu incolumem Rei-  
publicæ ac suis conservet, ad divini  
nominis gloriam, & Ecclesiæ Christi  
salutem & incolumitatem. Amen.

### *Observatio LV I.*

**Q**uartana febre, vel ad quartanæ  
febris typum dierum accessione  
alludente quartana, & cum hoc ipso  
morbo communicante, atque ab hoc  
dependente, diutius bibliopola Emb-  
danus laboraverat, priusquam in no-  
stri noticiam veniret, atque de hoc  
morbo nobiscum communicaret. Quæ  
etsi quarto quoque die suas accessio-  
nes haberet, & hoc ipso quartanæ fe-  
bris typum repræsentaret: nullis ta-  
men præterea signis & symptomatibus  
veterum quartanæ respondit. Nam  
neque horrorem, neq; calorem quar-  
tanis similem ostendit, & toto quoq;  
genere ob ea pulsus, qui hic nobis oc-  
currit, discrepabat, utpote qui etiam  
in ipso febris vigore, & ejusdem incre-  
mento ac statu, nativam suam parvi-  
tatem inæqualitatemq; retinebat, &  
exercitatis, prima manus ad pulsum  
appli-



applicatione, facile utriusque differentiam, & fictam atque fallacem febris quartanæ speciem ac formam prodebat, eandem quoque quam in febris vigore & incremento parvitatē inæqualitatemq; ostendebat, in febris remissione & intermedia quiete, non fallaci hujus morbi indicio retinens & conservans.

Cui majore certitudine urinæ quoque variæ subscribunt, quas diversorum morborum concursus significare, & non unius neque simplicis morbi notam habere, supra ex Galeo ostendimus. Ut ex his toto genere hanc febrem à veterum quartana discrepare, facile perspicerent, qui exercitatum in dignoscendis morbis ingenium habent, atque singulorum morborum pathognomonica signa memoriâ tenent. In quibus prius exerceri illum necesse est, qui cum fructu hæc nostra legere, atque in usum rectè transferre hæc & accommodare volet. Nam qui nova à veteribus distinguere cupit, necesse est vetera omnia prius perspecta habeat, ut quibus ab his illa discrepent, quibus consentiant, cognoscat: alioqui rationi  
con,



consentaneum est, neque unum neque alterum eum cogniturum esse.

Sed ut ad historiam revertamur. Utcunque hic diuturniore hac febre prius diutius debilitatus fuerat, tamen media ferè hyeme in tribus vel quatuor plus minus hebdomadis, nostra opera ab hac febre liberatus DEI beneficio fuit, etsi plurium dierum languor fuit, utpote quem non ita facile ex longiore morbo evincere ac superare natura potuit, nunc tamen pancratice valet, à morbo integrè confirmatus.

*Historia quar-  
ana scorbutica  
laborantiam.*

Eodem tempore quo hic, media etiam hyeme, ab hac ipsa febre quartana, ægrotabat Domina Margareta, Illustris ac Generosi Comitissæ Edzardi natu maxima, filia, cui cum multa anxietate & respirationis ad præcordia difficultate singulis paroxysmis recurrente, hæc febris conjuncta erat, ita ut molestior S G respirationis difficultas, quam febris aut calor esset. Hæc etiam media hyeme sub nativitatis festum, nostra, laus DEO, opera, in decem plus minus diebus valetudini restituta fuit, nisi quòd aliquando post levis ejusdem febris significatio perma-

maneret, quæ etiam secundo nostro ad aulam adventu, in paucis diebus integrè sublata fuit & curata, cessante cum hac febre & respirationis difficultate: utpote quæ hujus comes apodicticum hujus morbi sceletyrbis signum continebat. Hæc nunc valet, Domina modesta, pia, & benigna, sacrarum literarum lectioni addictissima.

Simili febre cum simili pulsu & urinis crassis & albis, puer iste laboravit, cujus in universali morbi enarratione mentionem fecimus, ut propterea rectè dictum à Galeno sit, febres non dierum accessione, sed signorum proprietate dijudicandas esse. Nam si ex accessione has febres dijudicassemus, neque de curatione æquè certi esse, neque prædictione vera prælagire potuissimus, sed circa utrumq; aberrare necesse fuisset. Quatenus ex morbi noticia utriusque certitudo, tam curationis, quàm præscientiæ & prænotationis oritur.

*Lib. I. de diff.  
feb. cap. I.*

Atq; hinc fit, quòd ex morbi hujus ignorantia, quædam febres apud nos adeò sint diuturnæ, ut nullis medicorum medicamentis expugnari queant,

&c

& sæpe ad annum unum, duos aut plures perseverent, nec nisi cum temporis mutatione in robustis desinant, vel in alium & deteriorem morbum aliquando cummutentur, iisque non raro debiliores succumbant, sicut aliquibus exemplis, si necesse esset, hic demonstrare possemus.

Hujus generis quoque febres sunt, quæ sub vernum tempus incipientes, primum tertio quoque die tertianæ febris typo occurrunt, & post septimum paroxysmum, nisi cum ipso desinant, quotidie infestant, & ad festum Divi Jacobi vel circiter ferè extenduntur & perseverant, nisi legitimè, & his simul ad scorbutum facientibus medicamentis curentur. Aut etiam si hanc temporis mutationem superaverint, ferè annales sunt, & ad proximum ver transeunt.

Cognoscuntur autem cum hoc morbo communicare, aut ab hac putrefactione accendi, cum ex pulsu parvo & inæquali, tum etiam ab urina crassa & subsidentij jam dictis conspicua, vel eadem varia: Siquidem in his sic affectis nisi crassa, rubra, & subfusca urina fuerit, aliquando & citrina occut-

occurrit, aliquando crassa, subinde aquea, mox rursus turbida & rubra, Unde non unius neque simplicis, sed plurimum & complicatorum morborum præsagium sumi, antea ex Galeno ostendi. Has febres etiam his medicamentis profligari & tolli, nostro qualicunque experimento non semel comprobatum est, & hoc ipso tempore dum hæc scriberemus, in quodam nobili Gandavensi, qui supra mensem ab hoc morbo cum gravi tussi, & multa pituitosa ac crassa expuitione, graviter divexatus fuerat.

Hinc nunc, laus DEO, vivit & valet, horum medicaminum præsidio pristinae sanitati, DEI beneficio, restitutus: ob pietatis studium & propensum ejus in pauperes affectum, longiore immò Nestorea vita dignus. Hæc breviter hic, & ad hanc historiam attexere volui, quòd sciam maximo artis nostræ contemptu, nullam hactenus hisce febribus medicinam inventam esse, atque frustra elapsis retrò annis, & nullo ægrotantium commodo ac bono, curationem harum febrium attentatam fuisse, ut propterea non immeritò vilescere, apud nos & in hisce regio-

*Causa, ab qua  
medicina apud  
nos vilescere coe-  
perit*



regionibus medicina cœperit, postquam ejus auxilio & ope nullam arceri depelliq; posse febrem, vulgus nostras animadvertit.

Quæ in hunc finem ab hominibus & majoribus nostris inventa, atque à Deo optimo maximo monstrata fuit, ut sanitatem integram conservaret, profligatam verò restauraret, morbos pellendo, eorumq; causas & occasionem præcidendo, ubi tempus & naturæ vires id permetterent, aut ratio & causa nulla physica id impediret. Cujusmodi nihil hic intervenire, & tamen omnem curationem methodicam has febres respuere, cùm animadverterem, magna artis & laborantium seu morbos curantium medicorum ignominia atq; pudore, non potui non mecum statuere ex causa morbi, ejusdemque ignorantia, necessario id provenire debere, scilicet quod in morbo, ejusve causa, ac per consequens ejusdem curatione aberrare medicinæ artifices contingeret.

Itaque diligentius omnia excutere cœpi, & multo studio ac labore omnia morborum signa examinare, & ad pullum & urinam attendere, si  
for-

fortè sic errorem deprehendere, & ab his in morbi noticiam & per consequens rectam ejusdem curationem descendere ac penetrare possem. In qua quantum profecerim, aliorum iudicio permitto, qui post nos ex hac nostra imitatione periculum harum curationum sunt facturi.

Hoc sine arrogantia dicere possum, *Prognost. 49.*  
me certam harum febrium curationem promittere omnibus audere, qui nostris præceptis ac monitis obtemperare, & in assumendis hisce medicamentis consilium nostrum sequi non detrectant. Siquidem (absit arrogantia dicto) uon minus certò harum febrium curatio mihi nota est, atque digitorum numerus. Cujus nomine soli Deo laus & gloria, qui solus medicinæ monstrator, ejus scientiam hominibus aperit & ostendit, ut bonitatem suam & propensum suum erga genus humanum amorem declararet, & rursus ob hæc & alia ejus innumerabilia in nos officia ac beneficia, nomen illius à nobis prædicetur ac glorificetur. Quapropter in omni curatione, in eum solum intentos oculos ac mentem habere, tam me-

medicum, quàm ægrotantem decet, ab eo operis sui benedictionem expectantes.

### *Observatio LVII.*

**P**lures mendaci quotidianæ febris typo ab hoc morbo ægrotarunt, quàm ut numero hic comprehendi queant. Quare hic etiam uno atque altero exemplo contenti erimus. Ex quorum petraſtatione de ſimilibus non difficile iudicium erit, ijs qui poſt nos attendere ad ea quæ dicuntur, & eadem nobiſcum experiri volent. Pluribus enim ad ſingula attendentes, à veterum quotidianis, has noſtras febres diſcrepare, ſignis & ſymptomatibus depræhendunt, quibus magis, quàm dierum acceſſione febres dijudicandas eſſe norunt haud dubie ij, qui in Galeni placitis ſunt exercitati.

Occurrit autem inter cæteros hac febre infeſtatos quædam illuſtri loco nata Domina pulchra & venuſta. Quæ ſub id tempus dum hæc ſcriberemus, & graviffima hac febre quotidie invadente

dente correpta fuit. Quæ in initio cum lento frigore incipiebat, quod subinde horas sex, aliquando septem & plures durabat, priusquam calor accenderetur, post quas paucis incrementis calor accendi, & ad exteriora redire cœpit. Sub vigorem morbi gravissima siti infestata fuit, ut quidlibet leniendi sitis causa biberet & appeteret. Urinæ variæ erant, ut longo tempore nemo nobis occurreret, qui plures & magis faciles urinarum permutationes pateretur, atque hæc.

Nam cum aliquando ex laudabilioribus urinis certam morbi solutionem nobis promitteremus, non ita diu post ejusdem spem nobis ademit, eadem quantum prius, cruda & tenuis, vel subturbida, & paucis sedimentis crassiusculis conspicua, à quibus nihilo clarior superior & supereminens supra hæc urinæ substantia eminnit.

Quotiescumque in lecto se erigebat, vel de lecto surgeret, ilico animo liquit, vel ad linquendum prona fuit, quod planè præter morem & consuetudinem ei advenit. Pulsus in accessione febris (ut fieri solet) parvus erat & inæqualis, circa vigorem verò ma-



gnus & durus, extra paroxysmum parvus  
rursus & inæqualis, quem huic morbo  
familiarem esse, supra in tractatione de  
pulsu dixi.

Usa semper hæc per sanitatem ab an-  
no 20. fuerat, tam cerevisiis, quam  
cibis decoquendis, aqua patria cruda &  
sublimi. A quibus propter temperamen-  
ti bonitatem, qua gaudebat, pluribus  
annis nullum senserat incommodum:  
Temperamenti beneficio & innati ca-  
lidi vi ac robore, ea quæ sua natura  
cruda & vitiosa erant, in succi bonita-  
tem, & laudabile corporis nutrimen-  
tum convertens. Nam ut præstanti for-  
ma erat, ita à primis exordiis atque  
ab ipsa nativitate temperamentum con-  
sequuta laudatissimum est. Non potuit  
tamen longiore & assiduo earum usu  
vergente paulatim ætate, vel corporis  
robore *impulso* prætergresso, omnem o-  
mnino pœnam evitare, quin à commu-  
ni causa, communem quoque mor-  
bum, cum aliis pateretur, & ab his  
aquis quasdam crudas & indigestas a-  
quositates cumlaret, quæ alieno ca-  
lore accensæ, propriam & huic mor-  
bo peculiarem putrefactionem subirent,

de-

depravatarum aquarum naturam & conditionem referentem.

A quibus etiam, æstuante intus calore, utcumque tenues subinde & crudæ urinæ apparerent, densæ fuligines, crassa humiditate imbutæ, resolutæ, & sursum ad os & linguam elevatæ, ad eam linguam & fauces affecerunt, ut vix multa diligentia ab his eas partes vindicaremus. Solent quoque in assumendis diutius medicamentis, si non statim omnia ex voto succedant, illustriore loco nati ferè difficiliores esse. Nec desunt qui ad gratiam loquentes & ad blandientes, dum officiosi videri ac complacere volunt, sæpe magno principum damno & malo, recta & utilia consilia remorantur & impediunt, facili momento isthuc ægrotos impellentes, quod spontè omnium natura inclinant.

*Illustri loco nati ad medicamenta sumenda ferè difficiliores.*

Quod nos quoque in hac curatione experientes, vix quatuordecim diebus perfecimus, quod in decem diebus plus minus absolvi & præstari à nobis minore molestia potuisset. Sicut intra hos dies, & septimo (ni fallor) ab eadem febre, eodem ferè tempore curata prædictæ ægrotantis filia fuit,

*Asflavia labo-  
rantis quoti-  
diana scorbu-  
tica.*

annos nata plus minus duodecim. In qua non minus operosa hæc curatio fuit (etsi sæpius intra octo, ni fallor, dies ab his medicamentis certam curationem ei DE I gratia promitterem) quòd æquè in assumendis iis difficilis & tarda esset atque mater. Quæ septimo die ut prædixeram curata fuit, uti decimo tertio die vel quarto mater, magna omnium læticia. Quòd propter animi deliquia, quæ perpessa semel atque iterum hæc fuerat, omnibus desperatæ valetudinis videretur, ut non satis domesticos confirmare, & hanc opinionem ipsis evellere in primis diebus potuerim.

Est enim Domina benigna & affabilis, iram facilè remittens. Et Domini sui observantissima, in id attenta, quomodo tristem Dominum suum reficere, ac blandis colloquiis, & suavissimo suo convictu, eum recreare ac oblectare possit. Mansit autem pluribus diebus debiliior, quòd à febris remissione, nullum catharticum admitteret. Quo factum, ut ex morbi & causæ morbi reliquiis non satis purgatis, subinde facili tumore & inflatione facies ei intumesceret, quæ eadem facilitate, qua

*Reg. diagn.  
gen. 24.*

cor-

corripiebat, subinde evanescebat, etiam *ex tumefaciei  
facile subinde  
evanescente.*  
hujus morbi argumento quod evenire sic affectis propter multos flatu-  
tus solet, quibus hæc materia abundat.

A quo malo levi cathartico postea liberata est, quod ex foliis senæ & rhabarbari infusione, si rectè memini, sibi ipsi parabat. Ea nunc vivit Domina benigna & affabilis. In qua præter *Signa scorbuti.*  
febrem, scorbutum morbum demonstrabant frequentes urinarum absque causa mutationes, præterea facilis lipothymia, quoties se ægra moveret, nec non febris species, ejusque accessionis modus, ultimò & facilis inflationis modus & evanescencia, quibus adnumerari præcedentis victus ratio potest, vel aquarum jam dictarum usus. Cum iisdem & similibus ferè urinis, ab hac febre nuper Antwerpianus *Historia quon-  
diana scor-  
butica labo-  
rantium.*  
laboravit, cui præter cætera etiam molestæ frequenter angustia erant, ad præcordia sub diaphragmate infestantes. Qui iisdem etiam ad febrem & scorbutum facientibus medicamentis, à nobis brevi, DEI gratia, à gravissimo suo morbo restitutus est. Sicut altera nuper puerpera, quæ cum gra-



vissimis ventris torminibus, eandem quoque febrem experta est.

### *Observatio LVIII.*

**S**imili febre, quotidianæ typo ludente, prædictæ & jam descriptæ ægrotantis filia, à natu maximâ tertia laboravit, Domina quoque pulchra & venusta. Quæ post inordinatas febrium accessiones, quibus tota hyeme, aliquando post mensem, aliquando post septimanam unam, duas aut plures, nullo aut magno calore aut frigore molestis correpta fuerat, tandem sub vernum tempus, in hanc febrem quotidie recurrentem incidit, quæ singulis paroxysmis præter frigus & calorem, maximis & infestissimis tam ventris quàm intestinorum doloribus & torminibus, eam excruciauit, cum continuo ferè vomitus conatu, & multis ad præcordia anxietatibus conjunctis.

Duravit frigus horas subinde duas, aliquando tres. Quando prædictæ sub præcordiis anxietates mire eam infestabant, cum perpetuis, sed inanibus ferè vomendi conatibus. Videtur enim

fic

sic affectis hic conatus aliquid levaminis adferre, quasi qui eo gravamen sublevare velle videantur, etsi paulò post eadem rursus necessitas recurrat, perinde atque prius, hanc rejectionem urgens.

Estque hoc quoque inter cætera apodicticum hujus morbi signum, si citra gravantem ventriculum pituitam vel manifestam viscerum inflammationem, aut ventriculi exulcerationem fiat, sicut curatio demonstrat, qua cum morbo hi quoque conatus tolluntur & curantur. Sed & graves quoque crurum dolores ac lincinationes, hæc ipsa experta fuit, non minus atque febrem ipsam molestas. Quas etiam hujus morbi indicio, cum his febribus incidere suprà ostendimus.

Hanc historiam hoc loco adscribere, priorique subungere volui, ut melius naturam hujus febris lector cognosceret, atque hinc disceret, non simplicem pituitæ, ut veterum quotidianam, sed specificam hujus morbi putrefactionem, hanc nostram sequi. Idque manifestum fieri, tam ab iis quæ cum hoc morbo inciderunt, signis & symptomatibus, quam ab inordinatis accessionibus, quæ per hyemem huic ægrotæ

*Materia quotidiana scorbutica.*

advenērunt, quarum soboles atque propago merito cenſeri hæc febris, quæ ſub vernum tempus quotidie incidit, debet: ex eadem, qua illa, putrefactione procreata, eaque cum temporis acceſſione aucta & cumulata.

*Cauſſe cur febris ſcorbutica ex inordinata quotidiana facta ſit.*

Quæ non quotidie tum ( ſicut poſtea aucta putrefactionis cauſa materiali ) ſed ſine ordine hanc ægrotantem apprehenderunt, & aliquot quoque vicibus, quarto quoque die deinceps. Quandoquidem ſemel atque iterum per hyemem, poſt quartum quemque diem leviffimis febris typis infeſtata fuit, quam propter typi levitatem tum contemſit, ne medicamenta à quibus alienior erat, aſſumere cogeretur. Ideoque neglecta cauſa, & cum tempore adaucta, in febrem quotidie corripientem erupit, præter acceſſionis diem cum veterum quotidiana nihil communicanrem, ſi ſigna & ſymptomata, quæ cum ea inciderunt, præterea morbi naturam & mores reſpicias conſideresque. Quod curatio noſtra quoque monſtravit, quæ juxta prædictionem noſtram feliciter nobis, DE I gratia, in octo diebus abſoluta eſt, rationis inventum confirmanſ.

*Observatio LIX.*

**M**Ixtæ febris, continuæ scilicet & tertianæ typo ac specie, plures quoque ab hoc morbo laborarunt, quàm ut hîc commemorari omnes queant. Imprimis verò Concionator Embdanus, vir pius & bonus, ac omnibus suo officio additus. Qui cum tantis ventris & intestinorum torminibus ac lancinationibus correptus ab hac febre fuit, ut divelli sibi ac dilacerari omnia intus exclamaret, & præ doloris vehementia, quò se verteret nesciret, variè se & in omnem ferè formam convolvens, tristi omnium astantium aspectu & commiseratione. Ut non abs re scorbuti nomen hic morbus consequutus esse videatur, & rem cum nomine verè possidere.

Hic dolor cum paroxysmo semper recurrebat, eodemque remittente & cessante desinebat. Cum tertio paroxysmo in continuam abire febris hæc coepit, & post sextum rursus ac septimum postea diem intermittere, & ut prius, tertio quoque die infestare, cum iisdem, sed paulò remissioribus ventris & intestinorum doloribus.

Cc 5

Post



*Reg. diagn.  
gen. 25. ex maculis  
faciei subito subinde evanescentibus.*

Post tertium paroxysmum, subinde toto fere corpore, maximè verò circa pectus & faciem, maculæ purpureæ eruperunt, perinde atque si erysipelate pectus ac facies suffusa fuissent. Quæ eadem facilitate, qua subinde erumpebant, rursus subito quandoque evanescebant. Quod sæpius & variis ac mutatis fiebat vicibus, sed absque ullo valetudinis incommodo, aut deterioris morbi, vel ingravescentis, aut remittendis morbi significatione. Quod non infido hujus morbi signo, aliquoties in his regionibus fieri observavi.

Gravis è toto corpore odor exibat, sua gravitate adstantium nares molesto odore feriens, facies variis coloribus & maculis distincta videbatur, adeò ut sibi ipsi similis non appareret. Cum quibus conjuncta summa respirationis angustia erat, ad præcordia ex intervallo infestans. Sed & crebro vomendi conatu vexabatur, quo parùm aut nihil sæpe egerebat, sed qui inani suo conatu magis eum divexabat, quàm quòd dignum quid eo educret. Atque hæc omnia pessimo indicio delirium augebat, quod tamen momentaneum erat, & per intervalla recurrens.

Quot-

Quotquot ad invisendum eum officii  
 & amicitiae gratia conveniebant, post  
 eum laborare uno eodemque ore affirma-  
 bant omnes, & qui timidiore erant, ac  
 sibi metuebant, cum scrupulo ad le-  
 ctum ejus accedebant, aut procul à lecto  
 sibi cavebant. Et certè multa pestilentis  
 & mali moris febris indicia in hoc agro-  
 to concurrebant. Nam malignæ febris  
 symptomata hæc omnia, quæ enume-  
 ravimus, esse, nemo medicinæ candi-  
 datus ignorat. Et nos quoque idem in-  
 dicassimus, nisi hujus suspicionem no-  
 bis exemissent, & à nobis removis-  
 sent, manifestæ febris, quæ præcesse-  
 rant & subsequebantur intermissiones.  
 Quæ, si Hippocrati credimus, salu- <sup>4. aph. 43.</sup>  
 tares sunt quocumque modo fiant. Pul-  
 sus præterea parvus erat, nec non cre-  
 ber & inæqualis, & calor foris mitis,  
 intus verò urens. Urinæ rubræ & in-  
 tensissimæ rubedinis apparebant, sed  
 crasso & gravi sedimento subsidentes.  
 A quibus ut & à reliquis symptoma-  
 tibus, de specifica hac putrefactione quæ  
 scorbuti morbi est, admonitus, cura-  
 tionem sequentem institui. Primum  
 quòd alvus stricta esset, & biduum

*Curatio febris  
scorbaticæ  
enixta.*

396 SEV. EUGALENUS

torum substitisset, clysteri levi eam solvi, in quo pro evacuatione diacatholiconis ʒj. dissolvi. Inde modico misso sanguine, potionem aperientem ei præscripsi, cui, quæ ad hunc morbum facerent, medicamenta admiscui, ejusque potionis unciiis tribus & s. addidi succi cochleariæ ʒ. ij. & s. Ab ea portione quater ac quinquies sumpta, liber à maxima febris vehementia, omnium bonorum votis evasit, mitigatis sedatisque symptomatibus, quæ cum febre eum invaserant.

Interea verò dum hæc fierent, Epati & cordi convenientia epithemata imposuimus. De quibus quia pleni medicorum libri sunt, nihil hîc opus longiore eorum commemoratione est. Ab his utcumque vis febris superata atque devicta fuerat, tamen quotiescumque biduum horum medicaminum usum intermitteremus, aut cerevisiarum ex patriis aquis decoctarum copiam ei faceremus, statim insurgere atque vires pristinas recolligere illa videbatur. Manebat enim ab hac curatione adhuc lenta febris, quæ vires fatigabat, & ad pristinum robur non facile eum redire sinebat. Quæ etiam ho-

horum medicaminum continuatione radicatus postea à nobis extirpata fuit, ut nunc laus Deo sanus vivat & robustus.

Ex hoc loco obiter admonemur, non adeo criminandum virum doctissimum, & celeberrimum nostri temporis medicum, Gulielmum Rondeletium esse, quod suo de peste tractatu doctissimo, pestem ex melancholici humoris putrefactione generari existimaverit, cum adeò atrocia, & à pestis symptomatibus non aliena accidentia, ab hujus putrefactione commoveri perspiciamus, quibus etiam illud ac decipi summi medicinæ artifices possunt. Sicut manifestum ab hac historia & sequenti est, quas propterea hîc describere voluimus, ut de iis, quæ in morbi enarratione nobis dicta sunt & prolixius explicata, veritas constaret.

*Rondeletii de  
pestis materia  
opinio. sup. 185.*

Scimus enim, omnium medicorum consensu comprobatum esse, pessima à melancholico humore putrefacto atque corrupto accidentia excitari, membrorum scilicet putrefactiones, carbunculos, carcinomata, & id genus alia. Quibus symptomatibus

&



& signis aded cum peste aliquando hic morbus collidit, ut non semel pro peste eam parum exercitati medici & empirici, magno errore, & ægrotantium incommodo ac malo, curarint. Quo magis animadvertere, & diligenter ad singula attendere medicum decet, ne prius curationem aggrediatur, quàm omnia ei perspecta, & ad amissum morbus cognitus sit, potissimum quando in hoc casu minus universalis pestis est, & ad paucas domos & familias illa adstricta, aut inter pauperes magis, quàm divites serpens.

*Scorbutus citra  
contagium ori-  
tur, & ex con-  
tagio propaga-  
tur.*

*Causa, cur plu-  
res sæpe in ea-  
dem familia si-  
mul scorbuto  
corripiantur.*

Nostra enim qualicumque observatione hætenus observatum est, quemadmodum citra contagium ex intrinsicis humoribus hic morbus oritur, ita etiam ex contagio eum propagari, eodem, quo Gallicus morbus, modo. Quem etiam citra contagium, & ex contagio, ortum suum apud insulares habere literis proditum est. Quare mirari non debemus plures in eadem familia hoc morbo corripi, quibus eadem cibi ac potus ratio est, vel mori, quibus idem circa medicaminum exhibitionem abusus & error contingit.

Ita Embdæ cuidam familiæ ante biennium evenit, in qua ab hoc morbo & febre ordine omnes, unus post alium, matre excepta, cum tumoribus bubonibusque ægrotare cœperunt, nulla medicaminum ac victus ratione salubri, vel huic morbo & febre competente, gubernati. Quo factum, ut filii omnes, unus post alium moreretur, in universum verò quinque vel sex, postquam alius viginti, alius duodecim, alius quatuordecim plus minus dies, ab hoc morbo ægrotasset ac decubisset. Solus pater periculum evasit, ab hac febre consueto suo quo per singulos annos semel atque iterum laborare solet, morbo, arthritide scilicet vel podagra hac scorbutica correptus.

*Historia eorum, qui plures in eadem familia simul scorbutico sunt correpti.*

Ad eundem modum ante annum quoque alteri familiæ è regione alterius accidit. In qua prius, filius natu maximus, pluribus sursum ac deorsum eruptionibus, sicut fieri in cholera morbo solet, & huic morbo usitatum scimus, subitò & præter spem extinctus est, à quo paulò post filius natu minimus, & ab eo filia natu maxima, & non ita diu post filiola natu

mi-

minima, ultimò famulus ægrotare coepit.

Ego ad curationem vocatus, cum nullam tota urbe pestem grassari scirem, diligenter ad pulsum & urinam, atque omnia quæ cum hac febre inciderunt, signa & symptomata animadvertens, manifestis indiciis & certis argumentis & validis deprehendi, sceletyrbes ac stomacaces ea esse accidentia magis, quàm pestis. Nam urina filioli, ut ab hoc incipiant, varia erat, modò crassa, modò tenuis, aliquando citrina, aliquando rubra, respiratio per intervalla difficilis, cum angustia sub diaphragmate conjuncta. Quod symptoma etsi illi cum peste commune est, est tamen in peste continuum magis, sicut supra in morbi enarratione a notavimus. Pulsus creber erat, sed parvus & inæqualis.

In puella seu filia manifesto indicio hunc morbum urina indicabat crassa & conturbata, in qua multa copia, in fundum, fabulosæ substantiæ excrementa crassa & gravia subsidebant, non secus atque si manus plena arenæ obscurioris; qualis circa litus

tus maris invenitur, foris ei injecta fuisset.

Cujusmodi etiam in falsa & mendaci pleuritide ab hoc morbo excitata, urina filiae Bastiani Wabbens civis Embdani apparuit. Quem certum, indubitatum, & apodicticum hujus morbi signum habere supra ostendimus: Est enim hæc urina non huic solum symptomati, sed pluribus alijs, ab hoc morbo proficiscentibus, communis: fallaci scilicet pleuritidis ut jam dixi, specie, & pluribus pedum paralyfin, ab hoc morbo patientibus, nec non alijs, de quibus prolixius diximus supra.

Præter has urinas etiam pulsum ostendebat parvum & inæqualem, neque crebrum, neque celerem, sed tardum potius, etsi maximis ex intervallo angustijs infestaretur, & sit infestata. Quale etiam similiter in pleuritide falsa prædictæ filiae accidit, ut ab hoc pulsu, prima manus nostræ ad pulsum applicatione, pleuritide eam laborare adstanti empirico, qui bis sanguinem ei subtraxerat, negaremus.

Ab his, quæ dixi, (etsi contagio hic morbus serperet) non cum peste, sed

D d spe-



specifica hac, quæ scorbuto debetur, putrefactione, morbum hunc & febrem communicare, certò persuasus, curationem ei competentem institui, à qua filia natu maxima à febre & angustiiis liberata, abscessum tumoremq; durum, crassum & dolorificum circa cruris summa ostendit, à quo postea chirurgorum opera, Dei gratia, restituta curataq; fuit. Nam nondum tum mihi medicamentum & pulticula, cujus supra in morbi enarratione mentionem fecimus, cognita probataque erat.

Filius quoque à quatruidi medicaminis hujus assumptione, melius habere cœpit, ut rursus cibum appetere, & confirmari ab eo videretur; sed quia subitò, & præter nostram quoq; spem & expectationem, sicut aliquando in hoc morbo accidere solet, ante medicaminum exhibitionem ac præparationem, natu minima filia, ab hac angustia de improvviso extincta, ac quasi suffocata fuit, magnopere fidem apud patrem amisimus, (etsi alioqui eorum, qui nostris medicamentis usi fuissent curatio, ad votum responderet) ut propterea medicaminum in-

ter-

termisio fieret & filius recidivam pateretur. Qui toties, quoties vel per biduum nostris medicamentis uteretur, statim manifestam morbi mitigationem sensit, ut hac curationis ratione sæpius repetita, atq; rursus aliorum persuasione intermissa, pertractata, fere nostra curatio ad octodecim dies fuerit, quo à patre dimissi fuimus, quod nescio cujus, inprimis chirurgi quoq; instinctu & persuasum, medicaminum usum teneræ isti ætati inutilem, imo noxium & damnosum pater cogitarer.

Cujus voluntati necesse fuit nos acquiescere, etsi recuperandæ valetudinis spem ei faceremus, si nostra consilia sequi, & puerum ad obediendum nobis iuvitare vellet. Potuisset (ut verum fatear) in paucioribus diebus & paucioribus medicamentis, curatio nobis peracta fuisse, si quantum pro ratione hujus aeris intendere medicamenta oportuisset, exquisitè tum, ut nunc laus Deo, nobis cognitum fuisset.

Quapropter admonere hic, quemadmodum & in morbi enarratione factum à nobis scio, omnes volo, ut si cognito & perspecto morbo, non satis à mitioribus medicamentis curatio

*Indicationes à  
febre sumta sæ-  
pe autorem de-  
ceperunt.*

procedat, eam non obstante febre & calore intendant, donec ad optatum finem perveniant, ita enim certissima speranda in his & similibus curatio est. Sæpe etenim me hisce præteritis annis, in hac curatione indicationes, quæ à febre & febris signis sumerentur, deceperunt, potissimum, apud Embdanos, ubi propter maris vicinitatem, ut aer crassus, frigidus & humidus est: Ita victus ratio crassa, nautica, vel excrementitia est, utpote quæ vel marinis constabat piscibus, vel recentibus, sed in stagnantibus aquis ut plurimum captis, vel carne plerumq; bubula & crassa, aut anserum, anatum, & similibus aquatilibus, à quibus crassum & frigidum, nec non excrementitium succum corpori nostro suppeditari, omnes norunt, ut nulla demonstratione hæc res opus habeat.

Accedunt aquæ crudæ, sublimes & frigidæ, quibus decoquendis suis cerevisiis fere omnes, vel pleraque civium pars utitur. A quibus vel crassum, vel crudum & aqueum succum gigni necesse est, qui multam sui attenuationem ac calefactionem indicat, utcunq; febrili calore accendatur. Quod paucis

hic,

hic, propter communem salutem, & multorum commodum ac utilitatem, cui hoc opus destinavimus, admonere volui. Restat nunc unum atque alterum exemplum præterea, pro rei jam dictæ confirmatione adducamus, quò magis fidem omnibus faciamus. Quod nulla re æquè atque exemplis confirmemur, juxta illud Galeni, dicentis, rationis esse invenire, at confirmationem ab experientia & rei probatione procedere.

*Lib. 5. de san.  
tuenda cap. II,*

### *Observatio LX.*

**H**isce pestis indicijs, & falsis ac mendacibus ejus symptomatibus quibus ad pestem hic morbus quandoq; alludit, correpta quoq; cum mitiore febre, cujusdam nostratis olim Consulis Bolsuardiensis Regneri Cornelij filia fuit, ejusq; ancilla, uno eodamq; tempore, filia cum alterius cruoris abscessu duro & subrubro, & nigro atq; crustoso ulcere, super tibia: Ancilla verò cum duobus in inguine tumoribus, in unoquoq; uno, duro quoque & renitente. Cum quibus conjuncta levis sitis fuit, & urina citrina, manife-



fla fuscedine tineta. Satis autem levissima humidi assumptione facile placata fuit, etsi continuò & ipsis os ferè siccum esset. Pulsus parvus utrique & inæqualis erat, per omnia talis, qualem in hoc morbo eum esse soleri dixi.

Ego ab hoc pulsu & urina subfusca, morbum ejusq; causam cognoscens, parentes bono animo esse jussi, & conceptam de peste opinionem deponere. Sed quia altius illa infederat, non facile evelli illa ex ipsorum animis, primis diebus tribus potuit, donec tandem ex nostra prædictione curationem procedere conspicerent, & nos liberè atque citra scrupulum hanc curationem tractare animadverterent, Opinionem enim de me conceperant, circa pestem ejusq; curationem, minus me promptum paratumq; fore.

*Prognost. 50.*

Ostendi autem tumores utriusque, medicamentis & cataplasmatibus externis discuti ac dissolvi posse, sed nigrum & crustosum illud ulcus, necessariò à reliqua cute & carne separari debere, si puellam salvam & crus illud conservatum vellent. Quod à simili ulcere, aliquanbo totum corpus in periculum venisse & aliquibus cruris mortificationem advenisse, nostra observatione

tione constaret. Quemadmodum id hodie unius puellæ, Embdæ nunc degentis testimonio, docere possum, quæ à simili ulcere eò devenit, ut alterum crus ei amputari fuerit necesse: quæ simili ulcere post aliquot annos, in altero crure correpta, nostra opera, DEI gratia, intra paucos dies non sine ægrotantis dolore, curata atque integræ valetudini restituta fuit, quòd ex simili ulcere alterum crus se amississe diceret, ideoq; infortunium suum & calamitatem deploraret, quòd chirurgorum imperitia isthuc devenisset, & in istam calamitatem incidisset, ex qua medici industria liberari potuisset.

Quibus auditis obnixè me parentes rogarunt, ut uihil eorum, quæ ad valetudinem suæ filiæ pertinere putarem, missum facerem: simul etiam ancillæ, ob pestis suspicionem ac metum in aliud & superius cubiculum traductæ, curam habere, ejusq; valetudinem mihi commendatam esse vellem. Id ubi ex officio me debere, parentibus ostendi, quibusdam ad sceleryben præscriptis medicamentis, radicem morbi præcidendam putavi, quorum beneficio post sextū plus minus diē, corpus rectè

*Curatio febris  
pestilentialis  
scorbutica cum  
tumoribus &  
ulcere nigro at-  
que crustoso.*

valere, actiones naturales integræ demonstrarunt.

Interea tumoribus adhibita cataplasmata ex chamæmelo, meliloto, parietaria, malva, bismalva & mercuriali, ad sufficientiam decoctis, fuere, quibus pro cataplasmatibus consistentia farinae convenientes, & dolorem mitigantes, ex lini semine, item fœnugræci & hordei additæ fuere, cum mellis rosacei & olei rosacei sufficientia quantum ad cataplasmatibus formam & consistentiam satis erat. Eoq; cataplasmate citra dolorem tumores discussi dissolutiq; sunt: nigrum autem eo medicamento, quod suprâ in morbi enarratione exposuimus, à sana carne & cute intra sex dies separatum fuit, ut propterea nihil hic opus molestæ ejus repetitione sit.

Atque hoc curationis modo, si curatus nobilis ille fuisset, cui in morbi enarratione pedem mortuum ab hoc morbo fuisse, & postea animæ emigrationem magno ejus bono subsecutam tutus ab ijs, quæ subscuta sunt, malis evasisse, & juxta naturæ ordinem ac cursum vitam suam aliquandiu adhuc  
pro;

protraxisse. Sed (ut verum fatear) nondum etiam mihi tum satis hæc curatio cognita erat. Et de ea dubitare celeberrimos nostri temporis medicos, Doctorem Peucerum, ac Joannem Veierum video. Cujus causa celandam eam non putavi, quò pro temperamentorum ætatumq; diversitate ea variata, alijs illa accommodari ab alijs possit, & sic atrocia hæc mala & incommoda præcaveri queant.

Pro cujus revelatione, ut DEI bonitatem prædicare decet, ita præceptorem, per quem profecimus, suo honore privare non debemus. Quem Hippocratem fuisse supra quoque ostendimus, nigra ambustis similem curationem postulare docentem. Cujus doctrinam & admonitionem hic sequuti, & in alio quoq; cive Hamburgensi, simili affectione laborante, vera eum dicere deprehendimus, ut meritò divini & magni viri nomen ille meruerit, aptum scilicet organum & accommodatum, per quod res magnas perpetua memoria dignas, Deus optimus Maximus operaretur, & toti *Hippocratis laus.* mundo, atq; omni ab ipso posteritati communicaret & patefaceret.

Quem



Quem toties præceptorem suum nominare Galenum non puduit, ei soli inter tam multas sectas veram medicinæ cognitionem tribuentem. Ut meritò parens & præceptor omnium medicorum haberi ille debeat & possit. Sed ad rem revertemur, quòd majores hujus viri laudes ac dona sint, quàm ut hac nostra oratione tenui & inculta, plenè prædicari illa, ac celebrari à nobis pro dignitate possint. Nam ab annis ferè viginti, quibus à scholis absumus, styli exercitium planè nobis neglectum fuit: Qui ob continuas (ut fieri solet) ægrorum visitationes, quibus occupati fuimus, & obscurorum authorum ac medicorum lectionem, multo situ & rubigine squallet & horret, ut metuamus, ne indota hæc nostra oratio, fastidium paritura iis sit, qui eruditis politioribusq; legendis scriptis jam dudum assuefacti sunt.

*Excusatio styli.*

Ad quorum manus & doctas aures, si fortè hæc nostra scripta delata fuerint, obnixè eos oratos volo, ut ob causas supra allegatas, dictionis impuritatem nobis condonent, & boni consulant, sibiq; persuadeant, non tam  
ora-

orationis elegantiam hic spectandam ac considerandam esse, quàm rei, quam tractamus utilitatem atque necessitatem. Qui hæc in publicum dedimus, non ut Grammaticam doceremus, sed curandi morbos artem.

### *Observatio LXI.*

**A** Romatarij Groningani, qui Embdæ ad Delphit plateam, ut vocant, habitabat, conjunx, hac ipsa correpta, anno octuagesimo sexto fuit, cum continuo vomendi conatu, & multa ac infesta anxietate, per intervalla sub diaphragmate, è regione orificij ventriculi eam coarctante & impugnante. Quas reddit urinas, crassæ & subfusæ fuere. Primis diebus nihil subsidebant. Tertio ab assumptis nostris medicamentis die, visæ crassæ & conturbatæ sunt, & crasso, gravi ac furfuraceo sedimento subsidere. Interea toto morbi tempore pulsus parvus & inæqualis fuit, nisi quantum nostris medicamentis paulatim assurgeret, & ad pristinum robur ac magnitudinem rediret.

Post sextum vel septimum, si rectè  
me

memini, diem, cum meliusculè ab his nostris, tùm febris, tùm scorbuto destinatis medicamentis, habere inciperet, & nonnunquam de lecto surgere, & ad focum redire atque igni per diem nonnihil assidere conaretur, ex insperato ortus ei circa cruris summum, non procul ab inguine, tumor crassus, durus & profundus & oblongus ac magnus cum dolore & rubedine fuit, certa pestis suspicione, utcunque mediocriter valeret, & manifestam allevationem semper ab assumptis medicamentis sensissèt: adeò ut nulla nostra oratione eam remove, & ex animis ægrotantis ac domesticorum eximere eam tum potuerim, non obstante, quòd felicem ab assumptis medicamentis nostris curationis successum, & meliorem ejus valetudinem allegarem.

Quibus etsi aliquo modo persuasi in dictis nostris se acquiescere ostenderent, dubia tamen fide id factum fuit, donec tolli & auferri ea, quæ ad hos tumores nobis descripta in morbi enarratione, pulticula est, felicissimè intra horas ni fallor viginti quatuor plus minus, hunc tumorem viderent,

&amp;

& porrò ad neminem præterea morbum hunc serpere animadverterent.

In hac fœmina morbum sceletyrben à pulsu parvo, debili & inæquali cognovi, iis, quæ urinæ monstrabant, febrilis caloris indiciiis, minimè respondente, atque ab his quæ morbi causam profligant, ad pristinum robur & magnitudinem paulatim redeunte. Confirmabant judicium ab his certum & firmum alioqui, angustia jam dicta, ad ventriculi regionem premens, & respirationem difficilem reddens: Præterea urina rubra subfusca. Ultimò curatio ab his medicamentis procedens. Unde etiam Hippocratem argumentatum esse, in aphorismis videmus, si cui fortè minus validum hoc argumentum videri possit.

*Signa scorbuti.*

*Aph. 17. lib. 2.*

Quapropter non semper pestem à tumoribus judicare oportet, alioqui & in Gallico morbo bubones tumoresque qui cum his incidunt, hujus generis haberi possunt. Quod quàm sit à vero alienum, ante nos disputatum probatumque ab aliis fuit. Quare perdiscenda cujusque morbi symptomata ac signa sunt, & ex his morbi distinguendi, ne ægrotantium er-

*Non semper tumores pestem arguunt.*

*Omnium morborum signa in memoria habere debet.*

rore,



*Et assidue De-  
um invocare,  
qui pura consci-  
entia medicinā  
facere cupit.*

rore, ut hodie proh dolor nimis frequenter sit, unum morbum pro alio curemus. Neque putare debent, qui splendidis titulis, ac vivendi pompa hominum oculos obfuscant, ita satisfieri miseris ægrotis & suæ conscientia, nisi etiam libris quotidie assideant, & in sedulo artis usu versentur, atq; diligenter, tum vetera tum recentiora expendant, eaq; inter se conferant, & quibus discrepent, quibus rursus conveniant, discernere discant.

Cum quibus etiam invocari nomen Domini debet, ut suo spiritu nos instruat, quo purā conscientia singuli in vocatione nostra ambulare queamus. Magna etenim audacia est, morbum aliquem curare, de quo tantum levibus conjecturis edocti sumus, & cujus natura per omnia nobis non sit cognita atque perspecta. Ideoq; qui pura conscientia medicinam exercere cupit, omnium morborum signa in memoria habere debet, & ubique secum circumferre. Quod sit continua probatissimorum authorum lectione, & assiduo artis usu. Nemo enim nascitur artifex, sicut proverbium habet, estq; usus artium Magister, qui citra artis  
cogni-

Cognitionem mutilus est. Sicut de hac re variis locis egregiè Galenus tradit. Sed sunt hæc alterius loci, quare ad cætera pergemus.

### *Observatio LXII.*

CONTINUA & putrida ab hoc morbo etiam illa laboravit vidua, quæ multas domi virgines alebat, & ex meliori fortuna dejecta erat, alioqui honestis parentibus pregnata. Huic etiam recurrentes subinde, & per intervalla infestantes anxietates, mirè molestæ, cum obstructionis ventriculi ad fauces usque sensu erant. Pulsus huic parvus quoque, dibilis & inæqualis erat, & propter febrem continuam creber adeo, ut quandoque vix digitis perciperetur, & subinde reptare magis, quam pulsare videretur. Urina nigra erat, vel ex rubro subfusca, in qua multa nigra & subrubra excrementa subsidebant. Alvum laxam habebat, quæ aliquando decies, aliquando duodecies, aliquando etiam vigesies quotidie solvebatur. Nam hoc symptoma etiam huic morbo quandoq; peculiare esse suprà diximus.

Quod

Quod his diebus præteritis in pluribus observavimus, duobus infantibus, quibus plurimus cum his dejectionibus sanguis descendebat, his nostris quoque medicamentis restitutis, & una puerpera, quæ sursum & deorsum in initio morbi eruptiones patiebatur, & ab his, solas alvi perfusiones, ea copia & multitudine, ut quandoque quinquagesies intra horas viginti quatuor assellaret nullo morbi levamine.

Idem malum etiam experta alia vidua est, & per multos annos rusticus, & vetula alia, nostris curationibus, & ijs quæ ad hunc morbum faciunt medicamentis, feliciter restituti. Nam ut alijs alvus ab hoc morbo clauditur, ita alijs laxari solet. Eamque solutionem ab hoc quoque morbo procedere, præter cætera curatio docet, quæ citra adstrictoria specificis & à proprietate erga hunc morbum valentibus medicamentis, felicissimè procedit, sicut nos centies & amplius experti sumus, & illi quoque experientur, qui in similibus dejectionibus, ab hoc morbo dependentibus, (quod à signis concurrentibus dijudicatur) illud probare volunt. Novi, qui adstringentibus in  
hac

hac curatione procedentes, nihil proficerent ut post longam curationem tandem ægroti vel in hydropem, vel subitam suffocationem, aut atrophiam inciderent. Ut non immeritò in medicina, ab alvi curatione probationem faciendam esse, celeberrimus Italiæ medicus Joannes Baptistista Montanus putaverit, in suis in secundum librum aphorismorum Hippocratis lectionibus. Sed ad historiam revertamur. *Adaph. 203*

Os huic foeminæ perpetuò ferè siccum erat, adeò, ut à lento hoc calore fissa labia & linguam, ac superius palatum exulceratum ostenderet. Tanta enim, etsi lenta febris esse videatur, fumante hoc calore symptomatum malitia quandoque procedit, quanta vix fieri à continua & continente veterum solet. Quod specificæ hujus morbi putrefactioni, ejusque virulentæ tribuendum puto, omnia vicina quæ attingit, sua malitia exulcerantis, sicut hunc de hoc morbo effectum, suprà quoque in enarratione ejus ostendi, atque ex specifica morbi gallici putrefactione, ad quam pluribus signis alludit, manifestum nimis est.

*Virulentia putrefactionis scorbutica.*

Ee Qui



*Convenientia  
scorbuti &  
morbi Gallici.*

Qui eodem modo insularibus patrius est, atque nobis sceletyrbe, & nullo alio jure hoc facere videtur, quàm quo apud nos id facit stomacace.

Utrique etiam peculiare hoc nostro seculo fuit, ut quàm longissimè latissimeque sua pomœria dilatent & diffundant, atque procul à generationis suæ locis & terminis, ad incognita & remota loca excurrant evagenturque, atque sub diametrali linea, qua sibi invicem, sub polorum oppositione, opposita sunt, se mutuò quasi complectantur, & inter se virus ac venenum suum communificent. Ita fit ut hodie etiam Germaniæ, Angliæ, Galliæ hic morbus innotescat, apud quos antea ne quidem auditum ejus nomen fuit, sicut postea una atque altera observatione ostendimus eorum, qui in Anglia & Gallia ab hoc morbo à nobis curati fuere, in quibus plurimùm hallucinati Gallici medici fuerunt, morbum ejusque speciem meritò ignorantes, etsi nigris maculis ac postulis sese manifestarat, idque propter morbi hujus iis in locis raritatem.

Sed ut rursus unde deflexit oratio redeat: Utcumque ita siccum os & labia

labia hæc haberet, parum tamen bibit. Nam longiore potu manifestè offende-  
batur. Opus tamen continua humectatio-  
ne harum partium habuit. Melius quo-  
que ab iis habuit medicamentis, quæ sce-  
letyrben curant, à quibus quoque alvus  
stetit, ut nullo, sistendæ alvo, alio medi-  
camine fuerit opus.

### *Observatio LXIII.*

**S**imili febre continua & putrida cor-  
reptus nuper cum hoc morbo, vel  
specifica hujus morbi putrefactione fuit  
Notarii Embdenensis domesticus, cum  
pulsu adeò parvo, debili & inæquali, ut  
vix percipi digitis posset, & judicari ab  
Italico medico hujus aeris & constitu-  
tionis imperito quisivisset, supra diem  
unum atque alterum, vix eum supervi-  
cturum. Ego etiam ab hujus pulsus par-  
vitate admonitus, ægrotum monui, ne  
temerè se de lecto præcipitaret, quòd fa-  
cilis ac subitus de eo descensus animi  
deliquium ei minaretur: & nihil mi-  
nus inter decumbendum æger cogitaret.  
Expertus tamen idipsum bis terve est,

cùm fortè alvi exonerandæ causa surgere æger cogeretur. Cujus causa postea ad omnia obsequentiorem eum habuimus.

Est etiam, uti supra in universali hujus morbi enarratione ostendimus, animi deliquium familiare hujus mali accidens, quod à vaporum exhalatione fieri puto, qui ab interna hac putrefactione solvuntur & sursum ad cor & ejus capsulam exhalant. Ut etiam pathognomicum sceletyrbes signum censerì illud debeat, si in morbo fiat, à quo decumbentes parum infestentur, aut reliquæ facultates minus imminutæ & debilitatæ, ac mediocriter officium suum facere videantur. Monet tamen hic pulsus, ut cauti simus, & facile ægrotantis vitam non præcipitemus, ejus de loco ad locum translatione. Quòd facili momento aliquando contingat, in animi deliquium tales incidere, ex quò quandoque propter morbi vehementiam, & virium oppressiōnem, non facile revocantur. Urina hujus crassa & conturbata erat, multo crasso sedimento conspicua, super quo nihilominus reliqua & supereminens urinae substantia extabat crassa & conturbata.

bata. Os habebat perpetuò ficcum, et si modico potu esset contentus.

Idem hic hac ipsa febre ante annum laboraverat, cum gravissima totius corporis convulsione, qua in gyrum quasi contrahebatur, ita ut actum de ejus vita omnes adstantes arbitrarentur, & nos ipsi putassemus, nisi ex convulsione remissione, ac manuum relaxatione, spem vitæ superesse animadvertissemus. Quam etiam ab hoc morbo & hac putrefactione excitari, urinæ indicabant variae, & maxima ex parte crassa & rubro sedimento conspicuæ, nec non faciles convulsivi motus accessiones remissionesque. Quæ certo argumento ostendebant, aliunde ad caput causam hanc adferri, magisque à vaporibus malignis rursus elatis, quàm ab humoribus malum hoc excitari ac commoveri. Convulsionem totius corporis tremor præcedebat, quem hi motus subsequantur.

Ego ab his de sceletyrbe & specifica hac putrefactione edoctus, à sanguinis missione, quòd propter continuum vini, ac copiosioris vini usum, eo abundaret, curationis initium feci. A qua cervicem & dorsi spinam con-

Ee 3

veni-

*Signa scorbuti.*

*Curatio convulsione scorbuticam febrim continuam committentis.*



venientibus oleis inungi curavimus, studiosè quoque, ut alvus quotidie solveretur, enitentes. Cum quibus & internam putrefactionem iis, quæ ad hunc morbum & febrem faciunt medicamentis; eradicari ac tolli advigilavimus. Atque hac curationis via ac modo effectum DEI beneficio fuit, ut integræ valetudini in octo diebus æger restitueretur, nec ulla morbi reliquias sentiret, qui ante octiduum nervis musculorumque tendinibus, ad dimidii ferè brachii crassitiem contortis, totus quasi in spinam contrahebatur. Itaque in genua procumbentes, vota & supplices pro eo preces DEO offerre decreveramus, nisi solvi paroxysmum, & contractas relaxari manus & ad pristinam formam eas redire vidissemus. Quo viso nihil (ita uti res postulabat) ad omnem diligentiam reliquum fecimus.

Sunt hi convulsivi motus ut plurimum cum his urinis incidentes. Qui etiam visi aliquando sunt in alium morbum transire, sicut in morbi enarratione de Concionatoris filiolo ostendi. Sed & faciles accessionum invasiones ac remissiones, absque plenitudinis ac inanitionis

nis causis, certum quoque super hoc morbo testantur. Significant enim à vaporum, qui ab hac putrefactione eleuantur, malitia ac virulentia eas procedere, sua natura ac proprietate nervos, nervosque partes infestantium. Cum nulli morbo æquè atque huic, propter malignam ejus qualitatem id eveniat. Sicut multorum testimonio probari potest, qui variis nervorum affectionibus ab hoc morbo tentati fuere, tremore scilicet, convulsione, paralyfi, & mixta ex utraque affectione, paralytica videlicet & convulsiva, cujusmodi passa puella annorum decem apud Hamburgenses est.

*Malitia ac virulentia scorbutica nervos maxime infestat.*

Curatus autem hic æger iis medicamentis est, quæ cum febre huic morbum respiciunt. Nam quantumvis parvus his pulsus est, est tamen creber. Quapropter non solum refrigerantibus caloremque contemperantibus medicamentis, sed & tenui ac febrem extinguente potu opus est, quod tales, etsi sæpe ab exterioribus non appareat, intus urantur, quemadmodum etiam manifestum ex sequenti historia erit, quam hujus & curationis causa hic subjungere volui.

*Observatio LXIV.*

**N**obilis Groninganus navium ordinum Frisiæ nomine præfectus, etiam cum hujus morbi significatione febrem passus continuam est, cum pulsu mirè parvo, debili & inæquali, adeò, ut vix digitos ferire perciperetur: erat tamen justo crebrior, & intervalla quietum, quæ systolen subsequuntur, atque diastolen præcedunt, vel inter utrumque arteriæ motum interveniunt, adeò exigua vel brevina habebat, ut vix à systole quies ulla observari potuerit. Urina tenuis & aquea erat, cujusmodi urina Antwerpiani in simili febre occurrebat. Foris frigebat, nam manus ferè frigidæ erant, neque reliquum corpus calere immodico calore sentiebatur. Interea sitis multa erat & infesta. Et calor intus adeò urens, ut post immodicam sitis repressionem, lingua maximis, & ad parvi ferè digiti crassitiem, fissuris, ei discinderetur. Quæ rursum (quod admiratione dignum) post largiorem tenuis cervisiæ assumptionem, ita subito coaluit, & inter se suis partibus

tibus concrevit, ut incantamenti simili res videretur. Quibus delirium accedebat, pessimo indicio hæc omnia adaugens. Quod tamen non continuum, sed momentaneum, & subinde intermittens erat.

In hoc morbum hunc pulsus maxime monstrabat, qui talis erat, qualem huic morbo familiarem eum esse, jam sæpe dixi, cujus morbi significationi urina subscribebat tenuis & pallida, contraria febrilibus indicationibus, quas pulsus creber monstrabat. Quam sic absque gravibus venarum obstructionibus reddi curatio monstravit, quæ ab iis, quæ à nobis exhibita ei medicamentata fuere, subsecuta in quatuor aut quinque plus minus diebus fuit. Debent autem in hoc casu & similibus, medicamenta scorbutico conducentia eligi, quæ temperatissima sunt, atque quam minimum calefaciunt, quibus jungi ea debent, quæ cum moderato calore venas aperiunt, & humores crassiores concoquant & incidunt, cujusmodi sunt cuscuta, ceterach, adiantum, & huic morbo conveniens fumaria. Quibus ferè hic, & alter ille cujus præcedente

*Signa scorbuti.*

*Medicamenta  
scorbutica temperatissima:  
moderato calore  
aperientia venas & humores  
concoquantia.*

Ee s

hi



historia mentionem fecimus, DEI beneficio à gravi suo morbo restituti fuisse, ut nullo alio medicamine fuerit opus.

### *Observatio LXV.*

**A**Dolefcens qui cum avunculo suo Hamburgo Embdam commigraverat, & isthic habitationis sedes fixerat, sub festum D. Jacobi, primùm aliquamdiu intermittente febre laboraverat, quæ tertio quoque die tertianæ febris typo eum invaserat. Cujus curationem diutius dum differebat, tandem in continuam & lentam quoque febrem incidit, à qua nihil appetitus visus est imminui. Nam & cibi multum, & magno cum appetitu assumebat, à quo nihil corroborabatur, sed quotidie in pejus proficiebat, viribus corporis magisque collabentibus, ut tandem sponte de lecto sese elevare miser non posset, & ne quidem ab alio adjutus: Quando ad invisendum eum invitabar, qui etiam tum delirare, & aliena loqui coëpit, variè caput concutiens, & hinc inde quadam quasi tremoris

moris specie & conquassatione dimovens.

Cum quo pulsus parvus erat, debilis & inæqualis. Urinæ variæ, aliquando claræ & pellucidæ, aliquando turbidæ, subinde rubræ, & mox rursus citrinæ, atque frequenter crasso & rubicundo sedimento subsidentes. A quibus, ut de nervorum imbecillitate ac affectione, de morbo edoctus, mixta curatione usus sum, cum scorbuto, tum feбри accomodata. Qua effectum DEI gratia fuit, ut cum morbi radice symptomata hæc gravia, tremor scilicet & delirium, evanescerent, adolescenti integre rursus sanitati restituto, qui nunc laus DEO adhuc valet, integer viribus, & corpore ac mente sanus.

### *Observatio LXVI.*

**F**alsa pleuritidis specie, & gravissimo costarum dolore, ab hoc morbo laboravit Bastiani Wabbens, civis Embdani filia. Quæ ad doloris recursum (erat enim per intervalla dolor hic recurrens) graviter præ magnitudine ejus exclamabat, & saltu  
fe

se ad pedis altitudinem in lecto projiciebat, præ doloris vehementia, quò se verteret nescia. Urinas interea turbidas reddebat & crassas, multo crasso sedimento subsidentes, sabulo maris per-  
 simili. Pulsus verò parvus erat & in-  
 æqualis, talis qualis in hoc morbo esse  
 solet.

Curata triduum ferè ab empirico  
 fuit, priusquam nos ad illam vocaretur.  
 Qui in opposito brachio bis venam  
 secuit, & nescio quibus fomentis  
 latus, sed nulla doloris mitigatione,  
 aut curationis successu, fovit. Et quia  
 sicca tussi simul laboraret, qua nihil  
 rejiciebat. Quando quorumdam con-  
 silio & intercessione, & ipsius quoque  
 Empirici suasu ego vocatus, ut dixi,  
 fuit. Qui statim primo pulsus conta-  
 ctu, & manus ad arteriam applicatio-  
 ne, doloris causam & morbi speciem  
 atque ejus à pleuritide differentiam,  
 obvio indicio cognovi. Quòd à pleu-  
 ritide tam vera quàm notha, manife-  
 sta differentia hunc dolorem distingue-  
 ret, præter jam dictum pulsum par-  
 vum & inæqualem febris ac tussis spe-  
 cies. Nam quam patiebatur sicca tus-  
 sis, à capitis ad fauces destillatione  
 pro-

procedebat, & febris lenta erat, absque multa vel siti vel calore conjuncta. Quapropter de morbo ab his certus, ægro- tantem bono animo esse, & de salute benè sperare jussi. Sed quia biduum alvus steterat, à clysteris injectione curationem auspicari placuit. Estque por- rò ea in sex diebus nobis iis medi- camentis perfecta & absoluta, quæ ex proprietate hunc morbum curare, & præterea lentam febrem extinguere dixi.

*Curatio falsa  
pleuritidis.*

Eadem hac affectatione toto dimidio ferè, quà costæ extenduntur, latere, Ita- li quoque conjunx correpta fuit, adeò gravi & molesta, ut ne momentum tem- poris uno in loco perseveraret, & va- riè in omnem formam corporis positum mutaret. Huic absque febre (quantum ad sensus) & citra tussim hoc advenit, etsi doloris proprietate valde ad pleuriti- dem alluderet. Curata quoque iisdem ferè medicamentis est, præterquam quòd præter intrinsecus exhibita, topicis etiam ex lauri baccis, seminibus flatus car- minantibus, milio & sale, lineis sacculis interbastatis, uteremur, quæ loco & lateri affecto unà applicaremus. Quam-

vis,



vis quantum observari à nobis potuit, internis magis, quàm externis, juvari visa fit.

Simile costarum malum ab hoc morbo, filiulus Domini Duysterhopii Lüneburgensis sensit, quem etiam, uti prædictam Bastiani filiam & per intervalla morbus hic seu dolor corripuit, sæpe quinquies in una hora, & interdiu magis, quàm noctu. Noctes enim sæpe quietas habuit. Hic pluribus hebdomadis magno parentum dolore, ab hoc malo divexatus fuit, & à nulla re melius habuit, quam à theriaca. Nondum enim tunc satis ab hoc symptomate nobis hic morbus cognitus erat. Pulsus illi quoque parvus erat, & urinæ variæ, quæ faciles haberent mutationes.

Iisdem hisce, & similibus doloribus infinitos alios ab hoc morbo infestari vidi, & nuper ex lateris quoque dolore, pleuritidis imagine, nepotem meum ex fratre. Sed multò plures aliarum partium dolor corripit, quem alii circa brachium, alii circa maxillas, alii circa scapulas, nec non cervicem, coxendicem & genua, ac intermedia quorundam masculorum spacia, experiuntur, & sæpe noctu, quàm interdiu vehementer.

*Dolor variarum corporis partium.*

mentius, aliquando etiam interdium magis, nullo certo discrimine. Quem ple-  
rumque pulsus prodit parvus & inæ-  
qualis, certissimo suo indicio ab hoc  
morbo eum proficisci convincens, ut  
propterea diutius his inhærere nihil sit  
neceffe. Neque possunt omnium, qui  
ab his doloribus laborarunt, exempla  
hoc brevi opusculo comprehendendi & re-  
citari.

### *Observatio LXVII.*

**A**B hoc ipso morbo scorbuto, præter  
continuum ac lentam febrem, ex  
accidenti, longa & molesta tenuis sputi  
ab ore defluxione & continua aquei ac  
crudi humoris rejectione, complures  
tùm viri tùm foeminæ laborarunt; per-  
inde ferè affecti, atque affici ii solent,  
quorum corpora argento vivo inungun-  
tur, nisi quòd citra oris exulcerationem  
id iis, qui ab hoc morbo afficiuntur, con-  
tingat.

Imprimis autem divexata sic ab  
hoc morbo illa fuit, quæ longiore  
hujus morbi mora extenuata, ab alio  
mor-

morbo cum hoc incidente, faucium exulcerationes experta est, à qua ante nostram curationem, maxima uvulæ seu gurgulionis pars consumpta erat, ut per nares, quoties loqueretur, sonus exiret. Cujus curationem hic morbus remoratus est, cum alioqui chirurgum expertum haberet, & de faucium exulceratione rectè judicantem, & in curatione illius dextrè quoque procedentem, sed nullo eventu effectūque propter hujus morbi commixtionem, qui impedimento fuit, quò minus faucium ulcuscula curarentur, ut idcirco in gurgulionis discrimen illa veniret.

Spuebat autem hæc modò salsum, modò insipidum, modò tenue & spumofum. Urinas in initio, & tum etiam cum ad eam venirem, reddidit crassas, rubras & subfuscas, quæ postea ab acceptis medicamentis ad hunc morbum pertinentibus, multis crassis & furfuraceis sedimentis subsiderunt, insigniter rubentibus, etsi absque sinitu, aut nullo bibendi desiderio & molestio caloris sensu esset, non contemnendo hujus morbi sicut antea dixi, argumento. Curata itaque postea à me

me est ijs, quæ huic morbo conveniunt, medicamentis. Et si diuturnior hæc curatio fuerit, cum propter morbi diuturnitatem, tum propter insignem ejus extenuationem, quàm à lento calore patiebatur, & fumis ab hac putrefactione ad cor ascendentibus, denique & propter uteri conceptum, quem gestabat.

Interea verò dum hæc fierent, suffumigijs ad fauces usi ex pillulis cinnabaris sumus, quæ faucium malum aliquo modo mitigabant, & ne serperet, coercebant, ad solidam ejus curationem, & ligni decoctum, ejusq; exhibitionem, ut primum licuit, festinantes, Quibus, laus Deo, rursus integræ valetudini hæc restituta est, nisi quoddamissæ uvulæ partes, eo gradu, quo invenimus, substituerint. Quippe quæ semel amissæ, restitui rursus non possunt, nisi ab eo, qui omnia ex nihilo creavit. Suasimus tamen non semel, ut, quod factum esse ab aliis scimus, exulcerato palato, & foramini perforato aptari operculum, & exiguum laminam ex auro puro curaret, quod foramen illud clauderet, & a-

*Uvula partes  
semel absunt &  
restitui non possunt.*



scendentem spiritum ad nares transire prohiberet.

Intelleximus ab alijs diuturniore auri mora, & ad palatum adhæfione, ab istiusmodi exulceratione integrè quendam curatum fuisse, palati foramine auri vi & proprietate clauso. Cuius rei fides penes authorem sit. At foraminis obturatione vocem juvari debere rationi consentaneum est, & experientia comprobatum. Est tamen hoc remedij auxiliijque genus nescio qua ægrotantis oscitantia hætenus omissum.

### *Observatio LXVIII.*

Quæ eadem hac sputatione, sub idem tempus laborabat, scemina venusta & pulchra, mala empirici curatione, acrium medicaminum, & hunc morbum non respectantium usu & exhibitione, in sanguinis sputum ex aperta pectoris vena incidit. Unde subito suffocata post triduum ab ejus eruptione fuit, quo tempore ad inviscendam eam ab amicis & marito invitatus, cum de omnibus, quæ præcessissent, symptomatibus & signis inquire-  
rem,

rem, intellexi toto ferè morbi tempore, urinam ægrotantem subfuscam & nigram reddidisse, & varijs anxietatibus subinde eam infestatam fuisse, atque nullo tam morbo, quàm languore eam correptam fuisse, præterea mentis totum biennium plus minus substituisse, cum annum ageret supra quadragesimum secundum. Atque ab eo tempore paulatim ad ingressum eam tardiores factum esse, & omnium ferè membrorum inusitatum languorem sentire cœpisse, qui paucis incrementis ita tandem accrevisset, ut sedens spontè amplius sese erigere non posset, nisi ab alio adjuvaretur, cum alioquin alacris prius & vegeta, ac boni habitus fœmina fuisset.

Ipsa quoque ægra duriori ac crassiori victui aliquandiu præter consuetudinem se indulgisse fatebatur, fortè quo hac ratione plus filiabus, quas plurimas alebat, comparceret, parùm utili parsimonie via ac modo. Nam qui sic suum genium defraudando, res suas amplificare student, sæpe suorum fraude id experiuntur, dum præmatura morte præcepti, aliis locum concedunt, liberalius, ut fit, vivendi, & res alienas atque antea nullo suo

*Signa scorbuti.*

*Parsimonia parum præposita liberis noxia.*

labore partas & acquisitas, consumendi. Quemadmodum etiam hujus posteritati, post inductam novercam contigit. Quare discant parentes rebus suis à Deo sibi concessis honestè, & ad sanitatem uti ac frui. Neque judicij errore in parte quæstus ac lucri reputent, quod summum subinde dispendium est.

Cæterum ut ad rem revertar, ab his facilè hic morbus agnosci potuisset & debuisset, si in exercitatum circa hunc morbum medicum illa incidisset. Fuerat quidem in morbi initio medico usa docto, & in veteri medicina exercitato, sed qui ad topicos harum regionum morbos parùm attenderet, atq; methodicæ veterum curationi cujusvis generis morbos includeret, & includendos putaret. Quo factum, ut longiore curationis hujus tractatione, nihil ille quoque proficeret, Sed cum mihi, post sanguinis eruptionem curatio commendaretur, & de continua hac sputi fluxione qua per totum morbum laboraverat, admonerer: postquam de reliquis symptomatibus, & ijs quæ per morbum adveniant, edoctus ab amicis essem, de sputi qua-

qualitate ægrotantem interrogavi, & ut quàm modestissimè responderet admonui. Nam ab intensiori voce, ne sanguinis eruptio exasperaretur, metui.

Respondit autem paucis ægra, sputum quod rejiceret, modò insipidum, modò fœtidum, modò subsalsum fuisse, semper autem aqueum & viscosum apparuisse. Sed suffocata hæc, ut dixi, subita & repentina sanguinis eruptione est, intra fauces conclusi, & ad interiora regurgitantis.

Simili sputatione etiam ab hoc morbo Senatoris filia, cum urinis quoque crassis, turbidis & subnigris laboravit. Cui eadem curatio profuit, quæ præcedente hanc historiâ explicata nobis fuit. Ab hac ipsa sputatione, specificam hujus morbi putrefactionem comitante, quidam laborabat nobilitate clarus, qui etiam idem malum cum urinis nigris & subfuscis passus est, & pulsu adeò parvo & debili, ut vix digitis perciperetur. Vixerat hic quoq; in perpetuis crapulis, & ex ferculorum, non optimorum semper varietate, multos crudos congererat humores, parvos & corruptos, qui hac putrefa-



ctione accensi, perpetua exhalatione os & linguam perfundebant, crassa, aquea & viscosa.

Quam etiam hodie quidam apud nos senex experitur sexagenarius, cum omnimoda nervorum nervosiq; generis debilitate ac resolutione, paulatim magis magisq; vires & incrementum capiente. Huic quoque pulsus valde parvus est, sed appetitus constans. In his curationibus, ut ad febriculam & scorbutum, sic ad fluxionem hanc, maximè si falsa fuerit, attendere oportet, ne à nimium acribus illa exasperetur, & irritetur. Quos autem ab hac affectione laborare vidi, ijs cum scorbuto, vel ab eo, hoc malum conjunctum, profectumque fuisse, pulsus & urina ostenderunt. Præterea quòd cum lento morbo, vel potius sine manifesto morbo sic affecti, cum totius corporis languore, id paterentur. Atque hoc symptomate quoq; hic morbus cum Gallico morbo colludit, in quo æquè atque in hoc morbo, nonnulli ab eo affecti sputare, ab interna, & propria Gallico morbo putrefactione, solent. A quo tamen scorbutum facile pulsus & urina discernunt, ne  
quid

quid de reliquis, quæ cum utroq; incidunt, symptomatibus dicam.

*Observatio LXIX.*

CONSTITUERAM una atque altera observatione, de scorbuti maculis, hunc libellum claudere. Sed propter paucas puras paginas quæ supererant, has sequentes historias hic inferere volui, ne vacuæ eæ relinquerentur, & quòd doctrinam habituræ hæ essent, non infrugiferam, neque planè inutilem. Puerpera quæ Embdæ in horti platea (ut vocant) decumbebat, in initio duobus paroxysmis tertianæ febris typo ludentibus, correpta fuit, cum multo vomitu, & frequentibus alvi dejectionibus, & ab ijs continua. In qua præter vomitus conatus, dictas dejectiones, ac ventris tormina gravissima, tantas experta anxietates est, quantas nemo alius. Non obstante, quod sæpe in naturali die quinquagesies alvus ei fuerit soluta. Quod nullo quantum ad sensus, factum est morbi levamine, aut anxietatum imminutione. Nam illud quoque huic morbo

*Regula diag-  
nost. gen. 26*

Ff 4

fami-

familiares ac proprium est, ut sæpe nullis dejectionibus ac vomitibus ille cedat, & magis morbi hujus indicio ac pathognomonico signo hæc fiant, quam naturæ crisi, aut materiæ morbi per has dejectiones expurgatione.

Idem etiam huic miseræ foeminæ advenit. Quæ nihil obstantibus hisce dejectionibus, quæ multæ & frequentes fuerunt, tantas nihilominus per intervalla anxietates ad præcordia infestantes, à fumis crassis, quod puto, ab hujus materiæ putrefactione, ad diaphragma ascendentibus, sensit, ut sæpe manibus complicatis, suspiria sine voce, quam edere nesciebat, & præ angustia impediabatur, ad Deum elevarer, & oculis planè contortis, & veluti ad mortem dispositis, Fato statim functura videretur. Sæpe etiam in animi deliquium supra dimidij horæ spatium incidit. In quo quod admiratione dignum, multò major semper ac fortior pulsus erat, magisque digitum feriens, quam reliquo morbi tempore, aut in deliquij recessu. Qui alioqui, sicut in hoc morbo esse solet, per reliquum morbi decursum, parvus & inæqualis erat, excepto deliquij (ut dixi) tempore,

*Regula diagn.  
gen. 27.*

tempore, in quo talem propter necessitatem, & urgentem mali causam eum extitisse judico.

Accidit autem aliquoties nobis præsentibus, vel supervenientibus, deliquium hoc ijs, quæ ad hunc morbum faciunt, medicamentis, ad duas, tres vel quatuor plus minus horas discuti & impediri, cum maxime instare, & præ foribus esse, atque ingruere velle illud videremus. Post quod tempus superata medicaminis operatione & affectu, eâdem, qua prius vehementiâ, hæc anxietas & liquendi necessitas redijt. Ita ut hujus rei causa, propter morbi instantiam & magnitudinem, sæpius quotidie medicamentum hoc ægrotanti propinare fuerit necesse, aliquando scilicet octies & novies, & ut plurimum quinquies ac sexies. Sitiebat multum & bibebat sæpius, sed non magnos haustus.

*Canon therap.  
spec. in anxietate  
& deliquio.*

Labia & lingua quibusdam fissuris divellebantur ab acrimonia vaporum ab hac putrefactione ascendentium. Qui visi in quibusdam adeo acres sunt ut non solum hæc tenera corpuscula & partes, sed etiam cutem eos exulcerare ac perforare, exulceratione sicca

com-



compertum sit, sicut antea id ostendimus, & hoc ipso die ex quadam, quæ diutius ab hoc morbo convulsivo motu laboravit, didicimus: in qua hi motus convulsivi, in utriusque lateris exulcerationem ac perforationem transferunt, quæ sponte aliquando coalescit & clauditur, & rursus sponte erumpit, absque multa puris ac saniei collectione: ut hinc verisimile sit, magis ab acribus spiritibus vaporibusq; id fieri & advenire, quàm ab humorum vitio & collectione.

Diximus antea pluribus flatibus vaporibusq; plærunque hanc materiam refertam esse, sicut ex pluribus hujus morbi symptomatibus cognosci potest. Si quando sopitis symptomatibus, & devicto quasi morbo, propter fastidium, quo erga medicamenta ægrota afficiebatur, paucis diebus medicaminum usum intermitteremus, statim eadem vehementia morbus insurrexit, qua prius, & cum similibus atque æquè infestis accidentibus. Urina in initio, & ferè toto morbi tempore tenuis & pallida erat, sed sub finem morbi, paucocrasso sedimento albo & gravi subsidebat. Duravit autem curatio hebdoma-

domadas sex plus minus. Semper ab his medicamentis manifesta levamina ei adferri, etiam ij judicare poterant, & manifestò videre, qui ægrotanti abstabant, & inserviebant. Nunc laus DEO vivit fœmina elegans, pia & honesta, quam diu suis DEUS superstitem esset sinat. Amen,

### *Observatio LXX.*

Quæ diu conflictata cum hoc morbo fuerat vidua Goeckens per totam hyemem à festo Divi Martini ad festum fere Maij decubuit, varijs ventris torminibus anxietatibusq; infestata. Quando ad curationem ab ipsa invitatus, cùm de symptomatibus quæ passa per hyemem fuisset, diligentius eam examinarem, intellexi semper sub noctem, vel quoties dormire cuperet, mirabiliter totum corpus ei flatibus distensionibusq; & ad caput elevationibus, varias & molestas pulsationes causantibus, infestari. Quod à flatibus spiritibusq; illi eveniebat, in hac materia & putrefactione contentis, & à calore interno sub somnum

inducit, & à calore interno sub somnum

(calore naturali ex collectione fortificato) resolutis agitatisque. A quibus ita affecta & perturbata fuit, ut sæpe horam unam aut alteram tota nocte non dormiret, frequenter etiam totas noctes insomnes ageret, multiplici & vario affectu, variisque doloribus & articularum pulsationibus, quæ satis explicari non possunt, divexata.

Sub noctem fere lentam febriculam sensit. & quandoque levem extremorum perfrigerationem, caloremque momentaneum, nullo molesto aut sensibili calore infestum, nisi quod leviter sub noctem, os & labia ea exicarentur, ejusque causa subinde ad bibendum bis terve per noctem invitaretur. Bibit autem vini parum, à quo nihilo magis accendebatur, aut nihilo plus incalescebat. Appetitus planè prostratus erat, & cibum difficulter ferebat. Nam ab eo vel modica quantitate assumpto, omnia jam dicta exasperabantur. Urina quantitate modica erat, præterea crassa, conturbata, & albidior, in qua (manente nihilo minus superiore superficie conturbata) multa cruda, crassa & albida materia subsidebat, rubris quibusdam,  
sed

sed mollibus excrementis permixta.

A quibus renum hunc morbum esse medici, quibus ante me commissa hæccuratio fuit, magno errore judicaverant, existimantes calculi hæc recrementa esse. Quæ quomodo à calculi recrementis differant, suprà ostendimus. Sed à renum passione facile hunc morbum, reliqua quoque symptomata, quæ cum hoc inciderunt, distinguebant, ut nimis crassus hic error fuerit viris, in praxi medica exercitatis. Pulsus parvus, varius ac inæqualis erat, & superior urinæ substantia lenta & viscida, viscosa sua substantia matulæ parietibus adhærens. Cum his lentè quoque corpus consumebatur, absque ullo manifesto veteribus cognito morbo, aut morbi specie. Ipsa ægrota etiam magis languere, quam ægrotare videbatur.

Hujus curatio sub vernum tempus mihi commendata fuit. Quam ad hunc morbum cum dirigeremus, in paucis diebus & hebdomadis DEI gratia præstitimus, ut erecta & læta domesticas operas rursus per otium, & cum oportunitate tractaret: sed à morbi reliquijs recidivam passa, in varias sur-  
tum



sum ac deorsum erumpentes rejections incidit, in quas potionum omissione eam incidisse judicabam, etsi constanter id ægrota negaret. Itaque cum ab his dubiis aliquo modo redderet, communibus & alvum sistentibus medicamentis, vomitumque cohibentibus per diem unum & alterum curationem tentare volui, ex qua statim, pulsus artetiarum indicio, facile intellexi, nullo curationis successu, sed multo errore eam nobis susceptam esse, & veram nostram accusationem esse, quam ægrotanti impegeram: Quapropter omissa hac, ad priorem curationem redij. A qua intra triduum hæc symptomata substituerunt, pulsu ad æqualitatem suam reverso. Cœpitque rursus de lecto ægra surgere, & per diem erecta in subsellijs sedere, & non nihil domi intra privatos parietes obambulare.

Sed ut de assumptione certior essem, volui præsens & quotidie potionem ipsæmet ei exhibere. A qua alvus, ut dixi, stetit, & omnia in melius commutata fuere, urinis quoque laudabilem colorem demonstrantibus. Hæc hodie adhuc in eadem curatione propter

pter morbi diuturnitatem procedit, majores indies faciens progressus. Solent enim longorum morborum longæ curationes esse. Estq; alioqui hujus morbi mos & natura, ut si quæ hujus morbi reliquæ perseveraverint, eæ plærunq; recidivum faciant, eodem, quo in alijs fieri morbis, morborumq; causis modo, etiam ex Hippocratis sententia videmus. Quæ vel iisdem, vel alijs & differentibus, quàm prius symptomatibus & signis, se prodere consuevit, ut in hac ipsa ægrotâ, in qua citra vomitus & dejectiones, primum varijs torminibus, & arteriarum pulsationibus, præsentibus melancholiæ indicijs, se scorbutus præsentaverat, qui post recidivam, vomitibus dejectionibusq; varijs se repræsentabat & ostendebat. Ita ut videri non admodum circa praxin medicam exercitatis alius morbus tunc potuisset, ab his signis & accidentibus, quàm antea, cum varijs exulcerationibus corpus ac ventrem proscinderet. Quem tamen unum eundemq; esse pulsus prodebat, & præter pulsum curatio, certissimo argumento confirmans, quod ratio ex prædictis indicijs colligebat.

Ob-

*Ap. 12. sect.  
1.*

*Observatio LXXI.*

CÆcus & senex, firmam à nativitate sua corporis constitutionem consecutus, perpetuo crassiori victui indulserat. Correptus ab hoc morbo circa annum ætatis suæ sexagesimum, adeò deformi ac tetro tumore purpureo ac nigro (natura prævalente & ad extrema morbi causam expellente) crura defœdata ostendit, ut nemo delicatior citra horrorem ea aspicere posset. Cum quo, ad pleniorē hujus morbi demonstrationem, visæ urinæ quas reddidit, cum similibus subsidentijs & excrementis sunt, crassæ, rubræ & subfuscæ. Idq; absq; ulla vel siti vel bibendi desiderio. Curatus autem maxima ex parte lactis ac vini rubri usu est. Hoc tumoris genere etiam fœmina ad porticum Hamburgensem, & alij laborarunt. Estq; propter ejus frequentiam mulierculis nostris hodie, tonsoribusq; notum. Ut propterea diutius ijs immorari non sit necesse. Quapropter unica, quæ hanc subsequitur historia, de hoc tumore ac macularum, quæ cum hoc morbo incidunt

*Curatio tumo-  
ris purpurei ac  
nigri in cruri-  
bus.  
Historia labo-  
rantis tumore  
purpureo ac ni-  
gro.*

gene-

genere contenti, præsentem libellum claudemus.

### *Observatio LXXII.*

**D**ivini verbi apud Gallos minister senex septuagenarius, ex alvo strictiore in hunc morbum incidit, Nam cum aliàs decies, & nonnunquam duodecies alvus solvi illi per diem consuevisset, eaque consuetudo aliquam diu intermisisset. & solito strictior alvus steteret, (habet enim hic morbus, alijs alvum laxiorem, & contra alijs strictiorem quòd faciat) ecce pluribus maculis nigris & purpureis crura ei defœdantur, gingivis mollescentibus, & à dentibus abscedentibus.

Hunc sic affectum duo ejus conterranei Medici Gallici visitabant, viri perhumani & docti. Quibus ascitus collega curationis, à Domino Antonio Chevallero Hebraicæ linguæ Professore, viro optimo & doctissimo, ac nostri amantissimo fuit. Postquam aliquandiu curationem hanc priores Medici, nullo valetudinis commodo. ob morbi ignorantiam tractassent: utpote qui ijs in locis nigro cy-



gnorarior est & penè inauditus, atque mihi statim agnitus ex nigris & purpureis maculis suis, quas in cruribus demonstrabat, nec nou laxis ac mollescentibus gingivis: Siquidem his signis apud nos etiam lippis & tonforibus hic morbus cognitus est.

Quare ilico ut morbum cognovi, jussi ægrotum bono animo esse, & de valetudine bene sperare. Promissi quoque, cum Medicis suis prima occasione hac de re me collocuturum. Qui, ad lectum ejus adhuc nobis sedentibus, & piis colloquiis tempus extrahentibus, præter ægroti expectationem, supervenerunt. Quibus de more cum assurgerem, post salutationem & porrectas utrinque in amicitiae signum manus, rursus simul ad ægroti lectum consedimus, de morbo ejusque causa inter nos collaturi.

De quo cum prius orationem auspicaretur, cui primum commendata curatio fuerat, ad cò doctè & eleganter de eo disseruit, ut nihil quod desideraremus, superesset, nisi quod morbum non satis de nomine cognosceret, & propterea de specifica hac putrefactione sanguinis,

quò

quò ad curationem, non satis (quod bona pace ejus dixerim) esset instructus. Ideoq; de eo interrogatus, non habuit quod responderet. Sed cum diutius hic hæret, subjeci eum vernaculum ac patrium morbum apud meos conterraneos esse, atque illum eum esse morbum, quem subsceletyrbe ac stomacace Plinius, & sub scorbuto nuper celeberrimus nostri temporis Medicus, Joannes Weierus descripsisset.

Quo audito statim consenserunt; læti de morbi, quem nunquam viderant, cognitione. Quòd ijs in terris rarus hic morbus sit, & perpaucis ibi visus. Sed qui hac temporum injuria, hodiè latè pomœria sua distendit, ad ignotas etiam regiones pervolans, ut, ante annos centum plus minus morbus gallicus. Qui etiam ante ista tempora suo circulo inclusus, nostris terris planè ignotus erat, sicut ante hæc tempora Gallix & Germanix sceletyrbe. Qui etiam nostro tempore grassari in Anglia cœpit, maxime circa maritima loca, & etiam Londini. Paucis quoque Medicis etiam nunc ibi notus, sicut ex oculari

nostra inspectione, cum in his locis, & Londini, frequentissime Angliæ Emporio, praxim faceremus, non semel cognovimus, & hodie quotidie ex nautis discimus, qui mercimonia Anglorum huc ad nos advehunt,

*Curatio pro-*  
*sturi scor-*  
*butici, ma-*  
*cularum, &*  
*mollisici gin-*  
*ivarum.*

Misso itaque ad uncias tres ex sinistro brachio sanguine, exhibita illi ad hunc morbum remedia sunt, alvo ad consuetudinem rursum reducta. Quibus iterum pristinae valetudini hic restitutus fuit, qui doctissimi ac pijsimi viri Domini Chevallerii iudicio, certæ morti destinatus erat. Fuerat hic semper Domini Chevallerij testimonio, fidelis verbi Minister, & modestus, cui (ut solet sæpe pijs) non satis ex sententia fortè omnia evenere. Qui nunc haud dubiè præmium consecutus est, quod tum venabatur, brabium dico, quod fidelibus vineæ suæ operarijs Deus promittit. Sicut credibile propter ætatem ejus grandævam est, qua tum premebatur, & intervenientes ab eo tempore annos, qui nunc octodecim plus minus sunt, Ut inde dubium non sit, eum in cœlestia loca sursum receptum esse.


Quò nos quoque post hanc vitam  
per-

perducat benignus & multum misericors Deus per Christum nobis reconciliatus, ut certum nunc in omnibus nostris adversitatibus ad eum accessum haberemus, & patrem eum appellare possimus. Cui soli cum Filio & Spiritu sancto laus & gloria, Amen,

De maculis hisce ac gingivarum putrefactione, quibus cuilibet ex plebe hodie hic morbus cognitus est, nihil opus pluribus exemplis est. De cæteris symptomatibus & signis, non nisi exercitatis, noris cum ad declarationem eorum, quæ scripta nobis in universali hujus morbi enarratione sunt, duas ferè ubique observationes ad minus adscripserimus. ex quibus non difficile de similibus iudicium lectori, quod opinor, erit: restat nunc libellum hunc claudamus, ne quam rei utilitas necessitasque ac frequens hujus in vita usus gratiam ei conciliarit, sua prolixitate perdat & amittat.

FINIS.





# INDEX PRIMVS SEU

CATALOGUS REGU-  
larum diagnosticarum generalium, &  
specialium, prognosticorum, & cano-  
num Therapeuticorum gene-  
ralium & specia-  
lium.

## I. REGULÆ DIAGNO- sticæ generales.

**R**egula diagnostica genera-  
lissima, seu methodus inter-  
rogandi agros pro investiga-  
tione scorbuti pag. 46. 295.

Regula diagnostica generalis prima ex  
diuturniore mœstitia cum victu crassi-  
ore pag. 3. 284. 293. 300.

Regula diagnostica generalis secunda ex  
ijs, quæ in gingivis & cruribus efflore-  
scunt: pag. 6. & 8.

Gg 4

Tertia

# INDEX

*Tertia ex anxietate circa precordia pag. 11.*

42. 232. &c.

*Quarta ex livore faciei pag. 15. Vide 103.*

268.

*Quinta ex pulsu pag. 15. 41, 60. 74. 76.*

87. &c.

*Sexta ex continuo agri languore seu crurum gravitate 16. 24.*

*Septima ex vomitu aut conatu vomendi 22. 23. 391.*

*Octava ex siti nulla aut exigua 33. 39. 40*

*Nona ex urinis crassis & rubris 34.*

*Decima ex urinis crassis, albis & turbidis pag. 34. 45. 285.*

*Undecima ex urinis crassis, nigris & turbidis 36.*

*Duodecima ex successu in curatione pag. 18. 46. 213.*

*Tertia decima a facili lipothymia 75. 326. 327. 420.*

*Quarta decima ex dolore crurum 77. 341. 391.*

*Quinta decima ex dolore surarum tensorum absq; inflammatione 91. 334. 358.*

*Sexta decima ex arthritide Scorbutica vaga pag. 137.*

*Decima septima ex lincinatione membrarum, crurum, & aliarum partium 214. 215. 361.*

*Octava*

## INDEX

*Octava decima ex urinarum commutatione in genere* 60. 91. 234. 357. 377. 381.

*Nona decima ex urinarum conturbatione à catharticis* 235. 237.

*Vicesima ex morbi frequentia* 295.

*Vigesima prima ex dentis relaxatione & spontanea confirmatione* 332.

*Vigesima secunda ex facili doloris de loco in locum translatione* 195. 333.

*Vigesima tertia ex tumoris & inflammationis specie facile de parte in partem commigrante* 352.

*Vigesima quarta ex tumore & inflatione facile emergente & facile evanescente* 388..

*Vigesima quinta ex maculis, qua mutatis vicibus facile erumpunt, & facile evanescent* 394.

*Vicesima sexta ex eo, quod nullis dejectionibus aut vomitibus morbus levatur.* pag. 439.

*Vicesima septima ex pulsu in deliquio majore, quam tempore morbi reliquo* 440.

# INDEX.

## REGULÆ DIAGNOSTICÆ SPECIALES.

- Prima*, seu nota discernentes respirationis difficultatem scorbuticam à vulgari pag. 10. 15. 16. 17.
- Secunda*, quomodo difficultas scorbutica etiam continua à communi discerni possit. pag. 13.
- Tertia*, sive signa & nota discernentes vomitum scorbuticum à communi pag. 22. 23. 24. 25. 343.
- Quarta*, discernens alvi profluvium scorbuticum à lienteria & diarrhæa communi. pag. 28. 323.
- Quinta*, discernens febrim scorbuticam à communi pag. 53. 57. 58. 360. 368.
- Sexta*, seu signum februm scorbuticarum continuarum pag. 70.
- Septima*, seu signa febres veterum continuas à scorbuticis continuis discernentia 70. 71.
- Octava*, dolorem scorbuticum à Gallico discernens. 78.
- Nona*, pleuritidem scorbuticam seu falsam à pleuritide veterum tam vera, quam notha distinguens 83. 85. 86. 335.

Deci-



# INDEX

- Decima , discernens dolorem ventris scorbuticum à communi 87. 335.
- Vndecima , dolorem crurum scorbuticum à vulgari discernens. pag. 90. 91. 341.
- Duodecima , tubercula scorbutica à Gallicis discernens. pag. 93.
- Tertia decima , de resolutione crurum scorbutica dignoscenda pag. 95. 96.
- Quarta decima , in paralyfi lateris dimidij scorbutico pag. 102. 103.
- Quinta decima , in nervorum omnium debilitate pag. 112.
- Sexta decima , in epilepsia scorbutica 120.
- Septima decima , in convulsione 130.
- Decima octava , in arthritide scorbutica. 135.
- Decima nona in hydrope scorbutico , continens notam hujus primam; 145
- secundam: 146.
- tertiam. 147.
- Vicesima , in hydrope vesicali 155
- Vicesima prima , in atrophia scorbutica 160.
- Vicesima secunda , in febribus scorbuticis pestilentialibus , earumque tumoribus 180.
- Vicesima tertia , in erysipelate scorbutico pag. 193.

Vice-

## INDEX

- Vicesima quarta in scorbutico delirio & lesione memoria* 197.  
*Quinta & vicesima, in sputatione continua* 206.  
*Vicesima sexta, in languore Scorbutico* 209.  
*Septima & vicesima, in sudore copioso* 213.  
*Octava & vicesima, jactatione membrorum* 215.  
*Nona & vicesima, discernens ulcera sicca Scorbutica à Gallicis* 223.  
*Trigesima, in lancinationibus crurum* 304.  
*Trigesima prima, in anxietate scorbutica.* pag. 183. 256.

## II. PRO-

# INDEX.

## II. PROGNOSTICA,

1. De Ulceribus crurum pag. 8.
2. & 3. de respirationis difficultate p. 9. 10.
4. De eadem pag. 19
5. De respirationis difficultate in hydrope, sapius ac fortius purgatione adhibita. 19
6. De vomitu scorbutico. 22
7. De urinis tennibus intensa rubedinis, subfuscis, neglectis. 31
8. De iisdem neglectis. 33
9. De oris siccitate perseverante. 35
10. De urinis albis, crassis & turbidis 45  
Confer cum 7. & 8.
11. De urinis rubris cum rubro sedimento 56
12. De febribus scorbuticis, tertianis primùm, mox quotidie invadentibus, cum urinis crassis & turbidis: saepe etiam variis. 62
13. De febribus scorbuticis intermittentibus. 66
14. De accidentibus, quæ iisdem superveniunt 66. 362. 383
15. De febribus scorbuticis continuis, fortiori purgatione aut alia ratione ne

# INDEX

	<i>ne exasperatis</i>	71.
17.	<i>De usu theriacæ in iisdem</i>	73
18.	<i>De eadem re in naturis fortioribus</i> ,	
	73.	
19.	<i>De pleuritide falsa scorbutica</i>	84.
20.	<i>De paralyfi scorbutica</i>	98.
21.	<i>De curatione paralyseos ijs in locis,</i> <i>in quibus aer crassior est.</i>	99.
22.	<i>De paralyfi arthriticis doloribus su-</i> <i>perveniente.</i>	99.
23.	<i>De tumoribus quavis corporis parte</i> <i>emergentibus, facile evanescenti-</i> <i>bus, &amp; initio statim levem inducen-</i> <i>tibus paralyfin.</i>	103.
24.	<i>De contractione nervorum præ reso-</i> <i>lutionem</i>	104
25.	<i>De scorbuto confirmato</i>	108
26.	<i>De arthritide scorbutica correptis,</i> <i>&amp; initio statim fortiter purgatis,</i>	
	135.	
27.	<i>De doloribus arthritidis scorbuticæ</i> <i>rectè curatis</i>	138.
28.	<i>De iisdem diutius neglectis</i>	139
29.	<i>De diuturna arthritide scorbutica</i>	
	140.	
30.	<i>De hydrope scorbutico vulgariter cu-</i> <i>rato.</i>	145.
31.	<i>De purgationibus in hydrope scorbu-</i> <i>tico</i>	148.
	32. De	



# INDEX

32.	De hydropo vesicali, vulgi sententia	153
33.	De atrophia diuturna	169
34.	De eadem	169
35.	De ulceribus scorbuticis	177
36.	De urinis tenuibus cum morbi incremento, vel crassis cum morbo perseverante.	191
37.	De sputatione continua	206
38.	De siccitate oris in languore diu durante	209
39.	De eadem ulterius perseverante	210
40.	De languore scorbutico	210
41.	De eodem in mulieribus	211
42.	De copioso sudore	212
43.	De penis exulceratione	221
44.	De validis purgationibus, & largiore sanguinis missione	26. 111. 233. 249.
45.	De humoribus aqueis & crudis fortioribus catharticis agitatibus	243 244.
46.	De menstruis suppressis morbo neglecto non ciendis	247
47.	De animi deliquio	326. 420
48.	De feb. scorbut. diuturnis	348. 349
49.	De febr. scorbuticis omnibus	383
50.	De nigro & crustoso ulcere	406

# INDEX. III.

## CANONES

Therapeutici.

### I. GENERALES.

<i>Primus</i>	pag. 4.
<i>Secundus</i>	pag. 17. III
<i>Tertius</i>	pag. 20.
<i>Quartus</i>	21.
<i>Quintus</i>	25.
<i>Sextus</i>	26
<i>Septimus</i>	26.
<i>Octavus</i>	26
<i>Nonus</i>	27
<i>Decimus</i>	37
<i>Undecimus</i>	41
<i>Duodecimus</i>	49
<i>Decimus tertius</i>	108. 356.
<i>Decimus quartus</i>	113
<i>Decimus quintus</i>	126
<i>Decimus sextus</i>	138
<i>Decimus septimus</i>	138
<i>Octavus &amp; decimus</i>	138
<i>Nonus &amp; decimus</i>	218
<i>Vicesimus</i>	247
<i>Vicesimus primus</i>	287

### II. SPECIALES.

1. In difficultate respirationis primus  
18.

se

# INDEX.

	Secundus	18
	Tertius	19
	Quartus	20
2.	In vomitu scorbutico.	25
3.	In scorbuto cum febris, siti & ob- structionibus viscerum	25. 348.
4.	In dysenteria mendaci primus	30
	& in alvi profusio generatim secun- dus	30
5.	In febris scorbuticis intermittens	
	Primus	63
	Secundus	63
	Tertius	64
	Quartus	64
	Quintus	64
	Sextus	65
	Septimus	65
	Octavus	65
	Nonus	65
	Decimus	66
	Undecimus	67
	Duodecimus	68
	Decimus tertius	68
	Quartus decimus	69
6.	In febris scorbuticis continuis	
	Primus	72
	Secundus	72
7.	In dolore dentium	80
8.	In paralyfi scorbutica	107. 296
		9. In

# INDEX.

9.	<i>In contrahione primus.</i>	109
	<i>Secundus</i>	110
10.	<i>In apoplexia scorbutica.</i>	124
11.	<i>In convulsione primus</i>	131
	<i>Secundus</i>	132
	<i>Tertius</i>	133
12.	<i>In doloribus arthriticis primus</i>	140
	<i>Secundus</i>	142
	<i>Tertius</i>	142
	<i>Quartus</i>	254
	<i>Quintus</i>	254
13.	<i>In hydrope scorbutico primus</i>	148
	<i>Secundus</i>	148
	<i>Tertius</i>	149
	<i>Quartus</i>	149
	<i>Quintus</i>	149
	<i>Sextus</i>	150
	<i>Septimus</i>	150
	<i>Octavus</i>	150
	<i>Nonus</i>	151
14.	<i>In hydrope vesicali primus</i>	157
	<i>Secundus</i>	158
15.	<i>In atrophia scorbutica primus</i>	166
	<i>Secundus</i>	168
	<i>Tertius</i>	168
	<i>Quartus</i>	168
	<i>Quintus</i>	168
	<i>Sextus</i>	169
	<i>Septimus</i>	169

H b

Octa-



# INDEX.

	<i>Octavus</i>	169
16.	<i>In ulcere crustoso &amp; nigro</i>	178
17.	<i>In febris pestilentialibus scorbuticis primus</i>	190
	<i>Secundus</i>	190
	<i>Tertius</i>	191
18.	<i>In mortificatione primus</i>	192
	<i>Secundus</i>	192
19.	<i>In eryspelate scorbutico primus</i>	196
	355	
	<i>Secundus</i>	356
20.	<i>In scorbutico delirio &amp; læsione memoriæ</i>	196
21.	<i>In caro</i>	202
22.	<i>In sputatione continua</i>	206
23.	<i>In languore scorbutico primus</i>	210
	<i>Secundus</i>	210
34.	<i>In sudore copioso primus</i>	213
	<i>Secundus</i>	213
25.	<i>In jactatione membrorum primus</i>	
	215	
	<i>Secundus</i>	218
26.	<i>In tremore membrorum</i>	220
27.	<i>In ulceribus siccis</i>	224
28.	<i>In tuberculis scorbuticis</i>	281
29.	<i>In anxietate &amp; deliquio</i>	441

# INDEX SECUNDUS

## S E U

Catalogus affectuum, quorum fit  
mentio in observatio-  
nibus.

1. *Morphæa alba, lenta febris, cum re-  
spirationis difficultate & per in-  
tervalla anxietatibus* 232
2. *Horripilationes continuæ cum inten-  
sissimo sinistri hypochondrij dolore  
per vices, & perpetuis ructibus,  
nausea, anxietatibus* 233
3. *Sinistri hypochondrij & crurum do-  
lor obtusus, cordis palpitatio, oris  
siccitas* 235
4. *Lassitudo spontanea & obtusus cru-  
rum dolor* 238
5. *Lassitudo spontanea, obtusus crurum  
dolor, facilis lipothymia, oris sic-  
citas, surarum dolor* 240
6. *Anxietas gravis sub diaphragmate,  
circa ventriculi regionem, cum or-  
thopnæa citra thoracis affectionem*  
243.
7. *Angustia & respirationis difficultas*  
246
8. *Angustia & anxietas per intervalla  
sub diaphragmate cum labijs ge-*

# INDEX.

- nisque & superioribus oculorum palpebris sublurido colore media astate tinctis, occasione suppressorum menstruorum. 247
9. *Levis febricula initio absque multa siti & calore molesto: anxietates graves.* 248
10. *Respiratio difficilis neglecta aliquandiu: cui successit dolor articularis scorbuticus.* 251
11. *Dolor dentium & articularum vagus cum levi earum resolutione.* 253
12. *Articulares dolores minus mobiles cum anxietatibus gravibus* 254
13. *Coxendicis dolor graviss.* 256
14. *Coxendicis dolor* 258
15. *Coxendicis dolor* 259
16. *Tali versus poplitem retractio* 260
17. *Dolor genu & momentanea ejus resolutione* 262
18. *Livescens facies, anxietas: tumor crurum primum: mox viscerum: tum denique abdominis* 263
19. *Angustia seu respiratio difficilis & anxietas cum tumore crurum hydro-pico* 271
20. *Ventris & crurum tumor cum tuberibus, seu hydrops vesicalis cum anxietatibus & animi deliquio.* 275

# INDEX.

21.	<i>Paralysis pedum post usum ligni</i>	282
22.	<i>Paralysis utriusq<sup>3</sup> cruris scorbutica</i>	284
23.	<i>Paralysis alterius cruris</i>	285
24.	<i>Paralysis utriusque cruris</i>	288
25.	<i>Paralytit utriusque cruris</i>	288
26.	<i>Paralysis crurum</i>	290
27.	<i>Paralysis lateris dimidij</i>	292
28.	<i>Paralysis lateris demidij cum febris</i>	297
29.	<i>Paralysis lateris dimidii</i>	299
30.	<i>Ventris &amp; membranarū, musculorū crurum &amp; abdominis lincinationes</i>	301
31.	<i>Crurum lincinationes per intervalla infestantes</i>	303
32.	<i>Vomitus &amp; frequentes alvi dejectiones, cum febris angustia</i>	304
33.	<i>Pleuritis notha scorbutica</i>	308
34.	<i>Anxietas in atrophiam scorbuticam desinens</i>	311
35.	<i>Atrophia scorbutica, frequens vomendi conatus, cum ventris lincinationibus, languore continuo, ac levi membrorum omnium, præsertim brachiorum resolutione</i>	313
36.	<i>Atrophia post diuturna crurum ulcera cum modica siti, &amp; omnimoda appetitus dejectione, totius corporis lassitudine &amp; animi deliquio</i>	320
37.	<i>Dejectiones variæ: angustia: oculi densa caligine suffusi, febris continua</i>	321
		38 De-

# INDEX.

38. Dejectiones frequentes, sed magis compactæ cum maximis ventris tensionibus & angustia 323
39. Respirationis difficultas: dejectiones varia, vomitus, epilepsia 328
40. Macies, angustia: capitis dolor circa vertex; mox in musculis temporum, maxilla & dentibus: dentis relaxatio & spontanea confirmatio. 331
41. Oesophagi totius obstructio: dolor suræ crurum, & imbecillitas inter eundem 333
42. Paralysis & imbecillitas digitorum priorum & crurum 336
43. Vomitus molestus, parum & non nisi aqueum quid educens 337
44. Vomendi conatus assiduus, & obtusus cruris dolor 340
45. Vomitus & vomendi conatus 342
46. Atrophia & totius corporis languor: crurum debilitas, & post motum graviorum respirationis difficultas: anxietas post vomitus 344
47. Lassitudo totius: febris gravis, proclivitas ad deliquium animi: expurgatione angustia summa: sitis intensa: oris siccitas perpetua, dentium vacillatio 346
48. Horrores febriles, bis aut ter quotidie cum



# INDEX.

- cum dolore infestantes: tumor pedum  
 œdematodes, de loco in locum mi-  
 grans: languor & crurum manuumq;  
 impotentia: faciei manuum & pedum  
 laxis tumor 349
49. Erysipelas pedum quotannis sæpius in-  
 festans 353
50. Tristitia præter rationem: levis men-  
 brorum omnium resolutio: jactatio  
 eorundem mirifica, ex resolutione  
 & convulsione mixta affectio 356
51. Tertianæ scorbuticæ cum lancinationibus  
 crurum gravissimis 360
52. Febris tertiana scorbutica cum levi deli-  
 rio & profundo somno 366
53. Febris tertiana cum convulsivis moti-  
 bus 370
54. Tertianæ scorbuticæ cum convulsivis  
 motibus & caro 372
55. Tertianæ scorbuticæ 374
56. Quartanæ scorbuticæ 376
57. Febris quotidiana scorbutica cum frogore  
 diuturno, siti intensa, deliquio animi,  
 linguæ & faucium asperitate, subse-  
 quente tumore faciei 384
58. Febris quotidiana scorbutica post inor-  
 dinatas febrium accessiones, cum  
 torminibus. continuo ferè vomitus  
 conatu & anxietatibus 390
59. Febris

# INDEX

59. *Febris mixta ex continua & tertiana cum torminibus gravissimis, maculis circa pectus & faciem, angustia summa, crebo vomendi conatu, odore corporis gravi, delirio momentaneo, pesti similis* 393
60. *Febris scorbutica pestilentialis mitior cum tumoribus. & ulcere nigro ac crustoso* 405
61. *Febris scorbutica pestilentialis cum continuo vomendi conatu, anxietate, & tumore duro dolente ac rubente circa inguina* 411
62. *Febris continua : anxietas : alvi laxitas : oris siccitas : linguae & palati exulceratio* 415
63. *Febris continua scorbutica cum pulsu admodum parvo deliquium animi minante* 419  
*Ubi etiā febris continua cū gravissima totius corporis cōvulsione* 421
64. *Febris continua cum fissura linguae facile coalescente, & delirio momentaneo* 424
65. *Febris ex intermittente continua & lenta cum delirio, & capitis conquassatione* 426
66. *Falsa pleuritidis species* 427
67. *Febris continua cū continua sputatione,*

# INDEX

- tionē, & faucium propter Gallicum morbum exulceratione* 431  
 68. *Sputatio continua, & sputum sanguinis* 434  
 69. *Febris scorbutica ex tertiana continua, cum vomitu & frequentibus alvi dejectionibus, torminibus, anxietatibus summis, deliquio diuturno* 439  
 70. *Tormina & anxietates: evaporationes ad caput: unde corporis distentiones, capitis pulsationes, vigilie: febris lenta sub noctem: appetitus dejectus: atrophia, & ex intermisso medicamentorum usu recidiva cum vomitibus & dejectionibus* 443  
 71. *Tumor deformis purpureus ac niger crura defædans* 448  
 72. *Alvus ex laxiore strictior: maculae caurum nigrae & purpureae: gingivarum mollities* 449



# INDEX TER- TIUS RERUM, QUÆ in Eugaleni libro con- tinentur, Alphabeti- cus.

## A

<b>A</b> Bsinthium	pag. 110
Ab una eademq <sup>3</sup> causa saepe varia mor- borum differentia existunt propter corpo- rum diversitatem.	pag. 5
Accidens scorbuti peculiare	253
Accidentia rara in febris scorbuticis con- tingentia	58
Acetosæ & becabungæ succus in febris scorbuticis	65
Adstringentia in alio profluvio scorbutico nihil proficiunt.	417
Aeris mutatio mutat medicamenta in scor- buto	20
Ægineta	114
Affectus languori similis	211
	Alin

# INDEX

<i>Alvi fluor &amp; constipatio</i>	28
<i>Alvi profluvia scorbutica adstringentia non profunt</i>	417
<i>Alvus in scorbuto aliis clauditur : aliis la- xatur</i>	416.449
<i>Anderuoci laus</i>	39
<i>Angustia pectoris</i>	246
<i>Angustiam plerumque sequitur hydrops</i>	246.
<i>Angustiae &amp; hydropis scorbutici curatio</i>	274.
<i>Animi deliquium</i>	419.420
<i>Ani vena turgida quid notent</i>	339
<i>Anxietas pestilens ut à scorbutica discerna- tur</i>	183
<i>Anxietas scorbutica diversa ab anxietate ex pituita gravante, &amp;c.</i>	256
<i>Aphorismus Hippocratis ex 2. prognost. 27. quem Gal. 3. aph. comment. 71. citat. explicatus</i>	56
<i>Apoplexia scorbutica</i>	122
<i>Apoplexia scorbutica auctori nunquam visa</i>	122
<i>Aqua crude nervis nocent</i>	220
<i>Arenularum &amp; sanguinis recrementorum discrimen</i>	354
<i>Arthritis scorbutica</i>	135
<i>Arthritis scorbutica causa.</i>	135
<i>Arthritidis scorbutica dolor semper cum levi</i>	



## INDEX

<i>levi resolutione conjunctus</i>	137
<i>Arthritidis scorbutica vage remedia</i>	142,
254.	
<i>Atrophia scorbutica</i>	159.311.313
<i>Atrophie scorbutica causa</i>	159
<i>Atrophie scorbutica generatio</i>	165
<i>Atrophie scorbutica signa</i>	313.314.317
<i>Autor cur ediderit hunc librum</i>	227

### B.

<b>B</b> <i>Acchánalia</i>	309
<i>Bilis vigilias excitare solet</i>	367

### C.

<b>C</b> <i>Anones therapeutici peculiari catalogo enumerantur</i>	
<i>Caprae ut nutrienda pro atrophie scorbutica laborantibus</i>	170
<i>Cari causa in scorbuto</i>	199
<i>Cari in febribus scorbuticis causa</i>	368
<i>Carus &amp; sopor profundus</i>	199
<i>Catarrhi etiam in sputatione continua habenda ratio</i>	206
<i>Causa convulsionis externae</i>	129
<i>Causa convulsionis potius est vapor, quam humor</i>	128
<i>Causa convulsivorum motuum in ferbi scorbutica</i>	370
<i>Caus-</i>	

# INDEX.

*Causa dejectionis frequentioris, sed magis  
compectarum excretionum in profluvio  
scorbutico* 29

*Crussa editi hujus tractatus* 227

*Causa cur epilepsia scorbutica aliàs in aliis  
affectus transeat* 120. 121

*Causa cur febris scorbutica ex inordinata  
facta sit quotidiana.* 392

*Causa lancinationis erurum in scorbuto.*  
363.

*Causa lipothymie facilis in scorbuto*  
75.

*Causa cur medicina apud nos vilescere coepe-  
rit* 54. 381. 382

*Causa palpitationis cordis ex sententia Fer-  
nelij* 236

*Causa paralyses scorbutica* 107

*Causa cur paralysis veterum semper sui simi-  
lis sit usq; ad solutionem; scorbutica varias  
habeat vices* 96

*Causa, cur plures saepe in eadem familia simul  
scorbuto corripiantur* 184. 398

*Causa cur pulsus in deliquio scorbutico major,  
quam extra illud* 440

*Causae scorbuti & sceletyrbes* 3. 293.  
297. 300.

*Caus-*

# INDEX

Causa scorbuti interna & generatio ipsius	4
Causa cur scorbutus hodie latè grassetur. & frequenter occurrat	284. 300
Causa cur sitis in scorbuto notis putredinis non respondeat	40
Cerevisia in scorbuto convenientes	38
Cerevisia Embecensis	38
Cochlearia succi vis contra convulsivos motus	68
Cochlearia succi vis, ut in scorbuto generatim, ita in respiratione difficili scorbutica.	18
Colica passio in epilepsiam aut paralyzin desinens	114
Convulsio	117
Convulsionis causa externa	129
Convulsionis causa potius vapor, quam humor.	128
Convulsio cum febre fere interpolatas habet accessiones	118
In convulsione interpolata caput per consensum afficitur	119
Convulsivi motus universales fere semper cum febre sunt.	129
Convulsivorum motuum febrim continuam comitantium curatio	423
Convulsio particularis aliquando sine, aliquando cum febre accidit	128. 129
Don-	

# INDEX.

Cōvulsio paulatim fiens continua, & ferè sine febrī	118
Convulsio scorbuto magis consentanea.	107
117.	
Convulsio totius & partis ut generetur	
128. 129.	
Coxendicis dolor	257. 258. 259
Coxendicis dolor continuus in scorbuto, ejusq; exemplum seu historia	141
Crurum paralysis scorbutica ut differat à veterum paralyfi	95
Curatio angustiae & hidropis scorbutici	
274.	
Curatio convulsivorum motuum febrim con- tinuam comitantium	423
Curatio febris scorbutica mixta	425
Curatio in febribus scorbuticis interdum periculosa	62
Curatio hydropis vesicalis	275
Curatio obstructionis œsophagi & dolois suræ crurum.	334
Curatio pestis & scorbuti diversa, sicut & scorbuti ac morbi Gallici	186
Curatio pleuritidis falsæ scorbuticæ	429
Curatio scorbuti potius internis, quàm exter- nis perficitur	111
Curatio vomitus scorbutici	338
Curationes cæterorum affectuum scorbu- tico-	

# INDEX

tiorum require in catalogo canonum therapeuti-  
corum specialium.

D.

**D** Ecoctum absynthii utile in contra-  
ctis 110

Dei beneficentia ex subpullulantium quotidie  
morborum causis & curationibus detec-  
tis 127

Dejectiones in scorbuto frequentes, sed non  
ita copiosae ut in Diarrhoea 323

Dejectiones scorbuticae frequentes, sed ma-  
gis compactae cum maximis ventris tor-  
sionibus 324

Dejectiones frequentes, sed copiosae & va-  
riorum colorum 329

Dejectionis frequentioris & magis com-  
pactarum excretionum in profluvio  
scorbutico causa 29

In deliquio scorbutico pulsus major, quam  
extra illud, & cur 440. 441

Delirium scorbuticum & lesio memoria 196.  
197.

Dentium dolor scorbuticus alios continuè ;  
alios per intervalla inest. 80

Dentium vacillationem non esse accidens  
scorbuti 8

Diaeta in scorbuto cum febre 38

Dolor brachiorum 83

Dolor capitis 83

Dolor



# INDEX

<i>Dolor coxendicis , Vide coxendicis dolor.</i>	
<i>Dolor crurum</i>	77
<i>Dolor dentium cum dimidij &amp; alterius lateris</i>	
<i>maxilla doloribus</i>	79
<i>Dolor dimidii lateris</i>	81
<i>Dolor dorfi</i>	81
<i>Dolor dorfi sæpe febres scorbuticas concitat</i>	363
<i>Dolor genu &amp; momentanea ejus resolutio</i>	
262	
<i>Dolor hypochondrij sinistri</i>	233
<i>Dolor lateris dimidij.</i>	81
<i>Dolor juxta manus &amp; digitorum extre-</i>	
<i>ma</i>	78.335
<i>Dolor nucha</i>	79
<i>Dolor partium corporis variarum</i>	79.
253.332.430.	
<i>Dolor &amp; ardor renum</i>	82
<i>Dolores scorbutici varij, &amp; vario tempore</i>	
<i>infeftantes</i>	332.333
<i>Dolor variarum corporis partium</i>	79
253.332.430.	
<i>Dysenteria mendax</i>	30

## E.

<b>E</b> <i>Lectuarium Empirici cujusdam ad con-</i>	
<i>contractionem</i>	109
<i>Embda caro plures pereunt</i>	202
<i>Embdanorum chirurgorum arrogantia.</i>	
270.	

## Ii.

*Embda*

## INDEX

- Embda* convulsio pueris & infantibus familiaris  
119
- Embda*, quàm *Hamburgi*, scorbutus pertinacior  
58.
- Embdani* magistratus negligentia in co-  
ercendis chirurgis & aliis *Empriricis*  
271
- Empricorum* in civitate *Embdana* licentia.  
83
- Empricorum* in febribus scorbuticis continuis  
thericam exhibentium error perniciosus  
73.180
- Epilepsia* scorbutica 119
- Epilepsia* scorbutica in alios atq; alios affectus  
transit 120.121
- Epilepsia* occasione capitis à radiis solis calefacti  
330
- Errores & suos & alienos in scorbuti cu-  
ratione commissos cur detegat autor  
111
- Erysipelas* 192
- Erysipelas* pedum quotannis infestans 353
- Ab *erysipelate* præservatio 354
- Erysipelatis* curatio 140.355.356
- F.
- F**ebrium scorbuticarum curatio interdum  
periculosa 62
- Febres* scorbutica inordinata 42
- Febre s

# INDEX.

<i>Febres intermittentes</i>	50
<i>Febres continua</i>	70
<i>Februm scorbuticarum curatio</i>	63
<i>Februm scorbuticarum symptomata, &amp; eorum remedia</i>	67
<i>Februm scorbuticarum accidentia rara.</i>	

57

*Febris continua cum fissura linguæ facillè coalescente*

424

*Febris continua scorbutica cum pulsu admodum parvo, deliquium animi minante*

419

*Febris continua scorbutica cum gravissima totius corporis convulsione*

421

*Febris continua cum continua sputatione, & faucium propter morbum Gallicum exulceratione*

431

*Febris mixta ex continua & tertiana cum torminibus gravissimis, &c.*

393

*Febres pestilenciales, & earum tumores*

180

*Febres scorbuticæ pestilenciales cur cum verè pestilentibus conveniant*

185

186

*Febris scorbutica pestilentialis cum continuo vomendi conatu, anxietate, & tumore duro dolente ac rubente circa inguinâ*

411

*Febris pestilentialis mitior cum tumori-*

Ii 2

bus

# INDEX

bus, & ulcere nigro ac crustoso	405
Febris scorbutica mixtæ curatio	395.396
Febris ex inordinata facta quotidiana	392
Febris quotidiana scorbutica cum frigore diurno, siti intensa, deliquio animi, lingua & faucium asperitate, subsequente tumore faciei	385
Febris quotidiana scorbutica materia	391.
Febris tertiana scorbutica	375
Febris tertiana cum levi delirio & profundo somno	366
Febris tertiana cum convulsivis motibus	370.
Febris quartana scorbutica	376
Febres tertiana typum initio representantes, postea quotidie infestantes, cum urinis crassis & herbidis, sæpe etiam variis	62
Febris ob pulsus parvitatem in scorbuto non est negligenda	41
Febres veterum quomodo cum nostris conveniant, & ab ijs discrepent.	357
Felix curationis successus	213
Fernelii sententia de causis palpitationis cordis	236
Fimus vaccinus bis quotidie affecta parti appli-	

## INDEX

- applicatus mortificationem ejus feliciter  
tollit 192
- Fomento dolores hypochondrii sinistri mitigari  
possunt. 234
- Forma ac temperamenta humanorum corporum  
pro cali, aquarum & alimentorum diversi-  
tate mutantur. 1

### G.

- G** Galeni locus de urinis variis 60. 234. 358.  
377
- Galeni locus ex 4. aph. comm. 71. explicatus  
56
- Galeno malancholia humor pessimus 185  
397
- Gesneri experimentum in tumoribus carneis  
380

### H.

- H** Erba capris obijcienda pro alteratione  
lactis in atrophia scorbutica 170
- Hipocratis aphorismus 27. lib 2. prognostic. ex-  
plicatus 56
- Hippocratis laus 409
- Historia apoplexia scorbutica laborantis Vidua  
123
- Historia arthriticis doloribus per intervalla  
correpta foemina Holsata 140
- I: 4
- His



# INDEX

Historia alie arthritide scorbutica vaga laborantium	254
Historia articularum omnium dolore & resolutione laborantis	261
Historia eorum, qui ex arthriticis doloribus in paralyfin aut atrophiam inciderunt.	113
Historia atrophia ex inflammatione testis consumti	161
Historia atrophia scorbutica exstinctorum	164
Historia caro scorbutico laborantium	200
Historia à caro scorbutico subito excitati pueri usu succi nasturtii	204
Historia colica in paralyfin desinente laborantis	115
Historia convulsione scorbutica laborantium	118
Historia convulsione correpti infantis & nutricis permutatione sanati	118
Historia convulsione particulari laborantium	129-130
Historia doloris coxendicis in scorbuto	141.
Historia dolore crurum scorbutico laborantium	77.78.89.90
Historia dolore dentium & lateris dimidii laborantium	80.81
	Histo-

# INDEX

*Historia laborantium dolore dorsi* 81.82

*Historiæ à deliquio & periculo suffocationis liberatorum* 71.72

*Historia dolore ventris scorbutico laborantium* 87.88

*Vide infra de lancinationibus.*

*Historia epilepsia scorbutica laborantium*  
120.121.

*Historiæ erysipelate laborantium* 355

*Historiæ faciem lividam habentium* 15

*Historiæ facili lipothymia laborantium*  
321.

*Historiæ à febribus scorbuticis brevi liberatorum* 362

*Historia febris scorbutica gravi laborantium*  
346.347.348.349

*Historia conjugis Doctoris febris tertiana scorbutica cum angustia & lancinatione crurum laborantis.* 364

*Historiæ febris intermittente cum carolaborantium* 67

*Historiæ febris intermittente scorbutica laborantium cum motibus convulsivis*  
67

*Historiæ febris tertiana scorbutica cum carolaborantium* 368

*Historiæ febris tertiana scorbutica cum lancinationibus crurum, aut harum*

*Ii 4*

*loco*

# INDEX.

- loco, dorsi doloribus laborantium* 361  
 362.363.364.  
*Historiæ quartana scorbutica laboranti-*  
*um* 378.379.380.  
*Historia memorabilis febris quartana scor-*  
*butica laborantis infantis bimuli* 51.  
 52  
*Historia de quartanis tribus intra decem*  
*dies curatis.* 61  
*Historiæ febris quotidiana scorbutica la-*  
*borantium* 388.389.390.  
*Historiæ febribus pestilentialibus scorbu-*  
*ticis & eorum tumoribus laborantium*  
 182.187.188.  
*Historia mulieris ab hydrope vesicali cu-*  
*ratæ* 158  
*Historia chirurgi Embdani in hydrope*  
*scorbutico curati* 269  
*Historiæ hydrope vesicali laborantium*  
 277  
*Historiæ laborantium jactatione mem-*  
*brorum* 356.359.  
*Historiæ ischiade continua laborantium*  
 141.258.260.261.  
*Historiæ lancinatione partium, accessio-*  
*num febrilium initio laborantium.*  
 214  
*Historia lancinationibus ventris laboran-*  
*tium* 2.86.87.88.  
 Histo-

# INDEX.

- Historia lancinationibus ventris, crurum  
& musculorum abdominis laborantis  
fæminæ* 139.214
- Historia macula nigra cum tumore ad e-  
lephantiafin accedente, laborantis fæ-  
minæ.*
- Historia Notarii Embdani & aliorum, in  
quibus post arthriticos dolores loca an-  
te juncturas itidem affecta sunt* 140  
141
- Historia oculorum caligine cum aliis sym-  
ptomatis per intervalla laborantis* 11
- Historia paralyfi unius crûris per inter-  
valla correptæ fæminæ* 116
- Historiæ paralyfi crurum scorbutica labo-  
rantium* 95.97
- Historiæ paralyfi dimidii lateris laboran-  
tium* 102.108
- Historiæ eorum, quibus paralyfis scorbuti-  
ca in convulsionem defuit* 107
- Historiæ pleuritide falsa laborantium* 83.  
84.85.335.427.428.429.
- Historiæ penis exulceratione laborantium*  
221.222
- Historiæ de iis, qui plures in eadem fami-  
lia simul scorbuti sunt correpti* 339
- Historiæ profluvio laborantium* 31
- Historiæ pulsus admodum parvi* 314  
315.316.

# INDEX.

- Historiæ sputatione continua laboranti-*  
um 205.431.434.437.438
- Historiæ sudoris copiosi atrophiam præce-*  
dentis 212
- Historiæ tuberculis extra hydropem in*  
corpore extuberantibus laborantium  
278.279
- Historiæ tumoris epatis & lienis* 143  
144
- Historiæ tumoribus duris toto corpore*  
laborantium 92.264.269
- Historia ulcere scorbutico in facie labo-*  
rantis 176
- Historiæ ulceribus crurum laborantium*  
7.8.
- Historia ulcere & gangræna digitorum*  
pedis scorbutica correpti 172
- Historia eorum qui vulgari gangræna*  
correpti sunt 174.175
- Historiæ laborantium ulceribus siccis* 222  
223
- Historiæ laborantium vomitu & dejecti-*  
onibus cum febris & angustia 305.307
- Historiæ scorbuticorum in quibus urinæ*  
post crassas & rubras reddebantur te-  
nues & spicæ cum vomitu 46
- Historiæ urinarum commutationis* 48  
49

His-



## I N D E X.

<i>Historia scorbuticorum cum urinis albis, crassis &amp; turbidis.</i>	46
<i>Horrores febriles, bis aut ter quotidie cum do- lore infestantes</i>	350
<i>Humor melancholicus, Rondeletio teste, magis nervos contrahere, quam resolvere aptus natus.</i>	107
<i>Hydrops scorbuticus</i>	143
<i>Hydropis scorbutici generatio</i>	144
<i>Hydrops scorbutici curatio</i>	274
<i>Hydrops vesicalis</i>	153
<i>Hydropis vesicalis curatio</i>	157.158.26 276
<i>Hyeme difficiliores dolorum scorbuticorum cu- rationes.</i>	90

### I.

<b>I</b> <i>Actatio membrorum</i>	215.356.359
<i>Illustri loco nati ad sumenda medicamenta ferè difficiliores</i>	387
<i>Indicationes à febre sumta saepe autorem dece- perunt.</i>	133.404
<i>Institutum auctoris in hoc libro</i>	100.227
<i>Interrogare eadem sapius Medicis licet, ut Mer- catores calculum repetere non piget ex Ron- deletio</i>	47
<i>Ischiadis scorbutica remedium</i>	257
<i>D. Iodocus Lemnius</i>	162
	La-

# INDEX

## L.

- L** Actis caprini in atrophiam scorbutica  
 usus 169.170  
 Lactis & lacticiniorum usus sæpe prodest  
 in febris scorbuticis 62.63  
 Lancinationes crurum per intervalla in-  
 festantes 303  
 Lancinationis crurum in scorbuto caussa  
 363.364  
 Lancinationes membranarum, crurum  
 aliarumq; partium initio accessionum  
 febrilium 214  
 Lancinationes ventris & membranarum  
 muscutorum crurum & abdominis 301  
 Ex lancinationibus ventris ruptum peri-  
 toneum 2.86  
 Languor sine caussa 209  
 Languori similis affectus 211  
 Lipothymia facilis in scorbuto caussa  
 75  
 Liquor stillatitius & decoctum lenticulae  
 in tuberibus hydropis vesicalis 281  
 Liquor perlarum 282

## M.

- M** Arcelli Virgilii locus de carcinoma-  
 te 176.177  
 Materiam scorbuti etiam in majoribus  
 vasis putrescere 70  
 Me-

## INDEX.

- Medici industriam ex fluxiorum alvi curatione posse cognosci* 417
- Medici, qui quotidie nova medicamenta præscribunt, fugiendi* 49.50
- Medicis eadem sæpius interrogare licet, ut mercatores calculum repetere non piget.* 47
- Medicina apud nos vilescere cur cæperit* 54.381.382
- Medicamenta scorbuto appropriata qualia & quæ* 25
- Medicamenta scorbutica frigida, calorem febrilem contemperantia & mitigantia* 37.38.65
- Medicamenta scorbutica obstructions reserantia* 18.25.132.167.425
- Medicamenta scorbutica temperatè calida humorem melancholicum incidentia & attenuantia* 37.38.66.167.425
- Medicamenta scorbutica crudos humores concoquentia, attenuantia & incidentia* 18.19.25.37.38.66.111.132.167
- Medicamenta proprietate sua humorem melancholicum educantia* 149
- Medicamenta discutientia* 158
- Me-*

## INDEX

<i>Melancholia cur Galeno humor pessimus</i>	
185.397.	
<i>Methodus interrogandi &amp; tractandi æ-</i>	
<i>gri ad investigationem scorbuti</i>	47
<i>Morbi regionum quarundam proprii</i>	1
<i>Mortificatio cum &amp; sine ulcere crustoso</i>	
<i>&amp; nigro</i>	192
<i>Mortificationis scorbuticæ remedium</i>	192

## N.

<b>N</b> <i>Asurtii aquatici efficacia in caro</i>	
<i>ex Rondelitii contra Fernelium sen-</i>	
<i>tentia</i>	67.203
<i>Nautæ genus hominum miserrimum</i>	
284	
<i>Nervosi generis totius debilitas</i>	112
<i>Nomina scorbuti.</i>	2

## O.

<b>O</b> <i>Bstructio ventriculi seu œsophagi ad</i>	
<i>fauces usq;</i>	253.333.413
<i>Oesophagi usq; ad fauces obstructio, vide</i>	
<i>obstructio.</i>	
<i>Oris siccitate in languore scorbutico labo-</i>	
<i>rantes modica humidi rejectione ju-</i>	
<i>vantur; largiore ejus usu offenduntur.</i>	
209.	

# INDEX

## P.

- P** Alati exulceratione perforarii reme-  
dium 309
- Palpitationis cordis caussa ex Fernelij  
sententia 236
- Paralysis crurum scorbutica ut differat à  
veterum paralyfi 95.96.97.
- Paralysis cruris alterius 285  
286
- Paralysis cruris utriusque 284.288.  
289
- Paralysis cruris utriusque in adolescente  
studioso annorum 15. Empiricè non si-  
ne periculo curata 289
- Paralysis & imbecillitas digitorum prio-  
rum & crurum 336
- Paralysis scorbutica cur in convulsionem  
abeat 107
- Paralysis lateris dimidij scorbutica 101  
292.297.299
- Paralysis pedum post usum ligni 283
- Paralysis scorbutica non tam paralyfis,  
quam passio paralytica dicenda 98
- Paralyseos scorbuticæ caussa 107
- Paralyseos scorbuticæ curatio 108.296  
298
- Paralysis scorbutica doloribus arthritidis  
scæ-



# INDEX.

<i>sæpe succedit</i>	99
<i>Paralysis scorbutica Embdæ tardius &amp; difficilius curatur, &amp; aliis in locis, littori maris septentrionalis propinquo-ribus</i>	99
<i>Paralysis scorbutica facilius curatur, quàm veterum paralysis.</i>	98.99
<i>Paralysis scorbutica non est propria &amp; primaria nervorum affectio, magisq; à vaporibus, quam ab humorum affluxu excitatur</i>	98.117
<i>Paralysis veterum cur sui semper similis sit; scorbutica verò varias habeat vices</i>	96
<i>Parsimonia parentum præpostera, liberis noxia</i>	435.436
<i>Penis exulceratio, ejusq; generatio.</i>	221
<i>Pestis materia seu generatio ex Rondeletij sententia</i>	185.186.397
<i>Pestis &amp; scorbutus cur signis &amp; symptomatis colludant.</i>	186
<i>Pestis &amp; scorbuti, sicut &amp; scorbuti ac morbi Gallici curatio diversa.</i>	186
<i>Pleuritis falsa</i>	82.308.427.429 430.
<i>Pleuritidis falsæ curatio</i>	429
<i>Plinij narratio de militibus Cæsaris Stomacace correptis</i>	113.294.296.37
<i>Plin-</i>	

## INDEX.

*Pliris sarchontici species* 19

*Potus quotidianus in febribus scorbuticis*

72

*Præservatio ab Erysipelate* 354.355

*Præservatio à scorbuto* 300.301

*Providentiæ divinæ opus admirandum*

224

*Pulsus in deliquio scorbutico major, quàm  
extra illud* 440

*Pulsus in scorbuto qualis* 41.74

*Pulsus parvi ac debilis in scorbuto caussa.*

75.76.

*Purgantia valida scorbutici non ferunt*

17.233.243.248

*Purgatio hydropi occasionem præbet, &*

*cur*

243.244

Q.

**Q***uartanæ veterum cum nostris quo  
modo conveniant, quo modo di-  
screpent. 58. vide in litera F. de feбри-  
bus*

*Quantitates exquisitè in medicina deter-  
minare difficile est ex Gal. 1. ad Glauco.*

323

R.

**R***ara quædam accidentia scorbuto  
magis, quàm pesti, convenientia*

183.

K k

Rha-

# INDEX.

<i>Rhazæ prognosticum in hydropæ</i>	272.273
<i>Recidiva ex intermisso medicamentorum usu</i>	403.443
<i>Remedium arthriticorum dolorum</i>	142
<i>Remedium arthritidis scorbuticæ vagæ</i>	254.
<i>Remedium ischiadis scorbuticæ</i>	257
<i>Remedium palati exulceratione perforati</i>	433.434
<i>Remedium scorbuti</i>	331
<i>Remedium scorbuti cum febre</i>	306
<i>Renum dolor &amp; ardor</i>	82
<i>Respirationis difficultas à thorace orta cur continua</i>	13
<i>Respirationis difficultas scorbutica cur aliquando continua</i>	13
<i>Respirationis difficultas scorbutica cur morbo sæviente major; mitiore remissior</i>	14
<i>Roborantia ventriculum vulgaria cur in scorbuto noxia</i>	58
<i>Rondeletij contra Fernesium de vi nasturtij disputatio</i>	67.203
<i>Rondeletii de pestis materia opinio</i>	107
	186.397.
<i>Rusticum hominum genus, ut celerem, sic validam curationem amat.</i>	240.
	San-

# INDEX.

## S.

- S**anguinis missionem largiorem cur re-  
 spuat scorbutus 111. 151  
 Sanguis quibus, quantum, ubi mittendus  
 in scorbuto 150. 151  
 Sanguis quibus in locis non facile mitten-  
 dus in scorbuto 151  
 Sanguinis per hæmorrhoides vacuatio  
 150. 151. 328. 330.  
 Sanguis plumbeus ac viridis ex venâ secta  
 scorbuti index. 70  
 Scorbutum cognovisse maturè quid pro-  
 fit 15. 227  
 Scorbuti causæ 3. 292. 293. 297. 300.  
 Scorbuti causa interna, & generatio i-  
 psius 4  
 Scorbutus cur hodie frequens 227. 284. 300  
 Scorbutus hodie latè pomæria sua disten-  
 dit. 451  
 Scorbuticæ putrefactionis virulentia 221  
 222. 224. 423. 441. 442.  
 Scorbutica virulentia maximè nervos &  
 nervosas partes infestat 423  
 Scorbutus variè medicinæ artifices falla-  
 ci morborum specie ludit. 116. 369  
 Scorbutum cur variè fallaci morborum  
 specie nos ludere permittat Deus 369  
 Scorbuti & morbi Gallici convenientia 5.  
 78.

# INDEX

*Tubercula scorbutica hydropis vesicalis*  
156. 276.

*Tuberculorum hydropis vesicalis topica remedia* 158

*Tubercula varia quinque extra hydropem in corpore protuberantia: eorumque causse, signa & curatio* 278. 279.

*Tumor epatis & lienis manifestus* 143

*Tumoris epatis & lienis curatio* 148. 269

*Tumor faciei, ejusque remedium* 369.

*Tumores febrium scorbuticarum pestilentialium* 180. & seqq.

*Tumorum in febribus scorbuticis pestilentialibus remedium* 190. 408

*Tumor deformis, purpureus ac niger, crura defædans.* 448

## V.

**V** *Ariarum corporis partium dolor* 79.

*Victus ratio calefaciens, attenuans & incidens* 167. 168

*Victus ratio curandi modus in morbi ignorantia tutissimus* 63

*Victus ratio in scorbuto* 345

*In vigore etiam febrium medicamenta contra febrim & scorbutum facientia necessitate urgente exhibenda* 64

*Unguentū emolliens, confortans, ac digerens in tumore hypochondriorum.* 269.

*Unguentum fidum Valeriolæ* 109



# INDEX

<i>Universalis non sufficiunt, Galeno teste ad exactā cognitionē, nisi accedat eti- am exercitatio in particularibus</i>	288.
<i>Ulcus &amp; gangræna digitorum pedis</i>	172
<i>Ulceras scorbutica variarum corporis partium</i>	175
<i>Ulceras sicca, eorumque generatio</i>	225
<i>Ulcera nigrorum &amp; crustosorum reme- dium topicum</i>	178
<i>Ulcera siccorum curatio</i>	223.
<i>Vomitus &amp; vomendi conatus</i>	22.337.
	338.340.342.
<i>Vomitus scorbutici remedium</i>	338
<i>In vomitu lactis &amp; lacticiniorum usus sa- lutaris</i>	341
<i>Vomitus scorbutici remedium</i>	338
<i>In vomitu lactis &amp; lacticiniorum usus salutaris</i>	341
<i>Vomitus &amp; frequentes aliæ dejectiones : horumque affectuum curatio</i>	305.306
<i>Urinæ crassæ, albæ &amp; turbidæ quid sig- nificent</i>	34.35.45.54.236.239
<i>Urinæ crassæ &amp; conturbatæ cū obscura nigredine virescentes scorbutū notant, si extra hydropem &amp; febrim malignam in morbo longo tales reddantur</i>	247
<i>Urinæ crassæ, nigræ &amp; turbidæ, item ni- græ cum obscura albedine</i>	36
<i>Urinæ</i>	

# INDE X.

- Urinæ crassæ & rubræ manifesta livi-*  
*ditate insignes, seu subfusæ* 33.34.54  
*Urinæ conturbatæ à catharticis* 235.237  
*Urinæ in doloribus arthriticis* 139  
*Urinarum in febribus scorbuticis exacti-*  
*or consideratio.* 54.55. & c.  
*Urinæ morbi initio quales; quales morbo*  
*crescente* 32.33  
*Urinæ post crassas & rubeas tenues &*  
*spicæ, & cur* 46  
*Urina laudabilis cum morbi incremento*  
*& perseverantia, certum signum est*  
*medicamina esse mitiora, quam pro*  
*morbi causâ conveniat* 134  
*Urinarum permutatio facilis & frequens*  
*quid notet* 134  
*Urinæ in scorbuto variæ & cur* 32.33  
*Urinæ in tertiana scorbutica quales* 40  
*Urinæ in quartanis veterum & nostris*  
*quo modo conveniant & discrepent* 58  
*Urina in quotidianis scorbuticis qualis* 59  
*Urinæ variæ quid notent* 60.234.358.377  
*Vulgi opinio somnum profundiorē esse*  
*causam efficientem scorbuti* 202  
*Uvulæ partes absumptæ restitui non pos-*  
*sunt* 433

Finis indicis tertij.


DE  
SCORBUTO  
TRACTATUS

DUO

Authore

BALTHAZARO  
BRUNERO


Doctore Medico celeberrimo.



HAGÆ COMITIS.

---

Ex Typographia ADRIANI VLACQ.  
M. DC. LVIII.





# DE SCORBVTO

## *Tractatus prior.*

**P**ropriè hic morbus est affectio lienis, in quo acervato & levitur putrefacto humore melancholico, qui à sanguine separatus ad lienem transmittitur, pars tenuior, ceu effervescens, effertur sursum & obsidet gingivas, tanquam tenerrimas oris partes, & putredini maximè obnoxias, easque inficit & erodit, imo etiam emollit: crassior decumbit ad crura, & primùm cutem horum defœdat maculis, sub initium exiguis, ac pulicum morsus imitantibus, mox amplioribus & sparsis, plumbeis, lividis, purpureis, violæ purpuram obscuro colore referentibus: quæ, si malum inveterascit, aut in totas tibias inferiores ad pedes usque se diffundunt

b



dunt cum tumore ad elephantiasin accedente, aut, quod rarius tamen accidit, erosa cute & carne in ulcera foetida, maligna, gangrænosa, & cicatricem ægrè ducentia degenerant, adeo ut sensu abolito crura immissum ferrum non sentiant, ut in elephantiasi & alphis seu morphæa accidit. Si vero penitus affideat, & radices agat hoc malum in liene & vicinis partibus, humorque melancholicus quasi refusus ad epar, aut non probè inde expurgatus sanguini permisceatur, tunc aut in totum distributus corpus *καχεξία* melancholicam infert, quæ ducit ad elephantiasin: quod tamen rarò fit: aut cumulus ad epar & lienem, intemperiem efficit, vitiosi humoris copia, naturalem spiritum & calorem obtundentem. Unde, etsi alimenti copia suppetit, & venæ multo humore turgent: corpus tamen non alitur, sed extabescit, humore, qui caloris & substantiæ bonitate fibris destituitur, non abhærescente, neque conrescente: quo *ἀργεφία* differt à cachexia, in qua corpus intumescit, quod sanguis, etsi vitiosus est, concrescit tamen, & parti nutriendæ adhærescit.

Si

Si verò retineatur idem humor ad epar, & exitu patefacto effundatur ad abdomen, atrophix conjungitur hydrops, ac sæpe ad hoc malum lenta & occulta febris accidit.

Hæc morbi ratio est, qui, an fuerit notus veteribus, variè disputatur à recentioribus: aliis id affirmantibus, sed conjecturis & argumentis diversis: aliis negantibus. Non conveniunt enim sententiis, qui cognitum veteribus asseverant. Aliqui sub magnis lienibus Scorbutum compræhendunt, quorum meminerunt Hippocrates 2. prædict. 2. Prognost. & in 2. de morbis internis: Celsus lib. 2. c. 3. & lib. 4. c. 9. Cælius lib. 3. chron. c. 4. Sed hi omnes lienes magnos ita describunt, ut cum his gingivas affici, & os fœtere, aut sanguinem àliqua ex parte erumpere, & si nihil horum evenerit, in cruribus oboriri ulcera, aut omnino non sanescentia, aut certè vix cicatricem ducentia tradant. Celsus etiam addit intenta ambulatione cursuris dolorem & quandam accidere difficultatem. Concurrunt autem hæc & simul concurrunt in Scorbuto, nec perpetuò maculæ ad exulcerationem veniunt quarum

quarum Hipp. non meminit. Non ergo Scorbutus referri ad magnos lienes potest.

Nec cum hæmatite volvulo, ut aliqui putârunt, congruit, cujus meminit Hipp. tertio loco inter species Ileii seu Voluti in lib. de morbis internis. In ea descriptione etsi hæc Scorbuto convenire possunt, quod ægri ex ore malè oleant: quod gingivæ à dentibus abscedant, à naribus sanguis profluat. tamen differunt, quæ sequuntur, & maximè quod ægri ad laborandum & deambulandum sint prompti. Vix enim è multis millibus unum reperias sceletyrbe laborantem, qui promptè expeditèque incedat.

Ab ictero nigro verò longius differt, quem in 2. de morbis Hipp. ad eum modum describit, ut colorem circa faciem nigrescere, & maximè circa partes velut in umbram occultatas, & oculos cum virore pallere, itemque linguam infernè, & venas sub lingua atras & caussas apparere statuat. Etsi enim hæc quæ de lingua Hipp. tradit, nonnunquam in scorbuto accidere possunt: tamen non perpetuò accidunt, & discrepant reliqua.

Paulus


## DE SCORBUTO.

Paulus symptomata similia etiam ad perseverantes obstructions & duritiem lienis consequi annotat, scilicet os foetidum, & ulcera in cruribus cicatricem non ducentia: sed non meminit ullarum macularum, quæ sunt perpetuum & individuum symptoma scorbuti, nec semper in ulcera desinunt.

Sunt qui oscedinem à Marcello appellatam esse putent nomine generali prorsus, ab oris & ginginarum erosionem. Sed cur huic malo, quàm reliquis jam descriptis, magis congruat, nulla ratione doceri potest. Cum ergo nulli ex iis morbis, qui à veteribus descripti sunt, notis suis exactè congruat, jure dubitatur an cognitus veteribus fuerit.

Nos cum aliis quibusdam familiarem & ἐνδήμιον stutuimus iis, quas nominavimus, gentibus, ex natura regionum, quæ palustres sunt, maritimæ & uliginosæ, & ex melancholica victus ratione, sicut dicemus de caussis. Affligit autem aliquos cum febre, sed lenta: multos sine febre, si levis sit & modicè ebulliens putredo. Wierus, qui omnium optimè de Scorbuto scripsit,

scripsit, veteribus notum fuisse negat, Nemo veterum omnium, macularum meminit, quæ sunt indicium infallibile Scorbuti, quæ quando apparent in cruribus, medicus jam non dubitat de Scorbuto. Accedunt deinde multa alia etiam signa, pro ratione viscerum affectorum & temporum: & variant symptomata. Multis crura marcescunt: quibusdam intumescunt.



## DE CAUSIS.

Causæ evidentes hujus mali præcipuè sunt in aëre ex regionis natura, & victus ratione. Propterea rectè inter eos morbos refertur, qui ab Hippocrate propriè *ενδημιον* seu indigenæ & populares vocantur, & ex putredine contagii aliquid adipiscitur, quo inficit alios suo halitu & afflatu oris seu contactu, ut in osculis ejusdem poculi, Etenim ex ore vinum vel cerevisia in poculum polluta refluit, quam qui hauriunt, idem vitium contrahunt. Putredo enim, quæ occupat



## DE SCORBYTE. 9

& infestat gingivas contagium gignit, quod in analogis corporibus ad easdem partes adhærescit. Aer si sit impurus & inquinatus, crassis, lutulentis, uliginosis, putridis aut putredini obnoxiiis halitibus, corpora, in quæ abscurbutia, implet & inficit. Talis est autem in locis & regionibus palustribus, maritimis, uliginosis ad aquas stagnantes ab exundationibus aquarum seu propter incrementa fluminum, seu propter maris æstus. Et augetur hæc aeris constitutio austrino & pluvioso cælo, tum alio quocunque anni tempore, tum autumno & hyeme maximè. Epatidas enim & splenitidas Hipp. expressè palustribus locis tribuit, in lib. de aere, aquis, & locis. Sed non minus facit ad hunc morbum victus ratio melancholica, qualis est nautica, constans cibus aridis, duris, crassis, terreis, è quibus humoris crassi, melancholici & sæculenti copia procreatur. Tali victu utuntur illæ regiones, quibus hic morbus familiaris est, nimirum carnibus aut piscibus natura seu pituitosis seu melancholicis, quales sunt

porcinæ

porcinæ, bubulæ, grandiorum piscium.  
panis biscoctus, ater, furfuraceus: aut  
in super sale maceratis, ad solem exsic-  
catis, fumo induratis.

Fortasse confert aliquid perpetua  
stagnantium aquarum aut palustrium  
putredo, quod cum longius absint à  
via solis hæ regiones, & minus perco-  
quantur aquæ, & quod superfluum  
est, minus consumitur, quam in locis  
calidioribus. Augentur autem in cor-  
poribus vitiosi humores, si accedant  
immodicæ aut intempestivæ vigiliæ  
corpore repleto, affectus animi, curæ,  
mœstitia, sollicitudines: si consuetæ  
evacuaciones hæmorrhoidum aut men-  
sum supprimantur.

Contrahitur vero idem morbi genus  
à primo exortu à parentibus ex semine  
vitioso, & deinceps, ut dixi, ex con-  
tagio.

Internæ causæ sunt exuberantia hu-  
moris melancholici, vel solius, vel  
cum crassa pituita mixti congestique  
ad lienem, vel simul ad epar, & in spa-  
ciis interjectis: tum corporis consti-  
tutio atque aptitudo, & vitium epatis  
atque lienis ex intemperie atque im-  
becillitate: quo fit, ut gignatur copia  
humo-

humoris melancholici, nec rite expurgetur à sanguine, nec rejiciatur à corpore.

Continētis causſæ rationem habet ille idem humor, qui ex obſtructione leviter putreſcens putridos halitus ad ventriculum, & inde ad os expirat: Unde gingivæ inficiuntur, & concepta putredine molleſcunt, ulcurantur, ſcætent, abſcedunt à dentibus & maxillis. Crasſior ejusdem humoris pars ſubſidet in pedes. Hodie, poſtquam gentes illæ cæperunt multo vino uti, minus graviter tentantur, & ferè magis infeſtantur, qui victui priſtino indulgent, & ad victum melancholicum addunt cereviſiam frigidam, abſtinent à vino, nec comedunt acria, quibus emandatur, quod ex ratione victus contrahitur.

SIGNA Αποδεικνύει.

**I**ncipiente morbo ſentitur toto corpore gravitas & laſſitudo ſpontanea, circa præcordia anguſtia, crurum imbecillitas, levis rigor cum dolore obſcuro: gingivæ pruriunt dolentque, & colorem à naturali rubedine mutant: facies

*Wierus in obſervat.*

*Initium ſeu prima differentia morbi.*

facies ex pallore vergit ad fuscenedinem.

*Augmentum  
seu secunda  
differentia.*

Augescente eodem humor laxus & sanguine manans cum putredine & fœtore gingivas occupat, quarum caro quandoque ad dentium radices usque consumitur: dentes utrobique vacillant. In cruribus emergunt maculæ, initio rubescentes, quales ad morsus publicum exurgunt: majores tamen, quæ nonnunquam in femoribus & toto corpore sparsim ex levi fervore tenuioris sanguinis scaturiunt. Sed ferè maculæ pedum fiunt amplæ, plumbeæ, lividæ, purpureæ, nigris violis obscuriores, ex fæce sanguinis, quæ eò decumbit, natæ. Ideo minus alibi, quam in cruribus apparent, & quoties apparent, certissimum Scorbuti præsentis sunt indicium. Quod si & fauces livor occuparit, non procul mortem abesse denunciat, quia humore totum corpus jam occupante calor exinguitur. Ingravescens morbus affert ambulandi impotentiam, nervorum contractionem, anhelitus difficultatem: maximè ubi æger movetur aut erigitur aut sudat, & tum nonnunquam animo linquitur, halitibus me-

lan-

*Differentia.  
tertia seu status  
morbi.*



lancholicis spiritum naturalem opprimentibus : nec inusitata sunt animi deliquia in aliis affectionibus melancholicis. Decumbens autem respirat facilius , appetitus cibi in aliquibus languet , in nonnullis manet , prout humor vitiosus est & putredine affectus , qui in stomachum eruſtat , & nitroſa qualitate eum imbuir. Si acidus , potius appetitum excitat. Exacerbatur etiam veluti per circuitus & periodos in multis die quarto aut quinto ; in plerisq; tertio ; in paucis ſingulis diebus , ſine tamen manifeſta febris : et ſi aliqui ſimul lentè febricitant : Quorum exacerbationum cauſam puto humoris puri aut cum aliis permiſti diverſitatem. Pituita enim admixta ſingulis diebus : bilis verò quovis tertio : ſi ipſe puris ſit humor melancholicus , quarto commovetur. Sæpè febres præcedunt ardentes , malignæ , duplices Tertianæ : nonnunquam ſi non rectè curatur æger deſinit in quartanam. Alvus aliis ſicceſcit : aliis fluit. Livor crurum verò quandoque in totas inferiores tibias ad pedes uſque ſe diffundit , ut in Elephantiaſi & cachexia. Aliis rurfus crura ſic at-

nuan-



nuantur, ut ossa videantur sola cute tegi, accedente Atrophia. Aliquibus maculæ in squamulas resolvuntur, quemadmodum in Erysipelate, quando humor est tenuior & siccior: aliis contra læves & æquales permanent ac splendent, vestigio etiam relicto, si digito comprimantur, quando materia fuerit crassior & humilior. Nonnullis crura varicibus extuberant, & venæ sub lingua in labio inferiori nigricant & tument, aut maculæ degenerant in ulcera maligna, fœtida, gangrænosa, qualia sunt Telephia, & quod vocatur malum mortuum. Pulsus, ut in Quartana, varius, exilis, durus, frequens, debilis pro morbi tempore & virium ratione, urina rubicunda, turbida, crassa, fœculenta admodum, vini rubri recentis colore, odore gravis. Fœtor in urina signum est putredinis: etsi ea non tanta est ut Febrim, ut Quartanam efficiat: longa tamen est & obscura febris. Hæc signa initium, incrementum & statum significant. Ulcera non perpetuò oboriuntur, sed tunc demum, cum tanta est copia & malignitas humoris ut occupet habitum carnosum & ulcera efficiat,

## Προγνωστικά.

## I.

**S**corbutus Vere & Autumno maximè infestat. Senibus gravior est & adultis, puerperis: in ratione victus negligentioribus frequentior. Pueris *σεμακακή* crebrius; *σκελεζτύρβη* rarius accidit. Non gignitur enim talis copia humoris melancholici in pueris, cum natura sint humidiores.

2. Scorbutus, qui hæreditarius est & propagatur à parentibus & contrahitur, contagio totas sæpè familias invadit & inficit.

3. Scorbutum & antecedunt & consequuntur febres: quandoq; antecedunt ardentes, malignæ, duplices tertianæ & quartanæ. Consequuntur febres quartanæ, sic ut & febres quartanæ terminentur in scorbutum, & vicissim Scorbuto superveniant aut complicantur febres.

4. Scorbutus frequentissimè in Atrophiam & Tabem, quandoq; in cachexiam melancholicam aut hydrophem, interdum in dysenteriam definit.

5. Ul-

5. Ulcera ex maculis Scorbuti nata quandoque ad eam deveniunt malignitatem, ut partibus corruptis sensum aboleant: quemadmodum in malo mortuo, alho seu vitilagine.

6. Interdum illæsis gingivis sola crura affliguntur, si quibus sanguis ex ore & naribus uberior effunditur.

7. Livor faucium in Scorbuto signum lethale. Nam caloris nativi extinctionem significat.

8. Morientibus ex hoc malo maculæ conduntur & evanescunt: nonnullis verò à morte rursus erumpunt.

De egritudine.

**A**ër in hoc morbo sit calidus, siccus & purus atque lucidus. Victus ratio instituat ex cibis coctu facilibus & boni succi, moderatè calefacientibus, incidentibus, attenuantibus, & detergentibus. Qui metuunt sibi in aere Saxonico ab hoc morbo, iijutuntur plurimo sinapi crudo & diluto cum succo. Didicerunt enim experientia hoc genus feminis acredine & subtilitate partium incidendo

dendo prohibere, ne fiant & colligantur obstructions melancholicæ) ita tamen ut admisceantur quæ leniter adstringunt. Potus sit cerevisia pura benè defæcata, absinthio condita. Commendatur etiam vinum absinthites, & chamædrytes. & serum lactis, aut lac ipsum, aut caprinum aut vaccinum recens, in quo decocta sint Sisymbrium, cardamine, vel nasturtium hortense, vel cochlearia.

Vera Curatio, ubi præcesserit lenitio ventris vel communium viarum, incipiatur à venæsectione. Secentur autem splenetica (Salvatella) brachii sinistri, aut Epatica brachii dextri, aut utraq; si sit opus, pro alterutrius aut utriusque visceris affectione, & sanguis educatur pro ratione humoris vitiosi. Si ater, crassus, impurus fluxerit sanguis, majori copia mittatur; parcius contra, si purus & ruber. Habeatur etiam ratio ætatis ac viri-um, anni temporis, constitutionis corporis. Plurimum confert provocatio hæmorrhoidum. utrumvis viscus affectum fuerit. Nec impedit φλεβολομία

macularum eruptio. eò quod illa viscera allevat, & humorem vitiosum in his & nervis ipsis redundantem exhaurit, cujus parte aliqua per phlebotomiam absumta, reliquam educere facilius est.

In præparatione & expurgatione humoris melancholici, apertioneque obstructionum servantur & leges & usurpentur remedia, quæ in humore & obstructionibus splenis adhiberi solent. Adhibeantur topica eadem, si usus requirat.

Purgato autem corpore experientia docuit provocationem sudoris matutinis & pomeridianis horis ante cœnam morbum efficaciter sanare. Utuntur autem ad eam rem acribus & incidentibus: sed præ aliis ab usu & experientia commendantur cochlearia, Nasturtii species, sisymbrium, cardamine, becabunga, quam putant speciem esse Anagallidis aquaticæ, Dracunculus aquaticus, Scordium, quod habet vim spleneticam, sempervivum minus, gustu acerrimum, id est Vermicularis, & Splenetica omnia calida, quæ aperiunt, incidunt, detergunt, maxime cortices Rad. Capparum,

Ta-



Tamarisci, Fraxini, Cuscutæ, Asarum, Scolopendria, Caterach, Polypodium, Thymus, Epithymum, Chamædrys, flores Genistæ, Adiantum & similia. Commendantur autem succi expressi ex prædictis plantis præcipuè ex Cochlearia, Nasturtiis, Bacabunga, Sisymbrio, aut decoctiones earundem in lacte caprino aut vaccino, cui admiscant aliqui utiliter absinthium, fumariam chamædryn, & alia similia.

Gingivæ vindicentur à putredine ac restituantur oris collutionibus, quæ fiant ex corticibus & foliis oxycanthæ vulgaris & rosis integris nondum maturis simul excoctis in aqua chalybiata, addito Sale & Alumine. Item ex malicorio, Symach, balauistiis, passulis decoctis in aqua fluviali, & colaturæ additis melle rosato colato & alumine. Laudatur & linimentum ex pulveribus bistortæ, & tormentillæ, sale, diamoron, aut ex alumine, pyrethro, mirrha cum melle crudo aut salvia & olibano. Caro in gingivis si luxuriat, Scalpro aut Volsella eximatur, aut coërceatur unguento Ægyptiaco, vel alumine usto applicatoq; cum melle rosato, aut oleo vitrioli. Si putredo

## 20 BALTH. BRVNERVS

gingivarum carnem exedat, commendatur aqua ex decocto arsenici sublimati & alumnis usti in aqua plantaginis, si scilicet Spongia in hanc aquam intracta gingivis applicetur.

Maculæ eluuntur decocto grano juniperi, Sisymbrii utriusq; Nasturtii, cochlearia, si. chamæmeli, melissæ, rorismarini, thymi, hyssopi, absinthii, & similibus. Eodem ceu fomento & rigor nervorum corrigatur, & post fotum jungantur nervi adipe anserino vel anantino, vel pinguedine Taxi. Ulcera mūdificantur ex succis cochleariæ, apii, & absinthii cum melle coctis ad consistentiam, cui si postulârit putredo, aspergatur aliquid de pulvere Aristolochiæ rotundæ, vel aluminis usti, vel præcipitati. Confert etiam unguentum Diachalciteos apud Galenum, & ad cicatricem ducendo Emplastrum de minia vel de Thutia. Plura lege apud Wierum & alios.



# TRACTATUS

## *Posterior.*

### I.

**C**ausæ Scprbutum gignentes.

1. Aër putridus auram contagiosam spirans. 2. Alimenta, nempe cibi crassi & melancholici ex carnibus fumo induratis, & aquæ putridæ atque ex illis coctæ cerevisiæ. 3. Retenta, humor melancholicus in splenē & vicinis partibus putrefactus, mesaræum totum & ventriculū inferciens, sæpè totam sanguinis massam corumpens & invadens.

2. Adjuvantes. 1. Temperamenta, id est, ex traduce à parentibus sæpe producit. 2. Regio, in qua talis est victus ratio, Aquæ item putridæ, de quibus Hippocrates lib. de Lienibus magnis.

3. Foventes. Lien, qui non benè expurgat succum melancholicum, sed propter crassitiem eundem retinet, & in sese

putrescere finit. Unde & vicinæ partes & replentur & similiter afficiuntur. Atque hæ causæ sunt vel externæ, vel internæ & conjunctæ.

Differentiæ. Wierus tres commemorat differentias, quæ scilicet magis & minus se habent. Prima est, quando gravitas, spontanea lassitudo, angustia præcordiorum adest: Ut supra de signis, &c.

### *Curatio.*

**D**E lenientibus non est magna quaestio. Possunt esse Elect. lenitivum, pulvis Senæ, decoctio senæ talis, qua ego summo cum successu utor. ℞. Fol. Sen. ʒiij. Epithym. creti: ʒ ij. infundantur hor. 3. in decoctione infra scripta. ℞. Passularum ʒß. poly-pod. querc: ʒ iß. jujuba: sebest. ananum: ij. Coq. in s. q. aq. pro ʒ viij. quibus infunde horis 3. fol. senæ, Ubi ebullierint quater facta colatura ℞. ʒ vj. in quibus iterum parum coquantur Turpeth alb. & gumm: Elleb, nigri styr. ana ʒß. Zinzib. cariophyl. ana ʒj. Exprimantur fortiter & adde Man-næ ʒ vj. fiat Potio, quæ suaviter evacu-  
at.

at. Etſi autem alicui hæc paulo fortior videri queat: tamen ultra 3. ſedes operari non animadverti. Quod ſi nimis vereare electiva adjicere, ſine illis parato. Dant nonnulli alia, ſed cuique conſtat ſua ratio. Ego hanc uſurpans, ſemper felicem deprehendi ſucceſſum. Notabis autem à validis medicamentis abſtinendum, quod facilè cor in hac affectione afficiatur, & animi deliquium creetur. Pulvis hic eſt. ℞. Fol. Senæ ʒ j. Epithymi Tartari alb. ana ʒ ſſ. cinamomi, cariophyl. galangſemi: Aniſi ana ʒ j. diagrid. ʒ j. fiat pulvis. Poſteſt & ʒ ſſ. in ſero caprino infuſa dari.

### *Regula.*

**P**inguia nulla foris abhibenda prius, quàm maculæ perfectè prodierint. Exaſperatur enim dolor, quia pingua cum ſint facilè inflammabilia, materia autem ſcorbuti partim calida, partim frigida, doloris materiam facilè augent.



## DE PRÆPARANTIBUS.

**D**Ebent hæc accommodari humori melancholico peccanti, ita tamen, ut diligenter provideas Temperamento ægrotantis, modo ad sanguinem, modo biliosam, nonnunquam ad pituitosam naturam accedentis. Pro conditionibus igitur hisce singula miscebis. Multi accipiunt Syrup. de Fumaria, de Epithymo, de Lupulis ana ꝑ℞. aq. fumariz, lupul, borrag, ana ꝑj. & exhibent ex his haustum per dies sex. Interim venam fecant. Alii ex extracto hellebori nigri, rad. fragariæ & polypod. cum aqua fragar: borrag: aut cuscute aut similibus digerunt simul & subducunt, præsertim si lienis tumor adsit: Deinde ad decoctiones longas ex helleboro nigro, Turbith & Myrobalanis pergunt. Tandem ad Eradicativa veniunt. Recurre ad superiora. Summa est ut aperias, incidas & detergas.

PUR-

# PURGATIO

## electiva.

**M**Odo dixi à validis abstinendum. Multi tamen, non sine commo-  
do & laude exhibuerunt confectio-  
nem Hamech, à qua tamen doctissi-  
mi viri non sine causa abhorrent. E-  
go in substantia non exhibui, sed in  
decoctione hoc modo. ℞. Infusi Se-  
næ superioris sine Elleboro & Tur-  
bith ℥ss. confect. Hamech. Diaphæ-  
niconis ana ℥iiij. rosati Mes. 3 ℥. Bul-  
liant ad absumptionem 3j. aut pau-  
lo plus. Post colatis adde mannae  
calab. 3vj. fiat potio, quæ suaviter  
& sine torminibus est operata. Ac-  
commodata autem est ad humores  
melancholicos & pituitosos adustos,  
ad cujus imitationem poteris 3ij.  
confect. Hamech, aut alia similiter  
exhibere.

Wierus probat pilulas de fumaria  
ac Diasenæ: damnat eas, quæ ex lap.  
Lazuli exhibentur. Alii pro evacuati-  
one hunc pulverem exhibent à 3j. ad 3ij:  
ita ut si sit robustæ constitutionis 3ij.  
vel 3i℥. ex vino oligophoro sumat

℥. Agarici albi s. croci, Epithymi cretici, fol. Senæ ana ʒ ij. pulverisentur singula. Atque hoc pulvere ad littus Balthicum utuntur. Circumfertur & alius pulvis, quo frequenter se uti scripsit quidam Magister in Saxonia medicinam faciens in toto curationis decursu, cui ego non admodum fido, cum eo artificio, quo conveniebat, non compositus esse videatur; salvo tamen aliorum iudicio. Ego potius crasso humori pituitoso adusto aut cum pauca melancholia mixto competere arbitror, quam melancholico humori per se corruptio, ut apparet. Ut tamen sciscitari ex aliis possis, adscribere volui. ℥. Turbith. el. ʒ j. Zinzib. ʒß. Rhab. el. ʒ ij. spicæ gr. iv. Hermodact ʒß. Anisi Diagrid. ana ʒ j. Epith. fol. Senæ, croci orient. ana ʒ ij. pulverisentur subtiliter, detur ʒ j. vel ʒ iß. mane hora quarta ex haustu cerevisiæ cum custodia. Priorem ego pluris facio, quamvis neque hic omninò sit negligendus, si à perito medico usurpetur. Similes formæ poterunt ab uno quoque fieri infinitæ, pro conditione ægrotantis.

*Appropriatorum, Detergentium,  
Attenuantium & Inci-  
dentium usus.*

**H**Is ritè succedentibus aggredere morbum ipsum, in quo ego cum Wiero efficacis. expertus sum sequentia, ℥. ʒ. iv. succorum seqq. & adjecto momento aq. cinamo, & sacchari candi fiat potio, usurpanda ad dies octo; Ego malim quatuordecim; singulis diebus bis manè, scilicet horam circiter 5. vel 6. & superdormiendo atque sudando horam dimidiam. Succi tales sunt, ℥. succi cochleariæ, sisymbrii, cardami: nasturtii aquat: ana ʒ j. Anagall. aquat. ʒ j. succi verò vel simpliciter exprimantur, vel herbæ in sero caprino decoquantur, vel in lacte austero infusæ tundantur & exprimantur. Sed præstat succorum per se usus; ego loco nasturtii aut sisymbrii extracto scordii, aut chamædryos, aut vermicularis, vel dracunculi succo utor. Notabis autem Anagallidem aquaticam cæterorum caliditatem attemperare. Quocirca ejus Dosis pro eo atque videbitur augere vel minuere poteris, pro ratione

ratione scilicet calidorum vel frigidorum humorum & symptomatum concurrentium. Si enim conjungatur cum spasmo, cum Paralyfi aut similibus: intentione ad humorem & causam habita admiscere poteris alia. Hinc fit ut quidam talem exhibeant potionem. ℞. Seri Caprini ꝑ v. succi acetos. Cardam: Sifymb. ana ꝑ ij. misce, & bis tepidè bibat sudetque. Brambachius ℞. pulv. succini alb. cum the-riaca, dissolve in aq. flor. Sambuci & acetosæ cum paucis croco. Johan: Nævius accipiebat rad. Armoraciæ alb. ꝑ j. scindebat in frusta & infundebat in ꝑ x. vini optimi. De ista infusione bibere jubebat ægrum bis de die ꝑ iv. Ex eaque sæpè lavare jubebat dentes. Item ℞. summit. absinthii, fol. acetosæ, fumarix ana. q. s. ex his confice succos, quorum ℞. ꝑ iß. lactis caprini ꝑ iv. Bibat sero & mane, & vespatur, si fieri potest, carnibus capreolorum.

Alius hujusmodi pulverem se exhibuisse scripsit ad D. Salamonem Wittebergensem, quem tamen genuinè descriptum dubito propter opium; cujus usum in hoc morbo non suspi-  
cari




cari possum ullum. ℥. cinam. el. nucis moschat. Rhabarb: elect. ana ʒ i ʒ. croci orient. opii ana ʒ ʒ. Redigantur in pulverem subtilissimum, qui in ix. partes dividatur, quarum quælibet infundatur in aq. vel succ: acetos. suc. nasturtii, aq. aut succi Becabungæ à cochlearibus ʒ. Succu absinthii, vini bastarti ana cochlearii. Datur autem una Dosis ægro in Balneo ut primum incaluit. De balneis autem infra sigillatim. Notandum autem est, pterosque succos aut potiones sudorem exhiberi à prandio aut manè hora una vel dimidia ante balneum. Ego hujusmodi pulverem exhibeo per 14. dies. ℥. Cinamo. interioris, Maceris, Nucis Moschat. ana ʒ ʒ. sem. Nasturt: ʒ iij. croci ʒ iij. misce, fiat pulvis. Exhibeo autem ʒ j. cum aq. fumi terræ & fœniculi cum Syrup. de fumaria dulcoratis, alternis diebus, ita ut manè hora quinta propinem pulverem. Post depositis excrementis corporis ingredi jubeo balneum hora septima paratum ex ignitis recrementis cupri. Ex balneo jubeo ingredi lectum & commorari in eo per horam. Altero die labrum seu balneum ex herbis

respicientibus humorem melancholicum Lienem præcipio addies 14. continuos. Sint qui immediate ante balneum exhibeant hunc Syrupum. ℞. Succi absinth. domest. sylvest. centuarii minoris, nasturtii aquat. ana. Contundantur & cum lacte caprino exprimantur per pannum, & priusquam balneum sudatorium supra sellam, cujus infra meminero, ingrediatur, ebibat, sed ita ut priusquam lavet, sub initum semel saltem bibat Syrupum, postea bis, matutine scilicet & vesperi. Sæpè etiam huiusmodi herbas cum lacte mixtas ore teneat & expuat. Plura remedia commemorantur à Wiero, quæ ex ipsius tractatu discere potes.

### *Roborantia.*

**D**UM hæc fiunt ex conserva cochleariæ & aliis, potes exhibere opiaram roborantem, aut conservas, aut confectionem aromat. rosat. Diarrh: Abbat. Diatrionfant. aut Dianisi pro conditione agrotantis. ℞. conserv. cochl. ℥ iß. Chamædryos, Scordii ana ℥ j. rad. borag. bugloss. conditarum ana ℥ ℥. ℥ ij. Elenii  
con-

condit. ꝑ℞. cum syrup. acetos. vel Borag. vel de succo scordii aut Chamæd. fiat conditum. Poteris admiscere spec. cordiales, capitales, aut alia, de quibus iudicium tuum consule & conditionem morbi, ægrotantis, symptomatum, ætatis, temporis. Rotulas sæpe adhibui accommodatas modò ad Lienem, modò ad Epar, pro eo atque hoc, vel illud viscus magis fuit affectum, æger etiam ferre potuit vim medicamentorum. Ne obliviscere stante curatione singulis diebus 5. vel 6. semel purgatione opus esse.



## SYMPTOMATVM

### CURATIO.

#### I. MACULARUM

*in cruribus aut toto corpore.*



I maculæ apparuerint, factis prius faciendis balnea apparare oportet : quæ qualia

qualia esse debeant, ex superioribus animadverti potest, nempe resolventia, discutientia & emollientia: quibus roborantia juncturas addes. V. C.

℞. Baccarum juniperi leviter confusarum, Sisymbrii, cardaminis utriusque, nasturtii hyematis, cochleariæ ana M. ij. florum Chamæmeli M. iij. artemisiæ, melissæ absinthii, roris marin. majoranæ, thymi. hyssopi an. M. j. coq. in f. q. aq. & super caliditatem hujus decoctionis foveantur crura. Poteris & spongiæ ex hoc decocto madefacere, exprimere, & partibus tibiæ inferioribus applicare, & sic maculæ delitescens manifestè erumpent, sicque scorbuti signa apertè se prodent.

Fomentatio alia. ℞. nasturt. aquat. fedi minoris, fol. malvæ majoris, flor. Chamæm. straminis hordei, aut hordei depilati ana ℞ iij. Lapatii acuti, radicis lappæ majoris an. ℞ ij. Conciſa singula coq. in f. q. aq. & super vaporem fomententur pedes his de die, duabus scilicet horis ante prandium, & duabus ante coenam, & simul continuetur usus potionis ex lacte caprino & succis.

Alii

Alii hisce utuntur. ℥. malvæ majoris floribus albis cum radicis, fol. pruni sylvestris cum radicibus, straminis hordei, nasturtii aq. cum radicibus lap-pæ majoris cum radicibus, fumarie cum radice, Chelidonii minoris cum radice, utricæ majoris cum radicibus ana M. j. Coq. in aheni in s. q. aquæ. Post subdatur ahenum fellæ, & excipiat vapor universo corpore probè pannis tecto ad usque collum, ne quid ad caput exspiret. Usurpari autem debet quotidie per horam Syrupo ex absinthio, fumarie, &c. prius bibito. Alii *ἐγκάθισμα* per novem dies usurpandum præscribunt ex malva, Chamæmelo, artemisia, matrisylvia, foliis quernis & radicibus helenii.

Crura etiam inungenda sequentibus linimentis: ℥. butyri Majalis ʒ iij. Bac-carum Juniperi contusarum ʒ vi. Vini puri ʒ ii. Coq. in fictili ad consumpt. vini. Coletur cum expressione vehementi, & inungantur crura mane & vesperi.

Vel ℥. butyrositatis ex lacte, q. s. si. simb. nasturt. hyemalis, becab. absinth.

c

bac-

*Wierus in ob-  
serv.*



baccarum jnniperi ana p. æ. Decoq. & facta forti expressione inungantur, crura dolentia. Si verò cum caliditate p. n. q. febrili conjungatur, sequens modus observetur.

## II. CALORIS

præter naturam.

**F**It & nonnunquam ut calor appareat præter naturam, febris non ab similibus, qui plurimos Medicos non indotatos fefellit. Is noctu plerumq; invadit sine rigore aut horrore vel frigore, & durat usque ad tempus matutinum, sed distinguitur à febrili, tum quod sine rigore aut horrore aut frigore accedat, tum quod certa intervalla more cotidianæ servet, nec tamen proprietates quotidianæ habeat. Cum is conjungitur malo, augenda est dosis becabungæ, dosi herbarum calefacientium contracta.

*Wierus in ob-  
servat.*

Coagulum etiam lactis ebutyrati, vel lac ebutyratum recens concretum apponitur. Alii si calor conjunctus sit cum scorbuto, accipiunt lac mulieris lactantis puerum, & exhibent: Vel capiunt polypodium & grana jnniperi,

niperi, contundunt, & aqua coquant, defundunt & addunt saccharum, & mane, item circiter meridiem & sub noctem bibenda exhibent. Alii exhibent ꝑ i. pul. penistauri coeuntis, & exhibent ex lacte caprino, ad sedandum calorem.

Hypochondriorum peculiaris habeatur ratio. Illinatur igitur sinistrum splenetis : dextrum verò oleo absynthite, quibus etiam succus herbarum aperientium admisceri poterit : quo in casu utere unguento de succis aperitino Lusitani. Et si calor sit magnus parare poteris unguentum ex butyro ovilo.

### III. GINGIVARVM

*Laxarum & putridarum.*

**G**ingivæ etiam fiunt laxæ & putridæ : ideoque confirmando & exsiccando illis occures. Accipe v. g. cort. berberis, Cochleariæ, Sisymb. Cardam. nasturtii hyemalis, ros. rubi q. s. coquantur in aq. ferrata. In aqua colata dissolve pauxillum aluminis, ac

ne ingrato sit sapore, abstergatque, adde mel crudum vel rosatum. Quod si gingivæ laxiores fuerint, & fervor aliquis adfuerit, adde Diamoront. Nonnulli accipiunt folia oleastri, cortices pruni sylvestris, vel ℥. Aq. ꝑ. i. salis, aluminis ana ℥ ii. Bulliant simul.

Vel ℥. Cort. granat. Samach, balauft. ana ℥ ℔; Passul. ℥ i. Aq. fluvialis lib. iiii. F. decoctio ad medietatem. Colaturæ adde mellis rosati ℥ ii. Aluminis ℥ ii. Potest etiam fieri decoctum ex rad. Bistortæ.

Poteris etiam ex radicibus enulæ, hyssopo, ambrosiana & Betonica incotatis lib. ii. aquæ, & addita aluminis ℥ ℔. & cum melle fervefactis despumatisque facere collutionem: Vel ℥. aceti cerevisiarii lib. ii. boli armen ℥ ℔. aluminis ℥ ii. mellis ℥ ii. Bulliant simul. Poteris addere Sabinam.

*D. Sal. Alb.*

Alius quidam talem collutionem facit, quam multoties se expertum scribit optimam. ℥. fol. Sifymbrii, menthæ, salviæ, rosarum rub. immat. ana. M. ℔. sem. aquilegiæ ℥ ii. balauft ℥ ℔. Coq. in aq. ferrata in colatu-

ra ʒ viii. dissolve aluminis ʒ ii. mellis rosati colati ʒ ʒ. F. gargarisma.

# LINIMENTA

## Pro gingivis.

**M**agnæ efficaciz expertum est hoc, quod desiccet, desolvit, deterget & adstringit.

℞. Florum rubrorum malvæ arborescentis, fol. salviæ min. exarefact; aquilegiæ an. ʒ ʒ. myrrhæ, nucis moschat. Theriacæ opt: ʒ ii. alum. usti ʒ ii. Pulverisata accuratè cum melle Lituanico subigantur in modum unguenti.

Aliud. ℞. fol. aquilegiæ, menthæ, salviæ, nucis moschatæ ana ʒ ii. aluminis usti ʒ x. myrrhæ rub. ʒ ii. Terantur terenda, & mixta excipiantur ʒ iii ʒ. mellis rosati col. & redigantur in formam unguenti: Quod alias hoc modo paratur: Recipe mellis opt. ʒ ii. Aceti vini ʒ i. floris æris ʒ i. alum. ʒ i. Bulliant donec rubefiant. Deinde adde pul. salviæ, nucis muscatæ. C. C.

præparati ana. ʒ. ʒ. Misce, f. linimentum  
quod videtur magis convenire jam pu-  
trescentibus gingivis.

Aliud. ℞. succi rad. bistortæ, nastur-  
tii ana. ʒ i. Mellis rosati ʒ iii. Coq. ad  
succorum consumptionem, & adde a-  
lum. usti ʒ ii. myrrhæ rub. nuc. mosc.  
testarum de ostreis præpar. & pulveri-  
fatis an ʒ i. Misce.

Aliud. ℞. mellis opt. ʒ iii ʒ. Aceti  
vini ʒ ii. Viridis æris ʒ i. Bulliant dum  
rubesiant, post adde myrrhæ, C. C. u-  
sti ana ʒ j. Nuc. mosch. sabinæ, salviæ  
an. ʒ ʒ. Misce. Sunt qui accipiant o-  
vum assatum. Addunt æruginis, alu-  
minis. an. ʒ j. contundunt, & expresso  
gingivas inungunt.

Ubi non solum confirmatione & ex-  
siccatione, sed etiam resolutione opus  
est, tale fiat unguentum: ℞ Theriacæ  
opt. ʒ ʒ. Mellis rosati ʒ ʒ. Mellis cru-  
di ʒ i. alum. usti ʒ iii. Misce. Vel ℞.  
succi bistortæ, mellis rosati ʒ iii. Coq. ad  
absorptionem succi. Postea adde alum.  
usti ʒ i. f. linimentum.

Vel ℞. Bistortæ ʒ ʒ. salis ʒ i. Misce  
cum Diamoro ad consistentiam conditi,  
& inungantur gingivæ. Poteris etiam  
miscere pyrethrum & alumen cum mel-



le crudo, & addere pul. salviæ & olivani.

Quod si gingivæ multo madefiant sanguine & flaccida sint, non abs re fuerit hoc uti. ℞. salis usti ʒ ss. balauft. ʒ i ss. Misce, pulverisa, & frica gingivas. Vel ℞. cineris sarmentorum, testarum ostrearum, vel mitularum ustarum an. partus æq. Fricacum pulvere gingivas. Saniem etiam exugere oportet.

Si excreset caro gingivarum, forcipe aufer, & inunge unguento ægyptiaco, vel alumine usto cum melle rosaceo mixto, vel coërceto oleo vitrioli.

Vehementi gingivarum putredini Wierus talem dat aquam: ℞. arsenici sublimati ʒ ii. aluminis usti ʒ ii ss. Pulverisentur, & in aq. plantag. lib. i. bulliant ad horam in vase duplici. Postea spongiola madefacta ad gingivas apponatur. Cautè autem hac aqua est utendum propter arsenicum.

## IV. TVMORVM durorum.

**S**olent etiam tumores duri accidere Sin scorbuto. Iis sic obviamit Wierus : facit cataplasma ex lacte : incoquit rad. consolidæ majoris , Absynth. Chelidon. minus & majus , radices Bryoniæ , medullam panis , farinam fabarum vel hordeaceam aut lupinorum pro partis affectæ constitutione & calore.

## V. DOLORIS.

**E** Go usu artis , Dei beneficio , & cum magna laude observavi dolores ingentes in cruribus antecedere scorbutum , & tandem subsequi primum maculas & gingivarum putredinem. Dolor circa talos , juncturas , tibias & in plantis pedum est eximius cum calore manifesto. Dolor est pungitivus , ut ego opinor propter flatus partim acres , partim crassos. Nam cum materia scorbuti sit humor melancholicus putridus , perinde ut in febris quartana dolorem in dorso , concitat juxta spi-

spīnam : sic hīc intra carnem & cutim propter latitantem isthīc materiam sese prodit , tunc scilicet , cum resoluitur in flatus. Cum enim materia melancholica flatulenta sit : hīc etiam flatus generat, Sed cum sit putrida , & cum bile permixta : ideo mordicat , urit , & ratione tenuitatis q. penetrare & permeare particulas sentitur, das es gar darinnen schuss und sticht.

Quando hujusmodi dolor deprehenditur diuturnus , qui nullis medicamentis cedit ; à pinguibus & oleosis exacerbatur : tum certissimum est indicium scorbuti , præsertim si noctu magis exacerbatur. Notandum tamen dolorem istum non in juncturis , sed intra carnem & cutem tam circa juncturas , quàm reliquas partes pedum & corporis sentiri. Didici hoc ex observatione similium dolorum , qui in quavis corporis parte præter faciem sæpe per triduum ægrotantibus molesti sunt , non aliter ac si digitis comprimantur, Post triduum apparent vestigia sugillatorum vel violacea vel nigra & subviridia , vel ex livore flava : ideoque appellare solent noctur-

nocturnam præhensionem, den nachgegriff.  
Ego mallem fugillationem propter  
vestigia digitorum, quibus quasi fu-  
gillati & præhensisse videntur. Sæ-  
pe enim quatuor, sæpe 5. digitorum  
per longitudinem ventris, femoris aut  
brachiorum ductorum vestigia appa-  
rent.

Colore sunt pro conditione ægrotan-  
tis vel sanguinei, vel melancholici aut  
biliosi rubeo, citrino, aut viridi, aut fu-  
sco, aut violaceo.

Dum morbus hoc modo invadens  
augetur, intolerabiles cruciatus in fe-  
moribus, cruribus, circa talos & in  
plantis pedum fiunt, qui non prius desi-  
nunt, quam maculæ, quæ sæpe dimidium  
femur occupant, maxima autem ex  
parte amplitudinem unius manus æ-  
quant, prorumpant. Atque tum cessat  
dolor.

Hic in curatione notandum, dolo-  
rem mitigandum esse anodynis & re-  
solyentibus per sudorem. Qua in re  
ego usus sum fomentatione ex doco-  
do malvæ, althææ, fol. borag. fuma-  
riæ, abrotani, pulegii, rutæ, hyssopi,  
florum malvæ majoris, scordii, pule-  
gii, salviæ, rorismarini, nasturtii aqua-  
tiei

tici, fol., lauri, baccarum juniperi & floribus Chamameli. Jussi hujusmodi herbas incoquere aq. & vapore calidis. hujus decocti sudorem in partibus dictis ciere, & res Dei beneficio cum magna laude & q. miraculo mihi (Christo sit laus) successit. Nam sic non solum mirigatus est dolor, sed etiam maculae discussae & resoluta materia citius prodierunt. Tam salubris fuit usus hujus vaporarii, ut in ipso actu caliditatis (quamvis urinæ essent summè ruffæ & obscuræ) dolor mitigaretur. Verum à vapore coeperunt nonnumquam recrudescere dolores, quod partes frigidae & crassæ non exquisitè essent resolutæ: ideoq; post vaporem refrigeratæ coeperunt malum denuo exacerbare. Et quia propter partes calidas & biliosas simul etiam propter calorem ex vapore introductum crura & membra vapore excalesacta caliditatis dolorem & punctionis sensum percipiebant, coactus fui ad utramq; causam curationem convertere. Atqui cum primum inciperem unguentis, oleis & pinguibus loca dolentia, antequam prodirent maculae, fovere, dolorem auxi. Idcirco didici pingui-

bus



bus dolorem, priusquam maculae perfectè prorumperent, exasperari. Feci igitur cataplasma ex modò commemoratis herbis, & rectè successit. Jussi etiam particulas dolentes spongia in decocto vaporarii madefacta fovere, nec successu defraudatus sum. Verùm cum nulla pax stabilis foret, cœpi tandem ex cremore lactis (vom Quark) floribus Chamæmeli, herbis nasturtii aquat. & bacis juniperi in lacte decoctis cataplasma facere, & calidum imponere, & Dei beneficio visus sum mihi panacæam mitigantem omnium dolorem invenisse. Ita enim dolores mitigabantur, ut quieti esse & dormire vicissim possent. Hoc etiam notandum, quod in plantis pedum & extremitatibus digitorum pedum sæpe oriatur dolor non absimilis erysipelati, excepto eo, quod non tingatur rubore. Hic nullis medicamentis facilè cedit. Hoc tamen resolvente sensibilibiter mitigatus est: ℞. florū sambuci M. ii. coq. ex vino, & additis saponis ʒ ii. f. q. lixivium, quo pannus imbutus & applicatus dolorem potenter mitigavit.

# VI. CONTRAC- tionis membrorum

**S**I nervi & ligamenta rigida & ad-  
motum inepta facta fuerint ex im-  
bibita materiæ crassæ copia, fover  
Wierus & inungit anserino anatinove  
adipe, vel pinguedine taxi. Faciunt  
alii hoc unguentum, quo inungunt  
partes ad ignem, & postea superpo-  
nunt sequeus cataplasma: ℞. rad. enulæ  
contusarum ℥ii. lumbricorum terre-  
strium ℥i℥. coq. in vino malvatica ad for-  
mam pultis, è quo exprimatur succus:  
Cui adde ol. liliorum, costini, an. ℥i. hy-  
perici ℥℥. unguenti de bdellio ℥iii. Te-  
rebinth. cum aq. enulæ lotæ ℥ii. Bulli-  
ant sufficienter, adjectis in fine ceræ no-  
væ ℥ii. F. linimentum molle. Cata-  
plasma tale est: ℞. rad. althææ. lil. alb.  
hermodactyl. ad ℥℥. caricarum pinguium  
numero vii. meliloti, charmem. parie-  
tariæ an. M. i℥. fol. althææ M. i. rosarum  
rub. ℥iii. vermium terrest. præpar. ℥i℥.  
farinæ tritici purgatæ à surfuribus ℥ii.  
hordei ℥i℥. orobi, lentium, fabarum  
an. ℥℥. Medullæ panis triticei ℥i. Te-  
renda terantur, & aquæ incoquantur  
ad pulvis speciem; cui deinde adde o-  
lei

lei lil. alb. Cham, anethini, rosatian. ʒ i.  
 Cassiæ rec. tractæ ʒ ʒ. Medullæ bubulæ  
 ʒ ii. adipis gallinacei ʒ iiss. suilli ʒ ʒ. boli  
 armenia ʒ i. croci orientalis ʒ ʒ. omnibus  
 diligenter mixtis, f. cataplasma.

## VII ULCERUM tibiarum.

**S**Itibiæ exulcerentur, ea quæ ulceri-  
 bus conveniunt, usurpabis.

Abstergendis autem & mundifican-  
 dis ulceribus parabis tale linimentum :  
 ℞. succi cochlear, apii, absinthii, mellis  
 an. q. s. coq. ad justam consistentiam. Si  
 putredo magna adfuerit, admisce aliquid  
 pul. aristolochiæ rotundæ, vel aluminis  
 usti, vel præcipitati. Consolidationi  
 idoneum est emplastrum Diachalciteos.  
 Item emplastrum de minio, unguentum  
 de Thutia.

## N. N. SCORBUTICUS.

**N**. N. V. I. D. omnium membro-  
 rum lassitudinem sentiens, uri-  
 namque mingens tenuem ex rufio co-  
 lore obscure fuscantem cum circulo  
 ferè plumbeo, & de dentium dolore  
 conquerens accersivit Medicum, qui  
 ex urinis simpliciter vaticinium Pro-  
 phe-

pheticum ferens de magno calore in visceribus latitante declamitare incipiens curationem per medicamenta refrigerantia, ut in febrtium sanatione moris est, instituit. Gargarisimum etiam ex attinuantibus, solventibus, exsiccantibus, & gingivas confirman- tibus & catarrhi affluxum inhibenti- bus subinde præscripsit. Verum per quinque hebdomadas post multarum potionum & reiteratarum purgatio- num usum id obtinuit, ut malum non modò non mitisceret, sed potius ma- gis magisq; augetur. Accersitus ego ex urinis de scorbutò suspicari cœpi, præsertim cùm nullus calor febrilis manifestus deprehenderetur, gingivæ etiam livescere, & proinde dentes va- cillare inciperent. Medicus iste et si- clam me sugillare, & calorem internum accusare, curationem ad frigidum in- stituendam esse non desisteret affirma- re: coactus est tamen intra quatrduum cum summo rubore coram adstantib. omnibus meam sententiam nolens vo- lens approbare. Nam cum uxorem æ- grotantis rogarem, an etiam maculæ in cruribus, tibiis, dorso, brachiis vel femoribus apparerent: forte factum est



est, ut cum ex præscripto Medici illius cucurbitulæ pro catarrhi ad dentes diversione scapulis admoventur: morsuum pulicum vestigia per dorsum apparuerint. Sequenti verò die, cum diligentius omnia scrutaremur, & maculæ violacæ integram manum latæ prodirent, gingivæ foetere & putredine corrumpi inceperunt: accersitus est me consulente etiam barbitonsor, ut oris curam haberet, qui nobis absentibus palam Scorbutum esse affirmavit. Curationem igitur invito Collega aggressi per medicamenta, leniter humorem melancholicum purgantia cum bile exhibuimus: qualis est subsequens portio.

℞. rad. polypod. asparagi. Borag. cort. Tamarisci, fraxini, capparum ana ʒ i. sem. dauci, aquilegiæ an. ʒ ss. melonum ʒ i. Herbarum fumariz, Iupuli, ceterach an. p. iß. veronicæ, cardui benedicti an. p. i. herbarum Cichorii, Endivizæ an. p. iß. fol. senæ ʒ vi. epithymi ʒ iß. coq. pro ʒ iiijß. quibus ebulliant confect. Hamech. ʒ ii.

In colatura dissolve mannæ ʒ v. Misce. f. haustus reiterandus bis. Quamvis autem similes portiones ex Rhabarb.



& fol. senæ & agaritio exhibebantur: tamen nulla felix sese ostendebat operatio. Post hanc potionem quæ octies operata fuerat, exhibui succum nasturtii aquat. cum lacte caprino bis de die ad  $\text{z}$  vi. Sudare iussi & cœperunt maculæ quam plurimæ prodire longæ & latę, universum femur à posteriori parte occupantes: quæ priusquam prodirent, maximum dolore in moverunt in femore. Tertio die vel quarto post maculæ apparuerunt, atque tum sedatus est dolor, quem vaporibus factis tanquam infallibili thelæterio demulsi. Fiebat autem vapor ex herbis malvæ, althææ, floribus chamæmeli, meliloti, borag. buglossæ, fumariæ an. M. i. nasturtii aquat. rorismar. pulegii, organi, baccis juniperi, fol. lauri (posset etiam addi abrotani) an. M. i. Statim atque vapore hoc usus est, dolor etiam cœpit mitigari.

Post triduum iterum cœpit exasperari, ideoq; admovi cremorem lactis, pulverem florem chamæmeli, herbarum absinthij an. M. ss. Incoxi lacti, & forma cataplasmatidis admovi juncturis & cruribus, & cessaverunt etiam isti dolores:

Cum sic ad dies XII. pergerem tandem coeperunt signa coctionis sese ostendere in urinis, color ex ruffo, fuscus vicissim ad flaviusculum mutari cum eneoremate albescente.

Accidit hic aliquando etiam error, qui dolorem in crure sinistro vehementer exasperabat. Nam cum juberem femur sinistrum inungere butyro recente, in quo grana juniperi & vinum bullissent, causa discussionis materiae violaceas maculas producentis: barbiton for etiam crura & partes dolentes, in quibus maculae nondum perfecte prodierant, inunxit: ideoque secutus est dolor tantus, quantus cum antea non affligerat. Hinc ad vaporarium redire, & cataplasmate uti jussi, & statim cessavit dolor. Manifestum est igitur in scorbuti curatione antequam maculae prodierunt pingua & oleosa vitanda esse, quod dolorem augeant.

FINIS.


DE  
SCORBUTO  
PROPOSITIONES,

De quibus disputatum est publicè  
ROSTOCHII

Sub Viro Clarissimo

HENRICO BRUCÆO

Philosophiæ & Medicinæ  
Doctore & Professore.



HAGÆ-COMITIS

---

Apud ADRIANVM VLACQ.

M. DC. LVIII.

1541  
1542  
1543  
1544  
1545  
1546  
1547  
1548  
1549  
1550  
1551  
1552  
1553  
1554  
1555  
1556  
1557  
1558  
1559  
1560  
1561  
1562  
1563  
1564  
1565  
1566  
1567  
1568  
1569  
1570  
1571  
1572  
1573  
1574  
1575  
1576  
1577  
1578  
1579  
1580  
1581  
1582  
1583  
1584  
1585  
1586  
1587  
1588  
1589  
1590  
1591  
1592  
1593  
1594  
1595  
1596  
1597  
1598  
1599  
1600

tu  
spe  
cu  
no  
ut  
no  
ra  
ne  
ho  
ne  
fe  
ce  
me  
fed  
Dia  
teri



## Thesis I.

**M** Orborum alii sporades vel sporadici, hoc est, sparsi; alii κοινὸι vel πάγκοινοι, id est, communes dicuntur.

2. Sunt sporadici Morbi varii, qui sparsim privatimq; invadunt, ex propria cujusq; vitæ ratione plerumq; nati, non ex communi aliqua causa orti, ut cum hic pleuritide, ille pthisi, alius nephritide, aut alio morbi genere laborat.

3. Πάγκοινοι verò sunt ejusdem generis Morbi, qui eodem tempore plures homines invadunt, natura & vitæ genere differentes, Horum alii ἐνδήμιοι seu ἐπιχώριοι: alii πανδημιοι simplices: alii ἐπιδημιοι dicti sunt. Simples πανδημιοι ex cibi potisvè aut loci vitio, sed quod non sit perpetuum oriuntur, ut Diarthææ, Febres, Anginæ, Dysenteria, & alii plurimi morbi, quos aquarum,



54 HENRICVS BRVCÆVS.

rum, frugum vita nec non ciborum cacochymicorum usus potissimum inferunt.

4. Epidemii sunt, qui in una regione aut pluribus insolentes, multos eodem tempore adoriuntur, ex aëris potissimum vitio, nec eo vernaculo, verum adscititio, ducentes originem. Ex his perniciosissimi, qui plurimos è medio tollunt, λοιμώδεις, hoc est, pestilentes appellantur.

5. Ενδημιοι, quos patrios dixeris, morbi sunt certis regionibus perpetuo & quavis anni tempestate infesti, qui ex proprio regionis situ, aere, aqua, alimentis ortum ducunt, Ægyptiis Elephantiasis, Pthisis Lusitanis, βρογχικήλη Alpinis.

6. In Endemiorum genere Scorbutus, de quo nunc agimus, numerandus est, maris Balthici, Finnici & Bochnici sinus accolis, iisque qui Germanico Oceano adjacent, Saxonibus, Phrysiis Battavis totiq; Scaniæ sive Scandinaviæ, quæ Danos, Nortwegos, Suecos complectitur, familiaris.

7. Adfert Scorbutus corporis gravitatem, difficilem respirationem, suræ tendinūq; qui in calcaneum & popli-

tem

tem feruntur, tensionem, quam in motu dolor gravissimus ut plurimum comitatur. In multis crura quasi divelli videntur, unde sceletyrbes appellatio orta est. Pluribus gingivæ laxæ & levi confictu sanguinolentæ apparent; non paucis eroduntur & computrescunt laxanturq; dentium compagines, dentesq; vacillant. Multis sinistrum hypochondrium, aliis dextrum, nonnullis utrūq; dolore afficitur cum gravitate. Sunt quibus ingravescente adfectione venter intumescit & doloribus tentatur, & appetitus planè proternitur. Est ubi crura femoraq; veluti resoluta apparent, servato tamen sensu, in pueris præsertim & quibus mollis est corporis habitus. Maculæ verò & lituræ apparentes in crure in plerisque corporis partibus, imprimis verò in cruribus, lividæ, nigræ, puniceæ, flavæ, nonnunquam subvirides certissimæ scorbuti notæ habentur.

8. Scorbuti autem appellatio vel à Saxonum *Echorbuck*/ quod ventristor-  
 mnia, aut Danorum *Echorbeck*/ quod  
 oris depravationem indicat, indita  
 est. Plinius lib. 25, cap. 3. ab oris  
 affectione

affectione Stomacacen nominat, ut Sceletyrben alii à crurum dolorifico affectu, in quo partes quasi distrahi sentiuntur.

9. Cum autem color in cute apparens, humoris peccantis sit index, isque non unius semper generis conspiciatur, non unum fuerit cacochymiae in Scorbuto genus, sed varium & multiplex.

10. Hæc cacochymia, quæ Scorbutum profert, cum Scorbutus quovis tempore, cujusvis ætatis & sexus homines invadat, ad communes causas, aërem, aquam, loci situm, ejusdemq; generis cibis & potus, quibus quam plurimi utuntur, referenda erit: Hinc nonnulli abortu contrahunt, ex matre Scorbuto laborante geniti, quod ex sanguine cacochymo in utero materno nutriantur. Et multæ hanc ob causam fœtus mortuos edidere, aliquæ verò abortierunt. Potissimum verò ad aquas & cibos potumq; referri debet, quæ cacochymiam magna ex parte pariunt. Aër enim humidus situque obsitus, loci situs & ignavum otium, coadjuvantes fuerint causæ, quatenus

tenus calorem nativum languidiorem reddant, & ob id concoctiones & nutritiones, excrementorumque secretion- nes fiant deteriores, quam ob causam mulieres magis sunt obnoxia quam viri, & inter viros minus ij, qui corporis exercitio utuntur. Hinc rustici minus, quam urbani scorbuto laborant: & qui diu decubuerunt, facile in Scorbuto incidunt.

11. Est eorum, qui hoc morbo tentantur, victus ratio crassa, carnibus piscibusque constans, fumo, Sole vel frigore exiccatis, aut sale multo conditis, quæ sæpenumero vetustate rancida, mucidavè, aut ob malam conservationem alio vitio affecta sunt. Cerevisia crassa ex aquis crudis & stagnantibus decocta, quæ gravis sunt odoris & saporis ingrati, præsertim æstate non sine putredinis nota, in quibus & alimenta decoquuntur & juscula parantur.

12. Hujus generis alimenta & aquæ initio non imbecillitate virtutis concoctricis aut Epatis aliorumvè viscerum

viscerum malo (quanquam hæc coniungi nihil vetat) sed suo vitio in tales succos convertuntur, qui ob diversitatem alimentorum & naturarum varietatem non simplex cacochymia genus producant.

13. In plerisque; tamen succus Melancholico similis colore abundat, quod crassa sint alimenta, ex quibus ater humor commodissime gigni queat, qui ob copiam humidi (sunt enim septentrionales populi bibuli & edaces) humorem frigidum humidumque asciscit, laxoque tumore partes afficit. Ob alimenta autem variis modis corrupta aut parata, aut aliorum ciborum permutationem & naturarum diversitatem, præsertim verò hepatis temperamentum, contingit huic humori bilem flavam, nonnunquam viridem, aut sanguinem vitiosum, aut pituitosam materiam permisceri.

14. Ex hoc vitioso alimento Pulmo, Epar, Lien, Ventriculus, venæ Mesaraicæ vitium concipiunt, coacervato in hypochondriis humore. In primis autem Epar, dum pravum alimentum in sanguinem vertere laborat (Agens enim omne in agendo repatitur) & angustis  
 ipsius



ipsius venis diutius hæret, vitium contrahere par est.

15. Hic humor in venis mesaraicis contentus, dum uritur aut etiam putrescit, cum Scorbuto Melancholicam hypochondriacam, quæ in hoc Balthico littore frequentissima est, inducit. Ea manifesta signa de se edit, latente sæpe scorbuto) maculæ enim illæ, quarum supra meminimus, quæ sunt Scorbuti certissima signa, sæpenumero latent.

16. Porro humor ex pravis alimentis natus, in habitum corporis vi secretrice pellitur. cutem coloribus qui talem cacochymiam sequuntur, inficit, cumque crassus gravisque sit, in imas corporis partes, tibiae pedesque potissimum decumbit. Et si copia major affluit, in alias quoque partes spargitur, ut in genas oculosque nonnunquam derivetur, in hominibus præsertim biliosis & ætate florentibus, bilioso humore ut existimo, dilutus. Qui si ex prima generatione aut ex putredine acrior evasit, gingivas erodit, putrefacitque, & dentes putrefactis relaxatisque gingivis, laxat, ulceraq; licet rarò, in tibiis generat.

17. Vitiosus autem succus ex pravo alimento in Epate genitus & à Liene attractus, successu temporis Hepar Lienemque inquinat vitioso succo Viscerum substantia perfusa, & similem sui affectionem imprimit, ad putrefactionem Viscera disponens aut etiam putrefaciens, ut alimenta etiam bona à Visceribus corrumpantur, vitiosumque sanguinem Scorbuti genitorem producant, non secus quam in vasis minimè sinceris vitium contrahere humorem in his reconditum animadvertimus. Ob quam viscerum affectionem, ut malum semel vires cœpit, vix radicitus evelli potest: Semina enim quædam reliquuntur, quæ scorbutum singulis annis aut pluribus interlabentibus pro pravi victus ratione, aut mali magnitudine, in Visceribus relicta, renovant.

18. Neque arbitrandum est ex Lienis obstructione aut magnitudine, aut scirrho omnem Scorbutum nasci, cum multi laborent nullo dolore, nulla gravitate aut tumore in sinistro hypochondrio subsistente; verum humor hic ex vitiosis genitus alimentis Lienis morbos (si quando cum Scorbuto

buto conjungantur) afferre solet: qui cum crassus aterq; sit, nihil mirum Lienem aliquando obstrui, aut in tumorem attolli, aut scirrhum contrahere.

19. Describamus itaque hunc in modum Scorbutum, quod morbus sit Endemius, Scandinaviæ iisque regionibus, quæ mari Germanico, & Balthico Finnicoq; sinibus adjacent, familiaris, ortus ex Cacochymia, quæ cutem maculis nigris, flavis, viridibus, puniceis inficit, gingivas relaxat, erodit, putrefacit, tibiæ tumorem ut plurimum œdematosum inducit, in quo dictæ maculæ conspiciuntur, & tendinum suræ poplitisq; tensio deprehenditur, quam aquæ & cibi potissimum produxerunt, quæ hepar lienemvè in primis contaminant cum utriusq; Visceris, & sæpius lienis obstructione, tumore, rarius scirrhus.

20. Ex hac cacochymia symptomatum omnium causæ peti possunt. Corporis gravitas humoris vires animales prementis est index, macularum in cute apparentium Cacochymia in cutem propulsa autor est. Idem in suræ musculos & tendinem tam  
muscu.

mulculorum suræ, quam eorum, qui tibiam movent, dilapsus, tensionem, quam sequitur motus difficultas & in motu dolor, profert. In Gingivas, ubi profluxit, eas laxat, hinc dentes vacillant, quod si acrior evasit, eas erodit & putrescens corrumpit, & ob putredinem contagio gingivas afficit. Ubi materia repit in pedes, gingivæ non rarò liberæ sunt: Et gingivis laborantibus minus afficiuntur tibiæ; sæpè tamen tam gingivas, quam tibiæ infestat. Crassities cum accedit, calor exiccans scirrhum efficit. Obstructionem Viscerum & venarum mesaraicarum atrophia comitatur, quæ tamen & sanguinis vitio ob cacochymiam incidere potest. Difficultas Respirationis à materia pulmonem obsidente oritur, quæ si putrescat Peripneumoniam adfert.

21. Coniunguntur Scorbuto nonnunquam aliæ affectiones non leves, Hydrops, Atrophia, copiosus alvi fluxus, isq; ut plurimum biliosus. Febris lenta continua, aliquando Tertianâ intermittens. Putrescentem Scorbuti materiam, præsertim circa Viscera, Febris sequitur, in hac, Hepate inflam-  
mato,

mato, Bilis copia generatur, quam alvi fluxus sequitur. Et Epar dum biliofa atravè aut alia colluvie scatet, ab eaq; naturalis calor labefactatur, ut utilis sanguis nutritioni commodus minimè gignatur, atrophiam parere potest. Cum idem viscus obruitur vitiosa materia & inprimis pituitosa Melancholicaq;, à qua Hepar refrigeratur, natus calor premitur, hydrops nascitur.

22. Victus ratio sit boni succi: panis triticeus benè coctus, & qui fermentum accipit. Cremor ptisanæ saccharo dulcoratus. Ipsa quoq; ptisana, cui aliquid hyssopi aut anethi incoxerit. Juscula pullorum, gallorum gallinaceorum, columbarum, carnis bubulæ, cui aliquid hyssopi, satireiæ, thymi, agrioraphani aut ejusdem facultatis herbæ incoctæ sint, præsertim ubi maculæ nigræ in tibiis & œdematosa crura apparent. Ubi enim subflavæ, rubræ, subvirides conspiciuntur, minus calefaicentibus & mellicis utendum: id enim animadversum est, facile iis dulcia in bilem converti: Nam & hisce plerumque Febris adest, nonnun-

*Curatio.*



nunquam difficili Peripneumonia laborant.

Carnibus vescuntur volatiliū (exceptis palustribus) agninis, vitulinis benè nutritis, qui ætatem habeant, juvencorum, vervecum, avicularum, columbarum, pullorum, perdicum, leporum. Salsa, fumo exiccata, crassa, viscida, rancida, dura, difficilis concoctionis, vetustate exucca, malè cocta omnia vitentur, quibus enumerandis hoc loco brevitatē gratia superse-  
demus. Primas verò partes lactis caprini usus sibi vendicat; Est enim lac boni succi & facile à natura vincitur, ut multi longo ejus solius usu cū Becabungam incoxissent, aut nasturtium aquaticum, aut cochleariam, fuerint restituti. Confert autem in primis iis, qui atrophia laborant, neq; ullam evacuationem ferunt, quod facile exolvantur. Bellaria sint uvæ passæ, amygdala, pistacia; si acetariis delectentur, consent nasturtio, acetosa, floribus Boraginis. Condimentorum loco usurpetur sinapi, cappares, acetum, cui aliquid pipēris vel zinziberis sit permixtum, aut agrioraphanus contusus. Potus sit vinum Rhe-  
nanum

nanum maturum absynthites . si eo delectentur , aut cerevisia clara benè à fecibus repurgata , quæque absinthium sapiat , qua & vino absinthite potissimum utimur in ventriculi prostratione . Et hæc fuerit Victus ratio .

23. Venæ autem sectio instituetur in corporibus , in quibus venæ multo humore turgent , non tamen copiosa , sed quæ vires onere pressas subleuet . Ante venæ sectionem Diacatholici ʒviij. exhibeantur , aut Electuarii lentivi ʒj. quæ intestina fecibus liberent & è primis venis aliquid subducant , quibus utendum quoq; est quamvis venæ sectio non instituatur . Tum his , quæ crassa attenuent , viscida incidant , lenta abstergant , utendum : Inter plurima verò , quæ his viribus prædita sunt , hæc potissimum , quæ commemorabuntur , in hoc morbigeneri præstare , usus & experientia comprobant : Sume cochleariæ , becabungæ , nasturtii aquatici , fumi terræ an. partes æquales , radicum agriographani ʒ i ʒ. hæc omnia contundito in mortario ligneo vel lapideo

e vel

vel ferreo & ejus generis pistillo, tantumq; lactis caprini offundito, ut omniacum lacte benè permisceantur. Hæc horis duodecim macerato, tum in vase duplici horæ semisse bulliant, alioqui sufficeret horæ quadrante coxisse, deinde colato & fortiter exprimito. Hujus liquoris cum lacte expressi ℥ v. vel vi. exhibeto summo mane & vesperi hora quarta vel quinta.

24. Quod si ventriculo sunt imbecilliore & appetitus planè sit prostratus, addenda absinthii coma aut mentha crispæ. Sic aliquos novi absinthii & Symsimbrii cardamines seu nasturtii aquatici succis, quos bis de die hauriebant, fuisse restitutos. Rursus si calidioris sit naturæ æger, si Febris adjuncta, rectè adjicitur acetosa, fumus terræ. Ubi respiratio difficilior, Pulmone ab hac materia obfesso, radices helenij addantur cum hyssopo.

25. Ipsa cochlearia hujus morbi censetur alexipharmacum; sumitur succi expressi & lactis caprini par quantitas, aut lactis, minor portio, bis de die hauriuntur ℥ v. vel vi. succorum quoque cochleariæ, fumi terræ, nasturtij aquatici, becabungæ exhibito ad ℥ xv. pluri-

plurimum confert, si manè & vesperi hauriantur, Rectè autem aliquo aromate, utpote zinzibere, vel cinamomo, aut nuce muscata condiuntur, adjecto, si ægro videatur, saccaro.

26. Illud autem animadvertendum in frigidioribus naturis, in quibus œdematosum corpus aut nigris maculis fœdatum conspicitur, rectius ejus generis succos cum vino expressos & saccharo dulcoratos cum paucio cinamomo assumi: Aut herbarum commemoratarum singulos manipulos contusos cum zinziberis ℥iij. in vini Rhenani ℔ iij. in vase duplici decoquito vase benè obturato. Rectè singulis libris decocti ℥j. croci additur. Sunt qui vino Rhenano, in quo Raphanus in orbiculos concisus aut contusus fuerit maceratus, usi, multum se levare sentiant.

27. Hic quoque pulvis plurimis in hac affectione fuit salutaris, qui recipit cubearum, macis, granorum paradisi ana ℥℔. Seminis Sinapis albi ℥iv. croci orientalis ℥ij. Datur ℥j. manè & vesperi in lactis caprini ℥iij.

28. Hoc quoq; saluti pluribus fuit, quod recipit gentianæ ℥ij. calami

68 HENRICVS BRVCÆVS.

aromatici, piperis, zinziberis 3ß. myrrhæ rub. 3ß. croci gr. 15. Datur 3j. ingredienti laconicum & tantundem egressuro cum hoc liquore: fumitur becabungæ, sisymbrij cardamines, fumi terræ, acetosæ ana M. j. contundantur in mortario lapideo pistillo ligneo vel ferreo, & cum vini boni Rhenani lib. 1. exprimitur succus, cum hujus expressi succi 3iij. diluitur pulveris 3j & hauritur modo jam dicto.

29. Porro dum medicatis potionibus utimur, utile fuerit, Laconico sudores quotidie movere: Alij candentis ferri crudi vel excocti calore quod cupæ imponitur & vino aspergitur, sudores cient. Alij becabungam, sisymbrium, artemisiam, absinthium, levisticum, camomillam, in aqua decoquunt, cacabum cum herbis calentibus cupæ imponunt, ut ejus vapore sudores moveant: agitant ex intervallo & lapides ignitos injiciunt, ut diutius calor conservetur: Et quo sudores rectius promoveantur, aliquid prædictarum potio-



tionum medicatarum in ipso laconico præbent.

30. Interim dum his medicatis portionibus utimur, ut alvus laxa sit laborabis: lenibus medicamentis movebis, ut folijs Senæ Alexandrinæ ℥iij. maceratis in sero lactis aut in herbarum prædictorum expresso cum lacte succo, cum cinamomi ʒj. Aut Rhabarbari ʒj. vel ℥iij. vel aloës ℥ij. aut tribus, five pilulis pestilentialibus. Iisdem medicamentis utendum ad purgationem; fortioribus enim facile exolvuntur: aut istius pulveris cum lacte caprino dato drachmam, qui recipit Croci orientalis, Agarici candidi & friabilis, Epithymi, foliorum Senæ ana ʒj. Aloës puræ ʒij. Rhabarbari electi ʒss. In robustioribus augere dosin licet, & pilulis de fumo terræ aut diasenæ electuario uti. Sunt qui præscripti pulveris quotidie cum lacte caprino drachmam exhibent, dum tota hæc compositio absumatur, eaq; ratione Scorbutum curant, servata victus ratione præscripta. Verum si quotidiano usu hujus medicamenti purgantis vires dejicerentur, alternis

tantum diebus assumet, aut plures intermittat. Id enim universale: Virium habendam esse rationem.

31. Cum autem Scorbuti materia videatur sæpenumero propelli in cutem, non meliore ratione, quam sudoribus discutitur. Medicamentis humor, qui circa viscera refidet, expurgabitur.

32. Hæc dum agimus partes corroborabimus tam intus assumtis quam extrinsecus admotis: Conserva florum absinthij ferviet Ventriculo: Quæ ex fumo terræ paratur Lieni. Radices cichorij conditæ, aut florum ejusdem conserva Epatis corroborationi ferviet. Omnibus admisceri poterit cochleariæ conditum. Trochisci quoq; saccharei specierum diarhodon Abbatis plurimum commendantur. Et si calor adfit Trochisci diatrion santalon: Radices helenij conditæ affecto Pulmone.

33. Extrinsecus inungatur Epar oleo absinthite, mastichino. Lien si afficiatur, oleo de capparibus aut nunguento splenico inungatur, quod recipit olei communis ℥iij medullæ crurum bovis ℥j. butyri recentis ℥℥, suc-

succi brionæ, succi cyclaminis ana ℥j. Bulliant ad lentum ignem ad consumptionem propè succi, & coletur : colaturæ adde Ceræ ʒviij. pulveris ceterach, corticum capparis, tamarisci, feminis agni casti ana ʒiij. misce pro unguento.

34. Ventriculus oleo macis aut de nuce Muschata : Nervi & tendines rigidi, unguento dialthæas, aut resumptivo, aut anserina pinguedine, vel medulla cervina, aut butyro insulto majali inunguntur. Subiguntur autem succo cochleariæ aut Syfimbrij cardamines, vel in duplici vase æquis partibus decoquuntur ad succi propè consumptionem. Fomentis quoque utimur in nervorum tendinumque tensionibus & doloribus. Decoquuntur ad fomentum radices althææ, malva, becabunga, absinthium, artemisia, baccæ juniperi, nasturtium aquaticum, cochlearia.

35. Gingivæ laxæ sanguinolentæ muria colymbadum tolluntur: aut eo quod recipit salviæ nobilis hyssopi M.j. Cochleariæ M.j. sempervivi majoris folia xv. ficus num: x. aluminis ʒß. mellis cochleare, quæ in aquæ fluentis

entis ℥iv. decoquantur ut relinquatur  
℥ ss. Hoc decocto colluitur os ter sin-  
gulis diebus & post ablutionem melle  
rosaceo, aut diamoro gingivæ illinun-  
tur. Iuprimis autem probantur quæ  
ex radice bistortæ parantur. De qui-  
bus & aliis modis vide Wierum,  
Hanc enim Britannicam esse arbitran-  
tur: sic dictam quod dentes tueatur, à  
nomine Germanico *Geytant*. Quod  
in gingivis computruit, aufertur, &  
quod reliquum est ægyptiaco aut alu-  
mide usto, quod melle rosaceo excipi-  
tur, absumentum.

39. Quod si in Gingivis ulcus sit  
serpens & depascens, fume aluminis  
usti & in vino rubro austero extincti  
ss. masticeis, thuris radiceis cyperiana  
℥iij. fiat pulvis, quo gingivæ perfricen-  
tur, aut melle rosato excipe, & gingi-  
vas illine. Vel bombacem aut linteo-  
lum circumvolutum bacillo, imbu-  
tum oleo chaleanthi sive vitrioli ad-  
move gingivis toties, donec exæquen-  
tur & albescant.

atur  
fin-  
elle  
un-  
uaz  
ui-  
n,  
an-  
r, à  
uod  
, &  
lu-  
pi-  
fit  
inis  
acti  
ana  
en-  
gi-  
co-  
bu-  
ad-  
en-



